



**АБДУЛЛА
ОРИПОВ**
таваллудининг
80 йиллиги кенг
нишонланади



Маҳаллада
**ЎТКИР
ХОШИМОВГА**
ёдгорлик
ўрнатилади



**БОТИР
ЗОКИРОВ**
номидаги
оркестр ташкил
этилади

2.

[f @mahalladoshuz](#)


[@mahalladosh_uz](#)

[www.mahalladosh.uz](#)

№45-46

(1975-1976) 2020 йил
3 — 10 декабрь

MAHALLA — ADOLAT TAROZISI



Mahalla

Ижтимоий-сиёсий, маънавий-маърифий газета



4-45.



**МАҲАЛЛАНИ «МАНАЛЛА»СИЗ ТАСАВВУР ЭТИШ ҚИЙИН...
ОБУНА БЎЛИШГА ШОШИЛИНГ!**

2021

ОБУНА
ИНДЕКСИ: 148

Абдулла Орипов таваллудининг 80 йиллиги кенг нишонланади



Президентимиз Шавкат Мирзиёевнинг 2020 йил 2 декабрь куни «Ўзбекистон Қаҳрамони ва халқ шоири Абдулла Орипов таваллудининг 80 йиллигини кенг нишонлаш тўғрисида»ги қарори қабул қилинди.

Хужжатга кўра, ўзбек адабиёти ва маданияти ривожига улкан ҳисса қўшган атоқли шоир, таниқли жамоат арбоби, Ўзбекистон Республикаси давлат мадҳияси муаллифи, Ўзбекистон Қаҳрамони Абдулла Ориповнинг бетакрор ижодий мероси, унинг Ватанга муҳаббат, вафо ва садоқат туйғусини, олижаноб инсоний фазилатларни мадҳ этган етук бадиий асарлари, сермазмун ҳаёти ва ижтимоий фаолиятининг халқимиз маънавиятини юксалтириш, ёш авлод тарбиясидаги бекиёс ўрни ва аҳамиятини инобатга олиб, шоир таваллудининг 80 йиллиги муносиб нишонланади ва хотираси абадийлаштирилади.

2021 йил март ойининг учинчи ўн кунлигида Ўзбекистон Халқаро анжуманлар саройида Абдулла Орипов хотирасига бағишланган тантанали адабий-бадиий хотира кечаси ўтказилади. Шунингдек, шоирнинг ўзбек тилидаги икки жилдлик «Танланган асарлар», қорақалпоқ, рус, инглиз ва бошқа тилларга таржима қилинган шеърий тўпламлари, шунингдек, «Абдулла Орипов – замондошлари хотирасида» китоби нашрга тайёрланиб, чоп этилади.

Алишер Навоий номидаги Тошкент давлат ўзбек тили ва адабиёти университетида «Абдулла Орипов

ижодий меросининг ўзбек ва жаҳон адабий-эстетик тафаккури тараққиётидаги ўрни» мавзусида халқаро илмий-назарий конференция ўтказилиб, анжуман материаллари алоҳида тўплам ҳолида чоп этилади.

Тошкент вилояти Қибрай тумани «Арғин» маҳалласидаги Абдулла Орипов яшаган хонадонда ёдгорлик лавҳаси ўрнатилиб, ҳаёти ва ижодий фаолияти ҳақида хужжатли фильм яратилади. Шунингдек, мамлакатимиз театрларида Абдулла Орипов асарлари асосида спектакллар саҳналаштирилиб, ўқувчилар ҳамда талабалар ўртасида Абдулла Орипов ҳаёти ва ижодига бағишланган «Мен нечун севаман Ўзбекистонни?» мавзусида иншолар танловлари ўтказилади.

Қарши шаҳридаги Абдулла Орипов номидаги ижод мактабида ижод мактаблари ўқувчилари ўртасида «Митти юлдуз жилolari» шеър-рият беллашуви ўтказилиб, таълим муассасалари, меҳнат жамоалари, маҳаллалар, ҳарбий қисмлар ҳамда Адиблар хиебонида таниқли ижодкорлар, олимлар, маданият ва санъат намоёндалари иштирокида Абдулла Орипов ижодига бағишланган учрашувлар, давра суҳбатлари, китобхонлик ва шеър-рият кечалари ташкил этилади.

Маҳаллада Ўткир Ҳошимовга ёдгорлик ўрнатилади



Давлатимиз раҳбари 2020 йил 2 декабрь куни «Ўзбекистон халқ ёзувчиси Ўткир Ҳошимов таваллудининг 80 йиллигини кенг нишонлаш тўғрисида»ги қарорни имзолади. Хужжатга кўра, атоқли адиб ва жамоат арбоби таваллудининг 80 йиллиги кенг нишонланади ва хотираси абадийлаштирилади.

Қарорга биноан, 2021 йил август ойининг биринчи ўн кунлигида Ўзбек Миллий академик драма театрида Ўткир Ҳошимов таваллудининг 80 йиллигига бағишланган адабий-бадиий хотира кечаси ўтказилади. Адибнинг ўзбек тилидаги «Танланган асарлар», қорақалпоқ, рус ва бошқа хорижий тилларга таржима қилинган асарлари, шунингдек, «Ўткир Ҳошимов – замондошлари хотирасида» китоби нашрга тайёрланиб, чоп этилади.


Мирзо Улуғбек номидаги Ўзбекистон Миллий университетида «Замонавий ўзбек адабиёти ривожига Ўткир Ҳошимов ижодининг ўрни ва аҳамияти» мавзусида илмий-амалий конференция ўтказилади. Тошкент шаҳри Чилонзор тумани «Дўмбиробод» маҳалласидаги адиб яшаган уйда ёдгорлик лавҳаси ўрна-

тилади. Ўткир Ҳошимовнинг асарлари асосида спектакллар саҳналаштирилиб, янги фильмлар яратилади.

Тошкент шаҳридаги кўчалардан бирига Ўткир Ҳошимов номи берилиб, республика ижод мактаблари ўқувчилари ўртасида «Ўткир Ҳошимов асарларининг билимдонлари» танлови ўтказилади. Шунингдек, мамлакатимиздаги умумий ўрта таълим муассасалари ўқувчилари ҳамда олий таълим муассасалари талабалари ўртасида адиб асарлари асосида иншолар танловлари ташкил этилади.

Таълим муассасалари, меҳнат жамоалари, маҳаллалар, ҳарбий қисмлар ҳамда Адиблар хиебонида Ўткир Ҳошимов ижодига бағишланган учрашувлар, давра суҳбатлари ҳамда китобхонлик кечалари ташкил этилади.

Ботир Зокиров номидаги оркестр ташкил этилади



Президентимизнинг 2020 йил 2 декабрь куни «Ўзбекистон халқ артисти Ботир Зокиров таваллудининг 85 йиллигини кенг нишонлаш тўғрисида»ги қарори қабул қилинди.

2021 йил декабрь ойининг биринчи ўн кунлигида Ўзбекистон Халқаро анжуманлар саройида Ботир Зокиров таваллудининг 85 йиллигига бағишланган хотира кечаси ўтказилади. Тошкент шаҳрида Ўзбекистон халқ артисти Ботир Зокиров номидаги миллий эстрада олий макта-

би ташкил этилиб, у ерда хонанда хотирасига бағишланган ёдгорлик мажмуаси ва музейи барпо этилади.

Бадиий академия томонидан Ботир Зокиров ҳайкалини яратиш бўйича танлов эълон қилинади ва Ботир Зокиров яшаган Тошкент шаҳри Шайхонтохур тумани

Навоий кўчаси, 3-уйга ёдгорлик лавҳаси ўрнатилади.

Ботир Зокиров таҳсил олган Ўзбекистон давлат консерваторияси жойлашган кўчага Ботир Зокиров номи берилади. Ўзбекистон давлат филармониясининг Миллий эстрада-симфоник оркестри билан Ботир Зокиров номидаги эстрада оркестри бирлаштирилиб, Ботир Зокиров номидаги миллий эстрада-симфоник оркестри ташкил этилади.

Ўзбекистон композиторлари ва бастакорлари уюшмаси ҳамда Ёзувчилар уюшмаси иштирокида «Ботир Зокиров – замондошлари хотирасида» номли китоб нашрга тайёрланиб, чоп этилади. Ботир

Зокиров ижодига мансуб тасвирий санъат намуналари ҳамда адабий асарлардан иборат китоб-альбом ўзбек, қорақалпоқ, рус ва инглиз тилларида нашр этилади. Ботир Зокиров номидаги замонавий эстрада кўшиқчилари танлови ўтказилади.

Ботир Зокировнинг ҳаёти ва ижодий фаолияти ҳақида янги хужжатли фильм яратилади. Ўзбекистон Миллий телерадиокомпанияси орқали Ботир Зокиров ва Зокировлар ижодий сулоласи ҳақида ҳикоя қилувчи хужжатли фильмлар намоиш этилади. Республика театрларида Ботир Зокиров ҳаёти ва фаолиятига бағишланган спектакллар саҳналаштирилади.

ЎЗА материаллари асосида тайёрланди.



Шавкат Мирзиёев Россия Федерацияси делегациясини қабул қилди.

АҲОЛИНИНГ ИЖТИМОЙИ МУАММОЛАРИ ТИЗИМЛИ ҲАЛ ҚИЛИНМОҚДА

Пойтахтимиздаги Миллий матбуот марказида Маҳалла ва оилани қўллаб-қувватлаш вазирлиги мутасаддилари иштирокида маҳаллаларда учраётган ижтимоий муаммолар, соҳанинг ҳуқуқий асослари ва бу борадаги режаларга бағишланган матбуот анжуманида бугунги кунда тизимда олиб борилаётган ишлар, мавжуд камчиликлар, соҳанинг ҳуқуқий асосларини янада такомиллаштириш бўйича кўрилатётган чоралар хусусида сўз юритилди.



— Президентимизнинг 2020 йил 18 февралдаги «Жамиятда ижтимоий-маънавий муҳитни соғломлаштириш, маҳалла институти янада қўллаб-қувватлаш ҳамда оила ва хотин-қизлар билан ишлаш тизимини янги даражага олиб чиқиш чора-тадбирлари тўғрисида»ги фармони соҳа ривожини янги босқичга олиб чиқди, — дейди **Маҳалла ва оилани қўллаб-қувватлаш вазирининг биринчи ўринбосари Гулнора Маъруфова**. — Жумладан, хотин-қизларнинг жамиятда тутган ўрнини янада ошириш, уларни ижтимоий қўллаб-қувватлаш самардорлигини ошириш йўналишида тегишли ишлар амалга оширилди. Хотин-қизларнинг бизнес ташаббусларини рағбатлантириш мақсадида улардан 11 минг нафарига банклар томонидан 1 трлн. сўмдан ортиқ кредитлар ажратилишига кўмаклашилгани шулар сирасидандир. Қолаверса, Хотин-қизлар ва оилани қўллаб-қувватлаш жамғармаси томонидан 3335 нафар хотин-қизнинг кичик бизнес лойиҳалари учун 70 млрд. 922 млн. сўм миқдорида маблағ ажратилди.

Аҳамиятли жиҳатлардан яна бири, Тадбиркорлик марказлари кўмағида 20696 нафар аёл тикувчилик, пазандачилик, тадбиркорлик кўникмалари каби йўналишлар бўйича ўқув курсларида ўқитилди. 26247 нафар хотин-қиз касбга ўқитиш марказларида касбга тайёрланди. 17448 нафари ҳунармандчилик, 12101 нафари касаначилик соҳаларига жалб этилди. Жорий йилнинг ўзига 1127 нафар хотин-қизга уй-жой сотиб

олиш учун Хотин-қизлар ва оилани қўллаб-қувватлаш жамғармаси ҳисобидан 19 млрд. 426 млн сўм миқдоридаги бошланғич бадаллар тўлаб берилди.

Маҳалла ва оилани қўллаб-қувватлаш тизими вакиллариининг саъй-ҳаракати билан шу йилнинг ўтган 11 ойи давомида ажралиш ёқасига келиб қолган 16818 та оила яраштирилди, 11725 та оиланинг никоҳи қонунийлаштирилди, оилавий ажралишлар сонини 3230 тага камайтиришга эришилди.

Бандлик ва меҳнат муносабатлари вазирлиги билан ҳамкорликда 797,1 минг нафар фуқаронинг бандлиги таъминланишига эришилди. Шунингдек, 508,2 минг нафар фуқаро жамоат ишларига жалб қилинган бўлса, 178,8 минг нафар кишининг ўзини ўзи банд қилиш орқали уларга вақтинчалик меҳнат гувоҳномалари расмийлаштиришга кўмаклашилди. Шунинг баробарида, оилавий тадбиркорликни ривожлантириш, бу борада аҳолига янада қулайлик яратиш мақсадида 90200 нафар фуқарога кредит олишга, 41230 нафарига субсидиялар ажратишга, аҳоли томорқаларидан самарали фойдаланиш учун 10741 нафар фуқарога кредит олишга, 34268 нафарига субсидиялар ажратишга ёрдам берилди.

Анжуманда маҳалла тизими томонидан амалга оширилаётган шу каби кенг қўламли ишларга тўхталиб ўтилиб, берилган саволларга атрофлича жавоб қайтарилди.

Тўлқин ШЕРНАЕВ.

Маҳалла ва оилани қўллаб-қувватлаш вазирлигида куз-қиш мавсумида юзага келиши мумкин бўлган фавқулодда вазиятларнинг олдини олиш ва ёнгин хавфсизлигини таъминлаш, маҳаллаларда ижтимоий-маиший муаммоларни аниқлаш, ҳуқуқбузарликлар профилактикаси ва жамоат хавфсизлигини таъминлаш соҳасида амалга оширилаётган ишларни ўрганиш якунлари масалаларига бағишлаб видеоселектор йиғилиши бўлиб ўтди.

Афсуски, ҳудудлардаги кўп қаватли ва якка тартибдаги уй-жойларни куз-қиш мавсумига тайёрлаш ҳамда хонадонларни иситишда табиий ва суюлтирилган газ, қаттиқ ёқилғидан фойдаланишда хавфсизликни таъминлаш қоидаларига риоя этмаслик натижасида кўнгилсиз ҳолатлар юзага келмоқда. Видеоселекторда ана шу масалалар билан бир қаторда, аҳолини кўмир билан таъминлаш борасида олиб борилаётган ишлар ҳам таҳлил қилинди. Унда фуқароларга кўмир маҳсулотини сотиб олиш бўйича маҳалла ходимларининг жойларда аҳоли ўртасида тушунтириш ишларини қай тартибда олиб бориш тўғрисида масъулларга керакли



ФАВҚУЛОДДА ВАЗИЯТЛАРНИНГ ОЛДИНИ ОЛИШДА МАҲАЛЛАНING ИШТИРОКИ ҚАНДАЙ?

тавсиялар берилди.

Фавқулодда вазиятлар вазирлиги Давлат ёнгин назоратини ташкил этиш бош бошқармаси бошлиғи Даврон Қамбаров келтириб ўтилган масалалар, шунингдек, маҳалла тизими ходимлари билан ҳамкорликда амалга оширилиши зарур бўлган муҳим вазифаларга ҳам тўхталиб ўтди.

Тадбир давомида жойларда аҳоли муаммоларини ҳал этишда «маҳалла – сектор – Халқ қабулхонаси – маҳалла» тизими, шунингдек, фуқаро мурожаатлари билан ишлаш бўйича олиб борилаётган ишлар борасида ҳам алоҳида фикр юритилди.

Таъкидланганидек, 2020 йилнинг 11 ойи давомида вазирликка жисмоний ва юридик шахслардан 170 минг 262 та мурожаат

келиб тушган. Уларнинг аксарияти Қашқадарё, Сурхондарё, Самарқанд, Тошкент, Андижон вилоятлари ва Тошкент шаҳри ҳудудларидан қилинган аҳоли мурожаатларидир. Вазирликнинг 11 46 ишонч телефони орқали жорий йилнинг 27 октябрдан бугунги кунга қадар 4731 та мурожаат келиб тушган.

Йиғилиш сўнггида аҳоли мурожаатларини ўз вақтида ўрганиш, уларда кўрсатилган масалаларнинг ижобий ечим топишида мутасадди вакиллар масъулиятини янада ошириш, шунингдек, йиғилишда келтириб ўтилган бошқа вазифалар ижроси бўйича масъул раҳбар ва ходимларга зарур топшириқ ва кўрсатмалар бериб ўтилди.

Фарҳод ЭШМЎМИНОВ.

МУРУВВАТ

«БИЗ – БИРГАМИЗ!»

Учтепа туманидаги «Диёробод» маҳалласида 3 декабрь – «Халқаро ногиронлар куни» муносабати билан «Биз – биргамиз!» шиори остида маънавий-маърифий тадбир ўтказилди.

Бундан кўзланган мақсад, ногиронлиги бўлган кишиларни бошқа соғлом фуқаролар билан тенг ҳуқуқли эканлиги, уларнинг манфаатлари, ҳуқуқлари инobatта олинганини кўрсатиш, қолаверса, эътибор, меҳр ва мурувватдан бебаҳра қолмасликларни, жамиятда улар ҳам ўз ўрнига эга эканини намойиш этишдир.

– Бугун туманимизда ногиронларнинг ҳуқуқ ва манфаатларини ҳимоялаш, уларга фан, таълим, маданият соҳасида кўмаклашиб келинмоқда, — дейди **Учтепа тумани ҳокими Фарҳод Абдуллаев**. — Туман ҳокимлиги билан бир қаторда «Қизил Ярим Ой» жамияти, «Ногиронлар жамияти», «Кўзи ожизлар жамияти», 199-сонли

умумтаълим мактаби фаолият юритмоқда. Айниқса, «Найман» маҳалласида кўзи ожизлар учун мўлжалланган кутубхона фаолият юритаётгани ногиронлиги бўлган инсонларнинг ҳам билим олиши, ўқиб, ўрганишига барча шароит борлигининг исботи. Ҳозирда ҳамкор ташкилотлар билан биргаликда 2927 нафар ногирон ва имконияти чекланган фуқароларга ёрдам кўрсатиб келмоқда.

Маънавий-маърифий тадбирда 200 га яқин ногиронлиги бўлган фуқаролар иштирок этди. Маҳалла ва оилани қўллаб-қувватлаш бўлими мута-



саддилари ҳамда ҳамкор ташкилотлар томонидан барча иштирокчиларга эсдалик совғалари топширилди. Шунингдек, «Энг меҳрибон ота», «Энг матонатли она», «Энг сабрли оила» номинациялари асосида ногиронларнинг қаровчиларига ҳам ташаккурномалар тақдим этилди. Иштирокчилар учун ёзилган дастурхон, таниқли санъаткорлар томонидан ижро этилган куй-қўшиқлар барчага кўтаринки рух бағишлади.

Ноила АҲАДОВА.

БАРЧА ЙИҒИН РАИСЛАРИ БИРДЕК МУНОСИБ



«Ёшлар дафтари» ҳамда «Темир дафтар»га киритилганини ёки чиқарилганини бемалол кузатиб бориш мумкин.

Янги тажриба

Халқ билан ишлашда республикаимизнинг барча ҳудудларида туман ва маҳаллаларда фаоллар уйма-уй юриб, муаммоларни ўрганмоқда. Шу билан бирга, юқорида айтилган дафтарлар шакллантирилмоқда. Аммо Мирзо Улуғбек тумани бу борада янгича, ўзига хос тизимни йўлга қўйган. Яъни ҳар бир маҳаллани 4 та алоҳида секторларга: маҳалла раиси, профилактика нозири, хотин-қизлар бўйича раис ўринбосари ҳамда ободонлаштириш бўйича раис ўринбосарларига ажратилган. Бундай секторларга ажратиш иш самарадорлигини оширади. Қолаверса, маҳалла фуқаролар йиғини ходимлари орасида меҳнат тақсимотида тенглик ва адолатлиликни қарор топишига хизмат қилади. Махсус секторларга ажралиб, тизимли ва самарали ишлаш, тезкорлик билан аҳоли рўйхатини шакллантириш имконини беради.

Бироқ айрим маҳаллаларда аҳоли сони саккиз мингдан зиёд. Бу, ўз навбатида, жинойтчиликнинг ортишига, бошқарувнинг қийинлашишига олиб келади. Шу сабабли «Олмачи», «Камолот» ва «Оққўрғон» маҳаллаларини иккига бўлиш чоралари кўрилмоқда. Ҳозирда янги ташкил этиладиган маҳаллаларга низомга асосан, маҳалла раисини тайинлаш, бино ажратиш ва бошқа масалалар кўриб чиқилмоқда.

Оила қадриятлари мустаҳкамланмоқда...

Ўрганишлар нафақат муаммоларни аниқлаш, балки уларга тезкорлик билан, оқилона ечим топишда ҳам қўл келади. Бугун оилаларда аниқланаётган камчиликлар, оилавий муаммолар, ўзаро келиш-мовчиликларни бартараф этиш ва хонадонлар тинчлигини таъминлаш муҳим масала. Оила қадриятларини мустаҳкамлаш комиссияси бугун ана шундай муаммоларга барҳам бермоқда. Комиссия таркибига давлат мукофоти совриндорлари ва нуроний отахону онахонларнинг жалб этилгани айни муддао бўлаётир. Улар маҳаллалардаги нотинч оилалар билан суҳбат ўтказиб, ижтимоий муҳитни соғломлаштириш бўйича ўз маслаҳатини бериб келмоқда. Бунинг натижасида оилалардаги нотинчликни бартараф этишга эришилаётгани, айниқса, таҳсинга лойиқ. Ажралиш ёқасига келиб қолган оилалар яраштирилаётгани ҳам бу борада амалга ошираётган ишлар самара бераётганининг исботидир.

Ноилахон АҲАДОВА
«Mahalla»

Президентимизнинг 2020 йил 26 майдаги «Меҳр-саховат» кўрак нишонини таъсис этиш тўғрисида»ги қарорига мувофиқ, ўтган давр мобайнида соғлиқни сақлаш соҳасининг жонкуяр вакиллари, саховатли тадбиркорлар, давлат ташкилотлари ва жамоат бирлашмаларининг фидойи ходимлари мазкур нишон билан тақдирландилар. Ана шундай саховатли, меҳр-мурувватли инсонлар сафида бугун маҳалла фуқаролар йиғини раислари ҳам борлиги қувонарли. Халқнинг муаммоларини, дардини ўрганишнинг илк оstonаси, уларни ҳал этишдаги дастлабки маскан айнан маҳалладир.

Пойтахтимиздаги Мирзо Улуғбек туманида мавжуд 54 та маҳалла фуқаролар йиғини раисларининг барчаси ана шундай «Меҳр-саховат» кўрак нишонига лойиқ кўрилди. Жонбозлик, бирдамлик, фидойилик билан фаолият юритиб келаётган маҳалла фуқаролар йиғинлари раисларининг бундай ютуқ ва тажрибалари билан танишиш мақсадида мазкур туманга ташриф буюрдик.

— Маҳаллаларнинг моддий-техник базасини яхшилаш масаласига алоҳида эътибор қаратилди, компьютер техникаси, интернет ва мобиль алоқа воситалари билан таъминланди, — дейди **Мирзо Улуғбек тумани ҳокими ўринбосари, Маҳалла ва оилани қўллаб-қувватлаш бўлими бошлиғи Мақсуджон ЧОРИЕВ.** — Бу



орқали ўзаро ҳамкорлик янада яшиланди, ҳозирда интернетсиз маҳалланинг ўзи йўқ. Туманимизда 279 мингга яқин аҳоли бор, улардан 144 минг нафарини аёллар ташкил қилади.

Айни вақтда ана шу аёлларнинг 30 ёшдан юқори бўлган қисми «Аёллар дафтари»га киритилмоқда. Бугунги кунга қадар 36 минг хонадон ўрганилди ва 54 фоиз аёллар хатловдан ўтказилди. Бу иш 10 декабрга қадар якунланади ҳамда «Аёллар дафтари», «Ёшлар дафтари» шакллантириб бўлинади.

Ўтган давр мобайнида аёллар ва ёшларнинг бандлигини таъминлаш бўйича ҳам салмоқли ишлар амалга оширилди. Хусусан, «Яшнобод технопарк» билан ўзаро келишув асосида, шунингдек, бошқа ҳамкор ташкилотлар билан биргаликда ҳар ойда бир марта меҳнат ярмаркалари ўтказиш йўлга қўйилган бўлиб, сентябрь ойидан буён 4 маротаба ана шундай ярмаркалар ташкил қилинди. Қувонарлиси, ҳар гал меҳнат ярмаркасида ёшлар ва аёлларнинг 40 га яқини ўз иш ўрнига эга бўлмоқда. Биргина октябрь ойида бўлиб ўтган меҳнат ярмаркасида 104 нафар фуқаро бандлиги таъминлангани бунинг мисоли. Уларнинг бир гуруҳи ишга жойлашган бўлса, яна бир гуруҳ хотин-қизлар касбга тайёрлаш бўйича ўқув курсларига юборилган. Шунингдек, ўз бизнесини йўлга қўйман деган аёлларга кредит олишда ёрдам берилган.

Smart ҳокимият нима?

Рақамли иқтисодиёт, рақамлаштириш, рақамли технологиялардан фойдаланиш, сингари сўзларни кўп эшитамиз. Аслида замонавий техника воситалари, турли дастурлар берадиган кенг имкониятлардан оқилона фойдаланишни англаувчи бу тушунчалар ҳаётимизнинг ҳар бир соҳасига сингиб бормоқда. Маҳалла тизимида-чи? Маҳаллалар фаолиятида ҳам бундан фойдаланиш мумкинми? Қандай қилиб? Бу масалада ҳам биз сўз юритаётган туман ўз намунасини кўрсатмоқда.

— Мирзо Улуғбек тумани ҳокимлиги билан биргаликда «Smart ҳокимият» дастурини ишлаб чиқмоқдамиз, — дейди **М.Чориев.** — Бу жуда катта ва муҳим лойиҳа ҳисобланади. Унда айнан рақамли иқтисодиёт даври техник имкониятларидан фойдаланилган бўлиб, дастур бир қанча енгиликлар, қулай имкониятлар беради. Аввало, иш самарадорлигини оширишга хизмат қилади. Дастурга секторлар кесимида «Аёллар дафтари», «Ёшлар дафтари» ҳамда «Темир дафтар»га киритилган фуқаролар бўйича барча маълумотлар жойлаштирилади. Шунингдек, ҳокимлик ёки Маҳалла ва оилани қўллаб-қувватлаш бўлимига фуқаро мурожаат қилганда дастур орқали барча маълумотларни кўриб чиқиш мумкин. Амалга оширилган ишлар бўйича ҳамма маълумотлар дастурга киритилди ва фуқаролар билан ишлашда бу жуда қўл келади.

Мутасаддиннинг таъкидлашича, ҳозирда мазкур дастурни оптималлаштириш чоралари кўрилмоқда. Бу орқали маълумотлар баъзасини кузатиб бориш, қанча фуқаролар «Аёллар дафтари»,



«Ўзбекистон Республикасида хизмат кўрсатган геолог»
фахрий унвони таъсис этилади.

Президентимиз «Корона-вирус пандемияси даврида ижтимоий ҳимояга ва ёрдамга муҳтож аҳоли қатламларини моддий қўллаб-қувватлашга доир қўшимча чоратадбирлар тўғрисида»ги фармони билан «темир дафтар» шакллантирилди. 7 тоифадаги аҳолини қамраб олган мазкур дафтар кам таъминланган, ногиронлиги бўлган, ижтимоий ҳимояга муҳтож оилалар баробарида доимий ишсиз фуқароларга моддий ёрдам кўрсатишга хизмат қилмоқда.



«ТЕМИР ДАФТАР»ГА КИРИТИШ ВА ЧИҚАРИШ ЖАРАЁНИ ҚАНДАЙ КЕЧМОҚДА?

Бугун «Аёллар дафтари», «Темир дафтар» ва «Ёшлар дафтари»ни шакллантириш баробарида аҳолини ушбу рўйхатдан чиқаришга ҳам алоҳида эътибор қаратилмоқда. Хўш, фуқароларга амалда ёрдам кўрсатиш жараёни қандай кечмоқда? Пойтахтимизнинг **Учтепа тумани Маҳалла ва оилани қўллаб-қувватлаш бўлими** фаолияти билан танишдик.

— Туманда мавжуд 60 та маҳалланинг барчасида уйма-уй юриб, аҳолининг турмуш шароити ўрганилди, — дейди

Учтепа тумани ҳокими ўринбосари, Маҳалла ва оилани қўллаб-қувватлаш бўлими бошлиги Замира

АЗИМБАЕВА. — Аёллар, ёшлар ва «темир дафтар»ларга киритилган фуқароларга ўтган давр мобайнида нафақат моддий ёрдам кўрсатилди, балки ўз иш ўрнига эга бўлишига кўмаклашилди. Айтиш лозимки, «темир дафтар»га киритилган 5253 нафар меҳнатга лаёқатли фуқаронинг 3166 тасининг бандлиги таъминланди. Улар орасида корхоналарга йўналтирилган фуқаролар ҳам бор. «Аёллар дафтари»га киритилган 464 нафар аёлнинг 87 таси ўзига мос иш топди, 24 нафари эса касбга йўналтирилди. Шунингдек, ўзини ўзи банд қилиш орқали бандлигини таъминлаган аёлларимиз ҳам борлиги бизни қувонтиради.

Нега ишга жойлашмайди?

Бугунги кунда ишсизликнинг ортишига маошдан қониқмаслик ҳам сабаб бўлмоқда. Бойси олий маълумотга эга бўлмаган фуқароларнинг юқори даромад келтирадиган иш топиши бироз қийин. Таклиф қилинаётган иш ойлик

маошли кимларнидир қониқтирмайди. Афсуски, ҳамма ҳам давлат ишида ишлашни, маҳалла томонидан тавсия этилган жойларда фаолият юритишни истамайди. Сабаби оддий — олинадиган иш ҳақи бир ой давомида қилинадиган рўзгор харажатларини қопламайди. Шу сабабли кўплаб аёллар, ёшлар ва эркаклар бундан бош торттишади.

Учтепа тумани ҳокимлиги билан ҳамкорликда мазкур муаммонинг ечимини топган Маҳалла ва оилани қўллаб-қувватлаш бўлими мутасаддилари аҳолига ҳам иш, ҳам моддий кўмак таклиф қилмоқда. Яъни ишга жойлашшга рози бўлган фуқароларга «Меҳрли қўллар» хайрия ташкилоти томонидан бир йил давомида озиқ-овқат учун керакли маҳсулотлар етказиб берилади. Бу мутлақо бепул, моддий ёрдам ҳисобланади. Таклифдан мамнун аҳоли эса тез орада ишли бўлиши, кундалик рўзгор учун керакли маҳсулотларни олиб, тез орада ўзини ўнглаб олиши мумкин.

— Ишга кирган фуқароларга гўшт, ун, гуруч, ёғ ва шу каби барча озиқ-овқат маҳсулотлари, шунингдек, қуруқ чой, совун, кир ювиш кукуни сингари кундалик эҳтиёж маҳсулотлари бир ойда бир марта ёрдам сифатида берилмоқда, — дейди **З.АЗИМБАЕВА.**

— Мақсад, иш билан таъминланган фуқаронинг ўзини тиклаб олиши, ойлик маошини эса бошқа харажатларига сарфлашига имкон беришдир. Мазкур тажриба ўз самарасини бермоқда. Ҳозирда кўплаб оилалар қийин шароитдан чиқиб, ўзини тиклаб олмоқда. Натижада биз ана шу оилаларни ҳам «темир дафтар»дан чиқаришга, ҳам тумандаги камбағалликни камайтиришга эришмоқдамиз. Биз бераётган таклиф кўпчиликка маъқул келаётгани бежизга эмас.

Ҳам ишли бўлди, ҳам...

Сектор раҳбарлари, туман ҳоқимлиги билан биргаликда ўтказилаётган «Сайёр қабул» бугун «Темир дафтар», «Ёшлар дафтари» ва «Аёллар дафтари»га киритилган ишсиз фуқароларни қамраб олмоқда. Ўзаро суҳбат давомида мутасаддилар иш таклиф қилиш билан бирга, моддий ёрдам кўрсатилишини фуқароларга тушунтирмоқда. Қувонарлиси, қабулга келганларнинг кўпчилиги бундан мамнун бўлиб, иш билан таъминланмоқда. Ўша куннинг ўзидаёқ



тарқатилаётган бир ойлик озиқ-овқат маҳсулотларини ёрдам сифатида олиб, уйга қайтмоқда.

Юқорида қайд этилганлардан кўриш мумкинки, туманда аҳоли билан ишлаш, улар бандлигини таъминлаш ҳамда оғир турмуш шароитидаги хотин-қизларни, оилаларни қўллаб-қувватлаш бора-сида амалий ишлар ҳавас қилгудек. Фуқаролар орасида жиноятчиликнинг олдини олиш борасида ҳам натижалар яхши. Айниқса, оилавий ажралишлар ўтган йилнинг мос даврига нисбатан камайган.

Ёнғин содир бўлган уйлар таъмирланади

«Обод хонадон», «Обод кўча» ва «Обод маҳалла» мезонлари-

ни амалиётга жорий этиш учун юртимизнинг ҳар бир қишлоқ ва шаҳарларида ободонлаштириш ишлари олиб борилди. Кўчалар гулзор бўлди, дарахтлар кесиб, чиройли кўринишга келтирилди. Бу борада қатор мезонлар ҳам ишлаб чиқилди. Мезон қоғозда қолиб кетмади, барча бирдек ўз гузари, хонадонининг тозаллигига эътиборни кучайтирди.

— «Обод маҳалла» тамойили асосида барча маҳаллалар, хонадонлар тартибга келтирилди, маҳаллалар ҳудудидаги уйлар оқланди, — дейди **Замира**

ОПА СУҲБАТ ДАВОМИДА. — Дарахтларни парваришлаш, ариқларни тозалаш, ҳовлилар ва кўп қаватли уйлар атрофига гуллар экиш ҳам аъло даражада амалга оширилди. Туманда намунавий маҳалла, ҳар бир маҳаллада намунавий кўча ва ҳар бир кўчада намунавий хонадонлар ташкил этилди. Қолаверса, томорқалари мавжуд хонадонларда деҳқончилик маҳсулотларини етиштириш, чорвачилик, паррандачилик соҳаларини ривожлантиришга кўмаклашилди. Ҳафтада бир кун маҳаллаларда кўчаларни, хонадонларни, қабристонларни, йўлларни, ариқлар ва кўприкларни, коммунал тармоқларни ободонлаштириш мақсадида ҳашарлар ўтказилди.

Хайрли ишларга бел боғлаган Маҳалла ва оилани қўллаб-қувватлаш бўлими мутасаддилари яқинда туман ҳоқимининг қурилиш масалалари бўйича маслаҳатчиси Ш.Қасимов билан биргаликда ёнғин содир бўлган уйларга боришди. Хонадонлардаги ҳолатни ўрганиб, бу хонадонларни таъмирлаш учун смета тузишни бошлаб юборишди.

Ноилахон АҲАДОВА
«Mahalla»



БАА компанияси Сирдарёда каннабис етиштиришга инвестиция киритди.

ХОТИН-ҚИЗЛАРНИНГ ИЖТИМОЙ-СИЁСИЙ ФАОЛЛИГИ ҚАЙ ДАРАЖАДА ОШИРИЛМОҚДА?

Бугун Маҳалла ва оилани қўллаб-қувватлаш бўлими фаолияти «Обод ва хавфсиз маҳалла» тамойили асосида ижтимоий-маънавий муҳитни соғломлаштириш, оила ва хотин-қизлар билан ишлаш тизимини янги даражага олиб чиқиш, шунингдек, уларнинг ижтимоий-сиёсий фаоллигини оширишга эришиш билан боғлиқдир.



Бу борада Олмазор туманида ҳам кенг қўламли ишлар амалга оширилмоқда. Айниқса, аҳоли ўртасида жиноятчиликнинг олдини олиш, оиладаги ажралишлар сонини камайтиришга алоҳида эътибор қаратилиб, маҳаллалар кесимида нотинч оилалар, одоб-ахлоқида ўзгариш сезилаётган фуқаролар, шунингдек, ишсиз бўлиб қийналиб қолган оила аъзоларини иш билан банд қилиш мақсадида режали суҳбатлар олиб борилмоқда.

Хотин-қизлар билан ишлаш, уларнинг ижтимоий-сиёсий фаоллигини ошириш ижроси кечиктириб бўлмас вазифалар сирасидан. Бу борада қандай ишлар амалга оширилди? Қандай ютуқларга эришилдию нима муаммога дуч келинди?

– Жорий йилнинг октябрь ойида тумандаги хотин-қизларнинг ижтимоий-сиёсий фаоллигини ошириш юзасидан ҳафталик медиа-режа ишлаб чиқилиб, ижрога қаратилган, – дейди **Олмазор тумани ҳокими ўринбосари, Маҳалла ва оилани қўллаб-қувватлаш бўлими бошлиғи Тўлқин Тешаев**.



– Мазкур иш режаси асосида 4 та сектор

кесимида ҳафтада бир маротаба «Жамиятда аёлнинг ўрни» мавзусида давра суҳбатлари ташкиллаштирилмоқда. Кичик гуруҳлар орасида ўтказилган суҳбатларда аёлларни қийнаётган муаммолар бўрилимоқда. Бундан ташқари, «Хотин-қизлар ва эркаклар учун тенг ҳуқуқ ҳамда имкониятлар кафолатлари тўғрисида»ги қонуннинг мазмун-моҳиятини тарғиб қилиш юзасидан маҳалла фуқаролар йиғини раисининг оила, хотин-қизлар ва ижтимоий-маънавий масалалари бўйича ўринбосарлари учун семинар машғулоти ўтказилди. Машғулотда мазкур қонуннинг асл моҳияти тушунтирилиб, қандай қилиб тенг ҳуқуқлилини татбиқ этиш мумкинлиги ўргатилди, бунинг

учун нималар қилиш зарурлиги айтилди.

Жамоатчилик кенгаши нимага хизмат қилади?

Мазкур туманда «Хотин-қизлар жамоатчилиги кенгаши» тузилган бўлиб, унинг таркибига турли соҳаларда фаол меҳнат қилиб келаётган, обрў-эътиборли раҳбар аёллар жалб этилган. Шу билан бирга, давлат мукофоти соҳибалари ҳам кенгашнинг фаол аъзолари ҳисобланади. Бу, ўз навбатида, хотин-қизлар билан ишлашда тажриба алмашиш, ҳаётда асқатадиган маслаҳатлар бериш, кези келганида намуна сифатида кўрсата олиш имконини бермоқда.

Буни қарангки, 29-Аллон округ депутаты Нигора Мирзаева ҳам Жамоатчилик кенгаши аъзоси бўлиб, депутат томонидан «Кўёш» маҳалла фуқаролар йиғини қошида «Ётакчи аёллар» клуби ташкил этгани қувонарли ҳол. Боиси ушбу клуб аъзолари маҳаллалардаги нотинч оилалар билан ишлаш, оилаларда соғлом турмуш тарзини шакллантириш борасида фаол. Улар ўз имкониятларидан келиб чиққан ҳолда ана шундай оилалар вакиллари билан беминнат ишлаб келмоқда. Олиб борилган тарғибот тадбирлари натижасида бу йил оилавий ажримлар 327 та бўлиб, ўтган йилнинг шу даврига 59 тага камайишига эришилди.

Хотин-қизлар муаммолари қандай ҳал этилмоқда?

Республика ишчи гуруҳи томонидан Олмазор туманидаги 58 та маҳалла фуқаролар йиғини ҳудудида жами 443 та оғир ижтимоий турмуш шароитида яшаётган хотин-қизларнинг аҳволи ўрганилди. Муаммоларни ҳал қилиш бўйича таклифлар берилди.

– Туман аҳолисининг қарийб 50 фоизини (184,9 минг) хотин-қизлар ташкил этади, – дейди **Тўлқин Тешаев**. – Демак, мавжуд муаммоларнинг ҳам камида ярми улар ва уларнинг турмуш тарзини яхшилаш билан боғлиқ. Шу боисдан хотин-қизлар масаласига, уларни қийнаётган муаммоларга

бефарқ бўлмаслигимиз лозим. Биз ўрганишлар давомида аниқлаган муаммоларнинг асосий қисми уй-жой ва уни таъмирлаш масалаларидир. Шунингдек, соғлиқни сақлаш, моддий ёрдам, иш билан таминлаш масаласида ҳам муаммолар кам эмас. Ҳатто тадбиркорлик қилиш, кредит ажратиш, коммунал соҳа билан боғлиқ муурожаатлар ҳам учрамоқда. Алоҳида қайд этиш лозимки, туман даражасида ҳал этилиши белгиланаётган муаммолар ечими ўз вақтида топилиб, ижроси таъминланмоқда.

Хотин-қизларимиз ижтимоий-маиший муаммолардан холи бўлиб, вақтини фарзанд тарбияси, оилавий муносабатларни мустаҳкамлаш баробарида, жамиятнинг ижтимоий ҳаётида фаол иштирок этишга ҳаракат қилинмоқда. Қувонарлиси, янги ташкил этилаётган корхона ва ташкилотларда тадбиркорлик билан шуғулланиш истагини билдирган 23 нафар хотин-қиз қайта ўқиб, сертификат олди. Уларнинг 5 нафарига 320 миллион сўм миқдорида Маҳалла ва оилани қўллаб-қувватлаш вазирлиги ҳузуридаги Хотин-қизлар жамғармаси томонидан кредит ажратилди. Улар сартарошлик, қандолатчилик ва тикувчилик каби йўналишларда ўз иш фаолиятларини бошлади.

Маҳаллаларда вазият қандай?

Афсуски, бугун айрим оилалар, маҳаллалар билан боғлиқ муаммо ва камчиликлар ҳам бор. Масалан, жорий йилнинг ҳисобот даврида тумандаги маҳаллаларда 28 та никоҳи қонуний расмийлаштирилмаган оилалар аниқланган. Уларнинг 13 тасининг никоҳи туман Фуқаролик ҳолати далолатномаларни ёзиш бўлими орқали

қонунийлаштирилди.

– Фуқаролар йиғинларида иш ҳужжатлари ва уларни юришнинг вақтинчалик тартиби тўғрисидаги йўриқнома асосида маҳаллалардаги муаммолар, камчиликлар ўрганилди, – дейди **Т.Тешаев**. – Мавжуд камчиликларни бартараф этиш мақсадида тумандаги маҳалла фуқаролар йиғини ходимларига амалий-услубий кўмаклашилди. Яъни уларга муаммоларни қандай ҳал қилиш, бунда нимага асосланиб иш кўриш лозимлиги ўргатилди, йўл-йўриқ кўрсатилди. Тумандаги «Табассум», «Қичқириқ», «Олтин-сой», «Тепагузар», «Қорасарой» маҳалла фуқаролар йиғини раисининг оила, хотин-қизлар ва ижтимоий-маънавий масалалар бўйича ўринбосарлари фаолияти ҳам ўрганилиб, меъёрий ҳужжатларнинг юритилиши, комиссиялар фаолияти, комиссия аъзолари таркиби, тегишли ҳисоботларнинг юритилиши юзасидан кўрсатма ва тавсиялар берилди.



Хотин-қизларни қўллаб-қувватлашга доир давлат сиёсатини самарали амалга оширилишини таъминлаш бўйича эса Хотин-қизлар билан ишлаш комиссиялари фаолият юритмоқда. Маҳаллалардаги нуроний онахонлар ва зиёли раҳбар аёлларимиз ушбу таркибга жалб қилинган. Ўзаро келишган ҳолда иш режалари ҳам тузиб чиқилган. Бу тажриба, тузилган режалар келгусида ўз самарасини берса, ажабмас.

Шунингдек, тарғибот тадбирлари орқали ёшларни ҳам қамраб олишга алоҳида эътибор қаратилмоқда. Зеро, эрта никоҳ, эрта туғуруқ билан боғлиқ муаммоларни назардан қочирмаслик зарур. «Эрта туғуруқ ва эрта никоҳларнинг олдини олиш ва уларнинг салбий оқибатлари тўғрисида»ги тадбир ана ишундай ҳолатларни камайтириш мақсадида ташкил этилган. Бу каби тадбирларда туман прокуратураси, тиббиёт бирлашмаси ҳам ҳамкорлик қилиб келмоқда.

Ноилахон АҲАДОВА
«Mahalla»

Маҳалла тизимидаги ўзгаришлар Амударё туманида ҳам ўз аксини кўрсатаётир. Бугунги кунда туманда 16 та овул, 2 та шаҳарча, 31 та маҳалла, жами 49 та фуқаролар йиғини мавжуд бўлиб, уларда 109 минг 634 нафар меҳнатга лаёқатли, 81 минг 600 нафар иқтисодий фаол ва 73 минг 980 нафар иш билан банд бўлган аҳоли истиқомат қилади. Туманда ишсизлик даражаси 9,3 фоизни ташкил этади. Бугун олдимиздаги вазифа мана шу кўрсаткични янада камайитиришдан иборат.



АҲОЛИ ТЎҚЛИГИ, ҚУВОНЧИ, АВВАЛО, ЕРГА ВА ФИДОЙИ ИНСОНЛАР МЕҲНАТИГА БОҒЛИҚ



Алишер ЙЎЛДОШЕВ,
Амударё тумани ҳокими ўрин-
босари, Маҳалла ва оилани қўл-
лаб-қувватлаш бўлими бошлиғи.

Бу борада аҳоли ўртасида тадбиркорликни ривожлантириш, уларнинг кредит олишига қўмаклашиш, янги иш ўринларини яратиш бўйича кенг қўламли ишлар бажариляпти. Амалга ошириляётган ишлар ўз самарасини бериб, жорий йил бошидан ҳозиргача Маҳалла ва оилани қўллаб-қувватлаш бўлими ва фуқаролар йиғинлари томонидан 4 минг 575 нафар фуқаронинг бандлиги таъминланди. Шундан 1 минг 760 нафари бўш иш ўринларига, 168 нафари тадбиркор ва фермерларга бириктирилган бўлса, 900 нафари ўзини ўзи банд қилгани қувонарлидир.

Аҳолини тадбиркорлик фаолиятига янада фаол жалб этиш ва хусусий бизнесини бошлашда яқиндан қўмак бериш, муаммоларни тезкор ҳал этиш ва уларга амалий ёрдам бериш борасидаги саъй-ҳаракатлар натижасида 411 нафар фуқарога субсидия ажратилди ҳамда 1 минг 170 нафарига имтиёзли кредит олиш учун тавсияномалар берилди. Ушбу фуқаролар ҳозирги вақтда тадбиркорлик фаолиятларини йўлга қўйишган.

Эҳтиёжмандлар — доимий эътиборимизда

Жорий йилнинг 10 ойи давомида фуқаролар йиғинлари томонидан ижтимоий ҳимояга муҳтож, кам таъминланган 13 минг 74 та оилага 4 млрд. 94 млн. 838 минг сўм ижтимоий нафақалар тайинланган ва тўлаб берилган. Бу оғир вазиятда яшаётган юртдошларимизнинг қу-

вончига сабаб бўлиб, улар қалбида эртанги кунга ишонч уйғотди.

Қолаверса, 35 нафар ёрдамга муҳтож бўлган ва оғир ижтимоий аҳволга тушиб қолган хотин-қизлар рўйхати шакллантирилиб, уларга турли даражадаги моддий ва маънавий ёрдамлар кўрсатилди. Шу билан бирга, 32 нафар ишга муҳтож аёллар бандлиги таъминланди. Эътиборлиси, Қиличбой овулида яшовчи оғир ижтимоий аҳволга тушиб қолган Муқаддам Тажимуратованинг уй-жойи жуда эскилиги сабабли туман ҳокимлиги ва ҳомийлар қўмағида 150 млн. сўм маблағ эвазига янгидан қуриб берилди.

Вазирлар Маҳкамасининг 2018 йил 12 апрелдаги «Оғир ижтимоий вазиятга тушиб қолган хотин-қизларга, ногиронлиги бўлган, кам таъминланган фарзандларини тўлиқсиз оилада тарбиялаётган ва уй-жой шароитини яхшилашга муҳтож оналар учун қулай шароитларга эга арзон уй-жойлар бериш тартиби тўғрисидаги низомни тасдиқлаш ҳақида»ги қарорига мувофиқ, Хотин-қизларни ва оилани қўллаб-қувватлаш жамоат фонди томонидан 6 нафар аёл-қизларга 103 млн. 468 минг 942 сўм миқдорда маблағ ажратилиб, уй-жойнинг 10 фоиз бошланғич бадаллари тўлаб берилди.

«Ерни боқсанг, ер ҳам сени боқади»

Пандемия даврида аҳоли бандлигини таъминлаш бўйича ҳам бир қанча ишлар амалга оширилди. Жумладан, жамоат ишларига жами 1 минг 207 нафар, қишлоқ хўжалиги кооперативларига субсидия ажратиш орқали 50 нафар, шахсий ва дала томорқа хўжаликларга субсидия ажратиш орқали 361 нафар фуқаронинг бандлиги таъминланди. Бу ишларни давом эттириш ва янада жадаллаштириш мақсадида туманда 2020 йил якунига қадар айна йўналишларда яна 800 нафарга яқин фуқаронинг бандлигини таъминлаш режалаштирилган.

Амударёликлар азалдан деҳқончилик, боғдорчилик ва чорвачилик билан шуғулланиб келади. Шу боис улар ҳар қарич ернинг қад-

рига етади. Ҳар қарич ерга меҳр бериб, уруғ қадайд ва меҳнатига яраша ҳосил олади. Туманда ерга меҳр берган 32 минг 570 нафар томорқа ер эгалари истиқомат қилади. Улар 5 минг 217 гектардан зиёд экин ерларидан ҳар йили мўл ҳосил олиб келмоқда.

Шу билан бирга, аҳоли хонадонлари ва томорқаларидан самарали фойдаланиш, икки-уч марта ҳосил олиш тўғрисида олиб борилган тушунтириш-тарғибот ишлари ҳам ўз натижасини бермоқда. Хусусан, аҳоли томорқаларида 1 минг 183 та иссиқхона мавжуд бўлиб, шундан янгидан барпо этилган иссиқхоналар сони 450 тани ташкил қилади. Ташаббус билан чиққан 389 та фермер хўжалиги томорқа ер майдонларини ҳайдаш, мевали дарахтлар, сабзавот уруғ қўчатларини етказиб беришда қўмаклашиш бўйича 3 минг 377 та хонадонга бириктирилди. Фермерларимизнинг ушбу ташаббуси ишбилармонликни бошлашдан чўчиб турган, лекин дилида истаги бор юртдошларимиз учун айна муддао бўлди.

Туман ҳокими қарори билан «Мева-сабзавот ишлаб чиқариш кооперативлари» ташкил қилиниб,

50 нафар кам таъминланган фуқаро кооператив аъзолигига қабул қилинди. Уларнинг ҳар бирига ер майдони берилиб, Бандликка қўмаклашиш давлат жамғармаси ҳисобидан 2 миллион 223 минг сўмдан субсидиялар ажратилди. Шунингдек, тумандаги фермер хўжаликларининг ғалладан бўшган ер майдонидан такрорий экин экиш учун кам таъминланган 43 та оилага 20 сотихдан, жами 8,6 гектар ер майдони бир марта экиб фойдаланиш учун берилди. Ҳозирда туманимизнинг тўртта ҳудудида кичик ҳажмли 20-30 тонналик музлаткичлар ҳамда дала дўконлари ташкил қилиш бўйича ишлар амалга оширилмоқда.

Серҳосил еримиз, даромад олишга томорқамиз бор экан, ундан доимо унумли фойдаланишимиз лозим. Ахир, ҳозирги оғир шароитда аҳолининг озиқ-овқат маҳсулотларига бўлган бирламчи талабини қондириш кўп жиҳатдан томорқалардан оқилона фойдаланишимизга боғлиқ. Шу боис, айниқса, пандемия даврида томорқалардан самарали фойдаланишни ташкил қилиш, аҳолини озиқ-овқат ва қишлоқ хўжалиги маҳсулотлари билан узлуксиз таъминлаш бўйича барча чоратадбирлар кўрилмақда.

* * *

Халқимизда: «Ерни боқсанг, ер ҳам сени боқади», деган мақол бежиз айтилмаган. Соҳада катта натижага эришмоқчи бўлсак, биринчи навбатда, ризқ-рўзимиз манбаи бўлган ерни боқишимиз керак. Негаки, дунёда ҳаракатсиз бой бўлган давлат ҳам, хонадон ҳам йўқ. Бу дунёда ҳамма нарса меҳнат, машаққатга боғлиқ. Ким меҳнат қилса, роҳат кўради. Чунки фаровонликка фақат ўз меҳнатимиз, ҳаракатимиз билан эришишимиз мумкин.

Зеро, буюк мутафаккир бобомиз Алишер Навоий таъкидлаганидек, «олам аҳлининг тўқлиги, қувончи, аввало, ерга уруғ сочиб, бебаҳо ноз-неъмат етиштирадиган фидойи инсонлар меҳнатидандир».



2021 йилдан барча раҳбарларнинг шахсий жавобгарлиги асосида баҳолаш рейтинг натижалари эълон қилинади.

ОИЛАГА ЭЪТИБОР АСЛИДА ЎЗЛИГИМИЗГА ЭЪТИБОРДИР

Пандемия бутун дунё аҳолиси учун синовли давр бўлди. Шу қаторда республикаимиз аҳолиси ҳам синовли кунларни бошдан кечирди. Қаттиқ тартибдаги карантинда айрим юртдошларимиз даромадсиз қолди. Ана шундай вақтда Юртбошимиз оғир вазиятда қолган инсонларга кўмак бериш ташаббусини илгари сурди. Бу борада аниқ топшириқлар берилди. Ушбу вазифани адо этишда маҳалланинг тутган ўрни бекиёсдир.



Фарҳод ИБАДУЛЛАЕВ,
Элликқалъа тумани ҳокими
ўринбосари, Маҳалла ва оилани
қўллаб-қувватлаш бўлими
бошлиғи.

Айтиш керакки, бошқа ҳудудлар сингари Элликқалъа туманида ҳам ўтган ўн ой давомида биргина «Саховат ва кўмак» жамғармаси томонидан 1 минг 500 дан зиёд ижтимоий ҳимояга муҳтож оилаларга 1 млрд. 107,6 млн. сўмлик беминнат ёрдам берилди. Бундан ташқари, Маҳалла ва оилани қўллаб-қувватлаш бўлими ҳузурида ташкил этилган Ҳомийлик хайрияларини мувофиқлаштириш ва волонтерлик маркази томонидан шу кунгача 35 млн. 350 минг сўмлик озиқ-овқат маҳсулотлари ва тиббий ҳимоя воситалари тарқатилди. Албатта, ҳомийлик маблағларини тўғри йўналтириш, унинг эгасини топиб беришни маҳалла фаолларининг кўмагисиз бажариб бўлмасди.

«Кимки бир кўнгли бузуғнинг...»

Ҳазрат Алишер Навоий бобомиз бундан беш аср илгари: «Кимки бир кўнгли бузуғнинг хотирин шод айлаган, Онча борким Каъба вайрон ўлса обод айлағай», дея айтган. Дарҳақиқат, мискин кўнглини обод этиш, унга ишонч беришдек савобли ишни ҳеч бир амал билан алмаштириб бўлмайди. Шунинг учун билан айта оламизки, ўтган давр мобайнида ана шундай савобли ишга бош-қош бўлдик.

Хусусан, маҳаллалар, хонадон-

лар ободонлиги ва кўркига ҳисса қўшиш мақсадида Маҳалла ва оилани қўллаб-қувватлаш вазирлиги ҳамда Республика «Нуроний» жамғармаси ташаббуси билан «Обод хонадон», «Обод кўча», «Обод маҳалла» мезонлари асосида ўтказилган «Жонажон юртим ободлигига ўз ҳиссамни қўшаман!» шиори остидаги ободонлаштириш тадбирларида туманимизда ҳам таъмирлашга муҳтож бўлган 5 минг 40 та хонадондан 2 мингтаси таъмирланди. Жумладан, Гулистон овулида истиқомат қилувчи кам таъминланган оилалардан Алишер Бекешев ва Каримбой Мусаевнинг хонадонлари таъмирланишида яқиндан ёрдам берилган бўлса, Сарабий овулида истиқомат қилувчи камбағал оилалардан Аллаберган Низомов уйининг 2 хонаси бузилиб, ҳомийлик асосида қайтадан қуриб берилди. Бу инсонларнинг қувончини ҳеч бир сўз билан ифода қила бўлмайди.

Шунингдек, ободонлаштириш кунларида ҳар бир маҳалладаги хонадонлар деворлари оқланди, гуллар ва дарахт кўчатлари экилд.

Аёллар эътибордан четда эмас

Шу ўринда хотин-қизларга кўрсатилган ижтимоий ёрдамлар тўғрисида ҳам тўхталиб ўтиш жоиз. Йил бошидан оғир ижтимоий вазиятга тушган хотин-қизлар рўйхати шакллантирилиб, уларни оғир ижтимоий вазиятдан чиқариш чора-тадбирлари режаси ишлаб чиқилди. Ўтган вақт ичида мазкур режадаги доимий ишга жойлаштириш ва Элликқалъа овули ҳудудида қурилаётган имтиёзли уй-жойлар учун бошланғич бадал пуллари-нинг Хотин-қизларни қўллаб-қувватлаш жамоат фонди томонидан тўлаб берилиши, тиббий ва моддий ёрдамлар кўрсатиш сингари ишлар деярли тўлиқ бажарилди.

«Оқ олтин» маҳалласида яшовчи боқувчисини йўқотган Наргиза Мадраимовага маҳалла ҳомийлари

томонидан янгидан уй қуриб берилди. Бундан ташқари, туманда 25 та кам таъминланган, ижтимоий ҳимояга муҳтож оилаларнинг уйлари таъмирланди. Бу каби амаллар юртдошларимиз кўнглида эртанги кунга ишонч уйғотади.

Яна бир гап, Элликқалъа туманида хотин-қизларнинг муаммоларини ўрганиш ва ҳал этиш, уларни моддий ва маънавий қўллаб-қувватлашга қаратилган манзилли чора-тадбирлар дастури ишлаб чиқилди. Мазкур дастурда қарамоғида ногирон фарзанд тарбиялаётгани сабабли доимий иш ўринларида ишлаш имконияти бўлмаган 10 нафар хотин-қизга уй шароитида ўзини ўзи банд қилиб, оилавий шароитларини яхшилаш учун тикув машинаси ва 3 нафарига фарзандлари дори-дармони учун 1 миллион сўмдан пул маблағлари берилди.

Шунингдек, туман ҳокимлиги, сектор раҳбарлари ва ҳомийлар кўмагида ногирон фарзанд тарбиялаётган ва боқувчисини йўқотган 2 нафар хотин-қизга йирик шохли қорамол, 23 нафарига майда шохли, 165 нафарига эса парранда берилган бўлса, 24 нафарига пластик карта очилиб, 1 миллион сўмдан пул маблағи, 100 нафарига субсидия ажратиш орқали иссиқхона қуриб берилди. Бу кўрсатилган ёрдамлар нафақат хотин-қизлар, балки уларнинг оила аъзолари учун ҳам фойда бўлса, ҳам ҳаётга бўлган ишонч ва далда бўлиб хизмат қилади.

Муаммонинг бирламчи ечими маҳаллада бўлиши керак

Президентимиз раҳбарлигида жорий йил 20 август куни ўтказилган видеоселектор йиғилиши-

да берилган топшириқлар ижросини таъминлаш мақсадида Маҳалла ва оилани қўллаб-қувватлаш бўлими томонидан 17 кишидан иборат ишчи гуруҳ тузилиб, ҳар бир ҳудуд, яъни овул ва маҳалла фуқаролар йиғинлари бўйича ҳатлов ўтказилиб, «Аёллар дафтари» шакллантирилган эди. Ўтган уч ой давомида мазкур рўйхатга кирган 645 нафар хотин-қизнинг 590 нафари доимий, жамоат ишларига ва ўзини ўзи банд қилиши учун кредит ажратиш орқали бандлиги таъминланди ва ишга жойлаштириш бўйича сектор кесимида жадал ҳаракатлар олиб борилмоқда.

Президентимиз ташаббуси билан Маҳалла ва оилани қўллаб-қувватлаш вазирлигининг ташкил топиши, бу орқали ҳар бир хонадон, ҳар бир оиллага кириб бориб, ундаги муаммоларни ҳал этишга дастёр бўлиши лозим экани ҳеч биримизга сир эмас. Шу сабабли тизимга кирувчи ҳар бир ходимнинг масъулияти икки баробар ошишидан далолатдир.



Айниқса, оилаларнинг муаммоларини, уларнинг келиб чиқиш сабабларини ва уларни ҳал қилиш борасидаги бирламчи ечимни маҳалла, унинг оқсоқоли ва ўринбосарлари яхши билишади. Чунки улар ана шу овул, маҳалланинг ўзаги ҳисобланадилар.

Кўп йиллик тажрибам, ўрганишларим натижасида шуни қўрқмай айта оламизки, маҳалла, бу – оилаларнинг униб-ўсиб ўз йўлини топиб кетишида беминнат хизмат қила оладиган, ота-онадек тўғри йўл кўрсата оладиган елкадош идора бўла олади. Биргина оилавий ажралишларнинг олдини олиш, ажралиш ёқасида бўлган оилаларни яраштириш, низоли оилалар билан ишлаш, оилалардаги нотинчликни бартараф қилиш борасидаги саъй-ҳаракатларнинг ўзи, маҳалланинг осойишталиги учун омил бўлиши мумкин.



Ўзбекистон Миллий университети Олмазор туманидаги 10 та мактабни оталиққа олди.

Бугунги кунда Қўнғирот тумани ҳудудида 39 та маҳалла фуқаролар йиғини фаолият юритиб келмоқда. Маълумки, жамият равнақида маҳаллаларнинг алоҳида ўрни бор. Чунки маҳалла ҳар бир соҳага алоқадор бўғин ҳисобланади. Бугун қайси соҳага қарамайлик, шиддатли ўзгаришлар ва ривожланишларни кузатиш мумкин. Хусусан, тадбиркорликни ривожлантириш, одамларни унга қизиқтириш борасидаги ишлар шиддат билан олиб борилмоқда. Бу борада туманимизда ҳам мақтагулик ишлар амалга оширилмоқда, десак муболаға бўлмайди.



ЮКСАК ЭЪТИБОР ХОТИН-ҚИЗЛАР ЗИММАСИГА КАТТА МАСЪУЛИЯТ ЮКЛАЙДИ



Алимжан ЕМБЕРГЕНОВ,
Қўнғирот тумани ҳокими ўринбосари, Маҳалла ва оилани қўллаб-қувватлаш бўлими бошлиғи.

Туманда тадбиркор хотин-қизларни қўллаб-қувватлаш борасида амалий ишлар талайгина. Натижада янги иш ўринлари яратилаётир. Жорий йилда Бандлик ва меҳнат муносабатлари вазирлиги билан тасдиқланган дастурга мувофиқ, 26 нафар оғир турмуш шароитида яшаётган аёлнинг бандлиги таъминланди. Шундан 2 нафари мавжуд корхоналардаги бўш иш ўринларига, 24 нафари ҳақ тўланадиган жамоат ишларига жалб қилинди.

Икки нафар аёлга банклар

томонидан 80 млн. сўмдан ортиқ кредит ажратилишига қўмаклашилди. Хотин-қизларни ва оилани қўллаб-қувватлаш жамғармаси томонидан 2 нафар хотин-қизга кичик бизнес лойиҳалари учун жами 60 млн. сўм миқдорида маблағ ажратилди. Бу эса, ўз навбатида, бир аёлга қўмак бериш орқали ўнлаб хотин-қизларни иш билан таъминлашга хизмат қилаётир.

Онлайн ҳунар ўргатиш йўлга қўйилган

Туманда ишга муҳтож бўлган 611 нафар хотин-қизнинг «маҳаллабай» рўйхатлари шакллантирилди ва «Аёллар дафтари»га

киритилди. Ҳозирда уларни иш билан таъминлаш ҳамда ўзлари қизиққан ҳунарлар бўйича ўқитиш ишлари йўлга қўйилмоқда. Мисол учун, «Хотин-қизлар тадбиркорлик маркази» томонидан 13 нафар аёлга телеграм тармоғида онлайн тарзда тикувчилик, пазандалик, тадбиркорлик кўникмалари бўйича ўқув курслари ўқитилди. Бу тажриба ўзини оқлаб, ушбу хотин-қизлар бугунги кунда ўз ишларини йўлга қўйиб олди.

Айни пайтда 195 нафар хотин-қизни касбга тайёрлаш учун рўйхат шакллантирилди. Натижада бугунги кунда уларнинг 83 нафари ҳунарамандчиликка жалб

бўлишларига қўмаклашиш йўлга қўйилган. Мисол учун, 5 нафар оғир турмуш шароитида яшаётган хотин-қизга уй-жой сотиб олиш учун Хотин-қизларни ва оилани қўллаб-қувватлаш жамғармаси томонидан 72 млн. сўм миқдорида бошланғич бадаллари тўлаб берилди.

Шунингдек, жамғарма ҳисобидан ногиронлиги бўлган 44 нафар хотин-қиздан 14 нафари ногиронлик арачаси, 14 нафари эшитиш мосламаси ва 16 нафари бошқа реабилитация воситалари билан таъминланиши белгиланди, уларнинг рўйхати шакллантирилди. Уларга ҳам навбати билан ушбу мосламалар олиб берилишига қўмаклашилади.

Бизни қувонтирган яна бир ҳолат шуки, бу йил олий таълим муассасаларига ўқишга кириш учун ижтимоий ҳимояга муҳтож хотин-қизлар учун алоҳида квоталарнинг ажратилиши бўлди. Ўқийман, олий маълумотли бўлман, деган ниятдаги 173 нафар хотин-қизга ушбу танловда иштирок этиши учун тавсияномалар тақдим этилди. Натижада улардан 6 нафари олий таълим муассасаларига ўқишга кирди. Бу биз учун яна бир ютуқ, десак, муболаға бўлмайди.

* * *

Бир сўз билан айтганда, жамиятда аёллар улугланса, уларга эътибор ва қўмак берилса, оила пароканда бўлмайди. Фарзандлар тарбияси бузилмайди. Жиноятларнинг олди олинади. Маҳаллада осудалик бўлади. Чунки аёл оиланинг асосий бўғини ҳисобланади. Бугунги кунда ўзининг бизнес лойиҳалари билан тадбиркорлик ишларини йўлга қўя олмай юрган хотин-қизлар орамизда йўқ эмас. Ана шундай тадбиркор аёлларимизни қўллаб-қувватлаш эса олий мақсадларимиздан бири ҳисобланади. Чунки Юртбошимиз ҳам бежизга: «Битта тадбиркор ўнта одамни ишли қилиши мумкин, бу дегани ўнта оилада фаровонлик касб этади», дея таъкидлаб ўтмаганлар.



Мавзуга оид маълумот:

Инвестиция лойиҳалари қанча иш ўрни яратиши мумкин?

Туманда Президентимизнинг 2020 йил 11 ноябрдаги «2020-2023 йилларда Қорақалпоғистон Республикасини комплекс ижтимоий-иқтисодий ривожлантириш чора-тадбирлари тўғрисида»ги қарори ижроси юзасидан бир қанча ишлар амалга оширилмоқда. Жумладан, биринчи навбатда тумanning ўсиш нуқталари нефть-кимё саноати ҳамда чорвачилик соҳасини ривожлантириш кўзда тутилган. Ушбу соҳалар учун умумий қиймати 6,5 трлн. сўм бўлган 160 та лойиҳани амалга ошириш ҳисобига 1 минг 737 та янги иш ўрни яратиш белгиланган.

2020-2022 йилларда 4 минг 106 та янги иш ўринлари яратиш ҳисобига ишсизлик даражаси 8,7 фоизга туширилади. Жумладан, бугунги кунга қадар туманда жами 1070 та янги иш ўринлари яратилди. 2021 йилда умумий қиймати 350 741 млн. сўм, шундан 116 090 млн. сўм ташаббускор маблағи, 153 330 млн. сўм банк кредити, 6 880 минг доллар хорижий кредит ва 1 000 минг доллар хорижий инвестиция ҳисобига 36 та инвестиция лойиҳаси ва 699 та янги иш ўрни яратилади. 2022-2024 йилларда умумий қиймати 2 193 440 млн. сўм бўлган 3 та инвестиция лойиҳаси ва 480 та янги иш ўрни яратилади.

этилиб, маҳаллалардаги тажрибали ҳунарамандларга бириктирилди. Асосийси, ҳунари бор аёл уйдан чиқмасдан фаолиятини олиб борса бўлади. Бунда у ҳам рўзғорига иқтисодий қўмакчи бўлиш билан бирга, фарзандларининг назоратсиз қолишининг олди олинади. Демак, ҳам оиласини, ҳам ишини бирдай олиб бориш имконияти бор.

Ҳеч ким эътибордан четда қолмайди

Тумандаги 24 минг 973 та хонадонда 28 минг 560 та оила истиқомат қилади. Беш қўл баробар эмас. Ижтимоий ҳимояга муҳтож, турмуш шароити оғир, уй-жойга зориққан аёллар ҳам бор. Уларнинг рўйхати шакллантирилиб, навбати билан уй-жойга эга



Тошкент вилоятига янги бош имом-хатиб тайинланди.

Андижон вилояти мамлакатимиздаги ҳудуди жиҳатидан энг кичик, аҳолиси эса энг зич яшайдиган вилоят ҳисобланади. Шу боис ҳудудда ернинг ҳар бир қарич майдонидан унумли ва оқилона фойдаланиш талаб этилади. Президентимиз ўтган йили Андижонга ташрифи чоғида ана шу жиҳатни ҳисобга олиб, қолаверса, экин майдонларини камайтирмаслик мақсадида вилоятнинг адир зоналарида арзон, кўп қаватли уйлар қуриш ва шу орқали тобора ўсиб бораётган аҳолини уй-жой билан таъминлаш борасида қатор вазифалар белгилаб берган эди.



ЧОРАСИЗЛИК ШУКРОНАГА, УМИДСИЗЛИК ХОТИРЖАМЛИККА АЙЛАНДИ



Моҳинур ҚОСИМОВА,
Андижон шаҳри ҳокими ўрин-
босари, Маҳалла ва оилани қўл-
лаб-қувватлаш бўлими бошлиғи.

35 кунда янги маҳалла бунёд бўлди

Инсон ўз қалбини англаса, ўзини, борлиғидаги қувватни жамлаб олса, дунёни ўзгартиришга қодир. Халқимизнинг неча йиллик орзу-умидларини рўёбга чиқараётган, тарихий ўзгаришларнинг ёрқин ифодаси — «Обод маҳалла» дастури доирасида биргина Андижон шаҳрида икки ойда тикан босган яйдоқ қирда янги, обод ва файзли маҳалла барпо бўлгани, тақир сахрога тараққиёт ва ободлик нафасини бағишлаган замонавий уйлар қад кўтаргани ҳам асрлар давомида инсониятни улғайтирган бу ҳаёт ҳақиқатини яна бир бор исботлаб берди.

Андижон шаҳри марказидаги «Мустақиллик» маҳалласидаги хонадонлар бир неча йиллар давомида ғоятда оғир шароитда кун кечиришга мажбур бўлгани ҳақида ҳаётдаги энг оғриқли нуқта бўлиб келаётганди. Хароба ва авария ҳолатидаги уйлар, жой торлигидан бир айланиб олиш ҳам катта машаққат бўлган каталакдек ҳовлилар, бир дарвозадан кириб чиққан ўнлаб оилалар, бундай файзсиз, чорасиз муҳитда ўз ҳолича вояга етаётган ёшлар тақдирида йиллар давомида катта бир савол очиқ турган эди: бу одамлар ҳам рисоладагидек яшаши, ҳаётдан рози бўлиши учун нима қилиш керак?

Давлатимиз раҳбари топшириғи асосида тузилган Республика ишчи гуруҳининг мазкур ҳудуддаги ўрганишларидан сўнг, маҳалла аҳолиси билан атрофлича масла-

ҳатлашилгач, ўз умрини яшаб бўлган, на хавфсизлик, на замонавий шаҳарсозлик талабларига жавоб берувчи уйларни тўлиқ бартараф этиш, бу ерда яшовчиларга давлат ҳисобидан шаҳарнинг бошқа ҳудудидан намунавий лойиҳалар асосида янги уй-жойлар қуриб беришга қарор қилинди.

Бунинг учун аниқ ва пухта режа, шаҳарсозлик талаблари асосида қурилиш лойиҳаси ишлаб чиқилди. Вилоят ҳокимининг қарорига асосан, Андижон шаҳрига яқин Хўжаобод тумани Хидирша масивидан 54 гектар ер ажратилиб, қурилиш ишларига жадал киришилди. Шу кундан эътиборан Хидирша қирларида бунёдкорлик ва ободликнинг қудратли тўлқини ҳаракатга келди. Энг эътиборлиси, ҳудуддаги тураржойлар ва бошқа иншоотлар 35 кунда ҳашар йўли билан қуриб битказилди.

Қурилиш жараёни бундай шиддатли суръатда, катта куч-ғайрат билан олиб борилганида бир томондан йиллар давомида ўта оғир ва мураккаб шароитда иложсизликдан кун кечирган одамларнинг янги, обод ва файзли ҳаётга интилиши, бунёдкорлик ишларига муносиб ҳиссаси, иккинчи томондан мутасаддиларнинг бир кун олдин бўлса ҳам аҳоли учун қулай турмуш шароитини яратиб беришга жон-жаҳди билан интилиши муҳим омил бўлди.

Уй-жой қуришда «Андижон тажрибаси» яратилди

Давлатимиз раҳбари бундан икки йил муқаддам — 2018 йил 20 май куни Андижон шаҳридаги янги уй-жойларни кўрган эди. Мазкур ҳудудда бу масала долзарб эканини инобатга олиб, қўшимча тураржойлар қуриш бўйича топшириқ берганди. Шу асосда шаҳарда йигирмата 7 қаватли, иккита 16 қаватли уй барпо этилди.

Яна бир жиҳат: бу янги уйларда шунча майдондаги бошқа лойиҳаларга нисбатан 2 баробар кўп хонадонлар жойлашгани маҳаллий шароит учун жуда муҳим. Шу боис хонадонларнинг нархи ҳам ҳамёнбоп. Бу ҳақда сўз юри-

тар экан, Президентимиз: «Камбағалликдан чиқишнинг энг асосий замини — уй-жой. Одамларнинг бошпанаси бўлса, ўзи ҳаракат қилиб, рўзгорини оёққа кўйиб олади», — деган эди.

Айтиш керакки, арзон уй-жойлар қуриш бўйича «Андижон тажрибаси» яратилди. Жумладан, Андижон шаҳри билан туташ адир ҳудудларда кўп қаватли уйлар қуриш бўйича дастур ишлаб чиқилди. Унга кўра, 2020 йилда Хўжаобод тумани Иттифок массивидаги адир зонасида бир неча босқичда 35 та кўп қаватли уй қурилади. Биринчи босқичда 330 квартиралари 11 та кўп қаватли уйлар қад ростлайди.

ДАРВОҚЕ...

Кейинги икки йил ичида биргина Андижон шаҳрининг ўзида 1 минг 798 квартиралари 41 та кўп қаватли уй барпо этилди.

Қурилиш учун нимага айнан шу жой танланди? Айтиш керакки, ушбу ҳудуд Андижон шаҳрининг шундоқ юқори қисмида, «Андижон – Ўш» автомагистраль йўли бўйида жойлашган, қолаверса, баҳаво, ёзнинг иссиқ кунларида ҳам доимий шабада эсиб туради. Бундан ташқари, табиий газ, электр энергияси, ичимлик суви тармоқларига бирмунча яқин экани ишларни нисбатан тез амалга ошириш, инфратузилма харажатларининг ўта баланд бўлмаслигини таъминлайди.

Улкан ҳудудда барпо этилаётган массивда яшовчилар учун зарур барча қулайлик ва шароитлар яратилади. Шунингдек, бу ерда мактабгача таълим муассасаси, мактаб, гузар, бозорча, бир нечта минимаркетлар ҳам барпо этилади. Умуман, мазкур ҳудуд ўзининг бетакрор ландшафти, гўзал қиёфаси билан андижонликларнинг орзусидаги гўзал масканлардан бирига айланади. Мазкур кўп

қаватли арзон уйлар, биринчи навбатда, Андижон шаҳри, Андижон, Хўжаобод, Булоқбоши ва Жалакудук туманларидаги уй-жойга муҳтож, шунингдек, уй-жой олиш учун навбатда турган оилаларга берилиши кўзда тутилган.

«Замонавий қишлоқ» қандай лойиҳа?

Айтиш керакки, Президентимиз Андижонда яна бир тажрибани ҳаётга татбиқ этиш лозимлигини таъкидлади. Яъни урбанизация талаблари ва инфратузилма мавжудлигини ҳисобга олган ҳолда, ҳар бир туманда иккитадан замонавий қишлоқ қуриш лойиҳаси Андижондан бошланади.

«Замонавий қишлоқ», бу — кўп қаватли уйлар қуриладиган, инфратузилма объектлари мавжуд, аҳоли учун барча шароит яратилган масканлар бўлади. Бу ердаги уй-жойлар бошқа дастурлар доирасида барпо этилган уйлардан бирмунча арзонлиги билан ажралиб туради. Улар, аввало, бир уйда кўпчилик бўлиб яшаётган оилалар, шунингдек, аҳолининг муҳтож қатламига берилади.

Халқимиз «Уйи борнинг — ўйи йўқ» деб бежиз айтмайди. Ҳа, бу фикр кейинги пайтда кўп такрорланяпти. Чиндан ҳам, ҳар бир инсон, аввало, ўз уйига эга бўлишни, оиласи, фарзандлари билан бахтли ҳаёт кечиришни истайди. Бахтни ҳам ана шу мезон билан ўлчайди. Шу боис бугун «Уйлар муборак!» деган табрикни Андижоннинг ҳар бир маҳалласидан эшитамиз. Уй соҳибларининг нигоҳидан қувонч ва шукроналикни уқамиз. Уларнинг қай бири билан суҳбатлашманг, гап амалга оширилаётган кенг қўламли бунёдкорлик ишларига бориб тақалади. Ҳаётида, онгу тафаккурида рўй берган ўзгаришлар, турмуш тарзи тобора юксалиб бораётгани тўғрисида ўзи, оиласи, маҳалласи мисолида ғурур билан сўзлайди. Дилида эса бир калом зохир: «Агар халқимизнинг чин маънодаги яратувчанлик салоҳиятига гувоҳ бўлишни истасангиз, маҳалламизга бир келиб кетинг!»

Инсон учун ўз ватанида яшамоқ, халқига хизмат қилмоқ, унинг корига ярамоқликдан юксак бахт йўқ. Шукрки, фуқароларнинг ўзини ўзи бошқариш органларида меҳнат қилаётган ходимларга шундай бахт насиб этган. Биз ҳар кун иш халқ ичида, эл орасида бўламиз. Ватандошларимизнинг дарду қайғуси, қувончларига тенг шерикмиз. Ўзгаришлар, ислохотларнинг айна бошида турамиз. Зеро, ҳар қандай янгиликни маҳалладан бошланади.



Мухтасар ҲОШИМОВА,
Хонобод шаҳри ҳокими ўринбосари, Маҳалла ва оилани қўллаб-қувватлаш бўлими бошлиғи.

Кейинги йилларда Андижонда бўлаётган ўзгаришлар ҳам салмоқли. Айниқса, ҳудуднинг туристик имкониятлари ҳам кенгайиб бормоқда. Биргина Хонободнинг «Ўзбекистон Швейцарияси» деб аталиши бунга изоҳ қолдирмаса керак. Қолаверса, Хонобод нафақат вилоятнинг, балки юртимизнинг ҳам шарқий дарвозаси ҳисобланади. Диёримизда қуёшнинг заррин нурлари дастлаб хонабодликлар хонадонидан «меҳмон» бўлади.

Тан олиш керак, Хонобод бир муддат бутунлай эътибордан четда қолди. Шаҳарни комплекс ривожлантириш, аҳоли фаровонлигини таъминлаш, янги иш ўринларини ташкил этиш борасидаги ишлар суст олиб борилди. Хонобод чегара минтақасида жойлашгани боис узоқ йиллар ёпиқ ҳудуд бўлиб, саноат ривожланмаган, кўплаб объектлар бўшаб қолган эди. Шаҳарга элтадиган йўлларда ўрнатилган чегара постлари, паспорт назорати юртдошларимизга турли ноқулайликлар, қийинчиликлар келтириб чиқарарди.

Президентимиз топшириғи асо-

ХОНОБОД ВОДИЙНИНГ ТУРИЗМ МАРКАЗИГА АЙЛАНМОҚДА

сида 2017-2019 йилларда Хонобод шаҳрини комплекс ривожлантириш бўйича дастур ишлаб чиқилди. Унга 3 минг 200 дан зиёд лойиҳа киритилиб, 500 миллиард сўм маблағ йўналтирилди. Бунинг натижасида кўплаб корхоналар ташкил этилиб, одамлар иш билан таъминланди. Одамларни анча вақтдан буён қийнаб келаётган муаммолар бартараф этилди: чегара постлари олиб ташланди, паспорт режими бутунлай бекор қилинди.

Туризм шаҳарчаси қандай бўлади?

Давлатимиз раҳбари жорий йилнинг 21-22 май кунлари Андижон вилоятига ташрифи давомида ҳудудда ички туризмни ривожлантириш масаласига эътибор қаратди. Жумладан, Хонобод шаҳрини Фарғона водийсининг сайёҳлик марказига айлантириш бўйича ўз кўрсатмаларини берди. Ҳақли савол туғилади: хўш, ҳудуднинг туризм имкониятларидан қай даражада фойдаланиляпти? Ҳудудда аҳоли бандлиги қай тарихи таъминланмоқда?

Мазкур топшириқлар ижроси доирасида айна пайтда Хонтоғ қир-адирлиқларининг салкам 90 гектар қисмида туризм шаҳарчаси бунёд этилмоқда. Лойиҳага асосан, бу ерда дам олиш учун зарур бўлган мингдан зиёд дала-ҳовли, очиқ ва ёпиқ сув ҳавзалари, миллий чойхона ва замонавий ресторанлар, спорт майдонлари қуриб битказилади.

Давлатимиз раҳбарининг 2020 йил 26 ноябрдаги «Андижон вилояти Хонобод шаҳрида «Life Khonobod» инвестиция ва туристик лойиҳасини амалга ошириш чоратадбирлари тўғрисида»ги

қарорига кўра, инвесторга «Янги ҳаёт» маҳалла фуқаролар йиғинининг Хонобод массивидаги қишлоқ хўжалиги ерларидан 10 гектаргача бўлган майдон доимий фойдаланиш ҳуқуқи асосида ажратилади.

Бунда инвестор 2020-2021 йилларда «Life Khonobod» бренди остида минерал ичимлик суви ишлаб чиқаришни йўлга қўяди. Ичимликлар галереяси (насос хонаси), эсдалик совғалари дўкони, кўрғазма заллари ташкил этади. Бу орқали камида 200 та янги иш ўринлари яратилади. 2022-2023 йилларда эса камида 30 та янги иш ўринларини яратиш орқали замонавий дам олиш зонаси — 150 ўринли меҳмонхона мажмуаси қурилади.

асосида пенопласт хомашёсидан қурилади. У меҳмонхона, ётоқхона, ҳожатхона, ошхона ва ҳаммомдан таркиб топади.

Кўриниб турибдики, ҳудуддаги аксарият лойиҳалар туризм билан ҳамоханг тарзда амалга оширилади. Шунга монанд аҳоли бандлигини таъминлашда ҳам айна йўналишга кўпроқ урғу берилади. Бу жараёнда ҳудуд одамлари уй меҳмонхоналари ташкил этиши, туризм объектларидан хизматлар кўрсатишни йўлга қўйиши, туроператорлик билан шуғулланиши мумкин. Умуман олганда, пандемия даври тугаши билан Хонобод шаҳри сайёҳлар учун ўз эшикларини очади.

Шаҳар ер майдони кенгайди

Хонобод шаҳри аҳолиси 41 минг кишини, умумий ер майдони эса 23 квадрат километрни ташкил этади. Ҳозиргача шаҳар ҳудудининг кичиклиги сабаб ишлаб чиқариш ва хизмат кўрсатиш объектларини барпо этишга етарлича имкон бермаётганди. Шу боис Олий Мажлис палаталари қарори билан Қўрғонтепа туманидаги тўртта — «Султонобод», «Хонобод», «Ш.Рашидов» ва «Авазматов» мавзела-рида жойлашган жами 1 минг 284 гектар ер майдони Хонобод шаҳри таркибига ўтказилиши шаҳар аҳолисига қулай шароит яратади.

Жумладан, бу ерларда эндиликда замонавий дам олиш масканлари, иссиқхона ва тут плантациялари, бодомзорлар ташкил этилиши, меҳмонхона ва кемпинглар, спорт иншоотлари қурилиши режалаштирилган. Уларнинг амалга оширилиши натижасида 200 га яқин янги иш ўринлари яратилади. Демак, бу ўз ўрнида шаҳар ижтимоий-иқтисодий салоҳиятининг ошиши, аҳоли турмуш даражасининг юксалиши, минглаб иш ўринларининг яратилишига ҳам хизмат қилади.



Инновацион ўтов-уйлар қурилади

Яна бир лойиҳа — «Андижон сув омбори» ҳудудида барпо этиладиган экотуризм комплекси. Нафақат Ўзбекистон, балки Марказий Осиёда ягона ҳисобланган бу мажмуа таркибида юлдузли меҳмонхоналар, юзлаб меҳмон уйлари, соҳилда эса маҳсус чўмилиш майдонларига эга пляж барпо этилади.

Ҳамиша янгиликка интилувчан ва изланишдан чарчамайдиган андижонликлар энди аҳоли учун тураржойнинг инновацион услубини тавсия этмоқда. Ҳозир «Rust Dostlik agrosanoat» МЧЖ раҳбари Рустамжон Усмоновнинг айтишича, ушбу инновацион ўтов-уйлар Япония технологияси

ДАРВОҚЕ...

180 ўринли «Хонобод» ситхатгоҳи денгиз сатҳидан 850 метр баландликда жойлашган бўлиб, ушбу маскан тоза ҳавоси ва шифобахш суви билан нафас йўллари, асаб тизими, юрак қон-томир касалликларини даволашга ихтисослашган.

Хонадонимизни, кўчаларимизни, ариғу томорқаларимизни саранжом тутиш халқимизга хос одат. Ҳали қуёш ётоғидан бош кўтармасидан кўчаларга сув сепиб, ер юзини очган келин-чакларнинг ибратомуз ҳаракатини инсон яшамайдиган уйларни-да озода сақлаш, чанг юқтирмаслик каби анъаналаримизда кўп ҳикмат бор. Энди тасаввур қилинг, уйимиздаги мана шу удум маҳалламизга кўчса нима бўлади? Табиийки, юрт обод бўлади.

ОБОДЛИКНИНГ КЎНГИЛГА КЎЧГАН МАНЗИЛЛАРИ

«Хароб ва файзи йўқ жойда яшаётган аҳолининг кайфияти ҳам, келажакка интилиши ҳам бўлмайди. Агар биз қишлоқларни обод қилсак, у ердаги халқнинг кайфияти ўзгаради, ўз ҳаётини янада яхшилашга интилиш пайдо бўлади, қишлоқлар иқтисодий юксалади. Буларнинг бари Ватанимизнинг ободлиги ва иқтисодий юксалиши учун яна бир муҳим туртки бўлади».

Шавкат Мирзиёев ташаббуси билан ҳаётга татбиқ этилган «Обод қишлоқ» ва «Обод маҳалла» дастурлари айна шу мақсадларга қаратилгани билан ҳам аҳамиятлидир. Бугун ушбу ҳаётбахш дастурлар мамлакатимизнинг янги қиёфасини шакллантиришга хизмат қилаётир. Биргина Жалақудуқ тумани маҳаллаларидаги ўзгаришларнинг ўзиёқ қишлоқ ва маҳаллаларни ободонлаштириш фуқаролар ҳаётида қандай муҳим ўрин тутишига далолатдир.

Ҳаётбахш ўзгаришлар йўлида

Дастурлар доирасида ўтган асрнинг олтинчи-етинчи йилларида барпо этилган барак-уйлар, абгор ҳолатдаги қишлоқ ва маҳаллалар қиёфаси ўзгартирилиб, замонавий кўринишга келтирилмоқда. Бундай янгиланишлар жараёнида электр энергияси, табиий газ, ичимлик суви таъминотидан ташқари, тор ва қинғир-қийшиқ кўчалар кенгайтирилиб, асфальт ва шағал ётқизилмоқда.

Айтиш керакки, ушбу хайрли тадбир вилоят бўйича энг биринчи Жалақудуқ туманидаги «Қиличмозор» маҳалла фуқаролар йиғинидан бошланганди. Бу, бежиз эмас, албатта. Сабаби, маҳалла ҳудудида ислом дини пешволаридан бири Қутайба ибн Муслим ҳазратлари мангу кўним топган зиёратгоҳ мавжуд. Тарихий маълумотларга кўра, Қутайба ибн Муслим (660-715) йирик ислом фотиҳларидан бири, ҳарбий саркарда ва тажрибали лашкарбоши бўлган.

Шунингдек, мазкур эзгу ташаббус бугунгача «Қиличмозор»дан

ташқари, туманнинг «Бозорбоши», «Намуна», «Бойчеки», «Сўфиқшлоқ», «Қорағул», «Жалақудуқ», «Бўстон», «Ўзбекистон», «Кўкалам», «Ҳамзаобод», «Тўрачеки», «Янгисор», «Дўнқишлоқ», «Ўрғи», «Намуна» маҳалла фуқаролар йиғинларида ҳам халқимизга хос катта бунёдкорлик, ободлик, дахлдорлик туйғуси билан амалга оширилди.

Рақамларга юзлансак: айна жараёнларда 65 км. йўллар тартибга келтирилиб, 55 км. масофадаги ариқларда тозалаш ишлари амалга оширилди. Шунингдек, 65 км. масофадаги электр симлари янгиланиб, 391 та кўча чироқлари ўрнатилди, 46 км. масофага оқова сув тармоғи тортилди. 55 гектар майдонда ободонлаштириш ишлари бажарилиб, 69 тонна чиқиндилар чиқариб ташланди. Қолаверса, тумандаги 61 та қабристон, 3 та зиёратгоҳ, 122 та ижтимоий соҳа объектларида ободонлаштириш ишлари амалга оширилди.

Яширишдан не ҳожат, яқин



йилларгача бу ҳудудларга эътибор сустиги оқибатида аҳолининг турмуши бугунги тараққиёт мезонларидан анча ортда қолган эди. Бугун юқоридаги ишлар натижасини кўрган кишининг қалби завққа тўлиб, «қаровсиз қолган жойларда ҳам ана шундай эзгу ишларни амалга ошириш мумкин экан-ку», дея шукроналар айтмоқда.

Ободлик хонадондан бошланади

Обод маҳалла, шубҳасиз, обод хонадон ва обод кўчадан бошла-

нади. Айна жиҳат ҳисобга олинаиб, «Жонажон юртим ободлигига ўз ҳиссамни қўшаман!» шиори остида барча маҳаллалар, кўча ва хонадонларда эзгу акциялар ташкил этилди. «Обод хонадон», «Обод кўча» ва «Обод маҳалла» тамойили асосида халқимиз томонидан ободлик ва соғлом турмуш тарзини тарғиб этишга қаратилган тадбирлар кенг кўламда амалга оширилди. Бунинг ортидан эса хонадонлар, кўча ва маҳаллалар янада файзли ва обод кўринишга эга бўлди.

Қолаверса, хонадон ва кўча ободми, шунга қараб одамларнинг яшаш тарзига баҳо берсак бўлади. «Обод хонадон», «Обод кўча» ва «Обод маҳалла» кўрик-танловларининг ташкил этилиши бизга шундай имкониятни яратди. Эҳтиёжманд ва кўли калта оилаларнинг хонадонларини таъмирлаш, томорқаларидан самарали фойдаланишни йўлга қўйиш, боқувчисини йўқотган, якка-ёлғиз, кекса ва касалманд инсонларнинг уй-жойларини таъмирлаб бериш, ер майдонларини тартибга келтириш мақсадида бир неча бор ҳашар уюштирилди. Бу нафақат қийналган фуқароларга ёрдам бериб савоб олиш, балки маҳаллада ўлмас қадриятга айланган ҳашар анъанасини давом эттириш, одамларни меҳр-оқибатга ўргатиш имконини ҳам берди.

Рақамларга юзлансак: ҳудудий ҳаракатлар режасига 2 минг 580 та хонадон киритилиб, улардаги барча уйлар таъмирдан чиқарилди. Эҳтиёжманд ва камбағал оилаларнинг ижтимоий ҳолати ўрганилиб, унга кўра, 691 нафар бандлиги таъминланмаган фуқаро аниқланиб, уларнинг 454 нафари ҳақ тўланадиган жамоат ишларига, 36 нафари бўш иш ўринларига, 105 нафари ўзини ўзи банд қилиш орқали ҳамда 96 нафари бошқа ишларга жалб қилинди.

Қолаверса, бундай тоифадаги фуқароларнинг 286 нафарига субсидия берилиб, 350 нафарининг кредит олишига кўмаклашилди. Шунингдек, 574 нафар фуқарога

ғалладан бўшаган ерлардан 0,20 сотихдан такрорий экин учун ер майдони ажратиб берилди.

Биносиз йиғин — қанотсиз қуш...(ми?)

Шароит бўлмаган жойда самарадорлик ҳам бўлмайди. Очиғи, биносиз йиғинлар масаласи йиллар давомида бизни қийнаб келганди. Боиси аксарият маҳаллалар қайсидир ташкилотнинг кичкина хонасида, ё бўлмаса, мактаб, шифохона, ҳатто раисларнинг уйида фаолият юритгани ҳам бор гап. Сўнгги йиллардаги эътибор сабаб, айна масалалар ҳам ечим топмоқда.

Жумладан, туманда 2020-2022 йилларга мўлжалланган ҳар бир маҳаллада фуқароларнинг ўзини ўзи бошқариш органлари комплексларини ташкил этиш юзасидан манзилли дастур ишлаб чиқилиб, маҳалла бинолари хусусий шерикчилик асосида қурилиши режалаштирилган. Бугунгача «Янгисор», «Қиличмозор» ва «Қутлуғ» маҳаллалари учун янги бинолар қуриб берилди. Ҳозирда «Охунбобоев», «Хасанқавоқ», «Бузрукхонтўра», «Янги чек», «Тошҳовуз», «Бўстон», «Капа», «Каттаполвон» йиғинлари бинолари янгидан қуриб битказилмоқда.

* * *

Обод маҳалла ва қишлоқ одамларининг қалби ҳам обод, маданияти ҳам юксак бўлади. Бутун мамлакатимиз бўйлаб кенг кўламда олиб борилаётган ободончилик юмушлари Жалақудуқда ҳам ўз аксини топаётгани барчани хурсанд қилмоқда. Ҳаттоки, эскича фикрлаш ва яшашга кўникиб қолган айрим одамлар ҳам кўз ўнгида содир бўлаётган бундай янгиланишлардан хайратга тушмоқда. Демак, халқимизни рози қилиш энг эзгу муддаомиз экан, ҳар бириимиз зиммамизга олган масъулиятни ҳис этишимиз, бурчимизни тўла оқлашимиз керак. Зеро, эл дуоси — бошга тож дейдилар...

Сардор ЎРИНБОЕВ,
Жалақудуқ тумани ҳокими
ўринбосари, Маҳалла ва оилани
қўллаб-қувватлаш бўлими
бошлиғи.



Ўзбекистон «Энг яхши истиқболли сайёҳлик йўналиши» сифатида эътироф этилди.

МЕҲР-МУРУВВАТ ВА КЎМАК ҲАР КУНИ КЕРАК

Шофиркон туманида моддий-маънавий мададга муҳтож, боқувчисини йўқотган, якка-ёлғиз кексалар ҳолидан хабар олиниб, қўллаб-қувватланмоқда. Хусусан, куни кеча «Маҳалла» хайрия жамоат фонди, қолаверса, «Саховат ва кўмак» умумхалқ ҳаракати ҳисобидан синовли кунларда оғир шароитга тушиб қолган якка-ёлғиз кексалар, ногиронлиги бўлган шахслар, кам таъминланган жами 140 та хонадонга 8 турдаги озиқ-овқат маҳсулоти элтиб берилди.



Акмал ҚАЗОҚОВ,
Шофиркон тумани ҳокими ўринбосари, Маҳалла ва оилани қўллаб-қувватлаш бўлими бошлиғи.

— Бу ўринда гап берилган маҳсулотда эмас, муҳтож одамга кўрсатилган меҳр-мурувватдир, — дейди «Жўйнав» маҳалласида яшовчи Бибиражаб Орипова. — Бу ғамхўрликдан кўнглимиз тоғдек кўтарилди.

Бундан ташқари, туман Маҳалла ва оилани қўллаб-қувватлаш бўлими тавсияси асосида ҳудудда оғир шароитда яшаётган, эҳтиёжманд оилалардан 28 тасига тикув машинаси, электропеч, газ плитаси, телевизор, музлаткич, кир ювиш машинаси каби маиший техника воситалари етказиб берилгани қишлоқ аёлларининг оғирини енгил қилишда айна муддао бўлди.

— Бир нафар фарзандим бор. Турмуш ўртоғим ва ўзим айна дамда ишсизмиз. Оилавий аҳволимизни ўрганган ҳолда бизга кир ювиш машинаси тақдим этганларидан жуда хурсанд бўлдик, — дейди Талисангобод қишлоғида яшовчи Орзигул Абдуллаева. — Шундай хайрли ишга бош қўшган барчага ўз миннатдорчилигимизни билдирамыз.

Шароф Рашидов номли маҳаллада истиқомат қилувчи Хурсандой Муродовани ҳам кунларнинг кескин совуб кетгани ташвишга солиб қўйганди. Оила боқувчисининг вафотидан кейин уй-рўзгор, бола-чақа ташвиши ўзининг

елкасида қолган Х.Муродова икки норасида фарзандини қишнинг қаҳратонидан эсон-омон ўтиб олиши керак. Ғамлаб қўйган ўтини эса бу аҳволда кўпга бормаслигини ўйлаб, ташвишга тушарди. Ниҳоят, оғир ижтимоий шароитда яшаётган оилалар қаторида боқувчисидан айрилган мазкур хонадонга ҳам «Саховат ва кўмак» умумхалқ ҳаракати доирасида амалий ёрдам кўрсатилди.

Муҳими, шу куни «темир дафтар»га киритилган ва табиий газ тармоғидан узилган оилалардан 348 тасига қиш аёзи, совуқ мавсумдан эсон-омон ўтиб олишлари учун 200 килограмм кўмир ёқилғиси беминнат тарқатилди.

Айни пайтда туманда оғир ижтимоий аҳволга тушиб қолган 526 та оила «темир дафтар»га киритилган бўлиб, уларга тегишли тартибда инсонпарварлик ёрдамлари кўрсатиш билан бирга, моддий аҳволини яхшилаш мақсадида иш билан таъминлаб, тадбиркорликка жалб этиб борилмоқда.

Оила масаласи — келажак масаласи

Маълумот учун факт: жорий йилнинг ўтган даври мобайнида туманда ажралиш учун маҳалла ва бошқа идораларга мурожаат қилган 128 нафар оиланинг 43 таси яраштирилди. 38 та оила билан тегишли тушунтириш ишлари олиб борилмоқда.

Оилавий ажралиш масаласи шунчаки шахсий иш эмас, балки ижтимоий муаммодир. Шу сабабдан мазкур шахслар билан бўлимиз томонидан маҳаллалардаги обрўли шахслар, нуронийларни жалб этган ҳолда индивидуал тарзда тушунтириш ишлари олиб бораётиб.

Дарвоқе, шу ўринда бир тажриба. Маҳаллалардаги Оилавий қадриятларни мустақамлаш комиссиялари томонидан олиб борилган суҳбатларга қарамай, ажралиш

фикридан қайтмаган ёш оилалар билан туман фаоллари иштирокидаги мулоқотни расмий кабинет эмас, балки Етти пир силсиласидаги авлиё — Хожа Ориф Моҳитобон зиёратгоҳларида ўтказяпмиз. Бу ерда имом-хатибнинг оила муқаддаслиги, фарзанд тарбиясида ота-оналар бурчи тўғрисидаги ваъзалари, руҳшунос, иқтисодчи ва бошқаларнинг фикрлари асносида шу пайтгача 11 та оиланинг барчаси яраштирилди.

Оилавий ажралишларга кўп жиҳатдан турмушдаги етишмов-

бўлса, «Халқ банки» туман филиали томонидан Дилшод Тешаев оиласига имтиёзли тартибда 11 миллион сўм кредит маблағи ажратилиб, 8 бош қўй олиб берилди. Бундан ташқари, оила бекаси Нигора Насриева жамоатчилик асосида ишга жойлаштирилиб, унга 1 миллион сўмдан ошиқроқ ойлик маош тайинланди. Асосийси, эндиликда бу оила ижтимоий мададга муҳтож камбағаллар қаторидан чиқарилди.

Осоишталикда гап кўп

Маҳалла тинчлиги, osoишталиги муайян ҳудуддаги ижтимоий-иқтисодий муҳит барқарорлиги омили ҳисобланади. Шу жиҳатдан туманда қонун устуворлигини таъминлаш, жиноятчиликка қарши курашиш, унинг барвақт олдини олиш, ҳуқуқбузарликлар профилактикасини жойларда тизимли ташкил этиш, жамоат тартиби ва аҳоли хавфсизлигини таъминлашга ҳам алоҳида эътибор қаратилмоқда.

Мазкур мақсадда жорий йилнинг ўтган даврида тумандаги барча 50 та маҳалла фуқаролар йиғинида намунавий талаблар асосида жамоат назорати пунктлари ташкил этилиб, жамоатчилик навбатчиликлари ташкил этилди.

Маҳаллаларда osoишталикини таъминлаш борасида амалга оширилаётган бу каби ишларимиз натижасида жорий йилда 27 та маҳалла жиноятчиликдан холи ҳудудга айлантирилди. Жиноят содир этган шахслар сони сезиларли даражада камайишига эришилди.

Албатта, бу каби ишлардан мақсад — ҳуқуқбузарликларнинг олдини олиш, фуқароларнинг соғлиғи ва мулкани жиноий тажовузлардан ҳимоя қилиш, маҳалла ободлиги ва халқимиз турмуш даражасини яхшилаш борасида олиб бораётган фаолиятимиз натижасини халқимиз кутган даражага етказишдир.

ДАРВОҚЕ...

Туманда 95 нафар фуқаро корхона-ташкilotлар ва фермер хўжаликларига ишга жойлаштирилган бўлса, 163 нафари ўзини ўзи банд қилиш орқали бандлиги таъминланди. 3 нафар аёлга эса имтиёзли кредит ажратиб берилди.

чиликлар ҳам сабаб бўлмоқда. Шу боис яраштириш тадбирларида фақат насихат эмас, балки улар бандлигини таъминлаш, тадбиркорликка жалб этиш борасида ҳам амалий ишлар қияпмиз.

«Арабхона» маҳалласида яшовчи Дилшод Тешаев ва унинг турмуш ўртоғи Нигора Насриева ҳеч қаерда ишламаслиги, даромоди йўқлиги сабабли шу йил июль ойида маҳалла «темир дафтари»га киритилганди. Маҳалла жамоатчилиги ва ҳомийлар кўмаги, қолаверса, «Саховат ва кўмак» умумхалқ ҳаракати томонидан бу оилага 1 миллион 800 минг сўм миқдорида моддий ёрдам ва кундалик озиқ-овқат маҳсулотлари етказилган



**Ўзбекистоннинг UNESCO ишлари бўйича Миллий комиссияси
Бош котиби этиб Гаянэ Умерова тайинланди.**

Туманимизда «Хомашёдан тайёр маҳсулотга» таъминоти асосида «Bukhara Cotton textile» хорижий корхонаси таркибига кирувчи «ВСТ Cluster Agrokompleks» кўп тармоқли корхонасининг ишга туширилиши натижасида ўтган даврда 228 та кам таъминланган ва даромадсиз фуқаро иш билан таъминланган бўлса, бугунга келиб, аниқроғи, шу йил якунига қадар ишга туширилаётган кўшимча қувватлар ҳисобидан 270 нафар эҳтиёжманд оила вакиллари ишга жойлаштириш кўзда тутилган.



БАРҚАРОР ИШ ЎРНИ — ДАРОМАД ВА ОИЛА ТЎҚЛИГИ ДЕГАНИ



Шухрат ХЎЖАҚУЛОВ,
Ромитан тумани ҳокими ўринбосари, Маҳалла ва оилани қўллаб-қувватлаш бўлими бошлиғи.

Туманда яна бир йирик лойиҳа – умумий қиймати 135 миллион АҚШ доллари тенг, шундан тўғридан-тўғри хорижий инвестиция ҳисобидан амалга оширилаётган тўқимачилик-йигирув ишлаб чиқариш корхонаси «WMB Romitex» МЧЖни ишга тушириш туфайли биринчи босқичда 900 та, лойиҳа тўлиқ битказилгунига қадар 2100 та иш ўрни яратиш ҳаракати давом эттирилмоқда.

Умуман, сўнгги бир йил давомида айнан кам таъминланган, оғир шароитда яшаётган оилаларнинг мингдан ортиқ аъзоси бандлиги таъминланди. Масалан, уларнинг 126 нафари худуддаги фермер хўжаликларига, 294 нафари иссиқхона хўжаликларига, 78 нафари қурилиш корхоналарига, 22 нафари саноат корхоналарига ишга жойлаштирилди. Банк имтиёзли кредит маблағлари ҳисобидан 13 нафар ишсиз фуқаро паррандачиликни ривожлантиришга, 69 нафари чорвачиликка, ўнга яқин оила сунъий ҳавзада балиқчиликка қўл ургани ўз самарасини бермоқда.

«Ғазберон» маҳалласида истиқомат қилаётган Шавкат Авезов ҳам ҳар йилгидай, эрта баҳорда чет элга кетмоқчи эди. Аммо карантин эълон қилинди унинг ҳам режалари алғов-далғов бўлиб кетди. Нима қилсин, оиласи, уч фарзандини боқиши керак. Оғир вазиятда қолган йигитга яхши таклиф бўлди. Шундоқ уйининг ёнидаги 23-мактабгача таълим ташкилотини таъмирлашга тушган «Обид-Собит» МЧЖ қурилиш пудрат корхонаси уни ўз жамоасига қўшиб, 2,5 миллион сўм ойлик маош тайинлади. Ҳеч

қандай даромади бўлмаган турмуш ўртоғи Адолат Содиқова эса шу атрофдаги иссиқхонага ишга жойлаштирилди. Онаизор Шарофат Бозорованинг хурсандлигини айтмайсизми?!

— Худоба шукр, болам бағримда қолди, ҳар йили ишлашга чет элга кетганида ярим йил, бир йил йўл қараб, минг бир хавотирда бедор тонг оттирган пайтларимиз бўлган, — дейди онахон кўзларига ёш олиб. — Президентимизга, раҳбарларимизга, минг раҳмат!

Президентимиз таъбири билан айтганда, ҳар соҳада олиб борилаётган изчил ислохотлар, аввало, одамлар манфаатдорлигига хизмат қилсагина бу жамиятда ўсиш, ривожланиш, фаровон турмуш сари интилиш бўлади. Шу нуқтаи назардан, юртимизда камбағалликни қисқартириш, эҳтиёжманд оилаларни ҳар жиҳатдан қўллаб-қувватлаш масаласи давлатимиз сиёсатининг устувор вазифасига айлангани халқимиз учун ҳам мақсадга мувофиқ хайрли иш бўлди.

Камбағалликка қарши кураш

Туманимизда 45 та маҳалла фуқаролар йиғинида истиқомат қилаётган аҳоли сони 141 минг нафарга етган бўлса, шундан 4272 нафари камбағаллик тоифасидагилар эканлиги хатлов натижасида аниқланди. Бугунги карантин даврида улар сони сезиларли равишда ошгани ҳам ҳеч кимга сир эмас. Аммо шунга қарамаддан, туман ҳокимлиги, секторлар раҳбарлари билан ҳамкорликда даромадсиз оилаларнинг меҳнатга лаёқатли вакиллари ўзларининг хоҳиш ва танловлари асосида иш билан таъминлашга эътибор кучайтирилган.

«Темир дафтар»га киритилган 1423 та оиланинг 604 тасидаги 2321 нафар фуқарога саховат кўрсатиш белгиланган бўлса, уларга юқорида келтирилган йирик ишлаб чиқариш корхоналари, ташаббускор саховатпеша тадбиркорлар ҳиммати билан кундалик зарур озиқ-овқат маҳсулотлари мунтазам етказиб берилмоқда. Энг муҳими, шу йилнинг ўтган даврида камбағаллиги бўлган 614 та оиланинг 1091 нафар оила аъзолари муқим иш билан таъминланди.

Тақдирнинг шафқатсиз зарбасига дуч келган Мунаввар Шейхова икки нафар норасида фарзанди билан ота-онасининг ҳовлисида, «Қаҳрамон» маҳалласи Истиқлол қишлоғига қайтиб келганига бир неча йил бўлган. Нафақахўр ота-онасининг қўлига қараб қолишни истамаган аёл ҳокимликка ёрдам сўраб борганида, аҳволи ўрганилиб, бир бош сигир бузоғи билан олиб берилди. Сут-қатиғи, сариёғини саранжомлаб, рўзгорини эпаккага келтирган Мунаввар ҳовлисида иссиқхона барпо этиш нияти борлигини билдирганида унинг таклифи қўллаб-қувватланиб, иссиқхона фаолиятини ўзлаштириши учун шу яқиндаги хўжаликлардан бирига вақтинча ишга қўйилди. Ҳозирда Мунаввар Шейхова оила аъзолари билан ўз уйида қурган 2,5 сотих иссиқхонасида помидор етиштирмоқда.

Бундан ташқари, 12 сотихли ҳовлида Мунаввар фарзандлари кўмагида 4 метрга 4 метр ҳажмда ҳовуз очиб, 200 донадан ортиқ чавоқ ташлаган. Бу йил иккинчи мавсум, зогора ва дўнгпешона балиқларини боқяпти. Натижа эса кеч кузга бориб «чўмичга чиқади».

Томорқа – даромад манбаи

«Қаҳрамон» маҳалласида яшовчи Тоҳир Бозоров бир неча йил ҳовлисидаги 3 сотихли иссиқхонадан фойдаланиб, яхшигина даромад олиб келганди. Аммо табиий газ «қирқилгани»дан кейин иссиқхонадан «қўли совуди». Бу оилага 5 миллион сўм имтиёзли кредит маблағи ажратилиб, эски иссиқхона замонавий кўринишда қайта таъмирлаб берилди. Эрта баҳорда Тоҳир Бозоров бу ерга бақлажон экиб, унинг жўяклари орасида помидор етиштиришнинг уддасидан чиқди.

Турмушида кўп қийинчиликларни кўрган Дилноза Тўхтаева ҳам маҳалла-қўй ёрдами билан ўзи яшаётган Қаҳрамон қишлоғидаги «Бухоро гольд фаворит» МЧЖ иссиқхонасига ишга жойлаштирилган ва 1,2 миллион сўм маош тайинланган. Аммо бир неча ойга, сабаби, Мунаввар Шейхова сингари унга ҳам ҳадемай ўз ҳовлисида банкнинг 23 миллион сўм им-

тиёзли кредит маблағи эвазига 2,5 сотих ерда иссиқхона барпо этиб бериладиган бўлди.

Аёл ишли бўлса, рўзгорга даромад, оилага барака инади

«Чандир» маҳалласи Ҳасанобод қишлоғида 32 та кам таъминланган, оғир шароитда тушиб қолган оила хатловга тушганди. Ҳозирда уларнинг аксари ишга жойлаштирилди. Масалан, Зиёда Асадова, Дилфуза Хайруллаева, Муқаддас Атоевалар хусусий тадбиркор Дурдона Бўлдиёвнинг беминнат ёрдами билан унинг раҳбарлигидаги «Мир гламур текс» МЧЖга ишга қабул қилинган. Бу тикувчилик цехида, асосан, болалар боғчалари учун кўрпа-ёстик, аёллар кийим-кечаги, карантин кунларида эса тиббий ниқоблар ва дезинфекциялаш кийимлари ҳам тикиб тайёрланмоқда.

Тошмачит қишлоғида Роҳила Нарзиева яқиндан бошлаб каштачилик ва сўзаначилик билан оилавий жиддий шуғуллана бошлагани кўни-қўшни, уйда ўтириб қолган аёлларни ҳам ўзига чорлади.

Умуман, камбағал оилаларни оғир шароитдан қутқариш, ишсиз фуқароларни даромадли қилиш мақсадида туманда талайгина ишлар бошланди. Чунончи, шу йилда қурилган 144 гектар замонавий иссиқхонада 2500 та янги иш ўрни яратилди. Худудда қурилиши бошланган 150 гектар интенсив боғ ва тоқзор ҳисобига 300 та янги иш ўрни, бундан ташқари, оилавий тадбиркорликни ривожлантириш мақсадида ҳар бир секторда 100 тадан хонадонда 2-3 сотихдан иборат жами 400 та хонадонга енгил конструкцияли иссиқхона қуриб бериш бўйича ишлар бошланган ва бунинг натижасида 400 дан ортиқ фуқаронинг бандлиги ва моддий манфаатдорлиги таъминланади.

Мақолада фақатгина бандлик ва аҳоли даромади масаласига тўхталганимиз бежиз эмас. Кексаларимиз яхши билишади: ҳар бир ғурбат ёки кўнгилсизликни келтириб чиқарувчи бош сабаб, албатта, бекорчилик, ишсизлик. Агар инсон бирор касб билан шуғулланса, у ёмон ўйларни ўйлашга вақти бўлмайди, оиласи фаровон, тўқ бўлса, жанжалга сабаб топишмайди.

Ўзбек маҳалласининг замонавий қиё-
фаси қандай бўлиши керак? Унинг
ўзига хослигини кўрсатишда нима-
ларга эътибор қаратилади? Айнан шу
тизим ишини йўлга қўядиган ва мувофиқ-
лаштириб борадиган идорани бунёд этишда
қандай меъморий, техник талабларга муво-
фиқ ёндашув бўлиши зарур? Ана шу мазмун-
даги саволларнинг жавоби битта: омма оёғи
узилмайдиган, халқнинг дардию, қувонч ва
ташвишлари билан «яшайдиган» маҳалла би-
носи кўркам, замонавий, барча зарурий жи-
ҳозлар билан таъминлансагина унинг исми
жисмига монанд бўлади, тўғрими?



МАҲАЛЛА БИНОСИ КЎРКАМ ВА БАРЧА ШАРОИТЛАРГА ЭГА БЎЛИШИ КЕРАК



Ҳамид ТОҲИРОВ,
Ғиждувон тумани ҳокими ўрин-
босари, Маҳалла ва оилани қўл-
лаб-қувватлаш бўлими бошлиғи.

Янги тизим янгича ишлашни тақозо этмоқда

Янги кийим кийсак, кайфия-
тимиз кўтарилади. Агар мавжуд
тизим янгиланса, эски қолипда
ишлаб бўлмайди. Юзага келган
барча муаммоларнинг келиб
чиқиш сабабларини аниқлаш ва
ечимини янгича ёндашув билан
ҳал этиш лозим. Фуқароларнинг
ўзини ўзи бошқариш органлари-
нинг хотин-қизлар, кексалар ҳаёти
билан боғлиқ катта-кичик масала-
лардаги роли сезилмаётгани боис
тизимни янгилаш зарурати пайдо
бўлди. Шу боис Маҳалла ва оилани
қўллаб-қувватлаш вазирлиги фао-

лияти ташкил этилган, юртимизда
функциялари бирлаштирилган
янги тизим вужудга келди.

Бир талай соҳаларнинг бирлаш-
тирилиши мутасаддилар масъу-
лиятини икки-уч карра оширади.
Туманимизда шакллантирилган
маҳалла ва оилани қўллаб-қувват-
лаш бўлими учун истироҳат боғида
бунёд этилган «Нуронийлар маска-
ни»нинг ажратилиши, моддий-тех-
ник база ва шиша толали интернет
тармоғи билан таъминланишидан
мамнунмиз, албатта. Биринчи
галдаги вазифа нимадан иборат
бўлиши керак? Албатта, ҳар бир
маҳалла ўзининг кўркам, салобатли
ва барча қулайликлари яратилган
биносига эга бўлиши лозим. Ана
шундагина янги тизим янгича иш-
лай олади.

75 та маҳалла — энг катта кучимиз ва таянчимиз

Ғиждувон туманида 75 та маҳал-
ла фуқаролар йиғини фаолият кўр-
сатмоқда. Худуд аҳолиси 303 минг
нафар бўлиб, 57 мингта хонадон,
81 мингта оила рўйхатга олинган.
Туман маҳалла ва оилани қўллаб-
қувватлаш бўлими томонидан ҳар
бир маҳалла мутасаддиларининг
аҳоли фаровонлигини таъминлаш,
бандликка қўмаклашиш,
ижтимоий ҳимояга муҳ-
тож оилаларни қўллаб-
қувватлаш, кекса авлод
вакиллари фаоллигини
оширишга доир масъу-
лияти кучайтирилмоқда.

Маҳалланинг ўз бино-
си борми, у ташландиқ
ҳолатда эмасми? Ишни
ана шу саволга жавоб
беришдан бошладик. Бу
йўналишдаги саъй-ха-
ракатларимизга Прези-
дентимизнинг 2019 йил 2
апрелдаги «Аҳоли муам-
молари билан ишлашда
маҳалла институтининг
мавқеини тубдан ошириш

чора-тадбирлари тўғрисида»ги
фармони асос бўлмоқда. Мазкур
хужжатнинг биринчи бандида кўр-
сатилдики: "...худудларни комплекс
ижтимоий-иқтисодий ривожлан-
тириш, уйма-уй юриш, ижтимоий
ва бошқа объектларни ўрганиш
орқали муаммоларни аниқлаш ва
ҳамкорликда бартараф этиш чора-
ларини кўриш, таъсирчан жамоат-
чилик назоратини ўрнатиш» лозим.

Туман маҳаллалари биноси ўр-
ганиб чиқилганда, 7 тасига йиллар
мобайнида жиддий талафот етган
аниқланди. Ўтган йилдан бош-
лаб ҳозирга қадар давлат-хусусий
шериклик тамойилига мувофиқ,
«Ростгўй», «Тошлоқ», «Айиртом»,
«Амиробод», «Армечан», «Тодон»,
«Зарафшон» маҳаллалари биноси
тамоман янгидан қурилиб, фой-
даланишга топширилди. Барча
қулайликлари билан ишга туши-
рилган бу бинолар эндиликда аҳо-
лининг қатламлари кириб чиқа-
диган, «маҳалла — сектор — Халқ
қабулхонаси — маҳалла» тамойили
асосида ишлайдиган масканга
айланиб бормоқда. Жорий йил
охирига қадар ва 2021 йилнинг би-
ринчи чорағида яна 5 та маҳалла
худди шундай янги иншоотга эга
бўлиши мўлжалланяпти.

Бино ўз эгасига қайтарилди

Маҳалла фуқаролар йиғини учун
янги бино қурилса, бундан яхшиси
йўқ. Аммо айрим маҳаллалар бино-
си бошқа ташкилот ва муассасалар
ихтиёрида сақланиши ўша худудда
ижтимоий-сиёсий ислохотларни
амалга оширишга жиддий монелик
туғдиради. Ўйлаб қарасак, оқсоқол
ҳам, унинг ўринбосарлари ҳам
ўзига ажратилган бинода эмас,
мослаштирилган қандайдир имо-
ратда фуқароларни қабул қилса, бу
амалдаги қонунларимизга зиддир.

Туман ҳокимлиги ва аҳоли
турмуш тарзида учрайдиган барча
муаммоларга қўмаклашувчи сек-
тор раҳбарлари мавжуд вазиятни

ўрганиб чиқишганда, 39 та маҳалла
биноси бошқа ташкилотлар тасар-
руфида эканлиги аниқланди. Кўп
йиллардан бери давом этиб келаёт-
ган бу муаммога туман ҳокимининг
алоҳида буйруғи билан чек қўйил-
ди, яъни ўша бинолар ўз эгасига
қайтариб берилди. Айни пайтда
туманимиздаги аксарият маҳалла-
лар давлат миқёсида қўйилаётган
устувор вазифаларни амалга оши-
риш учун ўз фаолиятини ана шу
биноларда давом эттиришмоқда.

Давлат дастури доирасида

Юртимизда қадимдан тарихий
анъаналар яшаб келади. Ҳар ким
ўзи яшайдиган уйи, маҳалласи ва
қишлоғини ободонлаштиришга
ҳиссасини қўшиши керак. Мам-
лакатимиз аҳолисининг 49 фоизи
қишлоқ жойларда салмоқли демо-
график, меҳнат ва иқтисодий сало-
ҳиятни ҳосил қилса-да, улар учун
яқин давргача зарурий шароитлар
яратиб берилмаган. Бу Ғиждувон
тумани қишлоқ ва маҳаллаларига
ҳам дахлдор масаладир.

Президентимизнинг 2018 йилда
ижрога йўналтирилган «Обод
қишлоқ» дастури тўғрисида»ги
фармонида мувофиқ, туманимиз
қишлоқларида бир нечта йўналиш
бўйича кенг қамровли ободон-
лаштириш ишлари адо этилмоқда.
2018 йилда 3 та, 2019 йилда 3 та,
жорий йилда ҳам бир нечта қиш-
лоқлар аҳолисининг уй-жойлари
фасад қисми таъмирлаб берилди.
Кўча ва йўлақлар асфальтланиб,
чироқ ўрнатилди. Бундан ташқа-
ри, «Темир дафтар»га киритилган
кўплаб эҳтиёжманд оилаларнинг
уй-жойлари созланди.

Ҳали туманимизда аҳоли тур-
муш даражасини яхшилаш билан
боғлиқ муаммолар етарли. Уларни
секин-аста, босқичма-босқич ҳал
этиш учун барча ресурсларни ишга
солишимиз керак. Ана шундагина
маҳалла тизимидан Ғиждувон хал-
қи ва эли рози бўлиб яшайди.

“Мавзуга оид маълумот:

Ғиждувон туманида «Саховат
ва кўмак» умумхалқ ҳаракати
доирасида 5 минг 982 та оила-
га моддий ёрдам кўрсатилди.
Шундан 1 минг 688 та оилага
озик-овқат маҳсулотлари етқа-
зиб берилган бўлса, 363 та ои-
лага нақд ёки пластик карточка
шаклида пул ажратилди.



Тўрт нафар ўзбек олимига 100 миллион сўмдан
мукофот пули берилади.

Маҳалла Ватан ичидаги «кичик ватан»га қиёсланади. Бу бежиз эмас. Кўриниб турганидек, мамлакат ижтимоий-иқтисодий ҳаётида мазкур тузилманинг ўрни алоҳида эътироф этиб келинади. Муболағасиз айтамыз, бугунги кунда маҳалланинг қадами етиб бормаган бирор-бир оила, ҳудуд, маскан қолмади. Фурқат тумани маҳалла ва оилани қўллаб-қувватлаш бўлими ҳам халқ дарду ташвишларига камарбаста бўлиб келмоқда.

МАҲАЛЛА

ХАЛҚНИНГ ИШОНЧИ ВА СУЯНЧИ БЎЛИШИ КЕРАК

— Кейинги йилларда маҳалла институтига бўлган эътибор кўчайтирилиб, катта имкониятлар яратилди, — дейди **Фурқат тумани ҳокими ўринбосари, Маҳалла ва оилани қўллаб-қувватлаш бўлими бошлиғи Зарифахон АЛИХАДЖАЕВА**. — Фаолиятимиздаги оилалар



ичига кириб бориш, уларнинг муаммоларини ўрганиш, тизимли ҳал этиш ишлари бугунги куннинг муҳим вазифаларидан. Тумандаги 34 та маҳалла фуқаролар йиғинининг номи белгиланган тартибда намуна шаклида тайёрланиб, йиғиннинг кириш қисмларига ўрнатилди.

Бундан ташқари, ҳар бир маҳаллада яшаб ўтган ва яшаётган намунали фуқаролардан иборат «Маҳалламиз ифтихорлари» стендлари ҳамда радиоузеллар ташкил этилди. Ушбу радиоузеллар орқали пандемия шароитида шахсий гигиена қоидаларига амал қилиш, аҳоли томорқаларидан унумли фойдаланиб, оила даромадини ошириш, озиқ-овқат танқислигининг олдини олиш тўғрисида мунтазам маърузалар қилинди.

Жойларда оила фаровонлиги ва миллий қадриятларни мустаҳкамлаш борасида белгилаб берилган вазифаларни бажариш мақсадида жамоат ташкилотларининг давлат идоралари билан ҳамкорликдаги фаолиятини тизимли ташкил этиш мақсадида фуқаролар йиғини раисининг оила, хотин-қизлар ва ижтимоий-маънавий масалалар бўйича ўринбосари бошчилигида кайвони онахонлар, кўчабошилар, нуроний онахонлардан иборат 30 талик тарғибот гуруҳи тузилиб, уларнинг фаолиятини жонлаштириш бўйича алоҳида вазифалар белгилаб берилди.

— **Яхши ишлаш яхши шароитга боғлиқ, албатта. Шундай экан, йиғинларнинг моддий-техника имкониятлари қандай?**

— Тўғри, моддий-техника базасини мустаҳкамламай туриб ишда самарадорликка эришиб бўлмайди. Айниқса, бу жараёнда бизда айрим муаммолар борлигидан кўз юма олмаймиз. Лекин имконият қидиряпмиз, мавжуд масалалар ечимини ҳамжиҳатликда бартараф этиш чораларини излаяпмиз. Шу кунга қадар 7 та маҳалла фуқаролар йиғини учун янги бинолар қурилиб фойдаланишга топширилди. 12 та фуқаролар йиғини биноси таъмирланди, 4 та маҳалла фуқаролар йиғинида янги бино қурилиш ишлари давом этмоқда.

— **Хотин-қизлар бандлигини таъминлаш, ижтимоий ҳимоя ҳамон долзарб бўлиб турибди.**

— Дарҳақиқат, шундай. Фурқат туманида жами аҳоли сонининг 61625 нафарини аёллар ташкил қилади. Туманда хотин-қизлар бандлигини таъминлаш мақсадида маҳаллалар кесимида ишлаш истагида бўлган 1037 нафар ишсиз хотин-қизларнинг рўйхатлари шакллантирилди. Ўтган давр мобайнида ушбу рўйхатдаги 1037 нафар ишсиз хотин-қиздан 988 нафарининг бандлиги таъминланишига эришилди.

Шунингдек, 52 нафар оғир ижтимоий вазиятдаги аёлнинг 35 нафари ҳақ тўланадиган жамоатчилик ишига жойлаштирилди. Кам таъминланган, эҳтиёжманд, ижтимоий ҳимояга муҳтож ишсиз хотин-қизларнинг ўзини ўзи банд қилиш мақсадида 26 нафарига тикув машинаси берилди. Уларнинг уй шароитида даромад манбаига эга бўлиши таъминланди.

Бундан ташқари, тадбиркорлик ва бошқа соҳаларда фаолият юритиш истагида бўлган 108 нафар аёл рўйхати шакллантирилди. «Тадбиркор аёл» уюшмаси томонидан ташкил қилинган қисқа ўқув курсларида 63 нафар хотин-қизлар ўқитилиб, сертификатлар берилди. Тадбиркорлик соҳасида фаолият юритиш истагида бўлган 30 нафар хотин-қизга Хотин-қизларни қўллаб-қувватлаш жамоат фонди маблағлари ҳисобидан 384 млн. сўм имтиёзли кредитлар берилди. «Аёллар дафтари»га мезон

талаблари асосида киритилган 1082 нафар ишсиз хотин-қиздан 154 нафарининг бандлигини таъминлашга эришилди.

— **«Обод ва хавфсиз маҳалла» тамойили нималарга боғлиқ?**

— Маҳалла ободлиги, аҳоли турмуш даражасининг фаровонлиги ҳудудлар осойишталиги, хавфсизлигига боғлиқ. Эътибор қаратадиган бўлсак, шу кунга қадар тумандаги 12 та маҳалла фуқаролар йиғинида жиноят содир этилмади. Маҳаллаларда ўрнатилган 522 та видеокузатув камералари жиноятларнинг барвақт олдини олишга хизмат қилмоқда. Ҳолбуки, ҳолат бундан-да яхши бўлиши талаб



этилади. Демак, соҳада амалга оширилиши керак бўлган ишларимиз бор.

Жойларда ҳуқуқбузарлик ва жиноятчиликка қарши курашиш мақсадида «Жамоатчилик назорати масканлари» ва «Фидокор ёшлар» тузилмалари ташкил этилди. Уларнинг ёрдами билан 25 та маъмурий ҳуқуқбузарлик аниқланиб, 36 та жиноятчилик билан боғлиқ ҳолатларни эрта аниқлашга эришилди. Аммо бу хотиржамликка берилишга асос бўла олмайди. Хусусан, тумандаги фақат 15 та маҳалла фуқаролар йиғинида тунги чироқлар ўрнатилган, холос. Шу боис бу ишлар кўламини кенгайтириш, фуқаролар йиғини фаоллаштириш, жамоатчиликнинг масъулиятини янада ошириш талаб этилади. Чунки ҳуқуқбузарликларга қарши курашиш фақат ҳуқуқ-тартибот идораларининг иши эмаслигини ҳамма яхши англаб олиши керак.

— **Туманда томорқа хўжалигини ривожлантириш истиқболлари қандай?**

— Пандемия сабабли юзага келиши кутилаётган иқтисодий инқирознинг олдини олиш мақсадида томорқа хўжалигига алоҳида эътибор бериш ва томорқадан даромад олиш манбаини ошириш ва аҳолини ҳар томонлама қўллаб-қувватлаш мақсадида «Фурқат томорқа хизмат» МЧЖ билан биргаликда кам таъминланган, эҳтиёжманд оилаларга 47 минг дона помидор, булғор қалампери, қарам ва қалампир кўчатлари тарқатилди. 68 гектар экин майдонлари шудгор қилиниб берилди, 2200 кг. уруғлик тарқатилди, 110 гектар ер майдонида зараркунанда ҳашаротларга қарши ишлов бериш ишлари олиб борилди. Маҳаллаларда «бир маҳалла – бир маҳсулот» тамойили асосида ихтисослаштириш юзасидан Маҳалла ва оилани қўллаб-қувватлаш бўлими, Фермер, деҳқон хўжаликлари ва томорқа ер эгалари кенгаши, Иқтисодиёт, Қишлоқ хўжалиги бўлимлари томонидан «бир маҳалла – бир маҳсулот» тамойили асосида ҳудуддаги ҳар бир маҳалла ўзига хос хусусиятидан келиб чиққан ҳолда йўналишларига ихтисослаштирилди.

Жумладан, «Навбахор» маҳалла фуқаролар йиғини иссиқхонада помидор ва бодринг, «Шойимбек», «Калдушан» ва «Бекобод» маҳаллалари эса цитрус мевалар, «Томоша» ва «Чеккўприк» сабзавотчилик, «Ингичка» маҳалласи гулчилик, «Ғаллакор» ва «Беш оға» маҳалласи чорвачилик йўналишларига ихтисослаштирилди. Шу мақсадда туман ҳокимлиги ҳамда Маҳалла ва оилани қўллаб-қувватлаш бўлими ташаббуси билан 34 та маҳаллада 22 та енгил конструкцияли ва контейнер асосида 22 та «Экобозор»лар ташкил этилди. Бу томорқасида ўзи етиштирилган маҳсулотларни қийинчиликларсиз сотиш, аҳолини сифатли маҳсулот билан таъминлаш имкониятини бермоқда.

Сухбатдош: Расул КАМОЛ «Mahalla»



Қаршининг «Насаф» футбол клуби Марказий Осиёнинг энг машҳур футбол клуби, деб эътироф этилди.

ЯНГИ ҲАЁТ НАФАСИ ЯНГИ ТАШАББУСЛАРГА ДАЪВАТ ЭТАДИ

Олой тоғ тизмалари бўйлаб ястаниб кетган кўҳна Сўхда бошланган ҳаётбахш ислохотлар кундан-кунга бардавом бўлиб бормоқда. Чегарадош ҳудудда йиллар давомида йиғилиб қолган муаммолар Президентимизнинг топшириғи асосида босқичма-босқич ҳал этилмоқда. Иш ўринлари яратиш, ичимлик суви, электр таъминоти яхшиланяпти, кўчаларга асфальт ва бетон қопламалар ётқизиш ишлари давом этмоқда.



Яқунланаётган йил сўхликлар ҳаёт тарзида кўплаб ўзгаришлар олиб киргани билан эсда қолмоқда. Муҳими, кўлами кенг амалий ишларда маҳалла ва оилани қўллаб-қувватлаш бўлими ҳар

жабҳада фаол бўлмоқда. Шу боис

**Сўх тумани
ҳокими
ўринбосари,
Маҳалла ва
оилани қўллаб-қувватлаш бўлими
бошлиғи Фазлиддин ДОДО-**



КАРИМОВ билан кўҳна масканда амалга оширилаётган ишлар хусусида суҳбатлашдик.

— Ўтиб бораётган йил сўхликлар ҳаётида катта ўзгаришлар, ислохотларга бойлиги билан эсда қолмоқда. Айниқса, Президентимизнинг «2020-2021 йилларда Фарғона вилоятининг Сўх туманини комплекс ижтимоий-иқтисодий ривожлантириш чоратадбирлари тўғрисида»ги қарори туманга янги ҳаёт нафасини олиб кирди. Одамларни янги ташаббусларга даъват этди, — **дейди Фазлиддин Додокаримов.** — Бу маҳалла фуқаролар йиғинларининг моддий-техника базасини ривожлантириш, ишчи-ходимлар учун қулай имокониятлар яратиш бериш амалларида ҳам намоён бўлмоқда. Шу кунга қадар «Чумоқча» ва «Сариканда» маҳалла фуқаролар йиғинлари хизмат бинолари давлат шерикчилик асосида намунавий лойиҳалар бўйича қуриб битказилди. Ҳозирги кунда «Чашма», «Ленбур», «Қалъача», «Зангат» маҳалла фуқаролар йиғинларининг хизмат бинолари давлат шерикчилик асосида, «Ғазнов» маҳалла фуқаролар йиғинининг хизмат биноси эса ҳомийлик-ҳашар йўли билан қуриш ишлари қизгин давом этмоқда.

Фарғона вилояти ҳокимининг 2020 йил 9 октябрь кунги фармоиши асосида, вилоят маҳаллий бюджети маблағлари ҳисобидан биноларнинг қурилиш ишлари-

ни бошлаш учун 250 млн. сўм ажратилди. Натижада «Себзор», «Соҳибкор», «Хушёр», «Гулистон» маҳалла фуқаролар йиғинлари учун замонавий бинолар қуриш ишлари бошлаб юборилди. Маҳалла фуқаролар йиғинларининг иш самарадорлигини янада ошириш мақсадида Маҳалла ва оилани қўллаб-қувватлаш вилоят бошқармаси компьютер жамланмалари, рангли принтерлар ва мебель жиҳозлари билан таъминлади.

— **Тоғ аҳли ҳаёт тарзи учун муҳим бўлган долзарб муаммолар ечими нималарда кўрилади?**

— Йўл, сув, электр, аҳоли бандлигини таъминлаш — бугунги куннинг муҳим вазифаларидан. Шу мақсадда туманимиздаги 27 та маҳалла фуқаролар йиғинидаги 27 км. йўлларда асфальтлаш, 25 км. йўлакларда цементлаштириш ишлари олиб борилди. 60 км. йўллар шағаллаштирилди ва ҳозирда ободонлаштириш ишлари давом этмоқда. Аҳолига сифатли электр энергияси етказиб бериш мақсадида 1200 дона симёғоч, 26 дона трансформаторлар ўрнатилиб, 45 км. тармоқ тортилди. «Қалъача», «Чашма», «Хушёр» маҳалла фуқаролар йиғинида аҳоли бандлигини таъминлашда катта аҳамиятга эга бўлган 6 гектар майдонда кичик саноат зоналари ташкил этиш ишлари жадаллик билан олиб борилмоқда. Йил якунига қадар банд бўлмаган аҳолини жамоат ишларига жалб этиш ҳисобига 2235 нафар, эҳтиёжманд ва кам таъминланган ишсиз фуқароларнинг шахсий томорқаларига 2,2 млрд. сўм субсидия ажратиш ҳисобига 325 нафар, тадбиркорлик фаолиятини бошлаш учун субсидия ажратиш орқали 122 нафар, эҳтиёжманд аҳолини ишга қабул қилиш учун субсидия ажратиш орқали 25 нафар, ишсизлик нафақаси тўлаб бориш ҳисобига 60 нафар аҳолининг бандлиги таъминланди.

Туман ҳокими, маҳалла ва оилани қўллаб-қувватлаш бўлими бошчилигида 9 нафар ижтимоий ҳимояга

муҳтож оилалар фарзандларининг суннат тўйлари ўтказилди. Тўй болаларга тадбир ташкилотчилари ва ҳомийларнинг қимматбаҳо совғалари, сарполар, туман «Халқ банки»да очилган 500 000 сўм миқдорида бўлган омонат дафтарчаси сертификатни топширилди.

— **Сўхликларни қийнаб келаётган сув, иш билан таъминлаш муаммоси қандай ҳал этилмоқда?**

— Тоғ ҳудудидаги бўш турган ер майдонларига сув чиқариш орқали янги ерларни ўзлаштириш, деҳқончилик, боғдорчилик анъаналарини ривожлантириш истиқболли лойиҳалардан. Шу мақсадда Қайроқ массивида бошланган янги кўтарма сув насоси тармоғини ишга тушириш ишларига алоҳида эътибор қартилган. Чунки бу лойиҳа эрта баҳорда янги ерларни ўзлаштириш, экинларни сув билан таъминлаш имкониятини беради. Шу мақсадда уч кўтармали «Қайроқ» насос станциясини қуриш ишлари қизгин давом этмоқда. Бу массивдаги 1448 гектар яйлов майдонларини ўзлаштиришда кўл келади. Айни кунда ўзлаштирилаётган майдонда 50 гектар бодомзор, пистазор ва ёнғоқзор ташкил этиш ишлари бошланди.

Шунингдек, тадбиркорликни қўллаб-қувватлаш, янги ташаббусларни ҳаётга жорий қилиш муҳим аҳамият касб этмоқда. Ҳозирга қадар тадбиркорларнинг 140 та лойиҳаларини молиявий қўллаб-қувватлаш мақсадида имтиёзли кредитлар ажратилди. Бу янги иш ўринлари яратиш орқали аҳоли бандлигини таъминлаш, ҳудудда саноат маҳсулотлари ишлаб чиқариш имкониятини беради. Чунки иш билан банд бўлган одамнинг ҳаётга бўлган муносабати ўзгача бўлади, яшашга бўлган иштиёқи ошади, орзу ва умидлари рўёби учун меҳнат қилади, изланади.

Эътиборли жиҳати, бу йўналишда иш бошламоқчи бўлган ташаббускорларга солиқ имтиёзининг татбиқ қилиниши натижасида 400 дан ортиқ кичик бизнес субъектлари фаолият қўламини яхшилашга эришилди. «Чашма» булоғи сувини қадоқлаш тармоғи ишга тушди, тоғ табиий иқлим шарои-

тига хос бўлган форель балиғи етиштириш йўлга қўйилди.

Сўхликлар қишлоқ хўжалиги маҳсулотлари етиштиришда миришкор. Тоғ шароитида баъзи ҳудудларда сув танқислиги сезилса-да, ер билан тиллашишнинг ҳадисини олишган. Сархил, табиий тоза, харидоргир мева-сабзавотларини ўзларидан ортиб, ички ва ташқи бозорда сотишади. Шу мақсадда туманда саноат, хизматлар ва қишлоқ хўжалигини ривожлантириш бўйича 95 та лойиҳа амалга оширилмоқда. Бунинг ҳисобига 5 мингта янги иш ўринлари яратилади. Туманда қишлоқ хўжалигида фойдаланилмаётган майдонлар мавжуд бўлиб, истиқболли лойиҳалар доирасида бундай ерларни ўзлаштириш ҳисобига ҳам кўплаб оилалар даромад манбаига эга бўлади

— **Болажонларга қандай шароит яратилмоқда?**

— Сўх туманидаги «Сариканда» ва «Гулистон» маҳалла фуқаролар йиғинида оилавий нодавлат мактабгача таълим ташкилотлари фойдаланишга топширилди. Бу ерда болажонлар учун барча шарт-шароитлар яратиш берилган. Туманда йил якунига қадар яна 10 та янги оилавий мактабгача таълим муассасалари очилади. Натижада юзлаб янги иш ўринлари яратилди. «Шарқобод» маҳалла фуқаролар йиғинидаги 14-давлат мактабгача таълим муассасасини реконструкция қилиш, 11 та мактабгача таълим ташкилотларида бўш турган хоналар замонавий мезонлар асосида таъмирлаш ишлари олиб борилмоқда. Шунингдек, 90 ўринли янги мактабгача таълим муассасаси, «Сариканда» маҳалласида 60 ўринли махсус мактабгача таълим муассасаси ҳам бунёд этилади. Бу мактабгача таълим муассасаларига болалар қамровини йил якунига қадар 53 фоизга оширади.

Сирасини айтганда, бугун олис Сўхда бўлган киши ана шундай улкан ўзгариш, бунёдкорликлар билан ҳамоҳанг яшаётган сўхликлар қувонч ва шодликларига бевосита гувоҳ бўлади.

**Суҳбатдош:
Расул КАМОЛ
«Mahalla»**

Хар бир ҳудуд нимаси биландир эътироф этилади. Нафақат маҳаллий, балки халқаро доирада ҳам тан олинган нарсалар ҳодиса бутун мамлакат учун шон-шараф, фахр ҳисобланади. Фарғона вилоятининг Риштон тумани ҳақида гап кетгудек бўлса, қуёшда нақши жилоланувчи сопол буюмлар кўз ўнгимизга келади. Ҳали чинни кашф этилмаган замонларда ота-боболаримиз лойдан ясалган сопол лаган, коса, пиёлани ишлатишган.



РИШТОН СОПОЛИНИ ДУНЁ ТАН ОЛМОҚДА!



Муқаддас БЕКМИРЗАЕВА,
Риштон тумани ҳокими ўринбосари, Маҳалла ва оилани қўллаб-қувватлаш бўлими бошлиғи.

Йўлингиз тушиб, Риштонга борар бўлсангиз, туман маҳаллаларида аجدодларимиз анъанасига содиқлик ва меҳр-муҳаббат руҳини кўрасиз. Таъбир жоиз бўлса, туманнинг бирорта маҳалласи йўқки, кулолчилик билан шуғулланмаётган бўлса.

Хунармандчилик санъат турига айланди

Ота-боболаримиз «Хунар – хунардан унар», дея нақл қилишади. Зеро, қўлида хунари бўлган кишининг ризқ-насибаси бутун, рўзғорига қут-барака ёғилиб туради. Оддийгина лойдан ҳайратомуз

мўъжиза яратаётган уста-кулол ҳам ҳеч қачон, ҳеч нарсасига зориқиб қолмайди. Туманимиздаги мавжуд 69 та маҳалла фуқаролар йиғинида истиқомат қилаётган аҳолининг асосий қисми хунармандчиликнинг бу турини санъат даражасига кўтариб улгурди.

Бу ўз-ўзидан бўлиб қолгани йўқ. Кулолчилик намуналарининг яратилиши узок ўтмишга бориб тақалгани учун ҳам бизнинг давримизга келиб турмушда асқатадиган сопол буюмлар санъат асарига айланмоқда. Қадимги Буюк ипак йўли бўйлаб жойлашган Риштон тумани ўз кулолчилик буюмлари билан шуҳрат қозониб, Марказий Осиё бўйича ўз нуфузи, обрў-эътиборини сақлаб келади. Авлоддан-авлодга ўтиб келаётган хунармандчилик туфайли туманимизда 20 га яқин номдор йирик оилавий сулола пайдо бўлди. Ҳар бир устахонада 40-50 та оила аъзоларининг доимий иш билан таъминланиши, тайёрланган маҳсулотнинг ички ва ташқи бозорга чиқарилиши, ўз харидорини топиши шунчаки гап эмас, албатта. Тажрибали усталар атрофига жипслашган салкам 7 минг нафар ёш кулол ҳам вақти келиб, ана шундай сулолага айланса, ажаб эмас.

Катта сармоясиз барқарор даромад

Биласиз, қишлоқ жойларда аҳолини иш билан таъминлаш жуда мураккаб жараёндир. Давлат идораларида иш ўрни чекланган, қўлида дипломи бўлмаган кадрга иш жойи ҳам тайин эмас. Шундай бўлгач, ихтисослик талаб қилмайдиган, укув ва малака билангина юзага чиқадаган хунармандчилик мактаблари фаолияти тўла маънода ўзини оқлайди. Давлатимиз раҳбарининг 2019 йил 28 ноябрдаги «Хунармандчиликни янада ривожлантириш ва хунармандларни қўллаб-қувватлаш бўйича

қўшимча чора-тадбирлар тўғрисида»ги қарори бу жихатдан муҳим аҳамият касб этмоқда.

Тадбиркорликнинг аксарият турларига пул тикиш лозим. Банкдан кредит олиш, фоизини тўлаш, ходимларга ойлик маош, коммунал тўлов, эҳ-ҳе, санасак, бизнеснинг мингта ғалваси бор. Кулолчиликнинг сир-асрорини билган одам эса катта сармоясиз ҳам уни барқарор даромад манбаига айлантириб олиши мумкин.

Туманимиздаги мавжуд маҳал-



лаларда истиқомат қилувчи 208 минг 160 нафар аҳолининг 70 фоизи кулолчилик билан шуғулланмоқда. Уларнинг ёши чегараланмаган, асосий қисми эркаклар бўлиб, пардоз-андоз жараёни кўпроқ хотин-қизлар зиммасига тушади. Ишлаб топилаётган ойлик даромаднинг 3,5 миллион сўмдан бошланиб, 5 миллион сўмгача етиши қанчадан қанча фуқароларнинг моддий-маънавий эҳтиёжларини қондираётгани аҳоли бандлиги, реал даромадларини шакллантиришдаги ижобий натижа, албатта. «Қози-Ахрор» маҳалласидан Сайиджон Аҳмедов, Равшанжон Тожидинов, «Хўжа илғор» маҳалласидан Алишер Назиров, «Бешкапа» маҳалласидан Тоҳиржон Ҳайдаров каби таниқли усталар ясаган мафтункор сопол буюмлар Европа ва Шарқий Осиё давлатларида тан олинапти ва харидорини топмоқда.

Ўз юртида қадрланиш – чинакам бахт

Меҳнат қиламан, рўзғор тебратаман, бунинг орқасидан юрт

равнақига, эл фаровонлигига озми-кўпми ҳисса қўшаман, деган киши борки, унинг эзгу нияти, албатта, рўёбга чиқади. Бунинг яққол исботини риштонлик хунармандлар ҳаёти мисолида кўришимиз мумкин. Қайси маҳаллага борманг, уста-кулол яшайдиган ҳовли бадастир, дарвозаси олдида енгил автомашина. Фарзанди ва набираларини хунарманд қилиб ўстираётган ёки олий ўқув юрларида ўқитаётган устозодалар сони йилдан-йилга кенгайиб бормоқда. Улар янада унумли меҳнат қилиши, жозибдор сопол буюмлар билан Ўзбекистоннинг дунё давлатлари орасидаги ўрнини мустақамлаши зарур. Туман марказида 20 нафар таниқли уста кулол учун барча қулайликлари бўлган замонавий типдаги мажмуа қурилишининг бошланиши ана шу мақсадга ҳамоҳангдир.

«Ўзсаноатқурилишбанк» молиявий кўмагида бунёд этилаётган мазкур иншоотда ҳар бир хунарманд учун умумий майдони 462 квадрат-метр ўлчамдаги икки қаватли бино ва музей-галереяни ишга тушириш мўлжалланмоқда. Бунинг учун вилоят ҳокимлиги қарори билан объектга 1,1 гектар ер майдони ажратилди. Унинг қурилишига «Ўзсаноатқурилишбанк» қошидаги «SQB Capital» компанияси томонидан 19 млрд. сўм миқдоридаги маблағ сарфланиб, бунёдкорлик ишлари ниҳоясига етказилмоқда. Эътиборлиси, мажмуани барпо этиш жараёнида риштонлик хунармандлар, уста кулоллар билан кенгашиб иш олиб борилди. Натижада ҳар бир тураржой ўзига хос меъморий ечимга, кулоллар дастхатига эга бўлди.

* * *

Маҳалланинг нуфузини нима белгилайди? Мен бу саволга сира иккиланмасдан хунармандчилик анъаналари давом эттирилсагина, ҳар қандай маҳалла гуллаб-яшнайдиган, аҳолиси тўқ ва фаровон яшайди, дея жавоб бераман. Бунга шубҳа қилганлар, яхшиси, Риштон тумани маҳаллаларига ташриф буюриб, уста-кулоллар ҳаёт тарзи билан танишсин.

ДАРВОҚЕ...

«Ўзсаноатқурилишбанк»и томонидан «Хунарманд» уюшмаси ҳамда вилоят ҳокимликлари билан ҳамкорликда республикамизнинг 30 та шаҳар ва туманига Риштон кулолчилик мактаби тажрибасини олиб кириш, бунинг учун умумий қиймати 25,1 млрд. сўмлик 60 та лойиҳани амалга ошириш, 400 га яқин иш ўрнини барпо этиш режалаштирилган.



Наманган ва Сирдарё вилоятларида қўғирчоқ театрлари фаолияти ташкил этилади.

«ИНСОНЛАР ТАШВИШНИНИ ҲИС ЭТИБ ФАОЛИЯТ ЮРИТЯПМИЗ»

Мирзачўлнинг жанубида жойлашган Зарбдор тумани вилоятда ўзининг иқтисодий салоҳияти, қишлоқ хўжалиги ва бошқа соҳалардаги имкониятлари билан ажралиб туради. Туманимизнинг меҳнатсевар, танти ва мард одамлари яратиш, бунёдкорлик ишларида ҳамиша олдинги ўринларга интилади. Фақат бунинг учун уларга рағбат берилса, имконият яратилса кифоя.



Кейинги йилларда давлатимиз раҳбари ташаббуси билан амалга оширилаётган кенг қўламли ислохотлар зарбдорликлар ҳаётида ҳам ўз аксини топмоқда. Меҳнатсевар ва танти одамларимизнинг турмуш шароити, ҳаёт даражасини яхшилашга кенг эътибор қаратилиши натижасида уларда эртанги кунимизга бўлган ишонч мустаҳкамланяпти.

Бу борада, айниқса, маҳалла тизими фаолларининг саъй-ҳаракатларини алоҳида тилга олиш мумкин. Чунки маҳаллалар зиммасига кенг қўламли вазифалар юклатилган бўлиб, улар аралашмайдиган аҳоли муаммоларининг ўзи йўқ. Бугунги кунда туманимизда жами 22 та фуқаролар йиғини мавжуд бўлиб, уларда 86900 минг нафар аҳоли, 13597 та хонадон, 18569 та оила истиқомат қилади. Албатта, ҳар бир инсоннинг ўзига яраша дард-ташвиши, муаммоси бор. Улар билан шуғулланиш эса маҳалла фаолларидан жиддий масъулият, улкан ғайрат-шижоатни талаб этади.

Кўмак бериш кундалик дастури미зга айланган

Киши бирор нарсага муҳтожлик сезиб кўмак истаса, биринчи тақиллатиб борадиган эшиги маҳалла бўлади. Чунки унинг дардини ўзи билан бир жойда яшаб турган одамдан бошқа биров чуқур ҳис эта олмайди. Шу маънода маҳалла нафақат ёрдам сўраб келаётган инсонларга ёрдам қўлини чўзаяпти, балки ўз ташвишини билдиришга ийманадиган ёки кимдан мадад олишни билмай қийналаётган инсонларни аниқлаб, уларнинг муаммоларини ҳал этиш чораларини кўради.

Шундай ўрганишлар натижасида жорий йилнинг 1 октябрь ҳолатига кўра, туманимизда 242 та кам таъминланган, 28 та нотинч, 237 та боқувчисини йўқотган оилалар, 739 нафар ногиронлиги бўлган шахслар, 18 нафар ёлғиз кексалар, 45 нафар оғир ижтимоий вазиятга тушиб қолган хотин-қизлар борлиги қайд этилди. Уларга тизимли ёрдам кўрсатиш, тегишли шароит-

ларни яратиш бериш тизимимизда фаолият кўрсатаётган ходимларнинг кундалик дастурига айланган.

«Обод ва хавфсиз маҳалла» тамойили — амалда

Президентимиз томонидан белгилаб берилган устувор вазифа — «Обод ва хавфсиз маҳалла» тамойилига асосланган янги тизимни жойларда жорий этиш мақсадида туманимизда ҳам бир қатор ишлар амалга оширилмоқда. Хусусан, «Маҳалла маркази» биноси қурилиб фойдаланишга топширилгани фикримиз исботидир. Айни дамда «Обод хонадон», «Обод кўча», «Обод маҳалла» тамойили бўйича қилинадиган бунёдкорлик, ободонлаштириш юмушлари кенг қўлам касб этган.

Ўрганишлар натижасида туманимиздаги 1062 та эҳтиёжманд хонадонлардан 35 таси (якка тартибда 25 та, кўп қаватли уйларда 10 та) таъмирталаблиги аниқланган бўлса, шу кунга қадар 15 та (якка тартибда 13 та, кўп қаватли уйларда 2 та) хонадонлар таъмирлаб берилди. Айни дамда бу ишларни охирига етказиш, кўмакка муҳтож оилаларнинг уй-жой шароитларини яхшилаш бўйича саъй-ҳаракатлар давом эттириляпти.

100 дан ортиқ фарзандларнинг етим бўлиб қолишига йўл қўйилмади

Муқаддас қадрият бўлган оилага енгил-елпи қараб бўлмайди. Аммо ёшларда ҳаётий тажриба камлиги бу борада айрим муаммолар келиб чиқишига сабаб бўлади. Шу маънода бу масалада тарғибот ишларини кучайтиришга эътибор қаратяпмиз.

Алоҳида таъкидлаш керакки, олиб борилган амалий ишлар туфайли туманимизда эрта никоҳ ҳолатлари қайд этилмади. Ажралиш ёқасига келиб қолган оилалар 11 та бўлса, шундан 4 таси яраштирилиб, 4 нафар вояга етмаган фарзандларнинг отасиз бўлиб ўсишининг олди олинди. Рақамларга эътибор қаратсак, жорий йилда 35

та оилавий ажралиш қайд этилган бўлиб, 2019 йилнинг шу даврига нисбатан 1 тага камайган.

Туманда Оилавий қадриятларни мустаҳкамлаш бўйича ҳар бир маҳаллада комиссия аъзолари бўлиб, шу кунгача 52 тадан ортиқ оилалар яраштирилиб, 100 дан ортиқ фарзандларнинг етим бўлиб қолишига йўл қўйилмади. Шундай бўлса-да, бу борада муаммолар етарли. Қўрилган чораларга қарамай, оилавий ажралишлар юзага келгани кўнгилни оғритади. Демак, бу йўналишдаги ишларни янада кучайтириш талаб этилмоқда.

Ишли аёл — тишли аёл

Давлатимиз томонидан сўнгги пайтда хотин-қизларнинг ижтимоий ҳимоясига улкан эътибор қаратилмоқда. Маълумки, бу борада уларнинг бандлигини таъминлаш оқилона ечимдир. Қайд этиш лозимки, маҳалла тизими вакиллари ушбу муаммога ечим топиш мақсадида тинимсиз изланмоқда. Жумладан, жорий йил март ойида 26 нафар оғир турмуш шароитида яшаётган хотин-қизларнинг рўйхати шакллантирилган бўлса, ўтган давр давомида 20 нафари иш билан таъминланди. Қолганларига ҳам керакли ёрдамлар берилди.

«Микрокредитбанк» АТБ Зарбдор филиали томонидан Хотин-қизларни ва оилани қўллаб-қувватлаш мақсадли жамғармаси маблағлари ҳисобидан кредит олиш истагида бўлган 6 нафар хотин-қизларга 199000 млн. сўм кредитлар ажратиш берилди. Ойбек номли маҳалла ҳудудида ишга тушган нон ва музқаймоқ ишлаб чиқариш хусусий корхонасида 5 нафар «темир дафтар»га киритилган оиладаги хотин-қизлар иш билан таъминланди. 4 нафар хотин-қизга тикув машиналари олиб, иш бошлаши учун кредитлар олишларига қўмаклашилди.

Шу билан бирга, туман аҳолини бандликка қўмаклашиш маркази ҳамда «Қалб нури» ННТ томонидан март-май ойларида хунармандчилик, тикувчилик, компьютер, сартарошлик йўналишларида 116 нафар ишсиз хотин-қизлар касб-хунарга ўқитилди. Бундан ташқари, Лалмикор қишлоқ фуқа-

ролар йиғинида яшовчи боқувчисиз оиланинг қизи Бахтигул Ашурова туман касб-хунар мактабига компьютерчи вазифасига ишга жойлаштирилди. Яна шу ҳудудда истиқомат қилувчи Ашурбуви Матбобоевага чорвачилик йўналишида 20 млн. сўмлик, Байрам Қаршибоевага 15 млн. сўмлик имтиёзли кредит олишига ёрдам берилди.

Маҳаллаларда «Аёллар дафтари» тутиш йўлга қўйилган бўлиб, унда 215 нафар ишсиз хотин-қизлар рўйхатлари шакллантирилган. Шундан 41 нафари камбағал, 75 нафар ижтимоий ҳимояга муҳтож, 36 нафар боқувчисини йўқотган, 15 нафари ажрашган, 4 нафари ёлғиз, 16 нафари ногиронлиги бор, 19 нафари ногирон фарзанд тарбиялаётган, 4 нафари нотинч оилада яшаётган, 5 нафари чет давлатдан қайтиб келган хотин-қизлардир.

Туманимизда ёрдамга муҳтож бўлган ва оғир ижтимоий вазиятга тушиб қолган хотин-қизларни манзилли қўллаб-қувватлаш, ишсиз хотин-қизлар орасида бандликка қўмаклашиш ва тадбиркорликни ривожлантириш фаолиятини олиб бориш борасида қатор ишлар амалга оширилди. Мисол учун, ёрдамга муҳтож бўлган оғир вазиятга тушиб қолган «Янгиобод» маҳалласида яшовчи, 1 нафар вояга етган фарзанди бор Суймахол Каттабековага 2 хонали уй-жой қуриб берилган бўлса, «Тарақиёт» маҳалласи Олтинсой қишлоғида яшовчи фуқаро Маматмусо Қурамамовга уй қуриши учун 2 тонна, ҳомийлар томонидан 500 кг. цемент олишига амалий ёрдам берилди. Бу каби мисолларни яна узоқ давом давом эттириш мумкин.

Умуман олганда, туманимиз маҳаллалари мисолида юртимиздаги фуқаролар ўзини ўзи бошқариш органларининг жамият ҳаётидаги ўрни мустаҳкамланиб бораётганига гувоҳ бўлиш мумкин. Бу эса Ватан ичра кичик ватан бўлган маҳаллаларимиз янада обод ва файзли бўлиб, халқимиз фаровонлиги юксалишига муносиб ҳисса қўшаётганидан далолат.

Тўлқин ҚОДИРОВ,
Зарбдор тумани ҳокими ўринбосари, Маҳалла ва оилани қўллаб-қувватлаш бўлими бошлиғи.



«Огоҳ фуқаро» электрон тизими яратилади.

ОБОДЛИК ВА ХАВФСИЗЛИК — ТИНЧЛИК ВА БИРДАМЛИКНИНГ МУҲИМ ОМИЛИ

Тоғлар бағрида жойлашган Фориш туманининг ўзига хос хушманзара, саховатли табиати самимий ва меҳмондўст одамлари қалбига ҳам кўчгандек таассурот уйғотади. Машҳур «Чинор остидаги дуэл» фильмида беғубор, соддадил, орийтли форишликларнинг акс эттирилгани бежиз эмас. Бунинг устига, тумандошларимиз ҳар бир ишни аҳиллик, ҳамжиҳатлик ва ҳамфикрликда амалга оширишлари билан ҳам ажралиб туришади.



Юлдаш КЕНГАШЕВ,
Фориш тумани ҳокими ўринбосари, Маҳалла ва оилани қўллаб-қувватлаш бўлими бошлиғи.

Тинчлик бор жойда — барака бўлади, деб бежиз айтишмайди. Халқимиз айнан шу ақидага амал қилиб яшайди. Турмушимиздаги файзу барака ҳам шундан, десак адашмаган бўламиз. Аҳамиятлиси, бу тамойил бугунги кунда маҳаллалар фаолиятининг асосига айланган. Яъни «Обод ва хавфсиз маҳалла» тамойили барча ҳудудларда ишламоқда, хусусан, Форишдаги маҳаллаларда ҳам. Туманимизда мавжуд 25 та маҳалла фуқаролар йиғинининг ҳар бирида раис ва унинг 3 нафар ўринбосарлари фаолият кўрсатади. Уларнинг бутун иш жараёни ўз ҳудудида тинчлик-осойишталик, ўзаро дўстлик, бирдамлик, тотувлик муҳитини яратиш, ободликни таъминлашга қаратилган.

Ҳуқуқий тарғиботга жиддий эътибор қаратилмоқда

Президентимизнинг 2020 йил 18 февралдаги «Жамиятда ижтимоий-маънавий муҳитни соғломлаштириш, маҳалла институтини янада қўллаб-қувватлаш ҳамда оила ва хотин-қизлар билан ишлаш тизимини янги даражага олиб чиқиш чора-тадбирлари тўғрисида»ги фармони бу йўналишдаги ишларимизда дастуриламал бўлмоқда. Мазкур ҳужжат ижроси юзасидан туман Маҳалла ва оилани қўллаб-қувватлаш бўлими, ички ишлар бўлими, адлия бўлими, фавқулодда

вазирлар бўлими, маънавият ва маърифат маркази ҳамда «Ватанпарвар» ташкилоти туман кенгаши томонидан «Маҳаллаларда ҳуқуқий тарғиботни мустаҳкамлаш ва аҳолининг ҳуқуқий билимини ошириш, ҳуқуқбузарликларнинг барвақт олдини олишга қаратилган кўшма чора-тадбирлар» режаси тасдиқланиб, тегишли вазифалар белгилаб олинди.

Хусусан, жиноятчилик ва ҳуқуқбузарликларнинг барвақт олдини олишда фуқаролар йиғинлари раислари, уларнинг ҳуқуқ-тартибот масалалари бўйича ўринбосарлари (профилактика инспекторлари) ва масъул ходимлар билан ҳамкорликда туманнинг ҳар бир маҳалла, қишлоқ ва овулларида ҳафтанинг ҳар пайшанба кунини «Ҳуқуқбузарликлар профилактикаси кунини» тадбири ўтказилиб, аҳолининг ҳуқуқий онгини ошириш мақсадида «Очиқ эшиклар кунини» ташкил этилади. Шунингдек, корхона, ташкилот, таълим ва мактабгача таълим муассасаларида жиноятчилик ва ҳуқуқбузарликларнинг барвақт олдини олиш ҳамда жиноятларни тезликда фожия этиш юзасидан тарғибот ишлари ўтказилмоқда.

Криминоген вазияти оғир маҳаллаларда керакли чоралар амалга ошириляпти

Рақамларга эътибор қаратадиган бўлсак, жорий йилнинг шу кунига қадар туман бўйича содир этилган жиноятлар ўтган йилнинг шу даврига нисбатан 2 тага (56/54) камайганига гувоҳ бўламиз. Албатта, бу мақтанарли кўрсаткич эмас. Энг асосийси, барча йўналишлардаги ишларимиз самарадорлигини таъминлаш орқали маҳаллаларда ҳуқуқбузарлик ва жиноятларни камайтиришга эришишни мақсад қилганмиз.

Криминоген вазияти оғир бўлган маҳаллаларда профилактика инспекторлари, Миллий гвардия ҳарбий хизматчилари ва ходимлари маҳалла раислари ҳамда «Фидокор ёшлар» жамоатчилик патруль

гуруҳлари аъзоларининг жиноятларни жиловлash борасидаги фаолияти ташкил этилган. Бугунги кунда «Эгизбулоқ», «Хонбанди», «Ўзбекистон», «Боғдон» ва Эргаш Камолов номли маҳаллалар криминоген вазияти оғир бўлган йиғинлар деб топилган бўлиб, мазкур ҳудудлардаги ижтимоий-маънавий муҳитни соғломлаштириш учун керакли чора-тадбирлар амалга ошириляпти. Жумладан, уларда истиқомат қилувчи 141 нафар фуқаро иш билан таъминланди, 13878 та хонадонларда ободонлаштириш-кўкаламзорлаштириш ишлари амалга оширилди, 362 та кам таъминланган оилаларга ёрдам кўрсатилди ҳамда 181 нафар оилаларга Call-марказ орқали кўмак берилди.

Туман ИИБ билан содир этилган ҳар бир жиноят юзасидан мунтазам равишда ўрганиш амалга оширилиб, уларни бартараф этиш бўйича таҳлил қилинмоқда. Маҳаллалардаги спиртли ичимликка ружу қўйган шахслар, гиёҳвандлар, руҳий касаллар ва ИИБнинг пропация бўлимида бўлган шахсларни ички ишлар ходимлари билан ҳамкорликда назоратга олиб, уларга мураббийлар тайинлаб, тузалиш йўлига ўтиш чоралари кўрилмоқда.

Нуронийлар — ибрат намунаси

Ёшларни кексаларга ҳурмат руҳида тарбиялаш, уларнинг ҳаёт йўлларида ибрат олишга ўргатиш кўплаб салбий ҳолатларни йўқотишга хизмат қилади. Жумладан, тарбияси оғир ёшлар билан ишлашда ҳам ижобий самара беради. Шундан келиб чиққан ҳолда, ёт ғоялар таъсирига тушган, адашган ёшларнинг 3 нафарига, профилактик ҳисобда турувчи, ҳуқуқбузарлик содир этишга мойил ёшларнинг 22 нафарига, ажрим ёқасига келиб қолган, нотинч оилалардан 48 тасига, ёлғиз аёлларга ёрдам кўрсатиш учун аниқланган оилалардан 45 тасига кекса авлод вакиллари бириктирилган.

Айни дамда кексаларнинг ижтимоий ҳимоясига ҳам жиддий

эътибор қаратилмоқда. Жумладан, эҳтиёжманд қарияларни коронавирус пандемиясидан сақлаш мақсадида 4 нафар Иккинчи жаҳон уруши қатнашчисига 1325,2 минг сўмлик, 23 нафар фронторти меҳнат фахрийларига 2200,0 минг сўмлик, 3 нафар ҳалок бўлган жангчи оиласига 510,0 минг сўмлик, ижтимоий ҳимояга муҳтож якка-ёлғиз кексаларнинг 22 нафарига 288,0 минг сўмлик, ногиронлиги бўлган, ётиб қолган, кам таъминланган оилаларда яшовчи 39 нафар пенсионерларга 3515,0 минг сўмлик озиқ-овқат ва тиббиёт ниқоблари тумандаги ҳомийлар ҳамда 11-97-Call-марказ томонидан уйларига етказиб берилди.

Маҳалла ва оилани қўллаб-қувватлаш бўлими, Жисмоний тарбия ва спорт бўлими, Ёшлар Иттифоқи ҳамкор ташкилотлари томонидан «Соғлом ҳаёт учун 5000 қадам» шиори остида карантин қоидаларига қатъий риоя қилган ҳолда ташкил этилган тадбирда 100 нафардан ортиқ ёшлар, 50 нафардан ортиқ кекса фахрийлар иштирок этишди.

Тадбирда фаол иштирак этган нуронийлар ва ёшлар ҳамкор ташкилотлар томонидан тақдирланди. Жумладан, «Гараша» маҳалла фуқаролар йиғинида яшовчи 84 ёшли Абдусаттор Қодиров, «Нуррак» маҳалла фуқаролар йиғини ҳудудидаги Юқори Байрам қишлоғида истиқомат қилувчи 80 ёшли Тули Қунишев, 82 ёшли Асат Маматов, 80 ёшли Рамат Норматов, 70 ёшли Бахтиёр Шахаров, 78 ёшли Норкозок Темирбоев каби нуронийлар «Соғлом ҳаёт учун 5000 қадам» шиори остида юришни қанда қилмайдилар. Бу эса ёш авлод вакиллари учун чинакам ибрат намунасига айланмоқда.

Дарҳақиқат, соғлом муҳит, тўғри ҳаёт тарзи қарор топган жойда ҳеч қандай кўнгилсизликлар, қийинчиликларга ўрин қолмайди. Шу маънода тизимимиз вакиллари, маҳаллалардаги фаолларимиз айни шу жиҳатга бор эътиборларини қаратишмоқда.



Кўқонда миллий ҳунармандчилик ва туризм маркази барпо этилмоқда.

Мирзачўл тумани деганда, кўз олдимизга миришкор деҳқонлар, уста пахтакорлар келади. Ростини айтганда, ҳудудимизда қишлоқ хўжалиги билан бирга, бошқа соҳалар ҳам кенг ривожланиб бормоқда. Чунки бугунги кунда битта соҳага боғланиб яшаб бўлмайди. Ҳозирги тезкор ва техника ривожланган даврда илғор замонавий технологияларсиз ҳаётимизни тасаввур қилиш мушкул. Шу маънода мирзачўлликлар замон талабига мос тарзда интеллектуал билимлар асосида ишлаш, бизнес ва тадбиркорлик соҳасининг аҳамиятини чуқур тушуниб бормоқдалар.



ҲАРАКАТ ВА АМАЛИМИЗ УЛУҒВОР МАҚСАДЛАРГА ЙЎҒРИЛГАН



Сарвиноз РАВУФОВА,
Мирзачўл тумани ҳокими ўрин-
босари, Маҳалла ва оилани қўл-
лаб-қувватлаш бўлими бошлиғи.

Маҳалла ва оилани қўллаб-қувватлаш вазирлиги, Корея Халқаро ҳамкорлик агентлиги (KOICA) Ўзбекистон офиси, «Good Neighbors International» ННТ, Мирзачўл тумани ҳокимлиги ҳамкорлигида «Жиззах вилояти Мирзачўл туманида аҳолининг тадбиркорлик салоҳиятини ошириш орқали бандлигини таъминлаш ва бизнес стартапларни ишга тушириш» лойиҳасини амалга оширишга киришилгани бу борада янада ижобий натижаларга эришиш имконини бермоқда. Ушбу лойиҳа республикада илк бор бизнинг туманимизда татбиқ этилаётгани алоҳида фахр бағишлайди.

Айни кунда шу мақсадда туман маданият маркази биносининг 7 та хонасидан беғараз фойдаланишга рухсат берилиб, ишлар бошлаб юборилган. Жумладан, «Good Neighbors International» ННТ иштирокида туман ҳокимлигида ҳудудда ишсиз аёллар бандлигини таъминлаш, уларни тикувчилик, қандолатчилик, иссиқхона, мева-сабзавотларни ва сутни қайта ишлаш йўналишлари бўйича касбга ўқитиш масалалари муҳокама қилиниб, мўлжалланган вазифалар белгилаб олинди. Албатта, туманнинг тадбиркорлик ва бизнес салоҳиятини юксалтиришга хизмат қилувчи мазкур лойиҳа истиқболли ривожланиш имконларини кенгайтириши шубҳасиз.

Ҳаётга йўл оиладан бошланади

Оилалар мустаҳкамлиги – жамият мустаҳкамлиги белгисидир. Бунинг учун уларни ҳам ижтимоий, ҳам маънавий жиҳатдан ҳимоялаш керак бўлади. Бугунги кунда айни шу масала маҳалла тизими вакиллариининг диққат-эътиборида. Шу мақсадда, биринчи навбатда, кам таъминланган, доимий даромадга эга бўлмаган оилаларга ҳар томонлама кўмак берилмоқда. Хусусан, шу тоифадаги хонадонлардан 27 тасига коммунал тўловлар бўйича мавжуд қарздорлиги тўлаб берилди. Кам таъминланган 800га яқин оила эса карантин вақтида туман хайрияларни мувофиқлаштириш марказидан озиқ-овқат маҳсулотлари билан таъминланди.

Айни дамда «Соғлом оила – соғлом жамият» концептуал ғоясини ҳаётга татбиқ этиш, оилавий қадриятларни сақлаш ва ривожлантириш, ёшларни мустақил ҳаётга тайёрлаш, оилавий ажралишларнинг олдини олиш, намунали оилаларнинг ҳаётий тажрибаларини оммалаштиришга қаратилган тадбирлар уюштириляпти. «Ибратли оила» туман масофавий кўрик-танлови шулар жумласидан. Унда қатнашган 11 та оиладан ҳар бирининг ролик, аннотация ва альбомлари ҳакамлар ҳайъати томонидан кўриб чиқилиб, 1-, 2-, 3-ўрин соҳиблари ва «Энг фидойи бувижон», «Маҳалла фахрийлари», «Энг меҳнатсевар фермер», «Энг изланувчан оила», «Энг яхши дурадгор», «Энг яхши тадбиркор», «Энг инновацион оила» каби номинациялар совриндорлари аниқланди.

«Оилам бахти – ўз қўлимда» ойлиги доирасида ҳаёт қийинчиликларини енгиб, ҳар қандай шароитда оиласини асраб қолиб, бугун оила бирдамлигига эришган оилаларнинг 25-40 ёшдаги уй бекалари ўртасида «Оилам – мустаҳкам кўрғоним» мавзуси доирасида иншолар танлови ташкил этилди. Танловда 3 нафар ғолиб деб топилган уй бекаларига тан-

ловнинг вилоят босқичига йўланмалар берилди.

Аҳамиятлиси, бу йўналишда амалга ошираётган ишларимиз самарасини бермоқда. Туманимизда оилавий ажралишлар 1 ноябрь ҳолатига 25 тани ташкил этиб, ўтган йилнинг шу даврига нисбатан 24 тага камайгани, ажралиш ёқасига келган, фуқаролик судларига ариза берган 7 та оила яраштирилгани фикримиз исботидир. Шу билан бирга, бу йил эрта туғуруқ ва эрта никоҳ ҳолатлари қайд этилмади.

Тарбиявий тадбирлар жиноятчиликларнинг олдини олмақда

Маҳаллаларимизда жиноятчиликка қарши кураш, уларнинг олдини олишга алоҳида эътибор қаратилаётганини таъкидлаш жоиз. Бу борада ёши улуг инсонларнинг тарбиявий таъсир кучидан фойдаланишимиз, айниқса, муҳим аҳамият касб этмоқда. Жумладан, туман Нуронийлар масканида 10 та фуқаролар йиғинидан 28 нафар нуроний отахонлар иштирокида ташкил этилган тадбир давомида жиноятчиликка мойил, профилактик ҳисобда турган ёшлар, нотинч оилалар ҳамда уларнинг фарзандлари ва ажралиш ёқасига келиб қолган оилалар билан суҳбатлар олиб борилди.

Яна бир оғрикли жиҳат, хотин-қизлар ўртасида жиноятга қўл уриш ҳолатлари учраб турибди. Ўтган давр мобайнида улар томонидан 8 та жиноятчилик ҳолати содир этилгани бунинг исботидир. Ҳозирда уларнинг ҳар бирига алоҳида мураббий бириктирилган, манзилли ишлар олиб борилмоқда.

Нуронийлар дуоси – эл муддаоси

Дарҳақиқат, нуронийлар юрти-мизнинг файзи ва фаришталаридир. Уларнинг дуолари сабаб ҳаётимизга кут-барака ёғилади, қалбларимиз нурга тўлади. Шу боис бу табарруқ зотларни ҳар қанча ардоқласак, эъзозласак, шунча оз. Вазирлар Маҳкамасининг 2020 йил 28 май-

даги қарори билан тасдиқланган «Кексаларни давлат томонидан қўллаб-қувватлаш тизимини янада такомиллаштириш доирасида чора-тадбирлар» дастури доирасида керакли ишларни амалга ошириш жараёнида буни тўлиқ ифодалашга ҳаракат қиляпмиз.


Жумладан, туман Маҳалла ва оилани қўллаб-қувватлаш ва Маданият бўлиmlари ҳамкорликда июль ойидан бошлаб ҳар ҳафтанинг шанба ва якшанба кунлари кечки пайт «Эҳтиром, эъзоз, эътибор» концерт дастурлари ташкил этилиб келинмоқда. Шунингдек, жорий йил 28 ноябрь куни тумандаги кекса авлод вакилларида 35 нафари иштирокида Самарқанд шаҳрининг диққатга сазовор жойлари ва муқаддас қадамжоларига уюштирилган саёҳат уларга бир олам таассурот бағишлади.

Бундан ташқари, уларнинг саломатлигини таъминлаш, фаоллигини ошириш мақсадида тумандаги «Мустақиллик» маҳалласи ҳудудида жойлашган «Алпомиш», «Дўстлик» маҳалласи ҳудудида жойлашган 1-сонли мактаб ҳамда Нуронийлар масканида, шунингдек, спорт комплексларида доимий 5 кишидан иборат соғломлаштириш гуруҳлари фаолияти йўлга қўйилган бўлиб, улар томонидан кексалар соғлигини мустаҳкамлайдиган жисмоний машғулотлар олиб борилмоқда. Қолаверса, туманда мавжуд 12 та фуқаролар йиғинида «Кексалар маслаҳати» гуруҳлари бошчилигида «Ҳар куни 5 минг қадам» шиори остида мунтазам олиб борилаётган 5 минг қадам юриш ишлари ҳам бу борада фойдали бўлмоқда.

Хулоса қилиб айтганда, туманимизни ижтимоий-иқтисодий ривожлантириш, халқимиз турмуш даражасини юксалтиришга муносиб ҳисса қўшишни маҳалла тизими вакиллари ўз олдида қатъий мақсад қилиб қўйишган. Улуғвор ниятларга йўғрилган фаолиятимиз орқали бу борада етарли натижаларга эришиш энг асосий муддаомиздир.

НУРОНИЙЛИК ҲАМ ШАРАФ, ҲАМ МАСЪУЛИЯТ

Одатда кексалар деганда, мункиллаган, кунда-кунора шифокор кўригида, фақат тоат-ибодат билан машғул инсонлар кўз олдимизга келади. Тўғри, қаричилик — тақдир. Ҳаммани ҳам шунга етказсин. Фарзандлар, набираларни дуо қилиб, ўз ҳаётий тажрибасидан келиб чиқиб, уларга тўғри йўл кўрсатиб, панд-насихат қилиб яшашга нима етсин. Аммо бир қизиқ гап айтаман. Бизнинг Янгибозорда кексалар йўқ. Фахрийларимизнинг барисини кўнгли ёш. Ишлари ёш. Доимо туманимга, одамларга фойдам тегсин, деб тиниб-тинчимайдиган, ғайратли, шижоатли инсонлар. «Берсанг ейман, урсанг ўламан», деб ҳаракатсиз ётган, айрим эрта қариган ёшларимизга ўрнатилган бўладиган кишилар.



Феруза РЎЗМЕТОВА,
Янгибозор тумани ҳокими ўрин-
босари, Маҳалла ва оилани қўл-
лаб-қувватлаш бўлими бошлиғи.

Бадантарбия — саломатлик гарови

Ишонмасангиз, тонг саҳарда туманимизга келинг, маҳаллалардаги стадионлар, спорт билан шуғулланиш учун ажратилган майдонларда фахрийлар ёшлар билан тенгма-тенг машқ қилаётганининг гувоҳи бўласиз. Зеро, Президентимизнинг «Соғлом турмуш тарзини кенг татбиқ этиш ва оммавий спортни янада ривожлантириш чора-тадбирлари тўғрисида»-ги фармони асосида Янгибозор туманидаги барча маҳаллаларда жисмоний тарбия ва спорт машғулоти билан шуғулланиш йўлга қўйилган. Бу жараёнларни ташкиллаштиришга туман ҳокимлиги, бошқа тегишли ташкилотлар билан бир қаторда Маҳалла ва оилани қўллаб-қувватлаш бўлими ҳам ўз ҳиссасини қўшмоқда.

Масалан, «Олтинкўл», «Янгиёп» ва бошқа маҳаллаларда эрталабки бадантарбия машқлари оммавий тадбирларга айланиб кетади. Маҳалла фаоллари, шифокорлар, спортчилар бу жараёнларга бошқош. Улар аҳолига тўғри овқатланиш ва соғлом турмуш тарзини тўғри ташкил этиш борасида маълумотлар тақдим қилади. Бу каби ҳаракатлар, албатта, ўз натижасини беради.

Биласизки, жорий йил октябрь ойида «Кексалар ҳафталиги» ташкил этилди. Ҳафталик доирасида ўтказилган тадбирлар ва ло-

йиҳаларга туман маҳаллаларидан **400** нафардан зиёд фахрийларнинг иштирок этгани ҳам уларнинг нақадар фаол эканидан далолат.

«Кексалар маслаҳат гуруҳи» ташаббус кўрсатмоқда

Кекса ва фахрийларнинг ижтимоий фаоллигини ошириш мақсадида маҳаллалардаги «Кексалар маслаҳат» гуруҳи фаоллари томонидан кўплаб ташаббуслар илгари сурилмоқда. Бу гуруҳимиз аъзолари нотинч оилаларга бириктирилган. Ёшларга тўғри йўл кўрсатиб, оилаларнинг бутлигини сақлашга кўмаклашмоқда.

Вазирлар Маҳкамасининг жорий йил май ойидаги тегишли қарорига кўра, «Нуронийлар жамоатчилиги кенгаши» ҳамда ҳар бир маҳаллада 7-10 кишидан иборат «Кексалар маслаҳат гуруҳлари» ташкил қилинган. Ушбу кенгаш ва гуруҳ аъзолари профилактик ҳисобда турган ёшлар, нотинч ва ноқобил оилаларга мураббий сифатида бириктирилди. Улар билан манзилли равишда индивидуал суҳбат ва профилактика ишлари олиб борилмоқда.

Бир мисол айтаман. Яқинда туманнинг чекка қишлоқларидан бирида қайнона-келин ўртасидаги жанжал, келишмовчилик сал қолса, оиланинг бузилиб кетишига сабаб бўлаёзди. Келин ёш чақалоғини олиб, ота-онасиникига кетиб қолди. «Кексалар маслаҳат гуруҳи» аъзолари шу оилада бўлиб, вазиятни аниқлаштиришди. Маълум бўлишича, жанжал оддий майда гаплардан келиб чиққан. Нима эмиш, келин ўз вақтида ҳовиларни супирмас, овқатни вақтида пиширмас экан. Ваҳоланки, хонадонда бўйга етган икки қайнисингил ҳам яшайди. Келинчакнинг эса 5 ойлик чақалоғи бор. Қайнона билан обдон суҳбатлашган гуруҳимиз аъзолари оилани яраштиришга муваффақ бўлишди. Қайнисингиларга насихатлар қилди, чоғи. Оилага тинчлик, тотувлик қайтди.

Умуман, аҳолимизнинг 8 минг 288 нафари нуронийлар ҳисобла-



нади. Шундан 4 минг 954 нафарини аёллар ташкил қилади. Бир нафар Иккинчи жаҳон уруши қатнашчиси бор. Фронрти қатнашчилари сони 65 нафарга етади. Яқка-ёлғиз нуронийларимиз эса 13 нафарни ташкил қилади.

Уларнинг ҳолидан мунтазам равишда хабар олиниб, хонадонларида ободонлаштириш ишларида кўмаклашиляпти. Тиббиёт муассасалари билан ҳамкорликда саломатликлари назорат қилиниб келинади. Вазирлар Маҳкамасининг 2018 йил 28 апрелдаги 317-сонли қарорига асосан, қатор фахрийларга ҳар ойда 15 турдаги озиқ-овқат маҳсулотлари ва 4 турдаги гигиеник воситалар етказиб берилмоқда. Бундан ташқари, Халқаро хотин-қизлар куни муносабати билан 10 нафар нуроний онахонга, Иккинчи жаҳон урушида қозонилган ғалабанинг 75 йиллиги муносабати билан 17 нафар фронторти қатнашчиларига 8 турдаги озиқ-овқат маҳсулотлари тарқатилди.

Саёҳатлар фойдадан холи бўлмади

Фахрийларимизни тарихий жойлар билан таништириш мақсадида тез-тез саёҳатлар уюштириб турилади. Жорий йил пандемия муносабати билан қўшни вилоятлар, юртимизнинг олис жойлардаги диққатга сазовор масканларига саёҳат қилишнинг имкони бўлмагани туфайли карантин чоралари юмшатирилган пайтда бир гуруҳ нуронийларимиз Юсуф Ҳамадоний зиёратгоҳига олиб борилди. Саёҳат давомида ташкилотчилар томонидан нуронийлар учун дастурхон ёзилди. Келгуси йили эса Самарқанд, Бухоро, водий вилоятлари ва Сурхондарёнинг диққатга сазовар масканларига саёҳатлар уюштириш режалаштирилган.

«Темир дафтар»даги оилалар фаолияти ўрганилди

Албатта, Маҳалла ва оилани қўллаб-қувватлаш бўлими фаолияти фақатгина фахрийлар билан

ишлашдан иборат эмас. Фаолиятимиз жуда сертармоқ ва масъулиятлидир. Аҳолини иш билан таъминлаш, касбга ўқитиш, камбағалликни камайтиришдан тортиб, ёшлар ва аёллар ҳуқуқларини таъминлаш ҳам вазифаларимиз сирасига киради.

Мисол учун, куз ойларида бўлимимиз томонидан «темир дафтар» рўйхатига киритилган оилалар ўрганиб чиқилди. Уларни камбағалликдан чиқариш бўйича аввал тақдим қилинган кредит, имтиёз ва имкониятлар самараси ўрганилди.

Масалан, Хунармандлар уюшмаси масъул ходимлари билан ҳамкорликда «Боғолон» ва «Қадрият» маҳаллаларида яшовчи «темир дафтар»га киритилган оилаларнинг хотин-қизларини хунармандчиликка кенг жалб қилиш мақсадида 3 ойлик ўқув курслари ташкил қилинди. Натижада ўтган давр мобайнида 20 нафардан зиёд хотин-қиз тикувчилик, пазандалик, аёллар сартароши касбларига ўқитилди. Улар ўз яшаш ҳудудига яқин корхона ва ташкилотларга ишга жойлаштирилди. Масалан, «Боғолон» маҳалласида яшовчи Фарида Ёқубова тикувчилик йўналиши бўйича 7 нафар хотин-қизни ўқитиб, ўз корхонасига ишга олди. «Қадрият» маҳалласидан Мавлуда Худайберганаева эса «Йўлдош-бек-Чарос» оилавий корхонасида 5 нафар хотин-қизни аввал шогирд сифатида ўқитиб, сўнгра ишга олди.

Бундан ташқари, касб ўрганаётган хотин-қизларнинг ҳар бирига Бандликка кўмаклашиш маркази томонидан базавий ҳисоблаш миқдорининг бир баробари миқдорида стипендиялар бериш йўлга қўйилган.

Умуман олганда, туманимизда Маҳалла ва оилани қўллаб-қувватлаш бўлими Президентимиз томонидан белгилаб берилган вазифалар ҳамда вазирлик талаблари асосида иш олиб бормоқда. Аминмизки, саъй-ҳаракатлар камбағалликни камайтириш, аҳоли турмуш даражасини ошириш, ёшлар, хотин-қизлар ҳуқуқларини самарали таъминлаш каби турли жабҳаларда ўз натижасини беради.

Хар қандай тузилманинг самарали ишлаши учун моддий-техник базанинг мукамал бўлиши муҳим аҳамиятга эга. Худди шундай маҳалла тизимида ҳам. Зеро, компьютер технологиялари, зарур дастурий таъминот ва алоқа тизими билан таъминланмаган маҳалла иши самарали бўлмайди. Шу маънода Қўшқўпир туманида маҳалла фуқаролар йиғинларини зарур техник воситалар билан таъминлашга алоҳида эътибор қаратиб келинмоқда. Масалан, жорий йил октябрь ойида туман ҳокими томонидан ҳудуддаги 50 та маҳалла раисларининг ҳар бирига компьютер тўплamlари топширилди.



БАНД ОДАМ БЕКОР ЮРМАЙДИ, ЎЗ БАХТИНИ ЯРАТАДИ



Рўзимбой ДЎСЧАНОВ,
Қўшқўпир тумани ҳокими ўрин-
босари, Маҳалла ва оилани қўл-
лаб-қувватлаш бўлими бошлиғи.

Тадбиркор аёллар қанча иш ўрни яратди?

Янги имкониятлар ҳудуддаги аҳолининг, айниқса, аёллар ва ёшларнинг ҳақ-ҳуқуқларини самарали ҳимоя қилишда муҳим аҳамият касб этмоқда. Туманда «Аёллар дафтари» ва «Ёшлар дафтари»ни тизимли равишда ташкил қилиш учун махсус штаб ташкил қилинди. Октябр ойида ишчи гуруҳ аъзолари ҳудуддаги барча маҳалла фуқаролар йиғинлари раислари ҳамда ўринбосарлари иштирокида ўқув семинари ўтказилди. Унда маҳаллаларда ишчи гуруҳни шакллантириш тартиби ва унинг фаолияти қандай ташкиллаштирилиши лозимлиги юзасидан маълумот берилди.

Аҳоли бандлигини таъминлаш — асосий вазифалардан. Зеро, оилалар, маҳаллаларнинг тинч-тотувлиги учун одамлар барқарор даромад манбаларига эга бўлиши керак. Таҳлиллар оилалардаги муаммолар, ажралишлар, жиноятчилик, жанжалларнинг асосий қисмига айнан ишсизлик, бекорчилик сабаб бўлаётганини кўрсатмоқда. Шу боис Маҳалла ва оилани қўллаб-қувватлаш бўлими бу масалага алоҳида эътибор қаратган.

Айниқса, хотин-қизлар банд-

лиги доимий эътиборда. Хусусан, ҳудудда 1 октябрь ҳолатига кўра, 1 минг 238 нафар хотин-қизнинг бандлиги таъминланди. Уларнинг 675 нафари бўш иш ўринларига жойлаштирилган бўлса, 86 нафари кооперативларга бириктирилди. Томорқа хўжаликларига иссиқхоналар ташкил қилиш орқали эса 76 нафар аёл ишли бўлди.

Бу ўринда турли лойиҳа ва дастурлар асосида тадбиркорликни ташкил қилиш учун ажратилган кредитлар салмоғи ҳам катта. Бугунги кунда мазкур усул билан ишга жалб қилинганлар 346 нафарни ташкил қилмоқда. Йил мобайнида тадбиркор сифатида рўйхатга олинган хотин-қизлар сони эса 500 нафарга яқинлашди. Улар томонидан 512 та янги иш ўрни яратилганини эса алоҳида таъкидлаш керак.

Иш берувчи ҳам, ишчи ҳам бирдек манфаатдор

Касаначилик, хунармандчилик, устоз-шогирдлик анъаналари асосида ҳам аёллар бандлиги таъминланмоқда. Хусусан, жорий йилда туманда айни йўналишларда 200 нафарга яқин опа-сингилларимиз ишли бўлди. Айтиш керакки, биргина касаначилик — иш берувчи учун ҳам, ишчи учун ҳам бирдек манфаатли бўлмоқда. Бугунги касаначи кечагисидан тубдан фарқ қилади. Унга шунчаки рўйхатда қайд этилиши учун эмас, балки ишлаб, меҳнатига яраша ҳақ олиши, эртанги кунини ўз қўли билан яратиши учун кенг имконият берилди. Эртага нафақага чиққанида ҳам шунчаки кексалик пенсиясига эмас, балки тузуқкина мояна билан нафақага чиқиши кафолатланмоқда.

Яна бир рақам: 2020 йилнинг

ўтган даври мобайнида паррандачилик, тикувчилик, чорвачилик, пазандалик, иссиқхона ва тандирхоналар фаолиятини йўлга қўйиш, ун ва ун маҳсулотлари билан таъминлаш, ёрдамга муҳтож оилалар учун маиший техника воситалари олиш учун 266 млн. сўм, 4 та хонадонни таъмирлаш учун 40 млн. сўм маблағ ажратилди.

Шу ўринда, халқимиз «етти хазинанинг бири» деб билган товук парваришлаш бўйича ту-



ман аёллари ўзига хос тажриба яратишган. Тўғриси ҳам, товук парваришланган хонадонда гўшт, тухум муаммоси бўлмайди. Аксинча эҳтиёждан ортиғини сотиб, даромад ҳам топиш мумкин. Боз устига, бизнеснинг ушбу турини йўлга қўйиш учун катта жой, кўп харажат талаб қилинмайди. Бунга яхши англаган ҳудуд аёлларининг аксарияти 50-100 тадан парранда олиб, бугун яхшигина даромад кўрмоқда.

Шунингдек, «темир дафтар»га киритилган кам таъминланган, ижтимоий ҳимояга муҳтож аёллар «Хотин-қизлар тадбиркорлик маркази»да ўқитилиб, уларга махсус сертификат ва банкка тақдим этиш учун тегишли тавсиянома берилмоқда. Ҳозирги кунда «Халқ банки»нинг туман филиали томонидан 223 миллион сўм, «Агробанк» томонидан 210 миллион сўм маблағ айни йўналишга йўналтирилган.

Уйи борнинг — уйи йўқ

Бир ҳақиқат бор: дунёдаги жамики аёллар ўз уйи, бошпанаси бўлишини, унда оиласи билан шоду хуррам, хотиржам ҳаёт кечиришни истайди. Аммо тақдир тақозоси билан турли сабабларга кўра, айрим аёлларда бундай имконият бўлмайди. Туманимизда ҳам жорий йилда уй-жой сўраб 64 нафар аёлдан аризалар келиб тушган. Айни йўналишдаги ишлар ҳам доимий эътиборимизда.

Жумладан, 2 нафар ижтимоий ҳимояга муҳтож, боқувчисини йўқотган ва ногирон фарзанди бўлган хотин-қизларга уйларнинг бошланғич тўлови тўла-ниб, Шовот туманидан уй олиб берилди. 15 нафар фуқаронинг мурожаати вилоят ишчи гуруҳи аъзолари билан биргаликда ўрганилганда, иккита оила уй-жой учун бошланғич ва кейинги тўловларни амалга ошириш учун ҳақиқатда имкони йўқлиги ҳисобга олиниб, уларга Қўшқўпир шаҳарчаси «Ёвғир» маҳалласидан бепул уй-жойлар қуриб бериш учун ер майдони ажратилди. Яна икки ҳолатда оилаларни бепул тураржой билан таъминлаш учун 400 кв.метр ер майдони ажратилиб, қурилиш учун бош пудратчи танланди.

Шунингдек, уй-жой бўйича 8 нафар аёлнинг мурожаати вилоят ишчи гуруҳи томонидан ўрганилиб, Урганч шаҳрида қурилаётган кўп қаватли уйлардан олиш учун тавсия қилинди. Қолган барча мурожаатлар туман комиссиясида кўриб чиқилиб, 2021 йилда қурилиши режалаштирилган уй-жойлардан бериладиган бўлди.

* * *

Умуман олганда, ҳудудда амалга оширилаётган ишлар нафақат аёллар, балки аҳолининг барча қатламлари манфаатини таъминлаш, уларга зарур шарт-шароитлар, қулайликлар яратиш, одамлар розилигини олишга йўналтирилган.



Пенсия тўғрисидаги қонун ҳужжатларига ўзгартиришлар киритиш режалаштирилмоқда.

Хар қандай ташкилотда ишларни самарали йўлга қўйиш учун, аввало, ходимларга қулай шароитлар, имкониятлар яратилиши лозим. Шундан сўнггина натижа талаб қилиш мумкин. Бу, айниқса, бугунги ахборотлашган замонда долзарблик касб этмоқда. Ходим давр билан ҳамнафас юриши, ўз устида мунтазам ишлаб, ривожланиб бориши учун, албатта, компьютер технологиялари, интернет, бошқа алоқа воситалари, қулай хоналарда фаолият юритиши керак.



БИРЛИК ВА ҲАМЖИҲАТЛИКДА ҲИКМАТ КЎП

Мазкур масалага Боғот туманида ҳам алоҳида эътибор қаратилмоқда. Кейинги икки ой мобайнида иккита маҳалла фуқаролар йиғини ходимлари учун замонавий бинолар қуриб, фойдаланишга топширилгани бундан далолат беради. Масалан, октябрь ойида 2 минг 480 нафар аҳоли истиқомат қиладиган «Пахтаобод» маҳалласининг қиймати 210 миллион сўмлик янги биноси қуриб битказилди. «Юксалиш» маҳалласи биносининг фойдаланишга топширилиши билан эса туманда бирорта ўз иморатига эга бўлмаган маҳалла қолмади.

Янги биноларда барча шароитлар яратилгани, алоқа воситалари ва интернет тармоғи билан қамраб олингани ишимизни янада қулайлаштирмоқда. Маҳалла фаоллари ҳудуд аҳолиси манфаати йўлида шижоат билан меҳнат қиляпти.

Тадбиркорлик — тўкинлик гарови

Жорий йил туманда аёллар тадбиркорлигини кенгайтириш, уларнинг ҳуқуқий, иқтисодий ва сиёсий саводхонлигини ошириш мақсадида тадбиркорлик ва бошқа соҳаларда фаолият юритиш истагида бўлган 35 нафар хотин-қизлар рўйхати шакллантирилди. Уларнинг «Хотин-қизлар тадбиркорлик маркази»да ташкил этилган ўқувларда иштироки таъминланди. Ўз бизнес-режаларини асосли ҳимоя қила олган 24 нафар опа-сингилларимизга Хотин-қизлар ва оилани қўллаб-қувватлаш жамоат фонди маблағлари ҳисобидан 628 миллион сўм имтиёзли кредит ажратилди.

Кўмакка муҳтожлар ҳолидан хабар олинмоқда

Туманимизда ўзгалар ёрдамига муҳтож, кам таъминланган аёлларга алоҳида эътибор қаратиб келиняпти. Уларнинг саломатлигидан доимо хабардор бўлиб турамыз. Жумладан, пандемия

даврида реабилитация техник воситаларига муҳтожлиги бўлган 9 нафар хотин-қизга ногиронлик аравачалари, 1 нафарига қўлтиқ-таёқ берилди. Хориждан қайтган хотин-қизлар ҳам тиббий кўриқдан тўлиқ ўтказилиб, бандлиги таъминланмоқда. Бунинг учун, аввало, чет элларга ишлаш учун кетган аёлларнинг рўйхати маҳаллалар кесимида шакллантирилди ва уларни ватанга қайтариш чоралари кўрилмоқда.

Масалан, туман маҳаллаларидан бирида истиқомат қиладиган Малика исмли аёл узоқ вақт Россия давлатида ишлаб юрган. Бу ерда унинг икки нафар вояга етмаган қизи буви си тарбиясида қолган. Маликани қайтариш учун тегишли идораларга мурожаат қилдик. Аёлга вазият тушунтирилиб, иш билан таъминланиши айтилди. Бўйига етаётган қизалоқлар она тарбиясидан маҳрум бўлмаслиги кераклиги ўқтирилди. Натижада бу қизимиз юртимизга қайтди. У ўз ҳудуди яқинидаги сутни қайта ишловчи корхонага ишга жойлаштирилди.

Умуман олганда, жорий йилнинг шу давригача юқоридаги каби тажриба орқали 12 нафар хотин-қиз туманимизга қайтарилиб, барқарор даромадли соҳаларга йўналтирилган. 500 нафарга яқин опа-сингилларимиз эса Президентимизнинг «Фермер, деҳқон хўжаликлари ва томорқа ер эгалари фаолиятини такомиллаштириш бўйича қўшимча чора-тадбирлар тўғрисида»ги қарорига асосан, вақтинчалик иш билан таъминланган.

Уй билан таъминлаш кўплаб муаммоларни ҳал этади

Бугунги кунда оғир ижтимоий вазиятга тушиб қолган аёлларни уй-жой билан таъминлаш муҳим вазифалардан бири экани шубҳасиз. Бу борада бутун республикада бўлгани каби бизнинг туманда ҳам қатор ишлар олиб борилмоқда. Мисол учун, жорий

йил оғир ижтимоий шароитда яшовчи 6 нафар аёлга туман марказида қурилиши режалаштирилган тураржой биноларидан уй ажратилишига эришилган. Улар биноларнинг битказилишини интиқлик билан кутмоқда. Қурилишлар йил якунига қадар тугатилади.

Ижтимоий ҳимояга муҳтож ногирон ва қарамоғида касалманд фарзанди бўлган 8 нафар хотин-қиздан ҳар бирига 1 млн. сўмдан моддий ёрдам пуллари, 50 нафар хотин-қизнинг бандлигини таъминлаш ҳамда оилавий иқтисодини тиклаш мақсадида бепул иссиқхона, 4 нафарига ти-

“ Ҳар қандай ташкилотда ишларни самарали йўлга қўйиш учун, аввало, ходимларга қулай шароитлар, имкониятлар яратилиши лозим. Шундан сўнггина натижа талаб қилиш мумкин. ”

қув машиналари берилди. «Темир дафтар»га киритилган оилаларда яшовчи 120 нафар хотин-қизга имтиёзли кредит асосида иссиқхоналар қуриб берилишида амалий ёрдам кўрсатилди.

Қанча оила яраштирилди?

Оилалар бутлигини сақлаш, ажралишларнинг олдини олиш борасида ҳам қатор ишлар амалга оширилмоқда. Жумладан, йил давомида маҳаллалар кесимида ажралиш ёқасига келиб қолган 223 та оила рўйхати шакллантирилган эди. Шулардан 201 таси яраштирилди.

91 та нотинч-ноқобил оила сифатида рўйхатга олинганлар билан мунтазам профилактик суҳбатлар ўтказилиб, уларни рўйхатдан чиқариш чоралари

кўрилмоқда. Туманда нотинч оила сифатида рўйхатга олинган хонадонлардаги нотинчликларга сабаб бўлаётган муаммоларни ўрганиш ва бартараф этиш бўйича тадбирлар графиги тасдиқланиб, ижрога йўналтирилди.

«Биз — соғлом турмуш тарзи тарафдоримиз!»

Хотин-қизлар ўртасида оммавий спортни ривожлантириш ва уларни спортга кенг жалб этиш мақсадида ҳафтанинг ҳар шанба кунлари «Хотин-қизлар спорт куни» ўтказилмоқда. Унда маҳаллалардаги аёлларимизнинг фаол иштироки таъминланяпти. Бунда қатор спорт марказлари билан ҳамкорлик йўлга қўйилган. Хоҳловчи аёллар бу машғулотларда югуриш, фитнес ва бошқа спорт турлари билан мутахассислар назорати остида бепул шуғулланиши мумкин.

Бундан ташқари, аёллар ўртасида спорт мусобақалари ташкиллаштириш йўналишида ҳам ишлар олиб бориляпти. Масалан, жорий йил февраль ойида Болалар ва ўсмирлар спорт мажмуасида стол тенниси, Халқаро хотин-қизлар куни муносабати билан эса югуриш ва велопойга бўйича мусобақалар ўтказилди. «Оқтепа», «Деҳқонобод» ҳамда «Узумзор» маҳаллаларида аҳолини кенг жалб қилган ҳолда «Соғлиқ учун 5000 қадам», «Биз — соғлом турмуш тарзи тарафдоримиз!», «Спорт — соғлиқ гарови» каби оммавий тадбирлар ўтказилди.

Туман ҳокимлиги ва бошқа қатор ташкилотлар билан ҳамкорликда олиб борилаётган шу ва шу каби бошқа ишлар самараси ўлароқ, бугунги кунда ҳудудимизда ижтимоий муҳит барқарор сақланмоқда. Албатта, бундай ишлар ҳамжиҳатлик, бирдамлик ва яқдиллик руҳида мунтазам давом эттирилади.

**Эркин РЎЗМЕТОВ,
Боғот тумани ҳокими ўринбосари,
Маҳалла ва оилани қўллаб-қувватлаш бўлими бошлиғи.**



**Бухорода 33 мингдан ортиқ хонадонларга замонавий
ҳисоблагичлар ўрнатилди.**

МАҲАЛЛА ОДАМЛАР ИШОНАДИГАН, СУЯНСА БЎЛАДИГАН ИДОРАГА АЙЛАНДИ

Дунёни гўзаллик кутқаради. «Дунёни меҳр ва яхшилик кутқаради» деган фикр ҳам бор. Меҳрдан-да устувор туйғу, яхшиликдан-да хайрли амалнинг ўзи йўқ. Маҳалла эса одамларга меҳр улашади, уларни эзгуликка чорлаб, ўзи шу яхшиликнинг бошида туради. Бу ноёб тузилма маънавият ва маърифат ўчоғи, тарбия маскани бўлиб келаётгани азал-азалдан маълум. Жорий йилдаги пандемия даврида маҳалланинг ана шу хусусиятлари янада яққол намоён бўлди.



сига кўра, 785 нафар оила «Ҳар бир оила — тадбиркор» дастури асосида имтиёзли кредит билан таъминланди.

Маҳалла ободлиги ва хавфсизлиги йўлида

Жорий йилда Навоий шаҳрида «Обод ва хавфсиз маҳалла» ғоясини ҳаётга татбиқ этиш ҳаракати бошланди. Ана шу мақсадга йўналтирилган алоҳида режа-дастур ишлаб чиқилиб, амалга оширилди. Жумладан, жиноятчиликнинг олдини олиш, ҳуқуқбузарликларни аниқлаш ва уларнинг содир этилиш сабаблари ҳамда бунга имкон яратувчи шарт-шароитларни бартараф этиш мақсадида профилактик тадбирлар ўтказилмоқда.

Карантин шароитида уйда бекор қолган ёшларни фойдали меҳнатга жалб қилиш, томорқа маданиятини ошириш, онлайн тарзда истеъдодлилар танловини ўтказиш, китобхонлар беллашувини ташкил қилиш ўз самарасини берди. «Маҳалланинг энг яхши хунарманди», «Энг яхши томорқа эгаси» танловларини ўтказиш билан бирга, томорқа ишларини ташкил этишда кўмаклашган маҳалла фаоллари ишини баҳолаб бордик. Маҳалла раисларининг ҳудудда томорқачилик, чорвачилик, паррандачилик, қуёнчилик, асаларичилик, баликчилик соҳаларини ривожлантиришга муносиб ҳисса қўшган ўринбосарлари маҳалла ва оилани кўллаб-қувватлаш бўлими томонидан фахрий ёрлик ҳамда эсдалик совғалари билан тақдирландилар.

Аҳамиятлиси, ана шу раис ўринбосарларининг астойдил сазой-ҳаракати натижасида шаҳарнинг ҳовли-жойлардан иборат, томорқа ерлари мавжуд қисмида «Бир маҳалла — бир маҳсулот» тамойили йўлга қўйилди. Масалан, ҳозир «Истиклол» маҳалласида истиқомат қилувчилар картошка етиштиришга асосий эътиборни қаратаётган бўлса, «Орзу» маҳалласи аҳли шолғом ва ошқовоқдан мўл ҳосил олишди, «Ҳаёт» маҳалласида иссиқхоналар сони кўпайди. Бу, албатта, рўзғор ва бозор тўқинлигини таъминлаш омили бўлмоқда.

* * *

Маҳаллага тегишли бўлмаган масаланинг ўзи йўқ. Ҳар бир инсон маҳаллада яшайдими, у ана шу кўрғоннинг кичик бўлаги ҳисобланади. Навоий шаҳри маҳаллаларида тинч, осойишта ва хотиржам истиқомат қилиб келаётган аҳолининг ҳар бир вакили ўз уйини асраб-авайласа, бир-бирига меҳр-оқибат туйғуларини намоён этса, бу бизга ҳам ўзгача рағбат бағишлайди.



Рустам ҒАФФОРОВ,
Навоий шаҳри ҳокими ўринбосари,
Маҳалла ва оилани кўллаб-қувватлаш бўлими бошлиғи.

Ночорни кўллаб-қувватлаш — савоб

Зотан, «маҳалла» сўзи аслида «бир жойда яшовчилар» маъносини англатса, ана шу маконда умргузаронлик қилаётганларнинг ўзаро аҳил-иноқлиги, тинчлиги ва хотиржамлигида уларнинг бир-бирига бўлган ишончи муҳим ўрин тутди. Бу туйғуни мустаҳкамлаш учун эса аҳоли муаммолари билан ишлашда янгича ёндашув зарур.

Сир эмаски, жорий йилда аҳоли муаммо ва мурожаатлари ҳар қачонгидан-да кўпайди. Чунки пандемия туфайли ишсизлар сони ортди, вақтинча ойлик даромадидан айрилганлар бўлди. Шукрки,

қийинчиликка дуч келган оилалар ҳамиша давлатимиз ва ҳукумати-миз эътиборида турибди. Меҳроқибат маскани саналган маҳалла эса ана шу эътиборни халққа етказувчи кўприк вазифасини бажарди.

Камбағаллик рўйхатини шакллантириш мақсадидаги «темир дафтар»га таниш-билишчилик йўли билан моддий шароити етарли бўлса-да, кўзи тўймас одамлар эмас, чиндан ҳам қийналган, эҳтиёжманд, боқувчисини йўқотган оилаларнинг киритилиши жоизлиги маҳалла ходимлари учун синов давридаги яна бир имтиҳон бўлди. Биз ҳудудимиздаги мавжуд 31 та маҳаллада адолатсизликка йўл қўйилмаслиги учун жамоатчилик назоратини кучайтирдик. Хонадонма-хонадон юрилиб, оилаларни ўрганиш жараёнида эътиборга молик ҳар бир жиҳатни назардан қочирмасликка ҳаракат қилдик. Эпидемиологик вазиятда ночор аҳоли қатламига 1 миллиард 247 миллион сўмлик озиқ-овқат, дори-дармон ҳамда санитария-гигиена воситалари етказиб берилди.

Бундан ташқари, саховатпеша тадбиркорлар томонидан ҳам ҳар бир маҳаллада 15-17 миллион сўмликкача бўлган озиқ-овқат маҳсулотлари бепул тарқатилди. Ўрганишлар жараёнида 942 та оила камбағаллик рўйхатига олиниб, «темир дафтар»га киритилган бўлса, ҳозиргача уларнинг 800 таси бу рўйхатдан чиқарилди.

Ҳамкорликда ҳикмат кўп

Шаҳарда маҳалла ходимларини ҳамиша қийнайдиган бир муаммо бор: бу ишлаш учун келиб, ҳеч қаерда рўйхатга олинмаган шахслардир. Улар шаҳримизга ўз ризқ-насибасини ахтариб келгани учун айблай олмаيمиз. Аммо қатор жиноят ва ҳуқуқбузарликлар

айнан ана шу қатлам томонидан содир этилиши маҳалла фаолларини ташвишга қўяди.

Карантин чекловлари кучайтирилган пайтда гарчи чегара ёпиқ бўлса-да, турли қинғир йўллар билан шаҳарга «талпинганлар» ҳам бўлди. Ҳатто бу «меҳмонлар»нинг киморхона ташкил этган, ўғрилиқ қилган, гиёҳвандлик моддаларини сотишга уринган ҳолатларига дуч келдик. Ана шундай вазиятда ҳар бир маҳаллада ҳушёрликни оширишга, хавфсизликни таъминлаш учун астойдил ишлашга тўғри келди. Навоий шаҳар ИИБ ва Миллий гвардия ходимлари билан ҳамкорликни кучайтирганимиз натижасида кўплаб жиноятлар жойида фош этилди, қанча қинғирликларнинг олди олинди.

Эътиборлиси, бундай серташвиш даврда маҳалла фаоллари ҳуқуқ-тартибот идораларининг энг яқин кўмакчисига айланди. Уйма-уй юриб, ҳар бир фуқаро билан юзма-юз мулоқот ўтказиш жараёнида аҳоли муаммоларини ўрганишдан ташқари, ҳар бир оиладаги муҳит ва шароитдан ҳам огоҳ бўлинди. Натижада одамларнинг маҳаллага ишончи ортди, улар дардини айтадиган, ташвишини бўлишадиган, суянса бўладиган идора борлигини ҳис қилишди. Аввало, фуқаролар бандлигини таъминлашга ҳаракат қилинди.

Навоий шаҳар аҳоли бандлигига кўмаклашиш маркази билан ҳамкорликда 2056 нафар фуқаро иш билан таъминланди. 900 нафардан ортиқ фуқаро мавжуд бўш иш ўринларини банд қилган бўлса, 571 нафари бевосита маҳалла фуқаролар йиғинларининг амалий ёрдами билан тадбиркорлик субъектларига бириктирилди, 1056 нафар ишсиз эса ҳақ тўланадиган жамоат ишларига жалб этилди. Хунармандлик ва тадбиркорликни йўлга қўйиш орқали 875 нафар фуқаро ўзини ўзи банд қилди. Маҳалла фуқаролар йиғинлари тавсия-

Мавзуга оид маълумот:

Навоий шаҳридаги мавжуд 31 та маҳалла фуқаролар йиғини-даги жами 43 минг 152 та хонадонга кирилиб, уларда истиқомат қилаётган 35 минг 41 нафар 30 ёшдан ошган хотин-қиз ҳамда 29 минг 952 нафар 18 ёшдан 30 ёшгача бўлган ёшлар билан суҳбат ўтказилди ва уларга амалий ёрдам кўрсатилди.

МАЪНАВИЯТ БОР ЖОЙДА РИВОЖЛАНИШ БЎЛАДИ

Халқимиз азалдан ўзининг илм-маърифати, маънавияти ва урф-одатлари билан ўз мавқеини эгаллаб келган. Миллатимизнинг ҳар соҳада етук алломалари инсоният тамаддунига муносиб ҳисса қўшишган. Бугунги авлодни ана шу улуг аجدодларимизга издош қилиб тарбиялаш, аҳолининг маънавий тушунчаларини бойитиш ҳамда миллий-ахлоқий ва ҳуқуқий тарбиясини шакллантиришда маҳалла институтининг роли катта.

Зотан, маънавият бор жойда ҳар қандай таҳдид ортга чекинади, маънавий муҳит барқарор оилада хотиржамлик ҳукм суради, фуқаролари эса ҳар томонлама юксаликка интилган жамият ривож топади. Бироқ кейинги йилларда нега оилавий ажралишлар сони ортди? Нима учун вояга етмаганлар ва хотин-қизлар тап тортмасдан жиноятга қўл уришяпти? Ҳар қадамда учраётган оқибатсизлик, андишасизлик ва адолатсизликларнинг сабаби нима?

Бу иллатларни батараф этишга, энг аввало, маънавият ўчоғи — маҳалла масъул бўлиши керак.



Замира МАМАТОВА билан суҳбатимиз ана шу мавзуда бўлди.

Хатирчи тумани ҳокими ўринбосари, Маҳалла ва оилани қўллаб-қувватлаш бўлими бошлиғи

Оила парокандалиги кимга керак?

— Туманимиздаги 68 та маҳалла фуқаролар йиғинида рўйхатга олинган ҳар бир оилада ижтимоий-маънавий муҳит барқарорлигини таъминлаш учун доимий ҳаракатдамыз. Чунки маҳалла — Ватан ичра Ватан бўлса, оила ана шу мўъжаз Ватаннинг бир бўлаги. Қачонки, оила тинч бўлса, маҳалла ҳам осойиштадир. Бу хотиржамликни ҳеч нарсга тенглаштириб бўлмайди. Унинг жамият тараққиётидаги муҳим ўрни ҳақида эса ҳар қанча гапирсак оз.

Йил бошида туман бўйича 102 та нотинч, ажралиш арафасида турган оила борлиги қайд этилган эди. Уларни парокандаликдан сақлаб қолиш мақсадида нуроний отахон ва онахонлар, психолог мутахассислар билан ҳамкорликда тушунтириш ишлари мунтазам олиб борилиб, 85 та оилани яраштиришга муваффақ бўлдик. Оила яраштирилгани, судга киритилган даъво аризаси қайтариб олингани «Бўлди, иш битди», дегани эмас. «Сан-ман»га



МАВЗУГА ОИД МАЪЛУМОТ:

«Фарзандларимга мендан боғ қолсин!» акцияси доирасида Хатирчи тумани аҳолиси шахсий томорқаларида 73 минг 564 туп мевали, 7 минг 839 туп манзарали дарахт кўчати қад ростлаб, 15 гектарли боғ яратилди.

борган эр-хотинлар ўртасидаги муносабат тикланиб кетиши учун доимий равишда маҳалла ходимлари назорати зарур. Муаммога худди шу томондан ёндашяғимиз.

Аҳамиятлиси, зиддиятга борган оила аъзоларини фуқаролар йиғинлари томонидан ташкил этилаётган маънавий-маърифий тадбирларга таклиф этяғимиз. Кўрсин, фикрласин, хулоса қилсин. Ўтказилаётган турли танловлар, спорт мусобақаларида иштирок этиш орқали улар дунёқараши ижобий томонга ўзгармоқда.

Бундан ташқари, оила мустақамлигини таъминлаш ва асрий анъаналарни тарғиб этиш мақсадида «15 май — Халқаро оила куни» муносабати билан туманимизда уч босқичдан иборат «Ибратли оила» онлайн кўрик-танловини ўтказдик. Намунали оилалар тажрибасини оммалаштириш, ёш келин-куёвларга ўргатиш мақсадида ташкил этилган мазкур танлов ғолиблари бўлимимиз томонидан қимматбаҳо совғалар билан рағбатлантирилди.

«Бахтли оилаларнинг ҳаммаси бир хил, бахтсиз оилаларнинг бахтсизлиги турличадир», деган эди буюк рус адиби Лев Толстой. Оиладаги нотинчлик, «қуйди-пишди»нинг жабрини ҳамиша фарзандлар тартади. Нотинч, зиддиятли оилаларда вояга етаётган 42 нафар боланинг алоҳида рўйхатини шакллантирганмиз. Улар таълим олаётган мактаблар билан ҳамкорликда бу ўғил-қизларнинг соғлом фикрли, баркамол улғайиши учун психологик-коррекцион ва ривожлантирувчи дастур амалга оширилмоқда. Маҳалла фуқаролар йиғинлари мутахассислари ва мактаб психологлари саъй-ҳаракати билан уларнинг ҳаммаси турли фан, спорт ва ҳунармандчилик тўғрақларига жалб этилди.

Ҳар қандай дардни даволагандан

кўра, олдини олган маъқул. Можароли оилани тинчитиш, бир-биридан воз кечишга аҳд қилган эр-хотинни яраштириш осон эмас, албатта. Ана шундай нохуш ҳолатлар келиб чиқишининг олдини олиш учун турмуш қуриш остонасидаги ҳар бир йиғит-қиз никоҳ муқаддаслигини, оилали бўлиш шунчаки ҳавас эмас, масъулият эканлигини англаши лозим. Шундагина улар барпо этаётган бахт қасри мустаҳкам бўлади. Хатирчидаги барча маҳалла фуқаролар йиғинларида ёшларни оилавий ҳаётга тайёрлаш ва ёш оилаларни маънавий-психологик қўллаб-қувватлаш мақсадида «Бувижонлар мактаби» ташкил этилган бўлиб, «Сабр — бахт, қаноат — бойлик», «Оилада келиннинг роли», «Қайнонали келин», «Келинчақли уй» мавзуларида давра суҳбатлари, савол-жавоблар ташкил этиб келинмоқда.

Ҳуқуқий тарғибот самараси

Фуқароларнинг ҳуқуқий саводхонлиги ва маданиятини ошириш жамият ривожини ва мамлакат тараққиётининг муҳим шартларидан биридир. Зеро, фуқаролар ҳуқуқ ва бурчларини билган, қонунлар мазмун-моҳиятини англаган жойда жиноят ва ҳуқуқбузарликларга чек қўйилади. Ҳар бир маҳаллани жиноятчиликдан холи ҳудудга айлантириш учун ҳам, аввало, фуқароларнинг ҳуқуқий билимини ошириш, уларда қонунларимизга ҳурмат, итоат этиш ҳиссини тарбиялаш лозим.

Шу мақсадда йил бошидан буён

маҳаллаларда ҳуқуқни муҳофаза қилувчи органлар билан ҳамкорликда 171 та тарғибот тадбири ўтказилиб, уларда 6 минг 750 нафардан зиёд фуқаронинг иштирокини таъминладик. Хатирчи тумани адлия бўлими, туман прокуратураси, Миллий гвардия ва ИИБ билан ҳамкорликда олиб борилган мазкур саъй-ҳаракатлар натижасида содир этилган жиноятлар сони ўтган йилнинг шу даврига нисбатан 28 тага камайди.

Ҳар бир маҳаллада кутубхона!

Бундай ташаббус яқин йилларда бўлмаган. Туманимиздаги мавжуд 68 та маҳалла фуқаролар йиғинининг ҳар бирида кутубхона ташкил этдик. 39 та кутубхонани маънавият, маърифат масканига айлантира олсак, марра бизники. Зиё масканининг ҳар бири 400 тадан китоб фондига, 1000 нафардан ортиқ китобхонга эга. Карантин чекловлари кучайтирилган пайтда кутубхонадан китоб олиб, мутолаа қилувчилар сони ошгани эса янада қувонарлидир. Китобхонликни янада тарғиб қилиш мақсадида «Китобхон оила» кўрик-танловини ташкил этдик.

Дунёда инсонга китобдан кўра содиқ дўст, донишманд маслаҳатчи, мукаммал тарбиячи бўлмаса керак. Мутолла инсон тафаккурини кенгайтириб, ақлини чарчлайди, ҳаётга муносабатини ўзгарилади, эзгуликка даъват этади. Китобхон фуқаролар, китобсевар оилалар сафи кенгайгани боис ҳам жорий йилда ажралиш ва жиноятлар сони камайишига эришган бўлсак, не ажаб.

Маҳалла комплекслари барпо этилади

Хатирчи туманида 2020-2022 йилларга мўлжалланган ҳар бир маҳаллада фуқароларнинг ўзини ўзи бошқариш органлари комплексларини ташкил этиш манзилли дастур ишлаб чиқилган жорий йилда «Сангжумон» маҳалласининг янги биноси қуриб битказилиб, фойдаланишга топширилди. Келгуси йилда яна 4 та — «Янгиработ», «Жалойир», «Чангир» ва «Пахтакор» йиғинлари биноси ишга туширилади. Мухтасар айтганда, маҳалла тизимини янада ривожлантириш, ҳар бир оилага, ҳар бир юртдошимизга янада яқин бўлиш мақсадида ўз олдимизга улкан мақсадни қўйганмиз. Ҳаракатимиз ҳам шунга яраша бўлиши керак.

**«Mahalla» мухбири
Холбиби САФАРОВА
ёзиб олди.**



Сурхондарёлик ўқитувчилар 17 соатда 136 километрли масофани босиб ўтиб, мамлакат рекордини янгилади.

Ҳаммамиз маҳаллада яшаймиз. Яхши кунларимиз, турмуш ташвишларимиз эл билан бирга. Меҳроқибат, аҳиллик, тинчлик, ватанпарварлик каби эзгу тушунчалар онгу шууримизга айнан маҳаллада сингган. Ватан — маҳалладан бошланади, дея бежиз айтилмаган.

Сўнгги йилларда маҳалла фаолиятини қўллаб-қувватлаш билан бирга, унинг вазифалари қўламини кенгайтиришга ҳам алоҳида эътибор қаратилмоқда. Ушбу институтнинг ижтимоий-иқтисодий ҳаётимиздаги ўрни ва таъсири тобора кенгаймоқда. Айниқса, давлатимиз раҳбари томонидан одамларнинг турмуш шароитини яхшилаш, энг аввало, ишсизликни йўқотиш, янги иш ўринларини яратиш, камбағал оилаларнинг ижтимоий ҳимоясини кучайтириш устувор вазифалардан бири этиб белгилаб берилгани ишимизга бўлган масъулиятни яна бир қарра оширди, десам муболаға бўлмайди.

Жорий йил 26 май куни Юртбошимиз томонидан ўтказилган видеоселектор йиғилишида ижтимоий ҳимояга муҳтож камбағал оилаларнинг бандлигини таъминлаш ва тадбиркорлик фаолиятига жалб қилиш орқали камбағаллик даражасини камайтириш юзасидан топшириқлар берилган эди. Ушбу тадбирларни манзилли ташкил этиш мақсадида «Темир дафтар» тизими ишлаб чиқилди. Туманимиздаги 41 та маҳаллада олиб борилаётган тезкор саъй-ҳаракатлар натижасида пандемия даврида қайси оиланинг ёрдамга муҳтож экани яққол кўринди.

Маълумки, 15 мартдан бошлаб аксар корхоналарнинг пандемия сабабли ўз иш фаолиятини тўхтатиши кўплаб аҳолининг вақтинча ёки умуман ишсиз қолиши, оқибатда эса даромад манбаидан маҳрум бўлишига олиб келди. Шу боис маҳаллаларда ёрдамга муҳтож аҳоли шаффофлик билан «темир дафтар»га қайд этилди, ишга ёки бошқа ёрдамга муҳтож 1 минг 926 та оила шундай рўйхатга киритилди. Шунини алоҳида таъкидлаб ўтиш жоизки, «темир дафтар» тизимининг ташкил этилишидан пировард мақсад шуки, ҳар бир эҳтиёжманд шахс ўз хоҳиши билан «мен энди ёрдамга муҳтож эмасман», деган фикрга келиши керак.

Шулардан келиб чиқиб, маҳаллалардаги 28 минг 521 та оиланинг яшаш шароитлари ўрганиб чиқилиб, 1 минг 926 та камбағал оилалар ва уларнинг 8 минг 596 нафар аъзоси мавжудлиги аниқланди. Аҳоли сонига нисбатан камбағаллик даражаси 6,8 фоизни ташкил этади. Биринчи навбатда, ишсизликка қарши чораларни қўллашни

ФАРОВОНЛИК оиладан бошланади

ЁХУД ҲАР БИР ОИЛА БАНДЛИГИ ҚАНДАЙ ТАЪМИНЛАНЯПТИ?



ўз олдимизга мақсад қилиб олдик. Айни дамда Навоий вилояти бўйича фақат бизнинг туман ҳисоб-рақамида 370 млн. сўм ортиқча маблағ бўлиб, ушбу маблағлар манзилли равишда йўналтирилиши ва бандлик масалаларини ҳал этишга хизмат қилиши кўзда тутилган.

Камбағалликдан чиқариш учун нима қилиш керак?

Туманимизда ижтимоий ҳимояга муҳтож камбағал оилаларнинг бандлигини таъминлаш ва тадбиркорлик ташаббусларини қўллаб-қувватлаш орқали камбағаллик даражасини камайтириш юзасидан олиб борилаётган ишлар тизимли давом эттирилмоқда. Оилаларнинг яшаш шароитлари ўрганилиб, сектор раҳбарлари томонидан камбағалликдан чиқариш бўйича манзилли режа ишлаб чиқилди. Бунга кўра, жорий йилнинг якунига қадар жами 1 минг 799 та камбағал оиланинг



бандлигини таъминлаш ва уларни тадбиркорлик фаолиятига жалб этиш ҳисобига камбағалликдан чиқариш белгиланган.

Шу каби саъй-ҳаракатлар натижасида бугунга қадар 481 та янги иш ўринлари яратилди. Тадбиркорлик фаолиятини йўлга қўйиш истагини билдирган оилаларга кредит маблағлари ажратиш мақсадида «Ҳар бир оила — тад-

ДАРВОҚЕ...

Навбаҳор туманида бандликни таъминлаш мақсадида 37 нафар хотин-қизга тикув машиналари берилди. 45 нафар хотин-қизга эса 300 миллион сўм маблағ эвазига иссиқхоналар қуриб берилди. Оғир турмуш шароитида яшаётган 41 нафар аёлнинг уй-жойлари 742 миллион сўм маблағ эвазига таъмирлаб берилди. 72 та кам таъминланган, эҳтиёжманд оилаларга 153 миллион сўм пул маблағлари топширилди.

биркор» дастури доирасида чорвачилик, паррандачилик, асаларичилик, тикувчилик билан шуғулланиш ва иссиқхона қуриш учун 134 млн.сўм маблағ 22 та камбағал хонадон эгаларига ажратилди. Мисол учун, «Янгийўл» маҳалласида 84 та оилага ажратилган субсидиялар ҳисобига жами 1,6 гектар ер майдонида иссиқхоналар қурилмоқда. «Қушқочди» маҳалласидан 104,7 гектар ер майдони «Navbahor agro industrial komplekt» кооперативига ер ажратилди ва 111 нафар ёш аъзо қилиниб, 247,7 млн. сўм субсидия ажратилди. «Дўстлик» массивидан эса 15 гектар ер ажратилиб, 50 нафар кам таъминланган ва ишсиз фуқарога Бандликка кўмаклашиш давлат жамғармаси ҳисобидан 111,5 млн. сўм субсидия



Дилшод ОЧИЛОВ,
Навбаҳор тумани ҳокими ўринбосари, Маҳалла ва оилани қўллаб-қувватлаш бўлими бошлиғи.

берилди. Шунингдек, ҳозирда 5 та давлат объекти ва 92 та хусусий мулк объектида қўшимча 247 та иш ўрни яратилиши устида иш олиб борилмоқда.

Хотин-қизлар учун мавсумий ишлар ташкил этилди

Туманда тадбиркорлик ва бошқа соҳаларда фаолият юритиш истагида бўлган аёллар рўйхати шакллантирилган. Улар учун «Тадбиркорлик маркази» ҳамкорлигида ўқувлар ташкил қилиниб, 266 нафар хотин-қиз ўқитилди ва уларга тегишли сертификатлар берилди. 41 та маҳалладаги ишсиз хотин-қизларни мавсумий иш билан таъминлаш мақсадида уларнинг 1 минг 200 нафардан зиёди ипак курти парваришлаш ишларига, 800 нафардан ортиги фермерларга мавсумий ишчи сифатида бириктирилди.

Шунингдек, тумандаги «Кўҳрон» маҳалласида истиқомат қилувчи тадбиркор Илёс Турдиевга ҳудудий дастур доирасида 1 млрд. 50 млн. сўм миқдорида кредит ажратилиб, чинни ишлаб чиқариш цехи ишга туширилди ва оғир вазиятдаги 54 нафар хотин-қизнинг бандлигини таъминлашга эришилди. «Юқори Бешрабат» маҳалласидан тадбиркор Музаффар Омоновга ҳам шунча миқдордаги кредит ажратилиб, 25 нафар хотин-қизнинг бандлиги таъминланди.

Хулоса шуки, оилада бир кишининг иш билан банд этилиши хонадон аъзоларининг хорижга иш излаб кетиши ёки етишмовчилик туфайли ажралиш ёқасига келиб қолишини, жиноятчилик кўчасига кирмасликни ва шу каби кўплаб салбий ҳолатларнинг олдини олиши тайин. Бунинг учун ҳар бир оиладаги вазиятни ўрганиш ва уларга ёрдам қўлини чўзишда маҳалланинг ўрни бўлакча. Маҳалла ушбу муаммоларга қарши кураша оларкан, шундагина жамиятнинг фаровонлиги таъминланиши мумкин.



Екатеринбургдаги автоҳалокат икки нафар ўзбекистонликнинг умрига зомин бўлди.

Маҳаллаларга эътибор давлат ҳокимияти ишини енгиллашти- ради, аҳоли билан иш юритишни, жойларда- ги муаммоларни тез ва муваффақиятли ҳал этишни таъминлайди. Мингбулоқ туманида ҳам мана шу жиҳат- ларни ҳисобга олган ҳолда маҳаллалар ишига янгича нигоҳ билан қараяпти.

Туманда ишсиз ёшларнинг иш билан бандлигини таъминлашга катта эътибор берилляпти. Сек- торлар кесимида мавжуд маҳалла фуқаролар йиғинларидаги банд бўлмаган 2342 нафар ёшнинг рўй- хати шакллантирилди. Ташкилот ва корхоналар билан йўлга қўйилган ҳамкорлик натижасида йил боши- да аниқланган 5353 нафар ишсиз фуқаронинг 4648 нафари турли соҳалар бўйича ишга жойлашди.

«Кексалар маслаҳати» гуруҳ- лари ташкил этилиб, нотинч оилаларга мураббийлар бирик- тирилди. Ўз навбатида, кекса авлод вакиллари ижтимоий қўллаб-қувватлаш, жамиятдаги ўрнини янада ошириш мақсади- да «Кексалар ҳафталиги» таш- кил этилди. Ҳафталик давомида маҳаллаларда «Ибрат мактаби» мавзусида тарғибот тадбирла- ри ташкил этилди. Шунингдек, «Бувижонлар мактаби» жамоат- чилик кенгаши томонидан ҳам маънавий тадбирлар ўтказилди.

Аёллар билан ишлашнинг янги тизими

Мамлакатимизда хотин-қиз- ларнинг ҳуқуқ ва манфаатларини таъминлаш, ижтимоий ва сиёсий фаоллигини ошириш давлат сиё- сатининг устувор йўналишлари- дан бири саналади. Туманимизда айнан аёллар билан ишлашда ҳам ўзига хос тажриба ва ташаббус- ларга қўл урилди.

Биламиз, асосий муаммо ишсиз хотин-қизларни аниқлаш, уларга замонавий касб-ҳунарларни ўр- гатиш ва бандлигини таъминлаш- дир. Боиси жойлардаги учрашув- ларимиз давомида аксарият шу йўналишдаги муаммоларга кўпроқ

ФУҚАРОЛАРГА ЭНГ ЯҚИН КЎМАКЧИ БЎЛИШ МУАММОЛАРНИ ҲАЛ ЭТИШДА АСҚАТАДИ



дуч келяпмиз ва имкон қадар улар- га ечим топишга ҳаракат қилляп- миз. Агар биз уларга муносиб иш топишига кўмаклашсак, ўз-ўзидан ижтимоий ва иқтисодий муаммо- лар ҳам бартараф этилади.

Туманимизда оғир ижтимоий аҳволга тушиб қолган ва ногирон хотин-қизларнинг манзили рўй- хати шакллантирилиб, улар билан якка тартибда ишлаш тизими йўлга қўйилди. Биринчи навбатда, ажралишларнинг олдини олиш, мазкур жараёнда аёллар ва бола- лар манфаатларини ҳимоя қилиш, айниқса, уларни уй-жой билан таъминлашга алоҳида эътибор қаратяпмиз.

Ишлаш истаги бўлган хотин- қизларнинг манзили рўйхатлари шакллантирилиб, уларнинг банд- лигини таъминлаш, оилавий ва хусусий тадбиркорликка, ҳунар- мандчиликка жалб этиш бўйича комплекс чора-тадбирлар амалга оширилмоқда. Хотин-қизлар ўртасида ҳуқуқбузарликларнинг олдини олиш мақсадида ҳар бир маҳалла кесимида режали иш олиб борилмоқда. Туманда **4512 нафар ишсиз** хотин-қизлар аниқ- ланган бўлса, уларнинг барчаси иш билан таъминланди.



Маҳаллаларда жиноят содир бўлмади

Амалга оширилган профилак- тик тадбирлар натижасида маҳал- лаларда жиноят содир этилишига йўл қўйилмади. Оилаларда аж- ралишларнинг олдини олиш ҳам жамият фаровонлиги, маҳаллалар тинчлиги гаровидир. Шу маъно- да туманда ажралишлар сонини қисқартиришга эришляпмиз. Ўтган йилга нисбатан бу йил сезиларли ижобий ўзгариш кузатилган. **2020 йил 11 ой** давомида **76 та** ажра- лиш қайд этилган бўлса, ўтган йили бу кўрсаткич **97 тани** ташкил этган. Яъни **21 та** ажралишни ка- майтиришга эришилди. Ажралиш ёқасида турган **272 та** оиланинг **234 таси** яраштирилди. Ҳозирги кунда қолган **38 та** оилани яраш- тириш чоралари кўрилмоқда.

Ўтган йилга нисбатан аёллар ўртасида ўз жонига қасд қилиш ҳолати ҳам сезиларли камайган. 2019 йилда 18 нафар хотин-қиз шундай ишга қўл урган бўлса, бу йил кўнгилсизликни 15 тага камайтирдик. Туманда эрта никоҳ ва эрта туғуруқ ҳолатлари йўқ. Нотинч оилалар билан ҳам ало- ҳида дастур асосида ишляпмиз. Яъни бундай оилаларга ибратли, намунали оилалар бириктирил- моқда. Натижада ўтган йили 40 та нотинч оила рўйхатга олинган бўлса, бу йил 12 тани ташкил этди.

Тумандаги маҳалла фуқаролар йиғинларида «Аёллар дафтари»ни юритиш бўйича сектор раҳбарла- ри иштирокида ишчи гуруҳ тузи- либ, сўровнома асосида хатлов ўтказилди. Жами **24930 нафар** аёллар (30-100 ёш) мавжудлиги аниқланди. 2020 йил 19 октябрдан бошланган хатлов орқали хона- донлар ҳам рўйхатдан ўтказил- моқда. Жами **21610 та** хонадонга кириб, **24930 нафар** аёллардан



Санобар АБДУРАҲМОНОВА,
Мингбулоқ тумани ҳокими
ўринбосари, Маҳалла ва
оилани қўллаб-қувватлаш
бўлими бошлиғи .

сўровнома олинди.

Бир сўз билан айтганда, туманда аёллар, ёшлар, нуронийлар билан ишлашда мутлақо янгича тизим йўлга қўйилди. Айниқса, кам таъ- минланган, ёрдамга муҳтож оила- ларни моддий ва маънавий қўллаб- қувватлаш, ишсиз фуқароларни иш билан таъминлаш, тадбиркорликка кенг имконият яратишда маҳалла яқин кўмакчи бўлмоқда.

Бизда таклиф бор

Тизимдаги ислохотлар жараёни- да ҳудудлардан тушаётган так- лифларни амалиётга татбиқ этиш керак. Чунки муаммолар, асосан, амалиётда билинади. Шу жиҳатдан биз ҳам қуйи тизимда аниқланган камчиликларни бартараф этишга хизмат қилувчи таклифларимиз- ни билдирмоқчимиз. Маълумки, маҳалла фуқаролар йиғинларида раиснинг Кексалар ва фахрийлар- ни қўллаб-қувватлаш ва ижтимоий фаоллигини ошириш бўйича мас- лаҳатчи лавозими жорий этилган. Аммо ушбу ходимларнинг иш фаолиятида моддий манфаат йўқ- лиги учун натижадорлик кўрин- маяпти. Шу боис уларнинг моддий таъминотини яхшилаш керак. Маҳалла ходимларига узоқ муд- датли, имтиёзли кредит асосида енгил автомобиллар сотиб олиш имкониятини яратиш лозим. Ёш- лар етакчиси маҳалла фуқаролар йиғинида фаолият юритишини йўлга қўйиш керак. Бу ҳам самара- дорликни оширади.

Маҳалла фуқаролар йиғин- ларидаги ходимлар маҳалла ҳудудида иш олиб борганлиги сабабли хизмат биносида хо- димларнинг кунлик ишларини тумандаги давлат ва жамоат ташкилотларига етказиш ва маълумот алмашиш учун иш юритувчи лавозими жорий этиш керак. Шунингдек, маҳаллада фаолият олиб бораётган ходим- ларнинг ойлик маошини туман- даги раҳбар ходимлар ойлик маоши даражасига тенглашти- риш керак.



Жиззахда эркин туристик зона учун 100 млн. доллар миқдорида маблағ ажратилади.

СЎЗИДА ҲИКМАТ БОР, ИШИДА ИБРАТ

Маҳалла азалдан жамиятнинг таянчи бўлиб келган. Одамларнинг яхши, ёмон кунларида дарду қувончига малҳам бўлган. Шу боис ҳам ҳаётимизда маҳалла оиламиз каби қадрдон ва қадрли гўша сифатида муҳим ўрин эгаллаган.

Президентимиз ташаббуси билан Маҳалла ва оилани қўллаб-қувватлаш вазирлигининг ташкил этилиши соҳада ўзига хос янги тизимга асос солди. Мавжуд маҳалла институтини юксак поғонага кўтариш борасида янги қадам бўлди. Иш ҳам, ишлаш тизими ҳам, кадрларга талаб ҳам бутунлай ўзгарди. Соҳада узвийликни таъминлаш мақсадида хотин-қизлар, ёшлар, профилактика инспектори ва, албатта, нуронийлар бир куч сифатида бирлашди.

Айниқса, коронавирус пандемияси даврида маҳалла янада халқ билан яқинлашди. Аҳолининг чинакам мададкорига айланди. Президентимиз ташаббуси билан эълон қилинган Саховат ва кўмак тадбирларида туман маҳалла ва оилани қўллаб-қувватлаш бўлими ҳам фаол иштирок этди. Эҳтиёжманд оилалар, кексалар, ногиронлар, беморлар ҳолидан хабар олинди. Улар моддий ва маънавий жиҳатдан қўллаб-қувватланди. Саховатпеша инсонлар, тадбиркорлар, нуронийлар ўзларининг меҳр-мурувватини аямади. Саховат ва кўмак тадбирларида фаол қатнашган 100дан ортиқ тумандошларимиз «Меҳр-саховат» кўрак нишони билан тақдирланди.

Маҳалла ободлигида кексалар тажрибаси

Маҳаллаларда ижтимоий-маънавий муҳит барқарорлигини таъминлашда, «Обод ва хавфсиз маҳалла» тамойили асосида иш ташкил қилишда нуронийларнинг алоҳида ўрни бор. Туманимизда ҳам айни шу жиҳатни ҳисобга олган ҳолда нуронийлар билан ҳамкорлик, уларнинг бой тажрибасидан фойдаланишга катта эъ-



тибор берилмоқда. Бугунги кунда туманда 16985 нафар нафақа ёшидагилар, жумладан, 113 нафар фронторти меҳнат фахрийси, 2 нафар 100 ёшдан ошган нуроний истиқомат қилмоқда. Кексаларнинг жамиятдаги фаоллигини таъминлаш мақсадида ҳамкор ташкилотлар билан ижтимоий шерикчилик асосида маънавий-маърифий тадбирлар ўтказиб келинмоқда.

Туман маҳалла ва оилани қўллаб-қувватлаш, жисмоний тарбия ва спорт бўлими, Нуронийлар жамоатчилиги кенгашлари ҳамкорлигида шахмат-шашка, стол тенниси бўйича мусобақалар ўтказилди. Бу тадбирларда туманимиз нуронийлари вилоятда фахрли 1-ўринни қўлга киритди. Ҳозирги кунда кексалардан иборат футбол клуби аъзолари Конституция-мизнинг 29 йиллигига бағишлаб Наманган вилояти фахрийлари ўртасида ўтказиладиган мини-футбол мусобақасига тайёргарлик кўрмоқда.

Қари билганни пари билмас

Жойларда фаол фахрийлардан иборат «Кексалар маслаҳати» гуруҳи, Нуронийлар жамоатчилиги кенгашлари тузилди. Кўп йиллар

ДАРВОҚЕ...

Учқўрғон тумани маҳалла ва оилани қўллаб-қувватлаш бўлими тавсияномаси асосида 6 нафар иқтидорли қизларимиз олий ўқув юртларига қабул қилинди.

Аҳоли яшаш шароитини яхшилаш, уларнинг муаммоларини ҳал этиш мақсадида вилоят ҳокими Шавкат Абдураззақов томонидан 5 та маҳалла фуқаролар йиғини («Ёғду», «Қўрғонча», «Истиқбол», «Обод», «Ёписхон»)га 500 000 миллион сўм пул маблағлари берилди.

ҳалол меҳнат қилиб, аҳоли орасида ҳурмат-эътиборга сазовор бўлган нуроний фахрийлардан 90 нафари умумий ўрта таълим мактабларига, 8 нафари касб-хунар мактабларига, 46 нафари профилактик ҳисобда турувчи вояга етмаганларга, 26 нафари қишлоқ хўжалиги соҳасига бириктирилди. Бунда уларнинг бой ҳаётий тажрибасидан самарали фойдаланилмоқда.

Айни кунларда бутун диққат-эътиборимизни ёшлар маънавияти, дунёқарабини ошириш, уларда жамоавий, шу билан бирга, менталитетимиз талаблари асосида ўқиш ва ишлашни шакллантиришга қаратмоқдамиз. Шу муносабат билан кўпроқ ёшларни қамраб олган «Янги Ўзбекистон — янгича дунёқараш» мавзусидаги маънавий-маърифий тадбирларимиз улар қалбида ҳаётга шукроналик ҳиссини уйғотмоқда.



Муҳиддин МАҲКАМОВ,
Учқўрғон тумани ҳокими
ўринбосари, Маҳалла ва оилани
қўллаб-қувватлаш бўлими
бошлиғи.

Жинойят содир этишга мойиллиги бор бўлган шахслар, яъни муқаддам судланганлар, профилактик ҳисобда турадиган шахсларнинг ижтимоий ҳолати ва маънавий муҳити тўлиқ ўрганиб чиқилмоқда. Оила, турмуш доирасидаги ҳуқуқбузарликларнинг олдини олишга ҳам алоҳида эътибор қаратилмоқда. Оилавий ажримлар ва ноқонуний никоҳларнинг олдини олиш борасида ҳам нуронийларнинг ёрдами катта бўлмоқда. Ҳафтанинг ҳар чоршанба куни ФХДё бўлимида ажрим ёқасига келиб қолган оилалар билан суҳбатлар, тарғибот тадбирларида тушунтиришлар олиб борилмоқда. Натижада шу йилнинг ўзида 328 та мана шундай оилалар яраштирилди.

Кексалар — эътибор ва эъзозда

Вазирлар Маҳкамасининг 2020 йил 28 майдаги «Кексаларни давлат томонидан қўллаб-қувватлаш тизимини янада такомиллаштиришнинг кўшимча чора тадбирлари тўғрисида»ги қарори асосида «Кексалар учун туризм ойлиги» ташкил қилиш бўйича бир гуруҳ нуронийларни Хоразм вилоятига саёҳати уюштирилди. Шунингдек, ноябрь ойида жамоатчилик кенгаши аъзолари, қишлоқ хўжалигида фаол ёрдам берган нуронийлардан бир гуруҳи Тўрақўрғон туманидаги Ибрат мажмуасига, Чортоқ туманидаги Султон Увайс Қароний зиёратгоҳига бориб келишди. Октябрь ойининг биринчи ҳафтасида «Кексалар ҳафталиги» доирасида маърифий тадбирлар ўтказилди.

Президентимизнинг пандемия даврида аҳоли ўртасида соғлом турмуш тарзини шакллантириш, карантин қоидаларига риоя этган ҳолда оммавий бадантарбия машқларини ўтказиш ҳақидаги топшириқлари ижросини таъминлаш борасида ҳам бир қатор ишлар олиб борилмоқда. Туман марказида, қишлоқ ва маҳаллаларда «Ҳар куни 5 минг қадам» шиори остида тадбирлар ўтказилиб, уларда нуронийларимиз фаоллик қилишмоқда.

Бундан кейин ҳам маҳаллаларда нуронийлар ва кексалар иштирокидаги тарғибот тадбирларини давом эттирамиз, бу билан жойларда уларнинг ўрнини янада мустаҳкамлаймиз.



БУГУНГИ НАТИЖАЛАР

эртанги ютуқлар асосидир

Асрлар давомида маҳаллалар жамият тараққиёти асоси бўлиб келган. Бу ерда оилавий муаммолар ўз ечимини топган. Бугун ҳам ушбу анъаналар бардавом бўлиб, тўй-маърака, ҳашарлар маҳалласиз ўтмайди. Кейинги пайтда маҳалла тизимини янада тараққий эттириш мақсадида ислохотлар амалга оширилди. Натижада маҳалла халқ билан яқинлашди. Буни Чуст тумани мисолида кўрадикан бўлсак, тумандаги 70 та маҳаллада 47331 та хонадон мавжуд. Ушбу хонадонларда 60807 та оила (1931 та камбағал оила) истиқомат қилмоқда.

Томорқадан унумли фойдаланишда водий тажрибаси

Маълумки, Чуст ўзининг уста хунарамандлари, пичоқчи ва дўппидўзлари билан нафақат республикага, балки дунёга машхур. Шу маънода бугун туманда ишсизликни бартараф этиш учун ички имкониятлардан самарали фойдаланилмоқда.

Бунинг учун хунараманд оилалар хонадонидида касаначилик йўлга қўйилди. Шунингдек, томорқадан унумли фойдаланишни таъминлашда Фарғона водийси тажрибаси асосида томорқа ер эгалари кооперацияларга бириктирилиб, лимончилик, сабзавотчилик, узумчилик, чорвачилик, паррандачилик, қуёнчилик ва балиқчиликни ривожлантиришга эътибор берилмоқда. Пахта ҳамда ғалла майдонлари учун самарасиз, деб топилган ер майдонлари кам таъминланган аҳоли қатламига бўлиб берилди. 114 нафар кам таъминланган оила кооперацияларга бириктирилиб, 2 сотихдан иссиқхоналар куриб берилди.

Бундан ташқари, паррандачилик, чорвачилик, қуёнчилик, балиқчиликни ривожлантириш мақсадида 5820 та оилага имтиёзли кредит ажратилди. Туман ҳокими ҳамда сектор раҳбарларининг ташаббуси билан ғалладан бўшаган ер майдонларини 520 та эҳтиёжманд оилаларга қишлоқ хўжалиги маҳсулотларини етиштириш учун 20 сотихдан ажратиб берилди.

Бўлим томонидан маҳалла фуқаролар йиғинларида тадбиркор-



ликни ривожлантириш мақсадида фуқаролар йиғинининг биносида бўш турган хоналарни тадбиркорларга ижарага бериш бўйича ҳам ишлар амалга оширилди. «Баймоқ» маҳалла фуқаролар йиғинида тадбиркорлик қилиш истагини билдирган фуқаро М.Имомова билан ҳамкорликда 20 нафар иш ўрнига эга тикувчилик цехи ташкил этилди.

«Бир маҳалла – бир маҳсулот» тамойили

Ушбу йўналишда мева-сабзавот етиштириш, иссиқхоналар ташкил этиш, чорвачилик, паррандачилик, асаларичилик, қуёнчилик каби йўналишларга ихтисослаштириш чора-тадбирлари босқичма-босқич амалга оширилмоқда. Тумандаги мавжуд 70 та маҳалла фуқаролар йиғинининг 24 таси «бир маҳалла – бир маҳсулот» тамойили асосида экин экишга ихтисослаштирилди. Шунингдек, 435 та иссиқхона ташкил этилди. 33145 хонадонлар чорва ҳайвонларини парвариш қилишга йўналтирилди. Паррандачилик билан шуғулланадиган хонадонлар сони 36104 тани ташкил этди. 4614 та хонадон эса қуёнчиликка, 1813 хонадон асаларичиликка, 261 таси балиқчиликка ихтисослаштирилди. Эътиборлиси, бу оилалар ҳалол меҳнат орқали оила даромадини ошириш билан бирга, халқимиз дастурхонига ҳам барака киритмоқда, бозорларимиз арзончилиги таъминланмоқда.

Тумандаги ишсиз, касб-хунара ўрганиш истагидаги тадбиркорлик фаолиятини бошламоқчи бўлган фуқароларнинг манзилли рўйхати шакллантирилиб, тегишлилиги бўйича ҳамкор ташкилотларга юборилмоқда. Фуқароларнинг бандлигини таъминлашга, оилавий бизнес, тадбиркорлик, хунара-

мандчилик фаолиятини бошлашга кўмаклашилмоқда.

Чуст тумани Маҳалла ва оилани қўллаб-қувватлаш бўлими бандликка кўмаклашиш маркази билан ҳамкорликда ўтган 10 ойда 4335 нафар кам таъминланган ва ижтимоий ҳимояга муҳтож оилаларда истиқомат қилиб келаётган меҳнатга лаёқатли фуқароларнинг бандлигини таъминлади.

Ободонлаштириш йўналишида ҳам ибратли натижаларга эришилмоқда. Тумандаги муқаддас қадамжолар, зиёратгоҳлар ва қабристонларни ободонлаштириш мақсадида мавжуд 72 та қабристон, 3 та зиёратгоҳ ҳашар йўли билан обод қилинди.

Тизим такомиллига бизнинг таклиф

Маҳалла ва оилани қўллаб-қувватлаш тизимини такомиллаштириш, фаолият самарадорлигини таъминлаш учун бир қатор таклифларни ҳам билдириб ўтмоқчиман. Мисол учун, қонун ҳужжатларини такомиллаштириш йўналишида «Фуқароларнинг ўзини ўзи бошқариш органлари тўғрисида»ги қонунга маҳалла раисининг ўринбосарлари ва маҳалла ҳарбий ҳисобни юритиш бўйича мутахассисларни ишга олиш ва бўшатиш механизми бўйича аниқ модда киритиш керак. Бугунги давр талабидан келиб чиқиб, маҳалла



Шавкат ЙЎЛДОШЕВ,
Чуст тумани ҳокими
ўринбосари, Маҳалла ва оилани
қўллаб-қувватлаш бўлими
бошлиғи.

фуқаролар йиғини раиси ваколатларини қайтадан кўриб чиқиш мақсадида алоҳида модда белгилаш лозим.

Юқори органлардан берилаётган вазифалар ижросини сифатли ва вақтида таъминлаш мақсадида бўлимнинг ташкилий назорат ва таҳлил, томорқа, тадбиркорликни ривожлантириш, кексалар ва фахрийларни қўллаб-қувватлаш, ёшларда ватанпарварлик руҳини мустаҳкамлаш ва хотин-қизларнинг ижтимоий-сиёсий фаоллигини

ошириш, ижтимоий ҳимояга муҳтож оилалар билан ишлаш бўлимига қўшимча штат бирлиги ажратишни ўйлаб кўриш керак.

«Обод ва хавфсиз маҳалла» тамойилига асосланган янги тизимни жорий этишда ҳар бир маҳалла фуқаролар йиғинида қайд этилган жинойят ва ҳуқуқбузарликларни ҳамда ҳодисаларнинг ягона маълумотлар базасини яратиш ҳам самарадорликни таъминлайди. Шунда маҳалла фуқаролар йиғини раислари ва унинг ўринбосарлари тўла-тўқис маҳалладаги крименоген вазият-ни баҳолай олади, жинойтлар ва ҳуқуқбузарликлар таҳлили янада ишончли бўлади.

Шунингдек, соҳадаги муаммоларни ҳал этишда тизим ходимларининг разрядларини қайта кўриб чиқиш керак. Фуқаролар мурожаатлари билан ишлашда почта хизмати ва бўлимнинг канцелярия моллари учун маҳаллий бюджетдан маблағ ажратишни йўлга қўйиш зарур. Қолаверса, тизимда фаолият олиб бораётган ходимлар малакасини оширишни ҳам ташкил этиш керак.

Бир сўз билан айтганда, якунига етаётган йил тизим ходимлари учун ўзига хос синов йили бўлди. Тажрибадан кўп хулосалар чиқардик. Энг муҳими, фаолиятимиз самарадорлиги кўринди. Бугун эришган бу натижаларимиз шубҳасиз, эртанги ютуқлар омилidir.



Ўзбекистонда коронавирус пандемияси сабаб солиқ тўловчиларга енгиллик берилди.

Дўст кулфатда, ёр-биродар оғир кунларда биланади, дейишади. Пандемия мамлакатлар иқтисодиёти қийин аҳволга солиб қўйди. Ишлаб чиқариш суръатларининг пасайиши корхоналар ишининг тўхталиши, табиийки, аҳоли турмуш тарзига ҳам ўз таъсирини кўрсатди. Ишсизлар кўпайди, ижтимоий ҳимояга муҳтожлар меҳр-эътиборга ҳар қачонгидан-да кўпроқ муштоқ бўлди. Шукрки, бизда меҳр-эътибор, саховат ва кўмак, ўзаро ҳамжиҳатлик хислатлари бардавонлиги яна бир бор исботини топди.

Бу эзгулик нафақат шаҳар марказлари, балки республикамизнинг барча ҳудудларида кенг қулоч ёзди. Чекка қишлоқлардаги ижтимоий ҳимояга муҳтож оилалар ҳам меҳр, эътибор қўллари тафтини сезди.

Биргина Қашқадарё вилояти Китоб туманида пандемия бошлангандан сўнг амалга оширилган ишлар кўламию рақамлар ҳам сўзимизни тасдиқлайди.

«Саховат ва кўмак» ҳаракати етиб бордимиз?

Эътиборлиси, синовли дамда аҳолимиз ўзаро бирлашди, юртдошларига қўлидан келганича кўмаклашишга ошиқди. «Саховат ва кўмак» умумхалқ ҳаракати айни шу ташаббуснинг амалдаги инъикоси сифатида иш бошлади. Ҳаракат доирасида туманимиз бўйича 4433 та моддий ёрдам ва ижтимоий ҳимояга муҳтож оилалар аниқланиб, секторларда юритиладиган «темир дафтар»даги рўйхатга киритилди. Ундан кам таъминланган, ногирони бор, боқувчисини йўқотган, якка-ёлғиз ва карантин туфайли вақтинча иш жойини йўқотган оилалар ўрин олди. Ўтган вақт мобайнида шундай 4433 та оилага озиқ-овқат маҳсулотлари босқичма-босқич тарқатилди.

Шунингдек, «темир дафтар»га киритилган 880 та оиланинг ҳар бирига 1 млн. сўмдан пул маблағлар тарқа-

ҲЕЧ КИМ ЭЪТИБОР ВА МЕҲРДАН ЧЕТДА ЭМАС!



тилди. Бундан ташқари, ёрдамга муҳтож оила вакиллари доимий ва мавсумий ишларга жойлаштириш, ўзини ўзи банд қилиш, кредит олишига кўмаклашиш ишлари ҳам мунтазамлик касб этган. Шу аснода «темир дафтар»даги оилалар сонини камайтиришга эришилаётир. Дафтардаги оилалар сони ҳозирда 1074 та қолгани йўналишдаги ишларимиз амалда ўз самарасини бераётганини кўрсатади.

Ижтимоий ҳамкорлик

Давлатимиз раҳбарининг 2020 йил 30 июлдаги «Коронавирус пандемияси даврида ижтимоий ҳимояга ва ёрдамга муҳтож аҳоли қатламларини моддий қўллаб-қувватлашга доир қўшимча чора-тадбирлар тўғрисида»ги фармонида белгиланган вазифалар ижроси доирасида болалиқдан ногиронлиги бўлган шахслар, зарур иш стажига эга бўлмаган кекса ёшдаги ва меҳнатга лаёқатсиз фуқароларга янада кўпроқ кўмак ва эътибор кўрсатилаётир.

Мазкур фармон талаблари асосида Китоб тумани бўйича 1344 та оилани «темир дафтар»га янгитдан киритиш тавсия этилди. Рўйхат тумандаги маҳаллаларда тузилган 10-15 кишилик ишчи гуруҳ томонидан шакллантирилди.

Хайрли ишни давом эттириш мақсадида моддий ёрдам ва кўмакка муҳтож оилалар рўйхатига киритилган, боқувчисини йўқотганлик пенсияси ёки нафақасини олувчи, ногиронлиги бўлган 16 ёшга тўлмаган бо-

лалари бор оилаларга бир марталик моддий ёрдамлар берилди.

Ҳали қилиниши лозим бўлган ишларимиз кўп

Бундан ташқари, сектор раҳбарлари томонидан «темир дафтар»да бўлган 50 та оилага чорва моллари, паррандалар тарқатилди. Бу орқали аҳолининг рўзғорига бора олиб кириш мақсад қилинган. Чорва моллари ва парранда тарқатилган оилалар сут маҳсулотларию тухум учун энди бозорга чопмайди. Боз устига, эҳтиёжидан ортганини бозорга олиб чиқиб сотишяпти. Шу тариқа, аввалига эҳтиёжманд оила сифатида қайд этилган хонадонлар секин-аста молиявий етишмовчиликларини ҳал этишяпти. Пировардида маҳаллаларимиздаги камбағаллик даражаси ҳам пасайиб бораётир.

Уйма-уй юриб ўрганишларимизда фуқароларнинг кундалик эҳтиёжлари ҳам қайд этиб бориляпти. Шу асосда «Қўхсор» маҳалласидаги 200 та оилага 30 миллион сўмлик ун ва ёғ маҳсулотлари тарқатилди.

Юртимизда саховатпеша инсонлар ҳам, ташкилотлар ҳам кўп. Бу кишини қувонтиради. Ахир, оғир кунларда чўзилган биргина ёрдам қўли инсоннинг ҳаётга, яшашга бўлган муҳаббатини оширади, ён-атрофида у ҳақда қайғурувчи яқинлари борлигини ҳис этишига замин яратади. Тез орада Ўзбекистон мусулмонлари идораси ҳузуридаги «Вақф» хайрия жамоат фонди томонидан туманимиздаги 264 та оилага моддий ёрдам кўрсатилади.

Тизимлилик таъминланяптими?

Аслида саховат тадбирларида тизимлиликни таъминлаш ниҳоятда муҳим. Чунки ҳаммага ҳам бир вақтнинг ўзида ёрдам кўрсатишнинг имкони йўқ. Шу боис ижтимоий ҳимояга муҳтож оила сифатида рўйхатга олинган оилаларга



Абдушукур ОМОНОВ,
Китоб тумани ҳокими
ўринбосари, Маҳалла ва оилани
қўллаб-қувватлаш бўлими
бошлиғи.

кетма-кетликда кўмаклар кўрсатиляпти. Масалан, 1 миллион сўмдан берилган оилалар 1491 талик рўйхатга ёки бу икки рўйхатдагилар 264 талик ва 50 талик рўйхатларга киритилмайди. Мақсадимиз ҳеч ким эътибор ва меҳрдан четда қолмаслигига қаратилган.

Тумандаги ижтимоий ҳимояга ва ёрдамга муҳтож оилалар рўйхатларини шакллантириш, эҳтиёжманд оилаларни қўллаб-қувватлаш жараёнида фуқароларимизнинг ариза, шикоят ва таклифлари ҳам эшитиляпти. Бунда, айниқса ижтимоий шерикчилик асосидаги фаолиятимиз асқатаётир. Шунинг учун жараёнларда депутатларимиз фаоллигини ошириш ва жамоатчилик назоратини янада кучайтириш зарур. Боиси туманимизда ижтимоий адолатни таъминлаш, ҳар бир оилани ҳаётдан, жамиятдан ва давлатдан розилигига эришиш учун фақатгина бир ташкилот эмас, барча муассасалар бирдек масъулдир.

Зеро, фуқаролар фаолиятимиз, хатти-ҳаракатимиз муомаламизга қараб давлатимизда бўй чўзаётган ислохотларнинг амалдаги натижаларига баҳо беради. Шундай экан, бир зум сусткашлик ва эътиборсизликка йўл қўйишга ҳаққимиз йўқ.

Режалар қандай?

Фаолиятда ютуқларга эришамиз, камчиликларга йўл қўямиз. Бироқ доим ҳам улардан тегишли хулосалар чиқармаймиз. Самарадорликка эришиш учун эса, аввало, ўз-ўзимизга танқидий ва таҳлилий баҳо бера олишимиз керак.

Шу нуқтаи назардан, биз ҳар ойда натижаларимиз сарҳисобини ўтказяпмиз. Келгуси ой учун бажарилиши лозим бўлган муҳим вазифаларни белгилаб оляпмиз. «Темир дафтар» ва «Ёшлар дафтари» бўйича масъул ташкилотлар билан ҳамкорликни кучайтириб, эҳтиёжманд оилаларни моддий ва маънавий қўллаб-қувватлаш чораларини янги босқичга олиб чиқиш шундай бажарилиши шарт бўлган вазифаларимиздан. Мурожаатларни ўз вақтида ҳал этиш, маҳаллаларимизни аҳолининг ҳақиқий кўмакчисига айланишига эришиш орқали эса яна бир маррани забт этамиз.



Бюрократия сабаб 10 га яқин ОТМнинг раҳбар ходимларига интизомий жазо чоралари кўрилди.

НУРОНИЙЛАР ТАРҒИБОТДА ҲАМИША ФАОЛ



Кексаликни инсон умрининг донишмандлик палласи, дейишади. Боиси умрнинг бу довонига етиб келгунга қадар киши ҳаётнинг турли пасту баландини кўради, аччиқ-чучугидан сабоқ чиқаради. Аслида «Қариси бор уйнинг париси бор» ҳикматининг мазмуни ҳам шунга ишора.

Азалдан халқимизда бирор ишни бошлашдан аввал ёши улуғлар маслаҳатини олиш, уларни хонадон фариштаси, дея эъзозлаш одатга айланган. Айни пайтда ушбу халқона қадрият давлат сиёсати даражасига кўтарилган.

Давлатимиз раҳбарининг «Ўзбекистон Республикаси Маҳалла ва оилани қўллаб-қувватлаш вазирлигини ташкил этиш тўғрисида»ги қарори асосида вазирлик таркибиде Кексалар ва фахрийлар билан ишлаш бошқармаси ҳамда Кексалар ва фахрийларнинг ижтимоий фаоллигини ошириш бўлими ташкил этилгани бунинг амалдаги ифодаси. Янги тузилмалар зиммасига нуронийларимиз, ёлғиз қариялар, меҳнатга лаёқатсиз кекса ногиронларнинг моддий шароитини яхшилаш, тиббий ва бошқа хизматлар кўрсатиш соҳаларини кенгайтириш, уларнинг мамлакат ижтимоий-сиёсий ҳаётидаги роли ва фаоллигини ошириш каби муҳим вазифалар юклатилган.

«Маслаҳат гуруҳлари» нима билан банд?

Вазифалар ижросини таъминлаш мақсадида туманимиз нуро-

нийлари ҳамжихат-ҳамкорликда ишлашяпти. Чунончи, шу кунга қадар туманимизда 86 та маҳалла фуқаролар йиғинида кексалар бўйича «Маслаҳат гуруҳлари» ва «Бувижонлар мактаби» ташкил этилди. Уларга фаол, ташаббускор, намунали оила аъзолари жалб этилди.

Айни дамда нафақат маҳалла, балки жамиятимизнинг оғрикли нуқтаси бўлган оилавий ажралишлар ва низолар, эрта ва ноқонуний никоҳларни бартараф этишда уларнинг таъсирчан тарғиботлари асқатаётир.

тадбирларда она Ватанга муҳаббат, юрт корига камарбаста бўлиш каби эзгу масъулият залвори ҳақида келажак эгаларига тушунчалар берилаётир.

Оилавий низолар сабабли ажралиш ёқасига келиб қолган ёш оилаларга олтинга тенг насиҳатлари ва ҳаётий тажрибаларидан келиб чиқиб берган ўғитлари сабаб, юзга яқин оилалар яраштирилди. Шунингдек, оилавий маросимлар, тўй-ҳашамларда дабдабазлик, исрофгарчиликларга йўл қўймаслик борасида ҳам пиру бадавлатларимизнинг ҳиссаси катта бўлаётир.

Нуронийлар барчага ибрат

Соғлом турмуш тарзини тарғиб қилишда нуронийларимизнинг пешқадам экани бизни қувонтиради. Чунки серҳаракат, спортга ошно кишини бирон хасталик безовта қилмайди, соғлом бўлади. Чунончи, «Беш минг қадам» ташаббуси ҳаракатида маҳаллаларимиздаги тўрт мингдан зиёд нуроний ёшларга ибрат кўрсатди.

«Обод ва халфсиз маҳалла» тамойили асосида жинойт муассасаларидан озод этилган ва жинойт содир этишга мойиллиги бўлган ёшлар билан ишлашда уларнинг ҳаётий тажрибалари, айниқса, қўл келмоқда. Спиртли ичимликларга ружу қўйган, нотинч оилалар, хорижий мамлакатларда бўлиб қайтган фуқаролар билан кексаларимиз алоҳида суҳбатлар ўтказишяпти. Бундай фуқароларга Ҳаж сафарига борган кексаларимиздан мураббийлар бириктирилмоқда.

Ҳарбий ватанпарварлик тарғиботи

Ёшлар тарбиясига ижтимоий фаол кекса авлод вакилларини кенг жалб этиш мақсадида туманимизда бир қатор ишлар амалга оширилди. Жумладан, ёшларни ҳарбий ватанпарварлик руҳида тарбиялашда нуронийларимизнинг ижтимоий фаоллигини ошириш мақсадида Халқ таълими ҳамда Мудофаа ишлари бўлими билан «Ёш авлодни ҳарбий ватанпарварлик руҳида тарбиялашда кекса авлод вакилларининг ижтимоий фаоллигини ошириш бўйича ўзаро ҳамкорликда амалга ошириладиган чора-тадбирлар режаси» ишлаб чиқилди ва ижрога йўналтирилди.

Хонадонларимиз пиру бадавлатлари билан жойларда учрашувлар, давра суҳбатлари ташкил этиш анъанага айланиб улгурган. Бу тадбирларда она Ватанга муҳаббат, юрт корига камарбаста бўлиш каби эзгу масъулият залвори ҳақида келажак эгаларига тушунчалар берилаётир.

Ҳам саёҳат, ҳам зиёрат

Нуронийларимиз томонидан туманимиз ҳудудларида жойлашган барча мактаблар, касб-хунар коллежлари, тиббиёт бирлашмалари, боғчаларда жамоатчилик назоратлари ўрнатилляпти.

Уруш ортида хизмат қилган 140 нафар кексаларимиз эса ҳамиша



Шавкат ЧОРШАНБИЕВ,
Чироқчи тумани ҳокими
ўринбосари, Маҳалла ва оилани қўллаб-қувватлаш бўлими бошлиғи.

эъзозда. Пандемия даврида уларнинг ҳолидан мунтазам хабар олинди, 35 миллион сўм пул маблағлари тарқатилди.

«Кексалар ойлиги» доирасида туманимиз нуронийларининг Шаҳрисабз, Қарши шаҳарларига саёҳатлари уюштирилди.

Шунингдек, туман ҳокими ташаббуси билан 104 нафар кам таъминланган ёши улуғларнинг тарихий Бухоро ва Самарқанд шаҳарларига зиёратлари ташкил этилди.

Ташаббуслар давом этмоқда

Маҳалла ва оилани қўллаб-қувватлаш бўлими ҳамда Халқ таълими бўлими ҳамкорликда умумтаълим мактабларида «Нуронийлар тарбиявий соати» гуруҳлари тузилди. Улар ҳафтада бир марта ўқувчилар билан самимий мулоқотда бўлишяпти.

Ёшлар ўртасида жинойтчилик ва ҳуқуқбузарликларнинг олдини олишда ҳам кексаларимизнинг ҳаётий тажрибаларига суяняпмиз. Бу борадаги тарғибот тадбирларини тизимли ташкил этиш мақсадида тадбирлар режасини ҳам ишлаб чиққанмиз.

«Нуронийлар жамоатчилик кенгаши»

Туман бўлимида тузилган «Нуронийлар жамоатчилик кенгаши» аъзолари эса «Кексалар маслаҳати» гуруҳлари ва «Бувижонлар мактаби» тўғрақлари фаолияти мониторингини олиб боришяпти. Бу олдинга қўйилган вазифалар ижросини таъминлаш, фаолиятимиз самарадорлигини оширишга хизмат қилаётир.

Кекса авлод вакилларини жамиятмизнинг фаол иштирокчисига айлантириш, оилаларни мустаҳкамлаш, оилавий қадриятларни сақлаш ва ривожлантиришдаги бу саъй-ҳаракатлар шиддат олса оладики, асло сусаймайди.



Энди раҳбарлар ҳафтада камида бир марта ишга хизмат автомобилсиз келиб-кетади.

БИР ТАРОЗИНИНГ ИККИ ПАЛЛАСИ

Қадим-қадимдан оила таъминоти, ундаги ички муҳит барқарорлиги, эр-хотин ва фарзандлар ўртасидаги илиқ, самимий муносабат ўзбек маҳаллаларига хос қадрият бўлиб келган. Оила аҳиллиги ва тотувлигига қараб, маҳалла оқсоқоли ишига баҳо берилган. Демак, маҳалла ва оилани бир-биридан ажратилган ҳолда тасаввур этиб бўлмайди, улар гўёки бир тарозининг икки палласидир. Айниқса, даромади бўлмаган, камбағал оилаларни аниқлаш ва уларни имкон қадар қўллаб-қувватлашдек устувор вазифа туман маҳалла ва оилани қўллаб-қувватлаш бўлимлари зиммасига катта масъулият юклайди.

Эҳтиёжманд оилалар қанча?

Даромад топиш бобида қийналиб қолган оилаларни давлат миқёсида қўллаб-қувватлаш ва сонини қисқартириш бўйича кенг қўламли ишлар амалга оширилмоқда. Аммо бунга қисқа муддатда эришиб бўлмайди.

Ҳар бир ҳудуддаги сингари туманимизда ҳам кам даромад оилаларни аниқлаш бўйича белгиланган талабларга эътибор қаратилмоқда. Маҳалла ва оилани қўллаб-қувватлаш вазирлиги томонидан берилган кўрсатмага мувофиқ, сектор раҳбарлари ва оқсоқоллар иштирокида кам таъминланган, ижтимоий ҳимояга муҳтож, якка-ёлғиз кексалар, ногиронлиги бўлган, доимий ишсиз, карантин туфайли ишсиз қолган ҳамда оғир эпидемиологик ҳудуд-



дан қайтариб келинган фуқаролари бор оилалар эҳтиёжмандлар қаторига киритилди.

Ҳисоб-китобларга кўра, бу тоифадаги оилалар сони 2 минг 733 та бўлиб, жами аъзолари сони 12 минг 180 нафарни ташкил этмоқда. Шундан 2 минг 647 киши меҳнатга лаёқатли, аммо ишсиздир.

Бирни берганга ўн карра қайтсин!

«Ўнг қўлинг берганини чап қўлинг билмасин». Топиб айтилган гап. Қийналган кишига хайр-саховат қилганнинг савобини бу нақлга амал қилганлар чуқур англашади. Туманимиз маҳаллаларида ишнинг кўзини пухта биладиган, катта-катта даромад топиб, ўз оиласи фаровонлигини таъминлаётган ва муайян улушини эл-улусга тарқатишдек эзгу ниятни дилига туккан ишбилармонлар сони тобора кўпаймоқда. Бу йилги қийин вазиятда улар аҳолининг ночор қатламларини қўллаб-қувватлашдек хайрли ҳаракатда ташаббускор бўлдилар.

«Темир дафтар» тизими йўлга қўйилгач, «Саховат ва кўмак» умумхалқ ҳаракати доирасида жамғарма ташкил этилишининг биринчи ҳафтасидаёқ косонлик саховатпеша 83 нафар тадбиркорлик субъекти бунга 1 млрд. 901 млн. 907 минг сўм ўтказиб берди. Ана шу сумманинг 1 млрд.

800 миллион сўмини 7 хилдаги озиқ-овқат маҳсулотларини харид қилишга йўналтириб, муҳтож оилаларга расамади билан тақсимладик.

Шунингдек, 120 та хонадонга умумий қиймати 299 млн. сўмлик чорва моллари тарқатилди. Бундан боши кўкка етган аҳоли вакиллари хайр-саховат қилган тадбиркорларни «Бирингизга ўн карра қайтсин!» дея дуо қилишди.

МАВЗУГА ОИД МАЪЛУМОТ:

Косон туманида иккита йирик лойиҳага қўл урилиб, «Бунёдкор» МЧЖнинг иккинчи босқичи ишга туширилиши ҳисобига 854 та иш ўрни яратилди. Янги «Косонзамин» корхонасида эса 150 нафар киши иш билан таъминланди.

Меҳнат қилганнинг косаси оқаради

Олма пиш, оғзимга туш, дейдиган даврлар ўтиб кетди. Бировнинг қўлига қараш, муте бўлиб яшайдан ёмони йўқ. Тўрт мучаси соғ, қўлоғи бутун одам бундай кайфиятга берилмаслиги керак. Қолаверса, биров қилган хайр-саховатнинг роҳати кўпга бормайди. Ахир, «Қўлдан берганга қуш тўймайди».

Маҳалла ва оилани қўллаб-қувватлаш бўлими томонидан аҳолининг айрим қатламларига хос боқимандалик кайфиятини йўқотишга жиддий эътибор қаратилмоқда. Меҳнатга лаёқатли кишиларни бу иллатдан халос қилмас эканмиз, камбағаллик, ночорликка нуқта қўя олмаймиз. Туманимизда жами 287 минг нафар аҳоли истиқомат қилади. Оилалар сони 50 минг 102 та.

Мавжуд маҳаллаларимизда олиб



Нодира ҚОДИРОВА,
Косон тумани ҳокими
ўринбосари, Маҳалла ва оилани
қўллаб-қувватлаш бўлими
бошлиғи.

борилган кенг қамровли тарғибот ишлари натижасида 45 та оилада тадбиркорлик йўлга қўйилди. 15 нафар фуқарога субсидия тартибида иссиқхона қуриб берилиши билан улар мева-сабзавот етиштиришга киришдилар. Ўзини ўзи уй шароитида банд қилган фуқароларимиз сони 672 нафарга етди. Умуман олганда, ҳалол меҳнат қиламан, оиламни моддий жиҳатдан таъминлайман, деган кишига ишнинг хили кўп. Энг муҳими, меҳнат қилганнинг косаси оқаради, бировга қарамликдан кутулади. Демак, бу йўналишдаги ишларни изчил давом эттиришимиз керак.

Хотин-қизларнинг ўз ўрни бор

Юқорида маҳалла ва оилани тарозининг икки палласига қиёсладик. Халқимизда эр подшоҳ бўлса, аёли вазир, деган гап ҳам бор. Бу оилавий ташвишларда эркак кишига хотини ҳам елкадош бўлиши кераклигини англатади. Агар уйда ўтириб қолган хотин-қизларнинг меҳнат қилиши учун шарт-шароит яратилса, улар ўз оиласини моддий жиҳатдан таъминлашга жон-жаҳди билан ҳаракат қилади, ишлашнинг завқини туяди.

Масаланинг бу жиҳати алоҳида эътибор қаратган ҳолда, ишчи гуруҳи томонидан анкета-сўровнома асосида 22 минг 322 нафар хотин-қиз хатловдан ўтказилди. Шундан 1090 нафари «Аёллар дафтари»га киритилди. «Бандликка кўмаклашиш давлат жамғармаси маблағлари ҳисобидан субсидия ва грантлар ажратиш тартиби тўғрисида»ги Низомга асосан, ана шу ойдан бошлаб 120 нафар опа-сингилларимизга тикувчилик, 120 нафарига сартарошлик, пазандалик, 120 кишига гилам тўқиш сир-асрорларини ўргатиш учун шарт-шароит яратилмоқда. 30 нафар аёлга 637 миллион сўмлик имтиёзли кредит ажратилди.

Маҳалла оиладан таркиб топади, оила эса маҳалланинг бир бўлагидир. Уларни бир-биридан ажратиб, тасаввур қила олмаймиз. Маҳалла ва оилани қўллаб-қувватлашнинг янги тизимга айлантирилишида ҳам айнан шунга ишора бор. Бинобарин, ҳар иккала тизимни янада жипслаштирсак ва яқинлаштира олсак, бу жамиятимиз ривожига катта йўл очади.



«Қувасойцемент» ва «Оҳангаронцемент»да цемент ишлаб чиқариш тўхтатилди.

КАМБАҒАЛЛИКНИ фақат «бер-бер» билан қисқартириб бўлмайди

Самарқанд вилоятининг энг олис ва чекка ҳудуди бўлмиш Пахтачи туманида аҳоли, асосан, қишлоқ хўжалиги экинлари экиш ва етиштириш билан шуғулланади. Шу боис бу ердаги йиғинлар ҳудудида асосий эътибор томорқа ерларидан самарали фойдаланиш орқали камбағалликни қисқартиришга қаратилмоқда. Камбағалликни қисқартириш бўйича рўйхатга олинган оилаларнинг доимий даромад манбаини яратиш ва меҳнатга лаёқатли аъзоларини иш билан таъминлаш масаласи доимий диққат марказимизда турибди.

Иссиқхона – кони фойда

Шу мақсадда туманнинг «Кўрпа» маҳалла фуқаролар йиғини ҳудудидаги 3 гектар ерга 300 дан ортиқ иссиқхоналар барпо этилиб, бу иссиқхоналар «Ёбу», «Истиқбол», «Кўрпа», «Қувондиқ», «Мирзо Нодим», «Сардоба», «Тинчлик», «Гўрғули», «Худойберди», «Тўғолон» сингари 10 дан ортиқ маҳаллаларда яшовчи кам таъминланган оилаларнинг ҳар бирига 1 сотихдан субсидия асосида берилди. Бу иссиқхоналарнинг ҳар бири учун 8 миллион 400 минг сўмдан бюджет маблағи сарфланди. Яқинда вилоят ҳокими Эркинжон Турдимов бу ерга келиб, иссиқхонада меҳнат қилаётган одамлар билан учрашди. Одамларнинг хурсандчилиги, қувончини кўрсангиз эди. Ҳозирги кунда иссиқхоналарда иш қизғин. Аҳоли мазкур ҳудудда экин экиб парваришламоқдалар.

«Бир маҳалла – бир маҳсулот» тамойили асосида иш ташкил этилган «Султонобод» маҳалла фуқаролар йиғинидаги ҳар 10 хонадоннинг 8 тасида худди шундай иссиқхоналар мавжуд бўлиб, бу ерда аҳоли, асосан, помидор ва бодринг етиштириш билан шуғулланади. «Қувондиқ» маҳалласида яшовчи Шоназар Ҳасанов эса бундан 6 йил аввал ҳовлисининг тенг ярмида — 6 сотих ерда иссиқхона қуриб, унга лимоннинг серҳосил навли қўчатларидан 60 тасини эккан эди. 2019 йилда 6 сотих ердан 2 тоннадан ортиқ лимон ҳосили олди. Жорий йилда эса 3 тонналик маррани мўлжаллаб турибди.



Шоназар аканинг айтишича, азал-азалдан ер деҳқонни боққан, уни тўйдирганни тўйдирган, кам қилмаган. Ҳозирги пайтда айрим маҳаллаларда 20 сотихли томорқасини ўт босиб ётса-ю, «мен камбағалман, менга ёрдам беринглар!» деб шовқин солганлар учраб қолади. Шуни унутмаслик керакки, ҳар қандай шароитда ҳам бир парча ери бўлган одам агар меҳнатдан қочмаса, камбағал бўлиб қолмайди. Шунинг учун фарзандларимизни ҳам ёшлигидан меҳнат қилишга, ерни севишга ўргатиш лозим.

Шоназар аканинг маҳалладоши Ҳамид Қаландаров эса ҳовлисининг 12 сотих ерида 6 сотихдан иккита иссиқхона бунёд этган. Иссиқхоналарнинг бирида бодринг, иккинчисида эса помидор етиштиради. 2019 йилда шу иссиқхоналардан олган даромади эвазига «Damas» автомашинаси сотиб олди ва кичик ўғлини уйлантириб, каттасига уй қуриб берди.

Отахоннинг ишларини кўриб, ер – хазина, унинг калити эса меҳнат эканига яна бир бор ишонсан киши. Дарҳақиқат, бизнинг тупроғимизда сувни баҳона қилиб, ерни бўш қолдириш дангасаликдан бошқа нарсаси эмас аслида. Мана шундай баҳоналар билан ернинг умрини беҳуда ўтказаятган томорқачиларга Ҳамид ота ўз маслаҳатларини бериб, томорқадан самарали фойдаланиш усуллари ўргатиб келмоқда. У кишининг ўғитлари сабаб «Қувондиқ» маҳалласидаги бирорта хонадонда чет элга иш ахтариб чикувчилар топилмайди, одамлар томорқанинг даромадидан фаровонликка эришмоқда.

Бундай мисолларни яна кўплаб келтириш мумкин.

Ҳар бир оиланинг имконияти ўрганиляпти

Пахтачи тумани шароитида чорвачилик, парранда боқиш, асаларичилик, деҳқончилик, иссиқхоналарда маҳсулот етиштириш жуда қулай. Камбағал оилаларнинг мазкур йўналишларда тадбиркорликни бошлашлари учун ҳар бир сектор ҳудудида қайси оиланинг рағбати, имконияти ва тажрибаси қандай эканлиги ўрганилиб, уларга шу йўналишга мос равишда амалий ёрдам кўрсатилмоқда.

Тажрибамдан келиб чиқиб бир ҳақиқатни таъкидлашни истардим. Камбағалликни фақат «бер-бер» билан қисқартириб бўлмайди. Оила дастурхонининг тўкин бўлиши, биринчи навбатда, унинг аъзоларининг саъй-ҳаракатларига боғлиқ. Шу боис жойларда бўлиб, аҳоли билан учрашганимизда уларни иш билан банд қилиш, одамларга тўғри йўналиш бериш, уларни меҳнатга рағбатлантиришга ҳаракат қиламиз.

Мисол учун, «Тинчлик» маҳалласида ўтказилган учрашувда одамларга бугун ҳар бир фуқаро тадбиркорликка интилиши зарур эканлиги, бу оила иқтисодини мустаҳкамлашда муҳим омил бўлиши, бунинг учун барча шароитлар яратиб берилиши тушунтирилди. Мулоқот якунида кам таъминланган оилалар вакиларидан соҳага қизиқувчи 26 нафар



Гулчехра БОБОНАЗАРОВА,
Пахтачи тумани ҳокими
ўринбосари, Маҳалла ва оилани
қўллаб-қувватлаш бўлими
бошлиғи.

хотин-қиз тикув машинаси олиш истагини билдирди. Уларга бир ой ичида тикув машиналари берилди.

«Фай» маҳалла фуқаролар йиғинида эса аксарият одамлар қуён боқиш истагини билдирдилар. Бу ердаги 17 та хонадонга қуённинг зотдор «Великан» тури тарқатилди. Ҳозирда аҳоли бу қуёнлардан дастлабки даромад ола бошладилар.

Худудий ишчи гуруҳлар томонидан ҳар бир хонадон имкониятлари ўрганилиб, аҳолининг тадбиркорлик билан шуғулланиши учун шароит яратиш, яъни бизнес-режа тузишдан тортиб, кредит олиш ва маҳсулотни ишлаб чиқаришга бўлган жараёнда ёрдам кўрсатилмоқда. Айни кунгача чорва моллари, зарур маҳсулотлар, маиший ва тадбиркорлик қилиш учун керакли асбоб-ускуналар етказиб берувчи вилоятимизда фаолият юритувчи 141 та таъминотчи корхоналар аниқланди. Кредит сўраб мурожат қилган оилаларга энг кам иш ҳақининг 150 баробаридан 1000 баробаригача миқдорда имтиёзли кредитлар ажратилмоқда.

Осмондан чалпак ёғишни кутганимиз йўқ

Вилоятимизнинг кўплаб туманларида бўлгани каби бошпанасиз йиғинлар бизнинг туманимизда ҳам мавжуд. Ҳамма масала бориб-бориб пулга қадалгани боис маҳаллий бюджетга қачон пул тушар экан, деб қараб ўтириш осмондан чалпак ёғишни кутгандек бир гап. Шунинг учун фаоллар билан келишган ҳолда, айрим йиғинларнинг биноларини ҳашар усулида бунёд этишга киришдик. Шу саъй-ҳаракатларимизнинг натижаси ўларок, ҳозиргача «Наҳрипай», «Сулувқўрғон» каби йиғинларнинг янги биноларини қуриб фойдаланишга топширдик. «Қиргули» маҳалла фуқаролар йиғини биносининг қурилиши эса давом этмоқда.



Тошкент шаҳар транспорт карталари нархи 15 минг сўм этиб белгиланди.

Маҳалла шундай бир қизгин жараёнлар марказики, ундаги масалаларни фақатгина раис ёки унинг ўринбосарлари иштирокида ҳал қилиш қийин. Кўпгина ҳолларда бу жараёнга маҳаллий ҳокимликлар, депутатларнинг ҳам аралашуви талаб этилади. Самарқанд вилоятининг Нуробод тумани ҳокими ўринбосари, туман маҳалла ва оилани қўллаб-қувватлаш бўлими бошлиғи Тўлқин Хушмуродов билан суҳбатимиз шу мавзудан бошланди.



— Маҳалла бошқарувида жорий йилдан тизим ўзгарди. Хўш, маҳаллага эътибор-чи? У ҳам ўзгардимми ёки ҳалиям эскичамми?

— Йўқ, маҳаллага эътибор ҳам тубдан ўзгарди. Энди маҳалла масалалари билан фақатгина раис ёки унинг ўринбосарлари эмас, маҳаллий ҳокимликлар ҳам шуғулланмоқдалар. Тизимдаги юзага келаётган муаммолар халқ депутатлари туман Кенгаши сессияларида мунтазам равишда муҳокама қилинмоқда. Жумладан, жорий йилнинг 7 июль, 10 август ва 14 октябрь кунли бўлиб ўтган сессияларда тумандаги мавжуд камбағал оилаларнинг ижтимоий ҳолатлари кўриб чиқилиб, 735 та оила камбағаллар рўйхатидан ўчирилган. Шунингдек, аҳоли томорқаларидан унумли фойдаланиш бўйича ҳам зарур чора-тадбирлар белгилаб олинган.

Натижада туман ҳокимлиги, туман Фермер, деҳқон хўжаликлари ва томорқа ер эгалари Кенгаши, «Агробанк» туман филиали ва тумандаги томорқа хизматлари ташаббуси билан дала ишларида аҳолига зарурий шарт-шароитлар яратиш, аҳоли томорқаларига сабзавот ва полиз экинларини етиштирилишини кўпайтириш мақсадида жўяк олиш, ер ҳайдаш, ерни юмшатиш каби хусусиятларга эга бўлган мотокультиваторлар келтирилди.

Туман ҳокими иштирокида 2020 йил 20 май кунли 12 нафар фуқарога дастлабки мотокультиваторлар топширилди. Шунингдек, туман Бандликка кўмаклашиш

маркази томонидан ижтимоий ҳимояга муҳтож, кам таъминланган оилаларнинг 16 нафарига иссиқхона ва 93 нафарига суғориш воситалари берилди.

— Худудда хотин-қизларни иш билан таъминлаш, уларнинг турмуш шароитини яхшилаш бўйича нималар қилинмоқда?

— «Нуробод туманида хотин-қизларнинг муаммоларини ўрганиш ва ҳал этиш, уларни моддий ва маънавий қўллаб-қувватлашга қаратилган манзилли чора-тадбирлар дастури»га асосан, тумандаги 45 нафар эҳтиёжманд, ногиронлиги бор ва боқувчисини йўқотган хотин-қизларга газ плиталари ва баллонлари ҳамда 2 нафарига кир ювиш машинаси, 25 нафарига тикув машиналари топширилди.

Шунингдек, жорий йилда ғалладан бўшайдиган майдонларда такрорий экинларни экиш бўйича тумандаги 11 та йиғиндан 135 нафар камбағал фуқаронинг рўйхати шакллантирилди ва улар 27 та фермер хўжаликларида бириктирилди. Фермерлар томонидан бу одамларнинг ҳар бирига 1 гектардан такрорий экин экиш бўйича ер ажратилиб, фермер хўжалиги томонидан мош экиб берилди. Шунингдек, тасдиқланган жадвалга асосан, аҳоли хонадонларидаги 114,4 гектар ер майдонларига пиёз ва саримсоқпиёз экинлари экилди.

— Нурободда биносиз йиғинлар масаласи ҳам долзарб эканидан хабаримиз бор. Айтинг-чи, бу борада туманда қандай ишлар амалга оширилмоқда? Янги йилда янги бинога кўчиб кирадиган йиғинлар кўпайдимми?

— 2020 йил сентябрь ойида «Олтинсой», «Бошқудук», «Ўртабуз» маҳалла фуқаролар йиғинлари бинолари янгидан қурилиб фойдаланишга топширилди. Айни пайтда эса тумандаги «Меҳнатқаш», «Лолзор», «Сарикўл», «Нурафшон» фуқаролар йиғинларида ҳашар йўли билан янги маҳалла биносини

қуриш ишлари олиб борилмоқда. Шунингдек, 2020 йил давомида тумандаги 10 та — «Амир Темур», «Сазагон», «Машғал», «Сарой», «Нурбулоқ», «Пўлатчи», «Навбахор», «Аработа», «Қўрғонча», «Улус» йиғинлари бинолари жорий таъмирдан чиқарилди.

«Амир Темур», «Шарқ Юлдузи», «Оқсой», «Сарой», «Меҳнатқаш», «Тегирмонбоши», «Олтинсой», «Кечкелдик», «Қиличчи», «Бунёдкор» «Навбахор», «Булоқбоши», «Олға», «Ўртабуз» каби 10 дан ортиқ маҳалла фуқаролар йиғинларидаги компьютер жамланмалари эскириб, яроқсиз ҳолатга келиб қолганлиги сабабли туман ҳокимлиги томонидан маҳаллий бюджет маблағлари ҳисобидан уларга 14 дона компьютер жамланмаси олиб берилди. 6 та маҳалла фуқаролар йиғинларининг компьютер жамланмалари эса туман ҳокимлигининг маҳаллий бюджет маблағлари ҳисобидан қайта таъмирлаб берилди.

— Эҳтиёжманд оилалар масаласи нима бўляпти?

— 2020 йил 30 октябрь кунли тумандаги «Қиличчи», «Олға», «Дўстлик», «Нурдум», «Олтинсой», «Пўлатчи», «Машғал» маҳаллаларидаги 8 та камбағал оилага туман бўлими томонидан 263 дона уйининг том қисмини ёпиш учун қурилиш материаллари тарқатилди.

Бундан ташқари, карантин даврида жами 200 нафар ногирон ва ижтимоий кўмакка муҳтож фуқаро ҳолидан хабар олиниб, улар 200 килограммдан ортиқ гўшт, 600 килодан ортиқ картошка, 800 кг. ун, 400 кг. ёғ, 3000 дона тухум ҳамда озиқ-овқат маҳсулотлари билан таъминланди. Бундан ташқари, 1-сектор ҳудудида жойлашган 9 та маҳалла ҳудудидаги ҳомийлар томонидан 227 нафар камбағал, ногирон, эҳтиёжманд оилаларга озиқ-овқат маҳсулотлари берилган.

— Кейинги вақтда маҳалланинг асосий вазифаси ижтимоий, моддий ёрдам кўрсатишдан иборат бў-



МАВЗУГА ОИД МАЪЛУМОТ:

Туманда жами 37 та фуқаролар йиғини мавжуд бўлиб, уларда 150 минг 400 нафар аҳоли, 27 минг 923 та хонадон, 35 минг 22 та оила истиқомат қилади. Хусусан, жами аҳолининг 75 минг 592 нафари аёллар, 78 минг 686 нафари ёшларни ташкил этади.

Туманда 1 минг 893 та камбағал оиланинг рўйхати шакллантирилган. Унинг таркибига 325 та боқувчисини йўқотган оила, 367 нафар ногиронлиги бўлган шахс, 1002 нафар ишсиз, 94 нафар беш ва ундан ортиқ фарзанди борлар, 20 нафар узоқ муддатга чет элга кетган, даромадсиз юрганлар, 85 нафар бошқа сабабларга кўра камбағал оилалар киритилган.

либ қолмаяптими?

— Бир қарашда шундай туюлади. Аммо маҳаллада кечаётган жараёнларга чуқурроқ назар солсангиз, мутлақо бошқа манзаранинг гувоҳи бўласиз. Биринчидан, жорий йилнинг бошидан бошлаб маҳаллада нафақат бошқарув тизими, балки унинг фаолияти мазмуни-моҳияти ҳам тубдан ўзгариб кетди. Иккинчидан, илгари фаолиятини сиз юқорида қайд этган юмушлардан иборат деб билган йиғин бугун қайсидир маънода маданий-маърифий марказга, аҳолининг ижтимоий муаммолари билан тегишли ташкилотлар ҳамкорлигида шуғулланадиган расмий идорага айланыпти. Учинчи, энг муҳим омил эса — одамларда бошқача дунёқараш шаклланмоқда. Аммо ҳали қилинадиган ишлар жуда кўп.

— Мазмунли суҳбатингиз учун ташаккур!

«Mahalla» мухбири
Ёрмамат РУСТАМОВ
суҳбатлашди.

БОҒДОРЧИЛИК — қўшработликларнинг қонида бор...

Доимо қиш ва баҳорнинг серёғин келишни ният қилиб, ёмғир ва қорни барака, деб билиб, меҳнат қиладиган қўшработликлар бугун фақат чорвага ёки лалми деҳқончиликка кўз тикиб қолмаган. Улар бугун олтинга тенг ерларидан самарали фойдаланишни, кўпроқ даромад олишни ўрганмоқда, бунга одатланмоқда. Худудда 16 мингдан зиёд аҳоли истиқомат қилади. Улар, асосан, майиз тайёрлаб, унга қайта ишлов бериб, экспорт қилишга ихтисослашган тадбиркорлик ва боғдорчилик билан шуғулланишлар.

Излаган имкон топар

Олдинлари Қўшработ деганда, фақат чорвага ихтисослашган, чўл туман тушуниларди. Чунки 215 минг гектар умумий ер майдонининг 39 минг гектаригина ҳайдаладиган, лалми ерлар бўлган. Фақат ғалла, нўхат экилган. Одамлар деҳқончилик билан деярли шуғулланмаган. Бунга имконият ҳам бўлмаган. Кейинги йилларда эса давлатимиз раҳбари томонидан қишлоқ хўжалигини ривожлантиришга алоҳида эътибор қаратилиб, бу орқали халқимизнинг озиқ-овқат маҳсулотларига бўлган эҳтиёжини қондириш баробарида етиштирилган маҳсулотларни хорижга экспорт қилиш имкониятлари кенгайди.

Бундай имконият бугун Қўшработда ҳам яратилмоқда. Чунки энди осмонга қараб, қачонки йил серёғин келса, чорва ҳам, лалми деҳқончилик ҳам яхши бўлади, деб ўтириш ярамайди. Худудда ер ости сувларидан унумли фойдаланилмоқда. Сабаби еримиз унумдор, шўрланмаган. Кейинги икки йилда туманга хориждан 20 дан ортиқ замонавий бургулаш техникалари олиб келинди. Улар ёрдамида 300 метргача ер остидан сув чиқаришга эришилди. Бунинг натижасида



қарийб 5000 та артезиан қудуғи қазилиб, 8 минг гектар ерни суғориш имконияти яратилди. Одамлар имтиёзли кредит эвазига артезиан қудуқ қаздириб, деҳқончилик қилишни бошлади, боғлар яратяпти.

Янги даромад манбалари ташкил этилмоқда

Токзорлар ташкил қилиб, узум етиштириш, майиз тайёрлаш қўшработликлар учун аъёнавий боғдорчилик ҳисобланади. Бугун бу аъёнавий давом эттириш имкониятлари кенгайди. Кейинги икки йилда аҳоли томонидан 600 гектар, деҳқон хўжаликлари томонидан 1000 гектар, фермер хўжаликлари томонидан эса 4,5 минг гектар токзор барпо этилди.

Фақат бу эмас, энди бу соҳибкорлар ток қатор орасида деҳқончилик қилишни ҳам ўзлаштирди. Шу пайтгача Қўшработда одамлар ток орасида экин экмаган, бунга имконият ҳам бўлмаган. Сабаби сув муаммоси, қолаверса, бу борада тажриба, кўникманинг йўқлиги ҳамдир. Энди эса сув бор, тажриба ҳам орттириш мумкин.

Бу масалада Наманган вилоятининг Чуст тумани деҳқонлари билан ҳамкорлик йўлга қўйилган. Ўтган йил Чустдан 70 та оила келиб, туман фермерлари билан

ДАРВОҚЕ...

Қўшработ туманида қишлоқ хўжалиги билан чекланиб қолмай, тадбиркорлик, саноатни ривожлантириш, замонавий хизматларни йўлга қўйиш борасида ҳам манзилли дастурлар асосида иш олиб борилмоқда. Биргина жорий йил бошидан буён тадбиркорлик субъектлари 134 тага кўпайди. Пандемия сабабли фаолиятини тўхтатган 318 та яқка тартибдаги тадбиркорнинг 248 таси фаолиятини тикланди. Бошқаларига ҳам зарур ёрдам кўрсатилмоқда. Жумладан, 14 та тадбиркорлик субъекти фаолиятини тиклаш учун туман тижорат банклари томонидан 229 миллион сўмлик кредитлар ажратилди.

бирга ишлади. Ток қатор ораларида сабзавот ва полиз экинлари парваришлади. Демак, Қўшработда ҳам картошка, пиёз, сабзи етиштириб, мўл ҳосил олса бўлар экан. Фақат лалми эмас, «плёнка» остида ҳам қовун-тарвуз парваришлаш мумкинлиги амалда исботланди. Бу йил энди фермерлар, туман аҳолиси ўзи бу фаолият билан шуғулланыпти. Намангандан 150 тадан ортиқ оила келиб, уларга кўмаклашди. Бу усул билан аҳоли даромади ошиб, оилалар фаровонлиги таъминланмоқда.

Майиз даромад манбаига айланган

Майиз, асосан, Қўшработдаги хўжаликлар ҳамда вилоятнинг бошқа туманларидан олиб келиниб, қайта ишлаш учун хонадонларга тарқатилади ва уларга шу ерда қайта ишлов берилади. Мисол учун, «Қийқим» маҳалласи-



Машхура ШАМСИЕВА,
Қўшработ тумани ҳокими
ўринбосари, Маҳалла ва оилани
қўллаб-қувватлаш бўлими
бошлиғи.

да 130 нафар, «Шовона» йиғинида 500 нафар, «Қўрғон» маҳалласида 800 нафар, «Хонназар» йиғинида 450 нафар хотин-қиз майиз саралаш ва уларни қадоқлаш билан банд. 1 кило майизни экспортга тайёрлаш учун аёлларга 1000 сўмдан пул бериляпти. Бу ерда меҳнат қилаётган хотин-қизлар бир кунда 100 минг сўмдан 120 минг сўмгача меҳнат ҳақи олади. Уларнинг ўртача ойлик даромади эса 3 миллион сўмдан ошади. Биргина «Шовона» маҳалласида 7 нафар тадбиркор ҳар мавсумда 1000 тоннадан зиёд майизни қайта ишлаб, турли давлатларга экспорт қилиш учун тайёрлашади.

Бу юмушлар давлатимиз раҳбарининг 2020 йил 8 июндаги «Тадбиркорлик фаолияти ва ўзини ўзи банд қилишни давлат томонидан тартибга солишни соддалаштириш чора-тадбирлари тўғрисида»ги қарори асосида ташкил этилган.

Шунингдек, тайёрланган барча маҳсулотлар экспорт қилинади. Туманда 4 нафар йирик экспортёр, 21 нафар экспортёр билан ҳамкорликда иш олиб боровчи кичик тадбиркорлар фаолият кўрсатишади. Улар қадоқланган майизни Россия Федерацияси, Эрон, Хитой, Туркия, Қозғоғистон, Чехия ва бошқа давлатларга экспорт қилмоқдалар.

Яна бир гап, бир неча йилдан бери маҳаллалар хотин-қизлари шу иш билан шуғулланиб келишади. Иш билан банд бўлса-да, аммо унинг расмийлаштирилгани учун улар келгусида пенсия олмаслиги мумкин. Шунинг учун тегишли идоралардан рўйхатдан ўтиб, бир йилда бир марта базавий ҳисоблаш миқдорининг ярим баравари миқдорида солиқ тўласалар, келгусида нафақа пулини олиши мумкинлигини тушунтиряпмиз.

Бир сўз билан айтганда, туманимизнинг меҳнаткаш аҳолиси, фермер ва тадбиркорлари томонидан амалга оширилаётган ишлар, улар эришаётган ютуқлар, кейинги пайтда қақраб ётган даштларда яратилаётган боғу роғлар давлатимиз равнақи учун ўз ҳиссасини қўшаётгани қувонарли. Юқорида сўз юритганларимиз денгиздан томчидай гап. Бошқа соҳаларда ҳам ишлар авж палласида. Бу саъй-ҳаракатларнинг барчаси маҳалладошлар томонидан қилинаётгани эса қувонарлидир.



БУГУНГИ ХОВОС КЕЧАГИДАН ТУБДАН ФАРҚ ҚИЛАДИ

Ховос шаҳарчасида охириги эллик йил давомида биронта кўп қаватли уй қурилмаган. Одамлар эски, тор, зах уйларда яшаб келган. Инфратузилма иншоотлари ҳам оғир аҳволга келиб қолган, сизот сувларининг юқорилиги эса аҳоли яшаш шароитини янада ёмонлаштирди. Президентимиз ўтган йил 19 февралда Сирдарё вилоятига ташрифидан сўнг барчаси ортда қолди. 27 мингдан зиёд аҳоли истиқомат қиладиган Ховос тумани маркази, яъни Ховос шаҳарчаси қайта қуриладиган бўлди.

Унинг ижроси доирасида Вазирлар Маҳкамасининг 2019 йил 7 майда Ховос тумани марказини ривожлантиришга оид қарори ҳам қабул қилинди.

Дарҳақиқат, кейинги йилларда нафақат пойтахт ёки вилоят марказларида, балки туман, олис ҳудудларда ҳам бунёдкорлик ишлари амалга оширилиб, аҳолининг яшаш шароити яхшиланиб, бандлиги таъминланмоқда. Хўш, бугунги Ховос кечагидан қандай фарқ қилади? Қандай лойиҳа ва ташаббуслар амалга оширилди? Бугун ховосликлар бошқа туманлардан қандай ишлари билан ажралиб туради? Бу ҳақда **Ховос тумани ҳокими ўринбосари, Маҳалла ва оилани қўллаб-қувватлаш бўлими**



бошлиғи Тоҳир ШОДИЕВнинг фикр-мулоҳазалари билан ўртоқлашдик. – Бугунги Ховос кечагидан тубдан фарқ

қилади, айниқса, Ховос шаҳарчаси, – дейди Тоҳир Шодиев. – Президентимизнинг топшириқлари асосида Ховос сити қурилиб, ҳақиқий маънода туман марказига айлантирилди. Айни пайтда бош режага асосан, Ховос шаҳарчаси марказида тижорат банклари томонидан қуриладиган 10 та 5 қаватли 240 хонадонли уйлар яшаш учун тайёр ҳолга келтирилди. 20 та 5 қаватли 600 та хонадонли арзонлаштирилган уйлар эса қурилиб, фойдаланишга топширилди. Яна 100 та 2 сотишли 3 хонали арзонлаштирилган уйлар бунёд этилиб, фуқароларга тақсимлаб берилди. Ҳомийлик ҳисобидан ҳам ана шундай 50 та 2 сотишли арзонлаштирилган уйлар қурилиб, кам таъминланган, иқтисодий ҳимояга муҳтож ва ногиронлиги бўлган оилаларга фойдаланишга топширилди. Шунингдек, маҳаллий ҳокимлик ва бошқарув органлари бинолари, Давлат хизматлари агентлиги, тижорат банклари, мактаб, истироҳат боғи, Хотира майдони, кинотеатр, кутубхона, масжид, бозор, савдо ва маиший хизмат шохобчаларида ҳам қурилиш ишлари жадал олиб борилмоқда.

Янги уйга кўчиб келганларни иш билан таъминлаш ва доимий да-

ромад манбаига эга бўлишига ҳам алоҳида эътибор қаратилмоқда. Шу мақсадда бу ерда тикув цехи ишга туширилиб, 200 нафар аёллар муқим иш жойига эга бўлишди.

Маҳаллалар иш фаолиятида қандай ўзгариш бўлди?

– Маҳалла ва оилани қўллаб-қувватлаш вазирлиги ташкил этилган, ҳар бир маҳаллада «Обод ва хавфсиз маҳалла» тамойилига асосланган янги тизим жорий этилди, – дейди Тоҳир Шодиев. – Ушбу тизимни самарали амалга ошириш учун тизим ходимларига муносиб иш шароит яратишга ҳам алоҳида эътибор қаратилди. Барча қулайликларга эга бўлган, 2 қаватдан иборат туман ҳокимлигининг биноси Ховос тумани Маҳалла ва оилани қўллаб-қувватлаш бўлими балансига ўтказилиб, хизмат автомашиналари билан таъминланди. Қисқа иш фаолиятимиз давомида биносиз бўлган «Бинокор», «Бунёдкор» ҳамда «Қаҳрамон» маҳалла фуқаролар йиғинларига янги бино қурилиб, фойдаланишга топширилди. «Дўстлик» маҳалласига ҳам алоҳида бино ажратилиб, «Чаманзор», «Ховособод», «Тинчлик» маҳалла фуқаролар йиғинлари бинолари туман ҳокимлиги ҳамда ҳомийлар томонидан ажратилган 180 млн. сўм маблағ ҳисобидан капитал таъмирланиб, реконструкция қилинди. Туман ҳокими ташаббуси билан 21 та маҳалла интернет алоқаси билан таъминланди. Энг муҳими, йиғин ходимлари ўзларига тааллуқли бўлмаган иш ва йиғилишларга жалб этилмаслиги, қора металл парчалари йиғиш ҳамда коммунал тўловларни ундиришга жалб этишлар тугатилди.

Пандемия даврида аҳоли бандлиги қандай таъминланмоқда?

– Дарҳақиқат, коронавирус ишсизлар сонини оширди, – дейди Т.Шодиев. – Бироқ карантин даврида ижтимоий ҳимояга муҳтож, кам таъминланган ва ногиронлиги бўлган фуқаролар ташлаб қўйилмади, улар зарур озиқ-овқат маҳсулотлари, дори-дармонлар, гигиеник воситалар билан таъминланиб борилди. Президентимиз ташаббуси билан йўлга қў-

йилган «Саховат ва кўмак» умумхалқ ҳаракати доирасида тумандаги 717 та кам таъминланган ва ижтимоий ҳимояга муҳтож бўлган оилаларга 7,3 тонна картошка, 2,8 тонна гўшт, 8,5 тонна гуруч, 2,6 тонна шакар, 4,9 тонна макарон, 3,8 тонна ўсимлик ёғи, 10,8 тонна ун каби 72 млн. сўмлик маҳсулотлар тадбиркорларимиз томонидан беминнат етказиб берилди.

Тумандаги ишсиз фуқароларнинг бандлигини таъминлаш мақсадида «Ҳамза — Хусниобод» кооперативи ташкил этилиб, «Хуснобод» маҳалласидаги 19 гектар захирадаги ер майдони ишсиз аҳолига ажратиб берилди. Кооператив ҳудуддаги 20 нафар кам таъминланган ёшларнинг иш билан бандлигини таъминлади. Худди шундай кооператив «Пахтакор» маҳалласида ҳам ташкил этилиб, 5 гектар ер майдони 20 нафар ишсиз ёшга ажратилиб ишли қилинди. Уларга «Бандлик жамғармаси» маблағларидан жами 88 млн. сўм субсидия маблағлари ажратилди.

2021 йилнинг I чорағида «Шарқобод», «Қайирма», «Янгиер» маҳаллаларида ҳам ана шундай кооперативлар ташкил этилиб, 60 нафар уюлмаган, ижтимоий ҳимояга муҳтож, кам таъминланган оила фарзандлари иш билан таъминланади.

Ишсиз аҳолини иш билан таъминлашда тадбиркорлар ҳам катта ҳисса қўшмоқда. Хусусан, тумандаги «Бек кластер» масъулияти чекланган жамияти туманнинг энг оғир 6 та маҳалласидаги мингдан ортиқ аҳолини иш билан таъминлашни ва карантин давомида уларни моддий рағбатлантириб боришни ўз зиммасига олди. Қувонарлиси, туманда йил бошида 50 та иссиқхона бўлган бўлса, вазирлик ташкил этилганидан кейин 98 та иссиқхона ташкил этилди.

Бўш иш ўринлари ярмаркаси шунчаки ўтказилмади, аксинча...

Президентимиз томонидан мамлакатимизда аҳолини иж-

тимоий муҳофаза қилиш, бандлигини таъминлаш, айниқса, касб-хунар коллежи битирувчиларини ишга жойлаштириш ҳамда доимий даромадга эга бўлмаган аҳолини ҳар томонлама қўллаб-қувватлаш масалаларига алоҳида эътибор қаратилмоқда. Бу борада жойларда, хусусан, Ховос туманида ҳам муайян ишлар амалга оширилмоқда.

– Фуқароларни доимий иш ўринларига эга бўлишида меҳнат ярмаркаларининг ўрни алоҳида, – дейди Тоҳир Шодиев. – Куни кеча ташкил этилган навбатдаги меҳнат ярмаркасида асосий эътибор алимент қарздорлиги мавжуд, лекин доимий иш жойига эга бўлмаган фуқароларга қаратилди. Ярмаркада 413 нафар ишсиз сифатида рўйхатга олинган алимент тўловчилар ҳамда тумандаги банд бўлган хотин-қизлар 50 та корхона ва ташкилотлар томонидан таклиф этилган 401 та бўш иш ўрни билан танишишди. Меҳнат ярмарка давомида 18 нафар ишсиз алимент тўловчиларга ишсизлик нафақаси тайинланди. 48 нафар фуқаро ишга жойлаштирилиб, 38 нафарига йўлланма берилди.

«Қаҳрамон»ликларнинг узоғи яқин, оғири енгил бўлди

Ховос тумани Сирдарё вилоятининг Тожикистон билан чегарадош ҳудудида жойлашган. 94 мингдан ортиқ аҳоли истиқомат қиладиган туманда марказдан олис ҳудудлар ҳам анчагина. Шулардан бири «Қаҳрамон» маҳалласи бўлиб, туман марказидан 35 километр олисда. Шу боис ушбу маҳаллада Ховос туман Давлат хизматлари маркази шохобчаси ташкил этилиб, 143 турдаги давлат хизматлар фаолияти йўлга қўйилди. Бу нафақат «қаҳрамон»ликларнинг, балки кўшни «Пахтакор», «Хуснобод», «Бўстон», «Бинокор», «Янгиер» маҳаллалари аҳолисининг ҳам узоғини яқин, мушкулани осон қилди.

Ховосликлар бу йил пандемия шароитига қарамасдан пилла, ғалла ва пахта бўйича вилоятда биринчилар қаторида давлат режасини ортиғи билан уддалади. Шу боис бободехқон миришкорлару фермерларнинг яратувчилик ишлари билан фахрланиб, уларни бугунги кун қаҳрамонлари деб билишади.

Рустам ЮСУПОВ ёзиб олди.

ЯНГИ ТИЗИМ

ташаббусларга чорламоқда

Сўнгги йилларда Президентимиз раҳбарлигида маҳалла тизимини ислоҳ қилиш, уни халқчил тузилмага айлантириш, унда адолат ва ҳақиқатни қарор топтиришга жиддий эътибор берилди. Бу йўналишда амалга оширилаётган барча эзгу саъй-ҳаракатлар эса фақат бир мақсад – шу юртда яшаётган одамларни ҳаётдан, давлатдан рози қилиш, халқимизнинг бахтли яшашини таъминлашга қаратилмоқда.

Давлатимиз раҳбарининг 2020 йил 18 февралдаги «Жамиятда ижтимоий-маънавий муҳитни соғломлаштириш, маҳалла институтини янада қўллаб-қувватлаш ҳамда оила ва хотин-қизлар билан ишлаш тизимини янги даражага олиб чиқиш чора-тадбирлари тўғрисида»ги фармони эса ана шундай эзгу мақсадларни рўёбга чиқаришга хизмат қилмоқда.

Фармон ижроси доирасида Сайхунобод туманидаги мавжуд 19 та маҳаллада янги замонавий «Маҳалла марказлари» ҳам қурилмоқда. Аҳамиятлиси, «Маҳалла маркази» бинолари ота-оналар, мактаб ҳамда маҳалла ҳамкорлигини мустаҳкамлаш мақсадида маҳалладаги умумий ўртатаълим мактаблари ҳудудидида қурилмоқда. Барча «Маҳалла марказлари» биноти қурилиши учун маҳаллий бюджет маблағлари ҳисобидан 1,4 млрд. сўм маблағ ажратилди.

Бинолар 5 та хонадан иборат бўлиб, 4 та хона маҳалла ходимлари учун, 1 та хона кутубхона учун ажратилди. Кутубхонага маҳаллий бюджет маблағлари ҳисобидан 1000 донна китоб олиб берилиши орқали 1 нафар ишсиз аёл иш билан таъминланади. Бундан ташқари, 1 нафар ишсиз ёш тадбиркор сифатида банкдан 20 млн. сўм имтиёзли кредит олиб, пуллик компьютер хизматини ташкил қилади. Бугунги кунда ушбу «Маҳалла марказлари»нинг 5 таси битказилди ва тўлиқ жиҳозланиб, фойдаланишга топширилди. Қолган 14 та «Маҳалла маркази» бинолари ҳам йил якунига қадар қуриб битказилади.

Номзодларнинг бирини маҳаллий ҳокимлик тавсия қилиши керак

Фаолларимиз бундай шароитлардан сўнг янада фаол ишлашмоқда. Янги таклиф, ташаббус ва ғояларни илгари суришмоқда. Масалан, маҳалла раислигига



номзодларнинг бирини маҳаллий ҳокимлик тавсия қилиши таклиф этилмоқда. Бунда маҳаллада обрў-этиборли ва раҳбарлик қобилиятига эга, давлат идораларининг юқори лавозимларида фаолият юритган ёки юритаётган салоҳиятли кадрлар тавсия этилиши керак (аксарият ҳолларда маҳалла раислигига сайловларда муносиб бўлмаган, раҳбарлик тажрибаси ҳам етарли бўлмаган номзодлар қўйилади). Шунингдек, маҳалла раисига маҳаллий бюджетдан қўшимча маблағ ажратиб, ойлик маошини ошириш лозим. Таклиф асосида «Паймарт» маҳалласини намунали йиғинга айлантириш мақсадида маҳалла раиси ташаббуси билан нуронийлар, аёллар ва ёшлар Кенгашлари тузилади. Натижада маҳаллада оилавий ажримлар ва жиноятчиликнинг олдини олиш, камбағал оилаларни камбағалликдан чиқариш ҳамда аҳоли томорқаларидан тўлиқ ва самарали фойдаланиш йўлга қўйилади.

Жамоатчилик асосида ташкил этиладиган ширкатнинг вазифаси қандай?

Яна бир таклифимиз: «Маҳалла марказ»лари қошида таъмирлаш-тиклаш ва ободонлаштириш жамоатчилик ширкатларини ташкил этишдир. Ушбу лойиҳа юқоридаги ишларни изчил жадаллаштириш ҳамда маҳалла институтининг аҳоли олдидаги нуфузини ошириш, маҳаллада ободонлаштириш ишларига доимий эътиборни қаратиш, ички кўчаларни жорий таъмирлаш, мавжуд гидроиншоотларни тиклаш ва таъмирлаш орқали аҳолини тоза ичимлик суви билан узлуксиз таъминлаш, электр таъминотидаги узилишларни ўз вақтида бартараф қилишга қаратилган. Шунингдек, камбағалликни қисқартириш, аҳолини ҳар томонлама қўллаб-қувватлаш, томорқадан самарали фойдаланишга кўмаклашиш, аҳолига кўрсатилган коммунал хизматлар учун йиғимлар ва маҳаллий солиқ йиғимларини йиғиш билан ҳам шуғулланишади.



Адҳам БАЙЗАҚОВ,
Сайхунобод тумани ҳокими ўринбосари, Маҳалла ва оилани қўллаб-қувватлаш бўлими бошлиғи.

та-хунармандларни жалб қилиш ҳамда уларнинг ишлари билан яқиндан танишиш мақсадида жорий йил февраль ойида Ёшлар сиёсати, ижтимоий ривожлантириш ва маънавий-маърифий масалалар бўйича ҳоким ўринбосари бошчилигидаги делегация 5 кун водий вилоятларида бўлиб қайтди. Уста-хунармандларни жалб қилиш мақсадида махсус реклама видеоролиги тайёрланиб, водий телеканалларида намойиши йўлга қўйилмоқда.

Келгусида ушбу курсларда касбга ўқитиш учун водий вилоятларидан 50 нафар уста-хунарманд жалб қилинади. Ҳозирги кунда касб-хунар мактаблари биносидида таъмирлаш ва жиҳозлаш ишлари бошланган. Ҳар бир касб-хунар мактабларида 25 та йўналишда 20 нафардан, жами мингдан ошиқ ёшларимизнинг ҳар бири бир йилда камида тўрттадан касб-хунар ўрганиш имкониятига эга бўлади-лар. Натижада тумандаги ишсиз ёшларни касбга ўқитиш орқали уларнинг бандлиги таъминланади. Шу билан бирга, жалб қилинган уста-хунармандлар туманда ўзларининг ишлаб чиқариш ва хунармандчилик бўйича тадбиркорлигини ташкил қилади. Ишлаб чиқарган маҳсулотларини сотиш учун барча шароитлар яратиб берилади.

Шунингдек, 850 нафар ишсиз аёллар, ёшлар ва пандемия сабаб четдан қайтган меҳнат мигрантлари «Поли тех Сирдарё», «FULL COTTON», «Барака чеварлари», ҳамда «LILY TEXTILE SAYXUN» текстиль корхоналарига ишга жойлаштирилди.

Бундан ташқари, ёшлар ва мигрантларни ишга жойлаштириш бўйича 12,5 сотихли хитой технологияси асосида қуёш нури билан иситиладиган иссиқхоналарни қуриб бериш лойиҳаси йўлга қўйилмоқда. Бунинг натижасида 1296 та янги иш ўринлари яратилади. Лойиҳанинг бирдан-бир мақсади – аҳолининг камбағал, кам таъминланган қатлами вакилларига тайёр бизнесни йўлга қўйиб беришдир.

Масалан, «Паймарт» маҳалласи қошида «Паймарт таъмирлаш-тиклаш ва ободонлаштириш» номи билан жамоатчилик асосида ширкат ташкил қилинади ва давлат рўйхатидан ўтказилади. Ширкатнинг моддий-техника базасини шакллантириш учун ширкатга 2 йил имтиёзли давр билан 7 йил муддатга 778,4 млн. сўм имтиёзли кредит ажратиш зарур бўлади. Кредит таъминоти сифатида маҳалладаги 24 та фермер хўжаликлари (фермер хўжаликлари ихтиёрида 1500 гектар экин ер майдонлари мавжуд) ёки Пахта тўқимачилик кластери кафилиги тақдим этилади. Кредит фоизлари ва асосий қарзлари кафил бўлган фермер хўжаликлари ҳисобидан тўлаб борилади. Кредит кафолатли қайтиши учун фермер хўжаликлари хизмат кўрсатувчи «Агробанк»дан маблағ ажратилиши мақсадга мувофиқ бўлади.

Қолаверса, маҳаллада истиқомат қилаётган 4,5 минг аҳолининг 70 фоизи, яъни 3,2 минг аҳолидан бир ойда 10 минг сўмдан аъзолик бадали йиғилади. Ушбу маблағлар маҳалладаги ижтимоий объектларга, аҳолининг кам таъминланган қатламини моддий қўллаб-қувватлаш учун йўналтиради. Сарфланадиган маблағлар ширкатнинг Тафтиш комиссияси ҳулосаси билан ажратилиб, назорат қилинади.

Ёшлар бандлигини таъминлаш бўйича Сайхунобод тажрибаси

Яна бир лойиҳамиз тумандаги ишсиз ёшлар ва камбағал оила фарзандларини касбга ўқитиш мақсадида 2 та касб-хунар мактаблари ташкил этилмоқда. Ушбу мактабларда ёғоч уймакорлиги, заргарлик, косиблик, гиламдўзлик, тунукасозлик, кулолчилик, қандолатчилик каби 25 та йўналиш бўйича қисқа ўқув курслари фаолияти йўлга қўйилади. Бунинг учун водий вилоятларидан ус-

Бу йил жуда синовли келди. Коронавирус балоси етмаганидек, Бухоро ва Сирдарё вилоятларида табиий-техноген офатлар рўй берди. Кувонарлиси, Президентимиз иккала жойга ҳам зудлик билан етиб бориб, вазиятни ўз назоратига олган эди. Давлатимиз раҳбари ўшанда «Сабр қилиб, оғирликни елкамизга олиб, чидашимиз керак. Биронта хонадон, биронта одам эътиборсиз қолмайди», деган эдилар.

Дарҳақиқат, биронта хонадон, биронта одам эътиборсиз қолмади. Бевосита Президентимизнинг ташаббус ва саъй-ҳаракатлари билан Сардоба, Оқолтин, Мирзаобод туманларидаги бир қанча аҳоли пунктлари, ижтимоий соҳа объектлари, қишлоқ хўжалиги экинларига етказилган жиддий талафот зудлик билан бартараф этилиб, қисқа муддаларда авария-тиклаш, қурилиш-таъмирлаш ишлари амалга оширилди.

Сардоба сув омбори тўғонининг ёрилиши оқибатида 2 минг 211 та хонадон яроқсиз ва 2 минг 499 таси таъмирталаб ҳолатга келиб қолган эди. Давлатимиз раҳбари ўшанда бу аҳволни кўриб, вайрон бўлган маҳаллаларни нафақат олдинги ҳолатига қайтариш, балки ундан-да яхши қилиш, ҳамманинг ҳаваси келадиган масканга айлантиришга ваъда берган эди.

Шу мақсадда учта ҳудуд танланиб, 50 гектар майдонда 86 та 5 қаватли уй-жой барпо этилди. Хусусан, Мирзаобод туманидаги янги ташкил этилган «Янги Ўзбекистон» маҳалласида 800 та хонадондан иборат 40 та кўп қаватли уй, «Навбаҳор» маҳалласида 360 та хонадондан иборат 9 та кўп қаватли уй қурилди.

Янги уйлар ўз эгаларига топширилмоқда

Ҳозирда мазкур уй-жойларни ўз эгаларига топшириш жараёнлари кетяпти. Бугунги кунда «Навбаҳор» маҳалласида қурилган 360 ўринли уйлардан 126 тасига, «Ҳақиқат» маҳалласи ҳудудида янги қуриб битказилган кўп қаватли уйлардан иборат массивни ўз ичига қамраб олган «Янги Ўзбекистон» маҳалласидаги 302 хонадонга мирзаободликлар кўчиб киришди. Шунингдек, «Навбаҳор» маҳалласида 396 та хонадон, «Ҳақиқат» маҳалласида 204 та хонадон таъмирланиб ўз эгаларига топширилди. Табиий газ ва тоза ичимлик суви билан таъминланиб, ички йўллар тўлиқ таъмирланди. 340 ўринга мўлжалланган мактаб биноси янгидан қад кўтармоқда. Болалар боғчаси ва ҚВП қайтадан таъмирланиб топширилди. Шу жумладан, 2 та ма-

ҲЕЧ БИР ХОНАДОН, ҲЕЧ БИР ОДАМ ЭЪТИБОРСИЗ ҚОЛМАГАНИ МИРЗАОБОДЛИКЛАР ИШОНЧИННИ ЯНАДА МУСТАҲКАМЛАДИ



ҳаллада янги маҳалла гузари барпо этилмоқда.

Таъкидлаб ўтиш жоизки, янги қурилган кўп қаватли уй-жойларнинг ўз эгаларига топширилиши, ҳеч ким эътибордан четда қолмаслиги, одамларни рози қилиш, адолат, шаффофликни таъминлаш жуда муҳим масала. Шунинг учун ҳам мазкур уй-жойларни адолат тамойиллари асосида тарқатиш Олий Мажлис Қонунчилик палатаси депутатлари, Адлия вазирлиги ва жамоатчилик вакилларида иборат ишчи гуруҳ назоратида бўлиб турибди.

Янги маҳаллага «Янги Ўзбекистон» номи берилди

Давлатимиз раҳбари талафот кўрган ҳудудларга бир неча бор ташриф буюрган бўлса-да, биз у кишининг ҳар доим ёнимизда, биз билан бирга эканини ҳис қилиб турдик. Орадан кўп ўтмади, маҳаллаларимиз буткул янги қиёфа касб этди. Қисқа муддатда беш қаватли уйлар қад ростлади. Уйлар ҳақиқий ўзбекона қурилган билан аҳамиятлидир. Шу билан бирга, ушбу кўп қаватли уйларнинг ҳар қавати ҳамда ертўласида аҳолининг зарур ускуналарини сақлаши учун махсус хоналар ташкил этилган.

– Бу йил оиламиз учун қўшалоқ байрам бўлди. Қизим олий ўқув юртига ўқишга кирди, – дейди «Янги Ўзбекистон» маҳалласида истиқомат қилувчи Сафар Бекбўтаев. – Бугун фарзандларимнинг юзидаги кувончни кўриб, яйрайман. Давлатимизга минг раҳмат, оғир кунларда бизни ташлаб

қўймади. Президентимизнинг эътибори ва ғамхўрлиги натижасида ўтган давр мобайнида 40 миллион сўм моддий ёрдам берилди. Қисқа вақт ичида 3 хонали замонавий уйли бўлди. Янги маиший техника воситалари совға қилишди. Бир сўз билан айтганда, «Янги Ўзбекистон»да ҳаётимизни янгидан бошладик.

Маҳаллада барча зарур шароитлар яратилган. Маҳалла гузарида новвойхона, сартарошхона, кутубхона фаолият кўрсатмоқда. Янги боғча ҳам болажонларни қабул қилишга шай. Шунингдек, бу ерда 6 та болалар майдончаси ва йўл қондаси ўқув майдончаси каби маданий ҳордиқ объектлари ҳам аҳоли хизматида.

Муҳим масалалардан яна бири – аҳоли, айниқса, хотин-қизлар бандлигини таъминлаш. Шу боис бу ерда тикувчилик цехи ҳам очилди. Яқин кунларда Сирдарёнинг дунёга машҳур қовун маҳсулотларини экспорт қилиш учун қовунни қайта ишлаш цехи қурилиб фойдаланишга топширилади.

«Нурли келажак»да нурли ҳаёт бошланди

Мирзаобод туманининг «Нурли келажак» маҳалласида ҳам 360 хонадондан иборат тўққизта кўп қаватли уйга талафотдан жабр кўриб, уйсиз қолганлар кўчиб кирмоқда.

– Талафотдан «Навбаҳор» маҳалласи ҳам зарар кўрган эди. Ўтган даврда бу ерда жуда катта қурилиш-таъмирлаш ишлари амалга оширилди. Водий вилоятлари кўмаги билан бунёд этилган янги маҳалламизни «Нурли келажак» дея атадик, – дейди маҳалла фуқаролар йиғини раиси Ўктам Кенжаев. – Бу ерда уч ярим минг



Элёр АБДУЛЛАЕВ,
Мирзаобод тумани ҳокими
ўринбосари, Маҳалла ва оилани
қўллаб-қувватлаш бўлими
бошлиғи.

нафардан ортиқ аҳоли, 668 хонадон мавжуд эди. Айни пайтгача 11 та икки қаватли ва 396 та ҳовли-уй тўлиқ таъмирланиб, эгаларига топширилди. Шунингдек, иккита умумтаълим мактаби, битта мактабгача таълим муассасаси тўлиқ таъмирланди. Маҳалланинг янги биноси қад ростлади.

Хотин-қизлар ишли ҳам бўлишди

Кувонарлиси, бу ерда янги, замонавий бинолар қад ростлаши билан бирга, янги иш ўринлари яратишга ҳам алоҳида эътибор қаратилди. Жумладан, «Нурли келажак» маҳалласи ҳудудида «Бек кластер» МЧЖ томонидан 20 гектар майдонда иссиқхоналар қурилди. Ҳар бири 25 сотихдан иборат иссиқхоналарда лимон ва қулупнай етиштирилмоқда. Уларда янги уйларга кўчиб ўтганлардан 200 нафардан ортигининг бандлиги таъминланди.

– Бу ерда цитрус, субтропик ва тропик ўсимликлар илмий-амалий маркази фаолияти ҳам йўлга қўйилган, – дейди «Бек кластер» МЧЖ масъул ходими Тўлқин Норқулов. – Мазкур марказнинг асосий вазифаси иссиқхоналарда ишлаш хоҳишини билдирган фуқароларни соҳага тайёрлашдан иборат. Айни пайтгача мутахассислар 100 дан ортиқ ишчига соҳа сир-асрорларини ўргатди. Яна бир муҳим жиҳат, «Алоқабанк» кредити ҳисобига амалга оширилган ушбу лойиҳа кредит қарзлари узилгач, шу ерда ишлаётган фуқароларнинг ўзларига қолади.

Дарҳақиқат, пандемия шароитига қарамасдан, бугун Сирдарё вилоятида амалга оширилган беқиёс бунёдкорлик ишлари, халқимизнинг яратувчанлик руҳи, бизнинг улуг қудратимизни, нималарга қодир эканимизни яна бир бор намоён этди. Бу мирзаободликларнинг ҳам руҳини чексиз шод этиб, эртанги кунга, халқимиз фаровонлигига қаратилган ислохотларга ишончини мустаҳкамлади.

Кейинги йилларда юртимизда қишлоқ хўжалигини ривожлантиришга алоҳида эътибор қаратилётгани замирида юртдошларимизни ишбилармонликка ўргатиш баробарида озиқ-овқат хавфсизлигини таъминлаш ҳам кўзланган. Хусусан, оилавий тадбиркорликни қўллаб-қувватлаш учун ажратилаётган кредитлар, томорқадан унумли фойдаланиш мақсадида берилаётган субсидиялар фикримиз далилидир.



Шоира РАЖАБОВА,
Ангор тумани ҳокими
ўринбосари, Маҳалла ва оилани
қўллаб-қувватлаш бўлими
бошлиғи.

ТОМОРҚАДАН БАРАКА ТОПГАН маҳаллалар кўп

**«Йил-ўн икки ой
томорқадан ҳосил
олинади»**

Бугун бу борада Ангор туманида ҳам қатор ишлар амалга оширилмоқда. Қувонарлиси, ижобий натижалар қўлга киритилиб, бошқаларга ибрат қилиб кўрсатса арзийдиган маҳаллаларимиз талайгина. Айниқса, «Юқори Таллимарон» маҳалласининг уста деҳқонларининг қўлга киритаётган ютуқлари қувонарлидир.

Таъкидлаш керакки, «Юқори Таллимарон» аҳли азалдан деҳқончилик билан шуғулланиб келган. Одатда деҳқоннинг даромади ҳақида гап кетганда, йилда икки марта ҳосил олишни ўйлаб, ҳисоб-китоб қилишга ўрганиб қолганмиз. Лекин юқори таллимаронликлар меҳнаткашлиги, ер илмини пухта билиши эвазига йилнинг ўн икки ойида ҳам томорқасидан бозорга маҳсулот олиб чиқади. Бундан ташқари, юртимизда кичик тадбиркорликка кенг йўл очилгани боис маҳалла аҳли етиштирган маҳсулотларини хорижлик харидорлар томорқасининг ўзидан олиб кетади.

Маҳаллада исталган турдаги қишлоқ хўжалиги маҳсулотларини топиш мумкин. Жумладан, «Юқори Таллимарон»да йилига минг тонна анор, яна шунча гулқарам ва 2,5 минг тонна тошқарам хорижга экспорт қилинади. Бундан ташқари, бир йил мобайнида ерэнгоқ, картошка, олма, ўрик, помидор, бодринг ва укроп каби жами 10 минг тонна ҳосил хорижга чиқарилади. Яна бир гап: айни пайтда маҳаллада 192 гектар жой аҳоли томорқасига тўғри келади. Шундан 8 гектарида 113 та иссиқхона бор. Томорқанинг 25 гектарига анор экилган. Ҳатто маҳаллада лимон, мандарин ва апельсин етиштириб сотадиган уста боғбонларимиз ҳам бор. Уларнинг топаётган даромади ҳам меҳнатига яраша бўляпти.

Оддий мисол, «Юқори Таллимарон»да 564 та хонадон бўлса, шулар-



МАВЗУГА ОИД МАЪЛУМОТ:

Ангор туманининг «Юқори Таллимарон» маҳалласида яшайдиган юртдошимиз Фахриддин Аллаёров оиласи билан бирга 16 сотих томорқасида деҳқончилик билан шуғулланади. Томорқага қарам, қизил лавлаги ва саримсоқ-пиёз, 4 сотихли иссиқхонага эса лимон, мандарин ва апельсин экилган. Ушбу оила томорқадан бир йилда ўртача 25-30 млн. сўм даромад топади.

дан 400 тасида «Damas» машинаси бор. Бундан ташқари, халқимиз тўй қиляпти, иморат кўтариб, фарзандларининг таълимига сармоя ажратяпти. Бунинг барчаси томорқадан келётган даромад эвазига бўляпти.

«Даромад қанча яхши бўлса, муаммолар шунча камаяди»

Бугун мамлакатимизда одамларнинг дарду ташвиши билан яшаш керак, деган ғоя илгари сурилмоқда. Албатта, бу ҳар битта раҳбарни хушёр торттириши, ҳар бир кунини сарҳисоб қилиши зарур. Жамиятдаги муаммоларни бирдан ҳал этишнинг имкони йўқ. Аммо «Юқори Таллимарон» маҳалласи мисолидан келиб чиқиб, шуни ишонч билан айтаманки, одамларнинг даромади яхши бўлса, маҳалла ўз-ўзидан обод бўлиб, муаммолар камайиб бораверар экан. Бевоқифа туман ҳокимлиги кўмаги ва халқимизнинг

ишбилармонлиги эвазига «Юқори Таллимарон»нинг ўзида 2 та сунъий қопламали спорт майдончаси, 22 та дўкон ва 6 та ошхона халқимизга хизмат қиляпти. Буларнинг барчаси иш ўрни, даромад дегани!

Яна бир жиҳатга эътибор қаратиш зарур. Иссиқхоналарда етиштирилган сабзавот маҳсулотлари аҳолига йилнинг кеч куз, қиш ва эрта баҳор ойларида етказиб берилади. «Юқори Таллимарон» маҳалласида яшовчи тадбиркоримиз Мамашариф Аллаёров банкдан 100 млн. сўм имтиёзли кредит олди. Ажратилган маблағ эвазига иссиқхонада кўчат етиштириш ва экспорт қилиш учун юк автомобиллар тураржойи барпо этиш режалаштирган ва ишлар бошлаб юборилган. Иссиқхонага қарамнинг 7 хил турдаги навидан 165 минг дона кўчат экилиб, етиштириб берилди. Кўчат ўтқазилган мавсумининг ўзида тадбиркор 35-40 киши иш билан таъминлади. Қувонарлиси, бу

ДАРВОҚЕ...

Ангор туманида ёшлар бандлигини таъминлаш мақсадида «Angor-city» кооперативи ташкил этилмоқда. Режага кўра, туман бандликка кўмаклашиш маркази томонидан ажратилган 670 млн. сўм субсидия эвазига бандлиги таъминланмаган 100 нафар ёшга 1 гектар ер майдонига 1 сотихдан иссиқхона қурилади. Бу туманнинг экспорт салоҳиятини янада оширишга хизмат қилиб, ички бозорни йил давомида қишлоқ хўжалиги маҳсулотлари билан таъминлайди.

ишларнинг барчаси битта маҳаллада амалга оширилмоқда. Албатта, туманимизда бундай намунали маҳаллалар оз эмас. Уларнинг барчасидан орттирилган тажрибани бошқаларга нисбатан кўрсаткичлари биров пастроқ бўлган ҳудудлар билан бўлишяпмиз.

Таъкидлаш керакки, маҳалла мамлакатимиз ижтимоий-иқтисодий ҳаётида халқ билан давлат ўртасида ишончли «кўприк» бўлиб хизмат қилишига алоҳида эътибор қаратиляпти. Ана шу саъй-ҳаракатлар эвазига бугун туманимиз янгича қиёфа касб этмоқда. Олис ҳудудларнинг ички йўллари таъмирланиб, ичимлик суви, мактабга-ча таълим билан боғлиқ муаммолар босқичма-босқич бартараф этиляпти. Бу юмушда эса меҳнаткаш, танти халқимизнинг кўмагига суяняпмиз.



Сирдарёда янгиланган жоме масжидининг очилиш маросимида муфтий Усмонхон Алимов иштирок этди.



Ҳаётимизда маҳалла тизими ҳал этиши керак бўлмаган муаммонинг ўзи йўқ. Шунинг учун ҳам бугун юртимизда маҳалла тизимига алоҳида эътибор қаратилиб, қатор имкониятлар тақдим этилмоқда. Бундай имкониятлар соҳадаги ҳар бир ходим олдига катта вазифаларни ҳам қўяди. Шу билан бирга, жойларда маҳаллалар ободлигига ҳам катта эътибор қаратилмоқда. Айниқса, пандемия даврида ҳам бунёдкорлик ишларининг жадал давом этаётгани кишини қувонтиради. Хусусан, кейинги вақтларда Қумқўрғон туманида ҳам улкан бунёдкорлик ишлари амалга оширилмоқда.

БУНЁДКОРЛИКЛАР ХАЛҚ ФАРОВОНЛИГИДАН СЎЗЛАЙДИ

Янги заводлар халққа хизмат қилади

Бугун дунёда кечаётган глобал иқтисодий жараёнлар бозорга хомашё эмас, тайёр маҳсулот олиб чиқиш орқалигина қўзланган натижага эришиш мумкин эканини кўрсатяпти. Шу боис туманимизни саноатлаштиришга алоҳида эътибор қаратиляпти. Хусусан, туманнинг «Азларсой» маҳалласида ташкил этилган кичик саноат зонаси ҳудудидан ун маҳсулотлари ишлаб чиқариш учун «Бизнес капитал» МЧЖга шартнома асосида 0,85 га. ер майдони ажратилди.

Ушбу ҳудудда лойиҳа қиймати 15 млрд. 704 млн. сўм бўлган ун маҳсулотларини ишлаб чиқарадиган завод қурилади. Эътиборлиси, Туркия технологияси асосида бунёд этилаётган завод йилига 54 минг тонна маҳсулот ишлаб чиқариш қувватига эга бўлади. Ушбу лойиҳани амалга оширишга ташаббускорнинг 4 млрд. сўм ўз маблағи ҳамда хорижий кредит линиясидан 1 млн. 64 минг евро маблағ сарфланмоқда. Айни кунларда замонавий ускуналарни ўрнатиш ишлари олиб бориляпти. Ушбу корхона 2021 йил январь ойида ишга тушади. Ҳозирги ҳисоб-китобларга кўра, ун маҳсулотларининг 60 фоизи 816 минг доллар маблағ эвазига Афғонистон, Тожикистон ва Туркменистон мамлакатларига экспорт қилинади. Шу билан бирга, янги иш ўринларининг ҳам яратилиши туман аҳолисининг ижтимоий-иқтисодий муаммоларига маълум даражада ечим ҳам бўлади.

Айтиш керакки, туманда шу каби аҳоли турмуш фаровонлиги учун хизмат қилиш, уларга қулайликлар яратиш мақсадида янги лойиҳалар ҳаётга татбиқ этиляпти. Шулардан бири — эски «Қумқўрғон деҳқон бозори» ўрнида қад ростлаётган, замонавий талабларга мос «Барака савдо» МЧЖ савдо комплекси ва маиший хизмат кўрсатиш мажмуасидир. Умумий ер майдони 1,45 гектарга мўлжалланган «Барака савдо» комплексида 300 дан ортиқ савдо ўринлари яратилади. Марказ иш бошлагач, 400 га яқин янги иш ўринлари яратилади.

Таъкидлаш керакки, савдо марказининг биринчи қаватида озиқ-овқат, қишлоқ хўжалиги



маҳсулотлари савдоси ташкил этилади. Марказнинг иккинчи қавати кийим-кечак, пойабзал ҳамда маиший хизмат техникалари учун ажратилган. Учунчи қаватида болажонлар учун замонавий ўйин-аттракционлар билан жиҳозланган кўнгилочар маскан бўлади, бу ерда кичкинтойлар вақтларини мароқли ўтказишлари мумкин. Шу қаватда тамаддихоналар ҳам ташкил этилиши режалаштирилган. Мазкур мажмуа ёнида 400 та автомобилга мўлжалланган автотурагоҳ қурилиши белгиланган. Бунинг барчаси халқимизга қулайлик яратишга қаратилган.

Маҳалла фаоллари ишини осонлаштириш йўлида

Аҳолини қийнаётган муаммолар ҳақида гап кетганида, аввало, оғир вазиятда яшаётган юртдошларимиз кўз олдимизга келади. Турли сабаблар туфайли иқтисодий қийинчиликлар гирдобидида қолган юртдошларимизга кўмак бериш, оғирини енгил қилиш маҳалла ходимларининг вазифаси ҳисобланади. Туманимизда ҳам бу борада қатор ишлар амалга



ДАРВОҚЕ...

Қумқўрғон тумани «Шерозий» маҳалласида қуёнчиликка ихтисослаштирилган «Тойлоқ баракали қуёнлари» қуёнчилик комплекси ўз фаолиятини бошлади. Мазкур лойиҳа учун 5 гектар ер майдони ажратилган. Туман маҳаллий бозорини арзон гўшт маҳсулотлари билан таъминлаш мақсадида қуёнларнинг сонини 10 000 тага етказиш режалаштирилган.

оширилди.

Жумладан, жорий йилда 13 та кам таъминланган оилага уй қуриб берилди. Ҳозирда «Дўстлик» маҳалласида иккита 5 қаватли, 80 та хонадонга мўлжалланган уйлар қуриляпти. «Геганд сифат қурувчи» МЧЖ томонидан амалга оширилаётган мазкур лойиҳа қиймати 20,4 миллиард сўмни ташкил этади. Ушбу кўп қаватли уй 2 ва 3 хонали бўлиб, аҳолига ипотека кредити асосида берилади. Шунингдек, келгуси йил яна 10 та кўп қаватли уй-жой қурилиши режалаштирилган.

Ҳудудлардаги ишларни тизимли ташкил этиш учун маҳалла фаолларига етарлича имконият яратиб бериш керак. Айтиш керак, Қумқўрғон туманида 61 та маҳалла фуқаролар йиғини мав-



Зулҳумор ХИДИРОВА,
Қумқўрғон тумани ҳокими
ўринбосари, Маҳалла ва оила-
ни қўллаб-қувватлаш бўлими
бошлиғи.

жуд бўлса, шундан 21 та маҳалла ўз биносига эга эмас эди. Туман ҳокимининг ташаббуси билан бундай маҳаллаларга ҳокимликнинг қўшимча маблағлари ҳисобидан бино қуриш ишлари амалга оширилди. Жумладан, шу кунга қадар туманнинг чекка ҳудудларида жойлашган «Ғалаба», «Тайфанг» маҳаллаларининг биноси фойдаланишга топширилган бўлса, бу хайрли ишлар давоми сифатида «Янгиер» ҳамда «Янги қишлоқ» маҳаллалари бинолари ҳам қуриб битказилди.

Мазкур биноларнинг ҳар бири беш хонадан иборат бўлиб, барча хоналар мебель жиҳозлари билан таъминланган. Бу ерда нафақат маҳалла фуқаролар йиғинида фаолият олиб борадиган ходимлар, балки шу ерга келадиган ҳар битта фуқаро учун барча қулайлик яратилган. Яна бир муҳим жиҳати, бинода шу ҳудуддан сайланган депутат учун ҳам алоҳида хона ажратилган.

Маълумот ўрнида айтиш жоизки, туманда бугунги кунга қадар 4 та маҳалла фуқаролар йиғини бинолари янгидан қуриб битказилган бўлса, йил якунига қадар яна иккита маҳалла биноси фойдаланишга топширилиши режалаштирилган. Бундан ташқари, 5 та маҳалла биноларининг қурилиш ишлари давом этапти.

Мухтасар қилиб айтганда, бугун Қумқўрғон тумани янгича қиёфа касб этиб борапти. Ана шу янгиланишларда маҳалла ходимларининг фаол экани, уларнинг ўз ўрни борлиги юртимизда ушбу тизимга қаратилаётган эътиборнинг самарасидир.



Актёр Толиб Мўминов «Қорақалпоғистонда хизмат кўрсатган артист» унвони билан тақдирланди.

ҒУРУРИ БАЛАНД, КҮНГЛИ ОЧИҚ ЭЛНИНГ МАҚСАДЛАРИ ҲАМ УЛКАН

Шеробод тумани бир томони текислик, бошқа ёқдан Кўхитанг тоғига туташиб кетган кенгликда жойлашган. Табиатнинг бу тортиғи шерободликлар табиатида ҳам ўз аксини топган. Уларнинг ғурури ана шу тоғлар каби юксалиб туради, очиқкўнгли эканини эса кенгликларга ўхшатиш мумкин. Ана шундай инсонларга хизмат қилиш, уларнинг оғирини енгил қилишга оз бўлса-да, наф келтира олишдан фахрланасан киши.

Ёшлар тақдири — доим эътиборда

Айниқса, келажак авлодимиз бўлган ёшларнинг эзгу ниятларини ижобат этиш ана шу фахр ҳиссига улкан масъулият ҳам юклайди. Шу маънода бугун ёшларнинг ўқиб-ўрганиши, улар орасида соғлом турмуш тарзини тарғиб этиш ва бунинг учун етарлича имконият яратиб бериш борасида қатор ишлар амалга оширилмоқда. Мисол учун, кун кеча ҳокимлик вакиллари туман марказидан қарийб 15 км. олисдаги «Боғиобод» ҳамда «Бойқишлоқ» маҳаллалари ёшлари билан учрашиб, уларнинг қизиқишлари, муаммо ва тақлифларини ўрганди. Натижада мулоқот давомида 26 та мурожаат қабул қилиниб, ўрганиш талаб қиладиган 11 та мурожаат юзасидан муддат белгиланиб, ижроси назоратга олинди. Бундай учрашувлар шерободлик ёшлар билан тез-тез уюштириб турилиши эса жойлардаги муаммоларнинг ўз вақтида бартараф этилишига хизмат қиляпти.

Айнан туман ёшлари соғлом бўлиб улғайиши, ўзлари истаган спорт тури билан бемалол шуғулланиши учун «Чўйинчи» маҳалласи ҳудудида замонавий спорт комплекси барпо этилмоқда. Мажмуа 5 минг ўринли трибуна, футбол майдони, волейбол ва баскетбол майдонлари ҳамда тренажёр



залларидан иборат бўлади. Ушбу мажмуа туманимиз ижтимоий ҳаётида янги саҳифа очса, «Мажнунтол» маҳалласида қурилатган «Сурхон ёғинвест» ёғ заводи иқтисодий ҳолатимизни янада яхшилашга хизмат қилади. Лойиҳа қиймати қарийб 5 миллиард сўм бўлган корхона қисқа муддатларда фойдаланишга топширилади ва 30 та доимий иш ўрни яратилади.

Халқимиз узоғини яқин қилиш — бурчимиздир

Аҳолини ичимлик суви билан таъминлаш борасида қатор ишлар амалга оширилмоқда. Хусусан, 2020 йилда ичимлик суви тармоқларини тортиш ва сув тарқатиш иншоотларини реконструкция қилиш учун 10 млрд. 505 минг сўм, канализация тармоқларини қуриш бўйича 4 млрд. 750 млн. сўм ажратилди.

Шунингдек, мазкур йўналишдаги юмушлар «Меҳнатобод», «Чинобод», «Новбур», «Ҳакимобод», «Чағатой», «Чумушли» маҳалла фуқаролар йиғинларида Инвестиция дастури асосида амалга оширилади.

Бунёдкорлик ҳақида гап кетганда, туманнинг «Қишлоқбозор» ва «Чуқуркўл» маҳаллаларини боғловчи кўприк ҳақида ҳам тўхталиб ўтиш керак. Ушбу кўприк бундан 21 йил аввал сел тошқини оқибатида вайрон бўлган. Натижада ушбу кўприк ҳар иккала маҳалла аҳолиси, қолаверса, бу ердан ўтиб-қайтувчилар учун жуда катта муаммо туғдираётган эди. Фуқаролар ўн йиллар давомида ушбу муаммонинг ечимини сўраб, тегишли идораларга

мурожаат қилган. Жорий йилда узунлиги 70 метр бўлган ушбу кўприкни қайта қуриш ишлари бошлаб юборилди. Лойиҳа учун эса қарийб 7 млрд. сўм маблағ ажратилди.

«Ҳар бир мурожаат ортида инсон тақдири туради. Худди шу каби ҳар қандай муаммонинг ечими инсонлар тақдирига ижобий таъсир қилади. Бугунги фаолиятимизда ана шу тамойилга таяниб иш тутяпмиз».

Юртдошларимизнинг узоғини яқин қилиш ҳар бир мутасаддининг елкасидаги вазифа ҳисобланади. 5,5 минг нафардан ортиқ аҳоли истиқомат қиладиган «Ойинли» маҳалласи туман марказидан 20 километр узоқликда жойлашгани боис бу ерда яшовчи фуқаролар ўз юмушлари билан ёки давлат хизматларидан фойдаланиш учун марказга бир неча маротаба боришга мажбур бўларди. Эндиликда бу ерда Давлат хизматлари марказининг филиали очилди. У яқин атрофдаги «Хўжақия-2», «Бойқишлоқ», «Боғиобод» каби маҳаллаларда истиқомат қилувчи 30 минг нафардан зиёд аҳолининг ҳам узоғини яқин қилди. Фуқароларнинг ҳам вақтини, ҳам нақдини тежаш имкониятини яратди.



Раъно ХОЛМИРЗАЕВА,
Шеробод тумани ҳокими
ўринбосари, Маҳалла ва оилани
қўллаб-қувватлаш бўлими бош-
лиғи.

Шеробод анори воҳани дунёга танитмоқда

Бугун нафақат юртимизда, балки хориж давлатларида ҳам Шеробод анорлари машҳур. Дарҳақиқат, уста боғбонлар меҳнати эвазига туманнинг ижтимоий-иқтисодий барқарорлиги таъминланяпти. Хусусан, «Шеробод анор импекс» МЧЖ тасарруфидаги 82 гектар ер майдонида анорзор ташкил этилган. Шунингдек, корхонага Кореядан анорни калибрловчи махсус ускуна олиб келинган. Унинг ёрдамида экспортбоп анорларни аниқлаш ва қадоқлаш мумкин. Ушбу ускуна бир суткада 2 минг тонна анорни саралайди.

Шунингдек, «Шеробод агроимпекс» МЧЖ томонидан туманнинг «Ғуржак-1» маҳалласи ҳудудида қиймати 47 млрд. 100 млн. сўм ва 4 млн. доллар бўлган лойиҳа амалга оширилади. Ҳозирда 3 млн. 775 минг доллар кредит ажратилиб, анор соки ишлаб чиқариш, калибровка қилиш ва музлаткич келтирилиб ўрнатилмоқда. Лойиҳани тўла амалга ошириш орқали 60 та янги иш ўрни яратилиши режалаштирилган.

Хулоса қилиб айтганда, туманимизда олиб борилаётган бунёдкорлик ишлари халқимизнинг қалбида эртанги кунга бўлган ишонччи мустақамлашга хизмат қиляпти. Зеро, амалга оширилаётган ишларга қараб ҳар бир киши кўнгилида фараҳбахш туйғулар уйғонади. Келгусида бажарилажак ишларни бажариш учун рағбат уйғонади ва яратувчилик ишларининг барчаси тўла амалга ошса, халқнинг фаровонлиги янада юксалиши ҳақида ёруғ ўйлар сурасиз. Илло, бугун барча ишларимиз, фаолиятимиз ана шу улғувор мақсадни амалга оширишга қаратилган.



Жиззахда 168 ўринли мактаб қурилиши учун тендерсиз шартнома тузилди. Лойиҳага 65 миллиард сўм ажратилган.

Маҳаллалар ободлиги, кўчалар ва хонадонларимизнинг файзи ва саришталигини таъминлаш, аҳолининг эҳтиёжманд қатлами вакилларига ҳар томонлама кўмак кўрсатиш ишларини тизимли ташкил этиш зиммамиздаги муҳим вазифалардан.

Давлатимиз раҳбари томонидан ҳар бир оила, кўча ва маҳаллаларимизда «Обод хонадон – обод кўча – обод маҳалла» тамойилини кенг жорий этиш бўйича аниқ вазифалар белгилаб берилган. Уларни барчамиз, аввало, ўз иш услубимиз учун асосий мезон сифатида билиб, жамоатчиликка етказишимиз лозим. Пировардида мамлакатимизнинг барча ҳудудларида обод гўшалар, кўркам масканлар, маҳаллаларимизда намунавий хонадон ва кўчалар сони ортиб бораверади. Ана шундагина одамларимизнинг ҳаётга бўлган ишончи юксалиб, яшашга, келажакка бўлган интилиши ортади, яратувчанлик кайфияти ҳукмронлик қилади. Обод маскандан эса файз-барака, тўкин-сочинлик ҳеч қачон аримайди.

«Обод кўчалар» сони кўпайди

Айни ақидага амал қилиб туманимиз маҳаллаларини тобора обод ва кўркам масканга айлантиряпмиз. Чиндан ҳам, ўйдим-чукур, тунда зимистон, деворлари уникқан кўп қаватли уйлар, таъмирталаб коммуникация тармоқларини эскирган симчиноқлар нафақат киши таъбини хира қилади, балки аҳолига ҳам талай нукулайлик туғдиради.

Очиғини айтиш керак, аксарият маҳаллаларимизда шу каби муаммолар бор эди. Йил давомида уларни бартараф этиш учун секторлар билан ҳамкорликда ишладик. Натижада маҳаллаларимизда ички кўчалар асфальтланди, кўча чироқлари ўрнатилди, симёғочлар янгиланди, канализация ва газ қувурлари таъмирланди.

Чунончи, «Оқтом» маҳалласидаги Бибихоним, Тараннум, Завкий кўчаларига асфальт ётқизилди. «Бештерак» маҳалласининг Бештерак кўчасига 47 дон тунги ёриткичлар ўрнатилди. «Кўҳинур» маҳалласида эса 3 км. газ қувури янгиланди. «Зарбдор» йиғинининг ички кўчаларига жами 3 км.га яқин ҳудудга шағал тўкилди. Шунингдек, «Баҳор» маҳалласига 17 та бетон симёғочлар ўрнатилди. Бу борадаги ишлар шу билан тўхтаб қолгани йўқ, албатта. Таъмирлаш, янгилаш ишлари давом этапти.

ФАЙЗУ БАРАКА — КЎЧА, ХОНАДОН ВА КЎНГИЛНИНГ ОБОДЛИГИДА



Маҳаллалар янги бинога эга бўлди

Киши қачон зиммасидаги вазифаларни сидқидилдан адо этади, қачонки, қулай меҳнат шароити яратилган бўлса. Шунинг учун фуқаролар йиғинлари моддий-техник базасини мустаҳкамлашга ҳам алоҳида эътибор қаратяпмиз. Чунончи, жорий йилда 3 та: «Сабзавот», «Иқбол», «Оқтом» маҳалла фуқаролар йиғини янги бинога эга бўлди. «Ҳасаной гузар» йиғини эса қайта таъмирланди. 6 та маҳаллага мебель жамланмаси етказиб берилди. Йил якунига қадар туманимиздаги барча маҳаллаларга компьютер жамланмасини етказиб беришни режалаштирганмиз.

Бунёдкорликлар болажонлар қалбига қувонч улашганда...

Туманимиз марказида «Олтин балиқча» номли 12-мактабгача таълим муассасаси «ANGELSY FOOD» чет эл корхонаси ҳомийлигида 3 ярим миллиард сўм маблағ ҳисобига мукаммал таъмирланди. Собиқ туман суди биноси муассаса таркибига қўшилиб, «Миродил Вакт Инвест» масъулияти чекланган жамияти томонидан реконструкция қилинди. Эндиликда 280 ўринга мўлжалланган мактабгача таълим муас-

сасаси 16 та гуруҳдан иборат жами 480 ўринга эга бўлди. «Файзиобод» маҳалласида эса 4-мактабгача таълим муассасаси қурилди. Муассасанинг эски биноси 100 ўринга мўлжалланганди. Боз устига, замон талабларига ҳам жавоб бермасди. Фойдаланишга топширилаётган янги бино 250 нафар болажонни ўз бағрига олди. Боғчада замон талабига мос равишда қўшимча 6 ёшли болаларни мактабга тайёрловчи бепул қисқа муддатли гуруҳлар фаолияти йўлга қўйилади. Бундан ташқари, инглиз тили ва ментал арифметикаси бўйича тўғарақлар, 4 та рус гуруҳини ташкил этиш режалаштирилган.

Янги бинолар янги иш ўринлари деганидир

Алоҳида таъкидлаш жоизки, барпо этилган объектлар бугун янги иш ўринларини ҳам яратишга хизмат қиляпти. Хусусан, мактабгача таълим муассасамизда 14 та янги иш ўрни яратилиши режалаштирилган.

Туман марказидаги бунёдкорлик ишлари Келес йўли кўчаси бўйлаб, туман ҳокимлиги рўпарасида қад кўтарган кўп қаватли уйлар билан янада кўркам кўринишга эга бўлди.

«Қишлоқ қурилиш инвест»нинг буюртмаси асосида қурилган бу кўп қаватли уйлар давлатимиз раҳбарининг мамлакатимиз аҳолисини арзон ва қулай уй-жойлар билан таъминлашга қаратилган ташаббусларининг амалдаги ифодасидир.

Аҳоли саломатлигини таъминлаш ҳамиша эътиборда

Кўп қаватли уйлар ёнида узук-ка қўйилган кўздек Марказий шифохона биноси қад ростлади.



Иброҳим САИДИКРОМОВ,
Тошкент тумани ҳокими
ўринбосари, Маҳалла ва оилани қўллаб-қувватлаш бўлими бошлиғи.

Шифохона 30 ўринли болалар, 25 ўринли хирургия, 30 ўринли терапия, 30 ўринли шошлинч тез тиббий ёрдам, 30 ўринли неврология бўлимлари ҳамда лаборатория, дорихона, ошхона, кир ювиш, маъмурий бинолар, суд-тиббий экспертиза бўлими, «Тез тиббий ёрдам» станцияси ва ёрдамчи биноларини ўз ичига олган. Бу катта қўламли қурилиш 20 млрд. сўмга яқин маблағ эвазига амалга оширилди.

Спортсеварларга муносиб туҳфа

Жорий йил туманимизда «Универсал» спорт мажмуаси қуриб битказилди. Сендвич панелидан қурилган бинода 36х36 ўлчамдаги спорт заллари ҳамда 12х24 сунъий футбол майдони мавжуд. Мужмуада мини футбол, бокс, бадий гимнастика, эркин кураш, турон, каратэ WKF, бадминтон спорт турларидан қўшимча тўғарақлар ташкил этилиши кўзда тутилган. Бу билан туман ёшларининг қарийб 600 нафари мунтазам спорт билан шуғулланиш имконига эга бўлади.

Ёшларни мусиқа ва санъат, рассомчилик, адабиёт ва театр санъатининг бошқа турларига қизиқишларини ошириш, маданият ва санъат соҳасини ривожлантириш учун Маданият саройи ҳам барпо этилди.

Туманимиз марказий кўчаси тобора чирой очиб борапти. Ёшларнинг бўш вақтини мазмунли ўтказиш учун Маданият саройи ёнида 1500 ўринли ёзги «Амфитеатр» ҳам қуриб битказилди. Сайилгоҳ хиёбони ва Хотира майдони эса аҳолининг мароқли ҳордиқ чиқариши учун айни муддао бўлди.

Албатта, бу каби қўламли саъй-ҳаракатлар юртдошларимизни ҳаётдан рози қилишга бугун бахтли яшашлари учун шароит яратишга қаратилгандир.

ХОТИН-ҚИЗЛАР ФАОЛЛИГИНИ ОШИРИШ АСОСИЙ ВАЗИФАЛАРИМИЗДАН

Опа-сингилларимиз бугун нафақат иш фаолияти, балки жамоатчилик юмушларида ҳам илғор ва ташаббускор. Уларнинг фуқаролик жамиятлари институтлари — нодавлат нотижорат ташкилотлари, фуқароларнинг ўзини ўзи бошқариш органларидаги роли ҳамда ҳиссаси ҳам тобора ошмоқда. Бу юртимизда хотин-қизларга яратиб берилаётган имкониятлардан унумли фойдаланилаётганининг амалдаги ифодаси, албатта. Паркент туманида ҳам мана шундай фаол, ташаббускор, ишбилармон аёллар сафи кенгайиб бораётир.

Аёллар фойдали меҳнат билан бандми?

Инсон фойдали меҳнат билан банд бўлса, оиласида жамиятга наф келтиради. Акси бўлса, ҳаётдан норози кайфиятда яшайди. Шунинг учун вазифалар ижроси доирасида аҳоли бандлигини таъминлашга алоҳида эътибор қаратяпмиз.

Хонадонма-хонадон юриб ўтказилган ўрганишларда 584 нафар хотин-қиз ишсиз экани аниқланди. Рўйхатни шакллантириш билангина кифояланмадик. Аввало, нима учун ишламаяпти, ишлаш истаги борми, ишга жойлашишга ҳаракат қилдими, қилмадими каби саволларга суҳбатлар асносида жавоб топяпмиз.

Чунончи, ўрта-маҳсус маълумотлиларнинг мутахассислиги таҳлил қилинганда 100 нафардан зиёди бошланғич ва мактабгача таълим, яна шунчаси тиббиёт, қолганлари ҳайдовчи, тикувчи,



ҳисобчи ва бошқа соҳаларга тўғри келиши ойдинлашди. Бироқ ҳозир туманимизда таълим ва тиббиёт йўналишида кадрларга эҳтиёж йўқлиги сабаб уларга мавжуд бўш иш ўринлари таклиф қилинмоқда.

Ишлаш истагини билдирган ҳар бир хотин-қизларимизни иш билан таъминлашни тизимли йўлга қўйиш мақсадида бўлим ва маҳаллалардан масъуллар бириктирилган. Зиммамиздаги вазифаларни рисоладагидек бажариш мақсадида йиғинларда амалга оширилган ишлар бўйича кунлик маълумотларни жамлаш амалиётини йўлга қўйганмиз. Бу билан маҳалла фаоллари йўл қўяётган камчиликларни аниқлаш, таҳлил этиш ва ўз вақтида уларни бартараф этиш чораларини кўриш имкони яратилмоқда.

«Аёллар дафтари» — илк натижалар қандай?

Давлатимиз раҳбари илгари сураётган ташаббуслар ҳаракати Паркент туманида ҳам бўй кўрсата бошлади. Бунини «Аёллар дафтари» ҳамда «Ёшлар дафтари»ни ташкил этиш бўйича қилинаётган ишлар мисолида ҳам кўриш мумкин. Ҳозиргача тумандаги мавжуд 58 та маҳалла фуқаролар йиғинида мазкур дафтарларни юриштиш бўйича штаблар ҳамда ишчи гуруҳлар тузилди.

Ҳар бир маҳалла фуқаролар йиғинида ёшлар ва аёллар дафтарига киритиладиганлар билан бир-ма-бир мулоқот қилиш, уларнинг эҳтиёжларини аниқлаш,

дарду ташвишини, таклиф ва қизиқишларини ўрганиш мақсадида сўровномалар ўтказилди.

Натижада 30 ёшдан юқори хотин-қизларнинг 91 фоизи турмуш тарзи билан яқиндан танишилди. Хотин-қизларнинг бандлигини таъминлашда уларнинг таклиф ва истаклари инобатга

олинди. Тумандаги 320 нафар касб-хунар ўрганиш истаги бўлган аёллар меҳнат бозорида талаб юқори бўлган соҳалар бўйича ўқитилдиган бўлди.

Қўлида хунари бор одам ҳеч қачон кам бўлмайди. Хунари ортидан рўзгорини бутлайди, жамиятнинг фаол аъзосига айланади. Шу мақсадда хунарамандчилик соҳасида фаолият юритишга хоҳиши бор 67 нафар аёл «Устоз-шогирд» тамойили асосида хунарамандларга бириктирилади.

Шунингдек, «Аёллар дафтари»га киритилган 26 нафар ногиронлиги бўлган хотин-қизга уй шароитида тикувчилик билан шуғулланишга кўмаклашилди. Соғлигини тиклаш, моддий кўмак, уй-жой олиш ва хонадонини таъмирлашга эҳтиёжи бўлган аёлларга ҳам тизимли ёрдамлар кўрсатилляпти.

Хотин-қизлар бир-бирига елкадош

Битта тадбирли амал ўнлаб инсонларнинг ҳаётини ўзгартириши мумкин. Бунини «Истиқбол» маҳалласида иш бошлаган «Дилфуза Дизайн» хусусий тикувчилик корхонаси мисолида ҳам кўриш мумкин. Биргина оқиланинг ўз тадбиркорлигини йўлга қўйиши 47 нафар хотин-қизни ишли қилди.

Эътиборлиси, бундай ташаббуслар ҳудудимизда кенг қулоч ёзаяпти. Оилавий ва хусусий боғчалар ташкил этилгани сўзимизга тасдиқ. 10 та оилавий боғча иш бошлаши ҳисобига яна 20 нафар аёлнинг бандлиги таъминланди. Бу билан фарзанд парвариши билан банд бўлган 162 нафар хонадон сариштасининг ишга чиқишига шароит яратилди. Саъй-ҳаракатларимиз меваси эса туманимизда ишбилармон оқиллар сафи 142 нафарга кенгайганида намоён бўлди. Бундан ташқари, субсидия бериш ҳисобига ҳам хотин-қизларимизнинг бандлигини таъминлашга эришилмоқда.



Зулфия МАХСУДОВА,
Паркент тумани ҳокими ўринбосари, Маҳалла ва оилани қўллаб-қувватлаш бўлими бошлиғи.

Саховат қалбга нур улашганда...

Оғир турмуш шароитида яшаётган аёлларга моддий ва маънавий кўмак бериш ҳудудимизда мунтазамлик касб этган. Жорий йилда уй-жойга муҳтож 5 нафар хотин-қизга туман ҳокимлиги ва ҳомийлар томонидан бепул тураржой тухфа этилди. Уларнинг юзу кўзидаги севинч бу борадаги ишларни янада жонлантиришимизга туртки бўлмоқда.

Ижтимоий ҳимояга муҳтож, ногирон фарзанди бор, ишлаш иштиёқидаги опа-сингилларимизнинг 11 нафарига тикув машиналари берилди. Ўз тадбиркорлигини йўлга қўйишни мақсад қилган хотин-қизларга банкдан имтиёзли кредит олишда кўмаклашилди.

Муҳими, бу каби саъй-ҳаракатларимиз сабаб юртдошларимиз ҳеч ким эътибор, меҳр ва мурувватдан четда қолмаслигига амин бўлишмоқда.

Хотин-қизлар ҳақида сўз кетса, ожиза сифатини кўп қўлаймиз. Чиндан ҳам, у доимо меҳрга, эътиборга муҳтож. Аммо шундай хотин-қизларимиз ҳам борки, улар баъзида билиб-билмай эгри йўлга қадам қўяди, жиноятга қўл уради. Хатосини англаб етганда эса кеч бўлади.

Аёлнинг бу ожизалиги нафақат оиланинг мустаҳкамлигига, балки фарзандлар тарбиясию келажагига ҳам салбий таъсир кўрсатади. Шу боис хотин-қизлар жиноятчилигининг олдини олишга қаратилган чора-тадбирларни кучайтиришга ҳар доимгидан ҳам кўпроқ эътибор қаратяпмиз. Содир этилган жиноятларнинг сабаблари ўрганилиб, жиноят қилишга мойиллиги бўлганларга мураббийлар бириктиряпмиз.



Баҳодир Махситович Махситов Ўзбекистон Спорт фахрийлари Кенгашига янги раҳбар этиб сайланди.

Маҳаллада аҳил-иноқлик, тотувлик ва бирдамлик барқарор бўлса, кўнгилсиз ҳодисалар рўй бермайди. «Обод маҳалла – хавфсиз маҳалла» тамойилининг илгари сурилиши замирида айти шу эзгу мақсад мужассам.



Наргиза НАЗАРОВА,
Ангрен шаҳар ҳокими ўрин-
босари, Маҳалла ва оилани қўл-
лаб-қувватлаш бўлими бошлиғи.

«ОБОД ВА ХАВФСИЗ МАҲАЛЛА» ТАМОЙИЛИ АМАЛДАМИ?

Президентимизнинг «Жамиятдаги ижтимоий-маънавий муҳитни соғломлаштириш, маҳалла институтини янада қўллаб-қувватлаш ҳамда оила ва хотин-қизлар билан ишлаш тизимини янги даражага олиб чиқиш чора-тадбирлари тўғрисида»ги фармони билан татбиқ этилган янги тизим маҳаллаларда соғлом ва барқарор ижтимоий-маънавий муҳит ҳамда тинчлик, тотувлик ва осойишталикни таъминлашнинг ташкилий-ҳуқуқий механизмларини тубдан ислоҳ қилишга қаратилгани билан ҳам аҳамиятлидир. Шу орқали маҳалла институтининг ички ишлар органлари, бошқа давлат идоралари ва жамоат ташкилотлари билан узлуксиз, тизимли ҳамкорлиги йўлга қўйилди.

Фаоллар малакасини ошириб бориш – давр талаби

Биз, аввало, мазкур тизимнинг мазмун-моҳиятини фаолларга етказишга эътибор қаратдик. Айти мақсадда маҳалла раислари, хотин-қизлар, кексалар ва фахрийлар билан ишлаш бўйича маслаҳатчилар учун ўқув-семинари ташкил қилдик. Сўнг маҳаллаларда жиноят содир этишга мойил, профилактик ҳисобда турган, тарбияси оғир вояга етмаганлар, нотинч оилалар фарзандларига ижтимоий фаол кекса авлод вакиллари бириктирилди.

Маҳалла фаоли қачон замонавий фикрласа, юртимизда амалга

ошириладиган ислохотлар мазмун-моҳиятидан хабардор бўлса, уларни аҳолига рисоладагидек етказиб беради. Маҳалла раисларининг ёшлар масалалари бўйича маслаҳатчилари учун ташкил этилган ўқувлардан қутилган натижа ҳам шу.

Ёшлар масаласи кун тартибда

Маҳалладаги ижтимоий муҳит барқарорлиги ҳар бир оилага боғлиқ. Шунинг учун, биринчи навбатда, йиғинлардаги нотинч-ноқобил оила фарзандларига нуронийлар бириктирилди. Ёшларимизнинг пандемия даврида бўш вақтларини мазмунли ташкил этиш мақсадида тарбиявий маслаҳатлар уюштирилди.

«Болаларга беринг дунёни» ҳафталигида 34-мактаб-интернати болаларига совғалар улашилди. «Ёшлар ойлиги» доирасида «Янги ҳаёт» маҳалла фуқаролар йиғинида «Бўш вақтни мазмунли ташкил этамиз, бувижоним ўғитлари» мулоқоти ўтказилди.

Ҳар бир фуқаролар йиғинида икки йўналишда рўйхатлар шакллантирилди. Биринчисида, уюлмаган, ёт ғоялар таъсирига тушган ва адашган, профилактик ҳисобда турган, нотинч-ноқобил оилаларнинг фарзандлари, ажралиш ёқасига келиб қолган ёш оилалар қайд этилди. Иккинчисида, эса уларга ёрдам кўрсатиш истагини билдирган кекса мураббийларнинг рўйхати тузилди. Ҳозирда фахрий мураббийлар

биринчи рўйхатдаги ёшларни васийликка олиб, уларни тўғри йўлга йўналтириш ишларини олиб бормоқда.

«Наврўз-1», «Намуна», «Қорабоғ», «Боғи сурх» ва «Янги боғи сурх» маҳаллаларида «Эгли қиз керакми, ёки сепли қиз керакми?», «Орзу ҳавас неча пуллик?», «Тўйларимиз ҳақида ўйларимиз» мавзуларида ўтказилган очик мулоқотлар эса қиз болалар тарбиясида эътибор қаратиш лозим бўлган жиҳатлар, оила қуриш арафасидаги йигит-қизларни ўткинчи ҳою ҳавасларга берилмасликка чорлаш каби ташаббусларни илгари сурди.

Назорат бўлган жойда тартиб бўлади

Ички ишлар бошқармалари билан ҳамкорликда барча ресторан, кафе ва тўйхоналарда фуқаролар ҳаётига хавф солувчи техникалар, кўرғазмалар, пиротехникадан фойдаланмаслик бўйича тарғиботлар ташкил этилди.

Аҳоли тинчлиги ва осойишталигини бузмаслик, тунги вақтларда шовқин қилмасликни таъминлаш чоралари кўрилди. Чунончи, шаҳардаги «Осиё», «Афсона», «Ангрен Ленд» каби тўйхоналар фаолияти назоратга олинди.

Обод хонадондан – обод маҳаллагача

«Обод хонадон», «Обод кўча» ва «Обод маҳалла» дастури доирасида амалга ошириладиган ишларда ёшларнинг фаоллигини ошириш мақсадида «Обод маҳалла – обод кўча – обод хонадон дастурида Ангрен ёшлари» ҳештеги остидаги акция эса ёш авлоднинг ислохотларга камарбаста бўлишга ундади.

Дастур доирасида Ишчи гуруҳ штаби ташкил этилди ва «Жонажон юртим ободлигига ўз ҳиссамни қўшаман!» шиори остида Ҳаракатлар режаси ҳам ишлаб чиқилди. Унга кўра, 51 та маҳалла фуқаролар йиғинида «Долзарб уч ойлик» ҳештеги остида талай ишлар қилинди. Даставвал ма-

ҳалла фуқаролар йиғинларида таъмирталаб ва тартибга келтиришга муҳтож хонадонлар ўрганилди.

«Обод хонадон» мезони асосида шаҳримиздаги 145 та хонадон ҳомийлар ёрдамида, 4445 таси маҳалла фаолларининг тарғиботи билан хонадон эгалари томонидан таъмирланди. Таъмирлаш ва тартибга келтириш ишлари давомида уйларнинг том, ташқи фасадлари, ички хоналарида бўёқлаш ва оҳақлаш ишлари, шунингдек, ёрдамчи хўжалик бинолари тартибга келтирилиб, яроқсиз ҳолатга келган қисмлари янгиланди.

«Обод кўча» ҳаракати сабаб 43,65 км. йўллар таъмирланиб, 5525 дан зиёд дарахтларга шакл берилди, 5860 га яқин гул кўчатлар экилди, ариқ ва зовурлар тозаланиб, чиқиндиҳоналар тартибга келтирилди.

Шунингдек, «Кимёгар», «Намуна», «Наврўз-1», «Тараққиёт» фуқаролар йиғинидаги асосий кўчаларга тунги чироқлар ўрнатилди ва симёғочлар таъмирланди. «Облик», «Хаккарман», «Янги жигаристон», «Грум», «Янгиобод», «Зарбулоқ», «Оппартак» маҳаллаларида фуқаролар томонидан қурилган 250 га яқин ноқонуний қурилмалар буздирилди ва майший чикиндилар чиқариб ташланди.

Бундан ташқари, маҳаллалардаги қабристон, зиёратгоҳ ва масжидлар ободонлаштирилди. Шаҳар ҳудудидаги ижтимоий объектларда эса ҳашарлар ўтказилди.

Бир сўз билан айтганда, жорий йилда зиммамизга юклатилган вазифалар ижросини таъминлашга бор куч-ғайратимизни сафарбар этдик. Албатта, бу билан тўхтаб қолмаймиз. Йил сарҳисобини кўрсатди, ҳали қилишимиз лозим бўлган ишлар кўпчилиги, йўл қўйилган камчиликларимиз сув юзига қалқиб чиқди. Бундан буёғига уларни бартараф этиш учун фаолиятимизни тизимли ва мақсадли ташкил этишга эътибор қаратамиз.



Қашқадарёдан Тошкентга
отлар карвони йўлга чиқди.

Бу ёруғ оламда инсон ҳаётидек сир-синаотга бой бўлмаган мавжудотнинг ўзи йўқ. Кечаси ухлар экан, ҳар бир киши турфа тушлар гирдобига ғарқ бўлади. Мутахассислар умрнинг учдан бир қисми уйқуга сарф бўлишини, 90 фоиз ҳолатда кўрилган тушни эслаш қийин кечишини, атиги 10 фоиз одам яқин лаҳзаларда кўрган тушини айтиб бера олишини аниқлашган. Гўёки ҳаётимизнинг қандай кечиши кўраётган тушимизга ҳам боғлиқдек тасаввур йўқ эмас. Аммо туш кўриш турмушнинг ҳам, ислом динининг ҳам тўлиқ асоси бўла олмайди.

«КИМ МЕНИ тушида кўрса, ҳақиқатда ўзимни кўрибди»



Тушнинг неча хили бор?

Туш кўриш кўпроқ тасодифга асосланган бўлиб, унга ортиқча баҳо бериш, ҳаддан зиёд ишониш, уни ҳаётнинг асосий мазмун-моҳиятига, тақдирни белгиловчи омилга айлантириш тўғри эмас. Олимлар туш инсон миясида, руҳий оламида кечаётган воқеа-ҳодисаларнинг уйқуда акс этиши эканини айтишди. Ҳақиқатан ҳам, киши нима ҳақида кўп ўйласа, бирор воқелик унинг эътиборини кўпроқ тортса, бу унинг тушига кириши кузатилади.

Муқаддас динимиз исломда туш кўриш ва унинг таъбири билан боғлиқ кўплаб фикр-мулоҳазалар келтирилади. Диний манбаларда туш икки хил — раҳмоний ва шайтоний бўлиши баён қилинган. Раҳмоний туш қалбга қувонч олиб кирувчи, унга хушхабар берувчи бўлса, шайтоний туш шайтон васвасаси таъсирида содир бўлиб, унда ваҳима ва хавотирга соладиган ҳодисалар кўрилади. Аммо бу хилдаги туш ўша одамнинг ёмонлигига далолат қилмайди.

Пайғамбаримиз тушга қандай муносабат билдирган?

Пайғамбарлардан бошқа одамларнинг рост тушлари амал қилиниши шарт бўлган иш эмас, балки яқин кунлар ичидаги бирор яхшиликдан башорат сифатида қаралади, холос. Агар рост тушлар шариятга мос келса, амал қилиш мумкин, зид келса, қатъий амал

қилинмайдиган ишдир.

Абу Ҳурайра розияллоху анҳудан ривоят қилинади: «Расулуллоҳ (с.а.в.) бомдод намозидан кейин: «Бу кеча бирортангиз (яхши) туш кўрдингизми? Мендан кейин фақат рост тушлар қолади», дер эдилар». Яъни мендан кейин ваҳий бўлмайди, фақат рост тушлар

тонгга яқин кўриладиган ёрқин тушлар, шайтондан бўлган, аниқ эсда қолмайдиган, кайфиятни туширадиган алағ-чалағ, алаҳсирашга ўхшаш ва касбига, қизиққан нарсасига тааллуқли тушлар.

Кайфиятни тоғдек кўтарувчи, ҳаётга муҳаббатни кучайтирувчи туш, албатта, яхши. Аммо ваҳимали тушдан ҳам қочиб кутула олмайсиз. Бу лаҳзада қандай йўл тутиш керак? Жобир розияллоху анҳудан ривоят қилинади: «Набий (с.а.в.): «Бирортангиз ёмон туш кўрса, шайтон у билан ўйин қилганини одамларга айтмасин» (Имом Муслим ва Ибн Можа ривояти). Бу ерда ёмон тушдан мурод одамни ғам-қайғуга солишига ишорат сезилади.

Рост туш Аллоҳдан, ёмон туш шайтондан. Кимдир кўрқинчи туш кўрса, чап томонига туфлаб қўйсин ва тушнинг ёмонлигидан (Аллоҳдан) паноҳ сўрасин. Шунда ёмон туш зарар қилмайди. Яъни ёмон туш кўрган киши чап томонга енгилгина туфлаб: «Эй, Роббим! Кўрган тушимнинг ёмонлигидан паноҳ сўрайман», деб қўяди. Баъзи уламолар имкон бўлса ўрнидан туриб, таҳорат олиб, икки ракат нафл намоз ўқигани яна ҳам савоб, дейишган.

Таъбири фақат яхшиликка бўлиши керак

Туши таъбирини сўрамоқчи бўлган киши ўзини ҳурмат қиладиган ёки закий кишига айтиши керак. Агар таъбирчи тушни нимага йўйса, ўша ўнгга кўчади. Уламолар тушни доимо яхшиликка йўйиш кераклигини уқдиришган. Ҳадиси шарифда келтирилишича, бир аёл Пайғамбаримиз(с.а.в.)нинг олдига

уч марта келиб, «Эрим тижорат қилгани кетган, ўзим ҳомиладорман, тушимда уйимнинг устуни синибди, ғилай бир бола туғибман» дейди. Пайғамбаримиз (с.а.в.) ҳар сафар унга: «Эринг сафардан қайтади, солиҳ бир фарзанд туғасан!» дер эдилар. Охирги марта ўша аёл Оиша онамиздан тушининг таъбирини сўраганида, унинг эри вафот этиши, фожир бир бола туғишини айтганларида, Пайғамбаримиз (с.а.в.): «Ҳай-ҳай, эй, Оиша! Ундай дема! Муслмон кишининг тушини таъбир қилсангиз, яхшиликка таъбир қилинг. Чунки туш эгаси қандай таъбир қилса, шундай бўлади» деганлар (Имом Дорамий «ҳасан» санад ила ривоят қилган).

Кўрмаганини кўрдим дейиш шариятга зиддир

Муқаддас ислом динимизда ёлгон гап айтиш қоралангани сингари кўрмаган туши ҳақида ростдай қилиб сўзлаш гуноҳ ҳисобланади. Муҳаммад(с.а.в.)нинг қуйидаги сўзлари ана шунинг исботидир: «Энг катта бўхтон — отаси бўлмаганни отам, деб даъво қилиш, кўрмаган тушини кўрдим, дейиш ва Аллоҳнинг Расули (с.а.в.) айтмаган гапни айтди, дейишдир» (Имом Бухорий ривояти).

Бу мавзуда йўл қўйилмайдиган хатолар шундаки, баъзилар шариятга зид нарсани тушида кўриб, амал қилиб юради. Тушимда худо билан гаплашдим, деб пайғамбарликни даъво қилувчилар ҳам учрайди. Айримлар тонггача туш кўриб, кечгача уни одамларга айтиш, таъбирини излаш ёки сўраш билан кунни кеч қилади. Туш таъбири ёзилган китобларни излайди. Ваҳоланки, бу хилдаги китобларнинг аксарияти асоссиз, тўқима гаплардан иборатдир.

Аслида туш ҳақидаги динимиз кўрсатмаларига амал қилиб, ислом динида буюрилган амалларга риоя қилсак, ҳалол-ҳаром, фарзу вожиб, суннатларни ўрганиб, амал қилсак, бундан зиёда савоб топиламан керак. Инсон туш кўргани учун савоб ҳам, гуноҳ ҳам олмайди, лекин юқорида айтилганидек, ҳар банда зиммасига юкланган бурч ва вазифаларни бажармаса, гуноҳкор бўлади. Зеро, улуғларимизнинг бир гапи бор: «Ўнгингда Аллоҳдан кўрк, тушингдаги нарсадан кўрма!».

Ҳикматуллоҳ ТОШТЕМИРОВ,
Ўзбекистон Муслмонлар
идораси фатво бўлими
мутахассиси.

БИЛИБ ҚЎЙИНГ!

Дарвозага отнинг тақасини осиб қўйиш жоизми?

Агар бирор киши тақа, исирик, кўз-тикан, кўзмунчоққа сиғиниб, «Шулар бизни кўздан ва балолардан асрайди» деса, қалбда шу гапни тасдиқласа, Аллоҳ асрасин, ширк амални қилган бўлади. Чунки у бу гапи билан «Аллоҳ таолодан ташқари яна фалон нарсаларда ҳам асровчилик қуввати бор» деган ақидага риоя қилган бўлади. Ваҳоланки, асраш, паноҳ бериш, қутқариш ёлғиз Аллоҳ таолонинг феълларидандир. Аллоҳнинг феълларида унга қандайдир буюм ва махлуқларни тенглаштириш ширк амал ҳисобланади.

мўминларга яхшиликдан башорат бўлиб қолаверади. Пайғамбаримиз Муҳаммад (с.а.в.)ни кўриш ҳам рост тушлардан ҳисобланади. Ҳаётда шайтон у зотнинг сурати-га кира олмагани каби тушда ҳам суратларига кира олмайди.

Ибн Масъуд розияллоху анҳудан ривоят қилинган ҳадиси шарифда ҳам Набий (с.а.в.): «Ким мени тушида кўрса, ҳақиқатда ўзимни кўрибди. Чунки шайтон менинг суратимга кира олмайди», деганлар (Имом Бухорий, Имом Термизий ривояти).

Ёмон туш ҳеч кимга айтилмайди

Диний талқинга кўра, одамзот уйқусида кўриладиган тушлар мазмунан уч йўналишга ажратилган: Аллоҳ таоло томонидан бўлган, таҳорат билан ётилганда

Форс кўрфази КАТТА УРУШ ЁҚАСИДА...(МИ?)

Эрон мудофаа вазирлиги мамлакат олий бош кўмондони, мамлакат олий диний раҳнамоси Оятуллоҳ Али Ҳаманайнинг ядрочи олим Муҳсин Фаҳризоданинг ўлимига алоқадор кучларни жазолаш мақсадида берган топшириғига кўра, Исроилга ракета зарбалари беришга тайёргарлик кўраётганини маълум қилган. Ҳозирда ўрта ва олис масофага учувчи баллистик ракеталар билан жиҳозланган камида 20 та учирш мосламалари тайёрлаб қўйилган.

Айни пайтда эса Саудия Арабистони Исроил ҳарбий самолётлари учун ўзининг ҳаво кенгликларини очиб берган. Бу исталган вақтда Исроил ҳарбий ҳаво кучларининг Эронга ҳаво зарбаларини беришига йўл очади. АҚШнинг энг илғор ҳарбий ҳаво авиацияси ҳам Яқин Шарққа келтирилмоқда. Бу эса минтақада жуда кескин вазият юзага келаётганининг яққол далилидир.

Ядрочи олимнинг ўлими нималарга сабаб бўлади?

Эрон Ислом Республикаси ядровий технологиясининг «отаси» ҳисобланган Муҳсин Фаҳризоданинг қасддан ўлдирилиши минтақада тарангликни кучайтириб юборди. Ҳатто Эрон парламенти атом саноати соҳасидаги ишларни фаоллаштириш тўғрисидаги қонун лойиҳасини тезлаштиришга қарор қилди. Эрон расмийлари 29 ноябрь куни ядрочи олимнинг ўлимига шундай муносабат билдиришди. Энди Техроннинг ядро қурулларини тарқатмаслик тўғрисидаги халқаро шартнома ва МАГАТЭ билан ҳамкорлик дастуридан чиқиши кутилмоқда. Дональд Трамп маъмурияти эса Эрон ихтиёрида ядровий қурул пайдо бўлишига йўл қўймаслик учун куч қўллашдан ҳам тап тортмаслигини таъкидламоқда.

29 ноябрь куни Мажлис фавқулодда йиғилишга тўғланди. Спикер Муҳаммад-Багир Галибаф Муҳсин Фаҳризода ва қотил-

лардан ўч олишга бағишланган узундан-узоқ нутқ ирод этди. Сўнгра депутатлар кўпчилик овоз билан «Санкцияларни бекор қилиш бўйича стратегик чоралар тўғрисида»ги қонун лойиҳасини тезлаштирилган тартибда кўриб чиқиш учун овоз бердилар. Унинг қабул қилиниши Эроннинг қўшма умумқамровли ҳаракатлар режаси доирасида, яъни ядровий келишув бўйича олган мажбуриятларининг тўлиқ қайта кўриб чиқирилиши англатади. Энди қонун лойиҳаси билан МАГАТЭ инспекторларининг ядро материаллари мавжуд ҳар қандай объектларга кириб боришига имкон берувчи протоколга риоя қилинишидан бош тортиш кўзда тутилган. Шунингдек, ядровий битим доирасида қисман бузилган нафақат Аракдаги ядровий реакторни қайта тиклаш, балки янгиларини қуришга рухсат берилади. Ниҳоят, қонун лойиҳаси Эроннинг фақат IR-1 центрифугасининг биринчи авлодидан фойдаланишига изн берувчи битим қоидаларидан воз кечирилиши англатади.

Қонуннинг инқилобий жиҳати шундаки, мамлакат ҳарбий уран олиш билан бевосита шуғуллана олишига йўл очади. Ҳозир Эрон «ядровий битим» қоидаларини у қадар кўп бузмаяпти. Келишув доирасида уранин узоғи билан 3,67 фоизга бойитишга рухсат берилган. Эрон бу даражани 4 фоизгача кўтариш ниятида. Қонун лойиҳасига биноан, уранин 20 фоизгача бойитиш, ядровий қурул ишлаб чиқариш даражасига олиб бориш имконияти берилади. Дарвоқе, қонун лойиҳаси ҳали кўрилиш босқичида.

Эрон суиқасдда кимни айблаяпти?

Техрондагилар ҳали кимнинг айбдорлиги юзасидан бир тўхтама келганича йўқ. Президент Руҳоний бунда Исроилни айблайди. Эрон расмий ОАВда эса жиноятга АҚШ президенти Дональд Трамп, шунингдек, Саудия Арабистонининг алоқадорлиги мавзуси фаол тилга олинмоқда. Бироқ на Исроил, на АҚШ, на Саудия расмийлари Фаҳризоданинг ўлдирилиши юзасидан бирор-бир изоҳ берганича йўқ. Агар Эрон Фаҳризоданинг ўлдирилиши каби БМТ даражасида муҳокама этилишини истаса, ўзининг Исроил, АҚШ ёки Саудия Арабистони шаънига ёғдираётган айбловларини амалда исботлаши керак бўлади. Ҳозирча далиллар бор ёки йўқлиги



Абдували САЙБНАЗАРОВ,
сиёсий шарҳловчи.

номаълум. Жиноят эса масофадан бошқариладиган қурилмалар ёрдамида амалга оширилган.

Кейинги 10 йилда чет эл жосуслик хизматлари томонидан беш нафар эронлик олимларга суиқасд уюштирилган бўлиб, унинг тўрттаси муваффақиятли чиққан. Жиноятчиға оид аниқ ишоралар йўқ экан, бунга оид реакция қандай бўлишини ҳам айтиш қийин. Маълумки, Сулаймоний Бағдод аэропортида йўқ қилинган, эронликлар Ироқдаги Америка базаларини ўққа тутишганди. Аммо америкалик ҳарбий хизматчилар жабрланмаслиги учун барча иш амалга оширилган. Чунки ракета ҳужумлари тўғрисида улар олдиндан огоҳлантирилган. Бу сафар эса Исроил ёки Саудияга қандайдир зарба берилса, эронликлар буни бевосита амалга оширмайди, балки ўз иттифоқчилари, олайлик, Сурия ва Ямандаги қурулди гурӯҳлар кўмағида бажаради. Ўзгараётган вазият ҳам расмий Техронни куч ишлатишдан тийиб туради.

Дональд Трамп Жозеф Байденга президентлик сайловини бой берди. Байден умумқамровли ҳаракатлар режасининг муаллифларидан бири бўлган президент Барак Обама сиёсатининг давомчиси ҳисобланади. Эрон сайланган янги президентдан санкцияларни юмшатиш ёки олиб ташланиши кутилаётганини яшираётгани йўқ. Трампдан эса нохуш совғалар кутилаётгани аниқ. Янги президент инаугурацияси кутилаётган 20 январгача у давлат раҳбари бўлиб қолади, демакки, Байденнинг Эрон расмийлари билан кутилаётган мулоқотини бартараф этишга вақт етарли. Илгарироқ Эронга зарбалар берилиши ғояси жиддий муҳокама этилганини хабар берган «New York Times» газетаси энди манбаларига таяниб, Оқ уйга Фаҳризоданинг қотили маълум эканини ошкор қилди. Гўёки АҚШ разведкаси Эрон физиги ўлими ортида ҳақиқатда Исроил тургани юзасидан ахборотга эга. Аммо на МРБ, на Трамп бу мақолага муносабат билдирди. Балки изоҳ ҳам бермас.

«Фаҳризода, бу исмни эслаб қолинг»

Техрон остонасида Эроннинг етук ядрочи олимларидан бирининг ўлдирилиши тафсилоти Ислон Республикасида террорчилик ташкилотларига қарши кураши

билан боғлиқ жиддий муаммолар борлигини кўрсатди. Америкалик экспертлар Эрон атом бомбаси отасининг ўлими Техроннинг ташқи таҳдидлардан ҳимояланишга қодир эмаслигининг исботи ўлароқ баҳолашди. Аммо ташқи душманлар таъсирининг самарадорлиги бу мамлакатда ички душманларнинг мавжудлиги билан боғлиқ.

Эрон мудофаа вазирлигининг мудофаа инновацияси ва тадқиқотлари ташкилотини бошқарган Ислон инқилоби кўриқчилари корпуси зобитининг ўлдирилиши учун масъулиятни нуфузли Америка ОАВ Исроил зиммасига юклаётган бўлса, Техрон АҚШ ва Саудия Арабистонини гумон остига олган. Бу мамлакатларнинг барчаси Эрон қаршилиқ кўрсатиш миллий кенгаши (NCRI) ва унинг ҳарбий қаноти «Mujahedin-e Khalq» (MeK)ни қўллаб-қувватлаб келган ва ҳозир ҳам дастаклайди. ОАВнинг тахминига кўра, бу тузилмалар АҚШ кўмағида 2009-2012 йилларда Эрон ичкарасида исён тайёрлашган. Қатор экспертларга кўра, бу ташкилотнинг 2019 йил куз фаслида мамлакатда кўтарилган тўс-тўполонларга алоқаси бор.

«Anna-news.info» ахборот-таҳлилий порталининг қайд этишича, «Фаҳризоданинг исми 2018 йили Исроил Бош вазири Биньямин Нетаньяху томонидан «Эрон папкаси» ҳақида нутқ сўзлаган пайтда тилга олинган: «Фаҳризода, бу исмни эслаб қолинг», – деган эди Нетаньяху. Исроил раҳбарининг сўзларига кўра, олим Эрон ҳарбий ядровий бўлинмаси ёпилганидан кейин Мудофаа вазирлигида «махсус лойиҳалар» устида ишлаган. Маълумотлар Исроил махсус хизматлари томонидан олинган бўлиб, улар бунинг учун Мужоҳиддин халқ агентларини ёллаган бўлиши мумкин.

Ҳодиса юз берган 28 ноябрь куни Эрон олий диний раҳбари Оятуллоҳ Али Ҳаманай олимнинг ўлими учун жавобгарларни қатъий жазолашга чақирди. Аммо теракт ижрочилари тугилмаган бўлса, кимни жазолаш мумкин? Жиноятни содир этишда айбланаётган мамлакатларга қарши ракета ҳужумлари ва аниқ терактлар кўринишида қаршилиқ кўрсатиш Эрон мағлубиятга учраши муқаррар бўлган глобал уруш бошланишини англатади. Шунинг учун Техрон пауза олгани аниқ.

ИЖТИМОЙ ҲИМОЯ

Етим болаларга ойлик тўлов бериладими?

— Ҳукумат қарори билан етим болалар таълим муассасаларида таълим-тарбия оладиган муддатда тўлиқ давлат таъминотида бўлиши ҳақида эшитдим. Шу ҳақда тўлиқроқ маълумот берсангиз...

Саодат АҲМЕДОВА.
Сирдарё вилояти.

Севара ЎРИНБОЕВА,
Адлия вазирлиги матбуот хизмати раҳбари:

— Худди шундай. Ҳукуматнинг «Етим болалар ва ота-онасининг ёки бошқа қонуний вакиллари билан қарамонидан маҳрум бўлган болаларнинг ижтимоий ҳимоясини янада кучайтириш чора-тадбирлари тўғрисида»ги қарорига кўра, бундай тоифадаги болаларнинг шахсий харажатлари учун ҳар ойда базавий ҳисоблаш миқдорининг 2 баравари миқдоридан (446 минг сўм) пул маблағлари тўланади.

Давлат таъминотида бўлган болаларга таълим муассасасини битираётганда, ишга қабул қилинаётганда кийим-бош, пойабзал ва бошқа буюмлар сотиб олиш учун БҲМнинг 100 баравари (22 млн. 300 минг сўм), йўл харажатлари учун БҲМнинг 5 баравари (1 млн. 115 минг сўм) миқдоридан битирув нафақаси берилади.

ТРАНСПОРТ

«Давлат рақамининг ўрнига исмини ёзиб қўйса...»

— Танишим ёшлик қилиб, машина рақамининг ўрнига ўз исмини ёзиб олгани учун йўл-патруль ходимлари томонидан тўхтатилди ва унга нисбатан баённома тузилди. Айтинг-чи, бундай вазиятда қандай жавобгарлик бор?

Нурилло ТУРСУНОВ.
Қашқадарё вилояти.

Ортиқ ҲАМИДОВ,
Қашқадарё вилояти Қарши шаҳар 4-сон ИИБ тергов бўлини маслиҳатчи:

— Йўл ҳаракати қоидаларига кўра, давлат рўйхатлаш рақам белгилари кўринмай қолган, қалбакилаштирилган, ўзгартирилган бўлса, транспорт воситаларидан фойдаланиш тақиқланади.

Маъмурий жавобгарлик тўғрисидаги кодексга кўра, давлат рақам белгиларини кўриш имкониятини чеклайдиган, уларни англашга тўсқинлик қиладиган турли ашёлар ўрнатиш ва қоплама суртиш — ана шу қуролмаларни мусодара қилиб, фуқароларга — 223 минг сўмдан 669 минг сўмгача, мансабдор шахсларга эса — 669 минг сўмдан 1 млн. 115 минг сўмгача миқдорда жарима солишга сабаб бўлади.

«Mahalla» газетаси таҳририяти жамоаси Қашқадарё вилояти бўйича ўз муҳбири **Шоҳиста Бозорова**га онаси

Қурбоний аянинг
вафоти муносабати билан ҳамдарлик билдиради.

ИМТИЁЗ

Нафақа олишда кимларга устунлик берилади?

— Ногирон фарзандим бор, унга нафақа тайинлашда имтиёз борми? Умуман, нафақа олишда кимларга устунлик берилади?

Наргиза СОЛИЕВА.
Сурхондарё вилояти.



Ўғилой ЎРОЗОВА,
Маҳалла ва оилани қўллаб-қувватлаш вазирлиги бошқарма бошлиғи:

— Қонунчиликка кўра, 14 ёшгача болалари бўлган оилаларга нафақа, 2 ёшга тўлгунга қадар бола парвариши бўйича нафақа, кам таъминланган оилаларга моддий ёрдам олишда айрим тоифаларга устунлик ҳуқуқи берилади. Жумладан, ота-онасининг икки-сини ҳам йўқотган, болалар тарбияси билан эса қариндошлар шуғулланаётган оилалар, ота-оналардан бири ёки ҳар иккиси ҳам ногирон бўлган оилалар, 14 ёшгача бўлган икки ва ундан ортиқ болаларни тарбиялаётган, бошқа қариндошлардан алоҳида яшаётган бева аёллар (бева эрлар) шундай ҳуқуқдан фойдаланиши мумкин.

Шунингдек, ногирон боласи бўлган оилалар, болани тўлиқ бўлмаган оилада тарбиялаётган оналар (оталар), ота-оналардан бири ёки ҳар иккиси ишсиз бўлган ва иш изловчи сифатида бандликка кўмаклашиш марказларида ҳисобда турган оилалар, ёлғиз пенсионерлар шундай устун ҳуқуққа эгадирлар.

ҲУҚУҚ

Қачон судланганлик ҳолати тугалланади?

— Ҳусусий ташкилотга ишга кирмоқчи эдим, бироқ судланганлигим сабабли ишга қабул қилишмади. Ваҳоланки, озодликка чиққанамга 3 йил бўлди. Айтингчи, судланганлик ҳолати жазо ўталгач, қанча муддатдан кейин олиб ташланади?

Наримон ИСЛОМОВ.
Тошкент вилояти.



Жаҳонгир АЛИЕВ,
Ўрта Чирчиқ тумани адлия бўлими бошлиғи:

— Шахснинг судланганлик ҳолати шартли ҳукм қилинганларга нисбатан — синов муддати тугаган кундан бошлаб, мажбурий жамоат ишлари, хизмат бўйича чеклаш ёки интизомий қисмга жўнатиш тарзидаги жазоларини ўтаб чиққан тугалланади. Бундан ташқари, жарима жазоси ижро этилган кундан кейин, шунингдек, муайян ҳуқуқдан маҳрум қилиш ёки ахлоқ тузатиш ишлари жазолари ўталганидан кейин — 1 йил ўтгач, озодликни чеклаш жазоси ўталганидан кейин — 2 йил ўтгач, 10 йилдан кўп бўлмаган, шунингдек, 15 йилдан кўп бўлмаган муддатга озодликдан маҳрум қилиш жазоси ўталганидан кейин — мос равишда 7 ва 10 йил ўтгач судланганлик ҳолати олиб ташланади.

Меҳнат кодексига кўра, муқаддам судланган шахсларни ишга қабул қилмаслик (бундан қонун ҳужжатларида назарда тутилган ҳоллар мустасно) ёхуд шахсларни уларнинг яқин қариндошлари судланганлиги муносабати билан ишга қабул қилмаслик мумкин эмас.

ТАЪЛИМ

Нега фақат бир вилоят талабалари амалиётга жўнатилди?

— Тиббиёт институтида ўқийдиган қашқадарёлик талабалар амалиёт ўташ учун ўз вилоятига жўнатиляпти. Лекин бошқа ҳудуд талабалари ўқишни давом эттиришяпти. Негача фақат бир вилоят талабалари амалиётга юборилляпти?

Содиқ ТУРСУНОВ.
Қашқадарё вилояти.



Ўктам ИСМОИЛОВ,
Соғлиқни сақлаш вазирлиги Фан ва таълим бошқармаси бошлиғи:

— Давлатимиз раҳбарининг 2020 йил 12 ноябрдаги ПФ-6110-сонли фармонида мувофиқ, 20 кун давом этиши мўлжалланган бу амалиёт Қашқадарё вилояти мисолида бошланди ва босқичма-босқич ҳамма ҳудудларда давом эттирилади. Қашқадарёда бошланишига сабаб, Президентимизнинг вилоятга ташрифи давомида аҳолини рўйхатдан ўтказиш, антропометрик кўрсаткичларини аниқлаш ва саломатлигини текшириш топшириғи берилган. Бу жараёнга барча соҳа ходимлари сингари ўша ҳудуддан бўлган юқори курс талабалари, клиник ординаторлар ва магистрлар ҳам жалб қилинмоқда.

Бунда талабаларнинг йўлқиралари тўлаб берилади. Аммо уларнинг вақтинча фаолияти учун ҳақ тўлаш кўзда тутилмаган. Барча қатнашиши шарт бўлса-да, касалликка чалинганлар, ҳомиладорлар ва бошқа қатор сабабларга кўра талаба амалиётга жалб қилинмаслиги мумкин. Бу борада таълим муассасалари раҳбарияти ўрганиб чиқади ва ҳулоса чиқаради.